

8111P
h-68

Ռ.Ա. ԻՇԽԱՆՅԱՆ

ԵՐԵ
ԳՐԱԿԱՆ
ՀԱՅԵՐԵՆԸ

XVII - XVIII դդ.

ԵՐԵՎԱՆ

ՀԱՅՈՑ ԵՐԵՔ ԳՐԱԿԱՆ ԼԵԶՈՒՆԵՐԸ

Հայտնի են հայոց երեք գրական լեզուներ, դրանք հետև-
լներն են.

Առաջին կամ հին գրական հայերեն (գրաբար), որ
սպարեզ է եկել 5-րդ դարի սկզբներին և հայությանն ընդ-
ունուր առմամբ հասկանալի է եղել մինչև 11—12-րդ դա-
րը, այսինքն՝ շուրջ 700 տարի, և ապա շարունակել է գոռ-
սածվել մինչև մեր ժամանակները՝ հասկանալի լինելով մի-
նչ նեղ շրջանի մարդկանց:

Երկրորդ կամ միջին գրական հայերեն (միջին հա-
յեն), որ սկիզբ է առել 12-րդ դարում և գործածվել մինչև
9-րդ դարի վերջը կամ 17-ի սկիզբը, այսինքն՝ շուրջ 500
տարի:

Երրորդ կամ նոր գրական հայերեն, որ իրու հաղորդակ-
ության միջոց սկսել է գործածվել 17-րդ դարի կեսերից ու
արունակում է գործածվել այժմ, այսինքն՝ ավելի քան
100 տարի:

Չորրորդ գրական հայերենի որևէ հուշարձան չկա ասպա-
տեզում: Տեղեկություններ են պահպանվել նախքան 5-րդ
տարը գոյություն ունեցած հայերեն դրի մասին: Կարծիքներ
քան, որ գոյություն է ունեցել նախամշտոցյան հայալեզու
լրականություն, ուստի և գրական լեզու: Սակայն այդ գրից
գրականությունից որևէ վավերական նմուշ առայժմ գրտ-
արված չէ, ուստի և ներկայումս անհիմաստ է գիտական խոսք
բացել մի հնագույն հայ գրական լեզվի մասին, որով հայոց
գրական լեզուների քանակը կարող էր շորս դառնալ¹:

Ամեն պարագայի, 5-րդ դարից մինչև այսօր ստուգապես
հայոց միայն երեք գրական լեզուներ են գոյություն ունեցնել,
ուստի և այդ ժամանակամիջոցում (1574 տարվա ընթաց-

¹ Ըստ եղած տեղեկությունների և փաստերի, այսուամենայնիվ, հիմ-
քեր շկան բացառելու, որ նախամշտոցյան հայոց գիր ու գրականություն է
եղել:

քում) ստեղծված գրական հայերենի ամեն մի նմուշ վերո-
հիշյալ երեք գրական լեզուներից մեկին է վերաբերում կամ
նրանցից որևէ մեկի տարրերակն է:

Իսկ այդպիսի տարրերակներ երեք գրական լեզուներից
յուրաքանչյուրը բավական շատ է ունեցել: Նրանցից ամեն
մեկի գործածությունը հարյուրամյակների ընթացքում, ինչ-
պես նաև ավելի ուշ շրջանում բաղարական, տարածքային և
այլ հանգամանքների աղղեցությունը այդպիսի տարրերակ-
ների գոյության պատճառ են դարձել:

Երեք գրական լեզուներն էլ գոյացել են խոսակցական
հայերենի հիմքի վրա, և այդ գրական երեք լեզուներից յու-
րաքանչյուրը կառուցվածքով ընդհանուր է տվյալ ժամանա-
կաշրջանի խոսակցական հայերենի հետ:

Պահպանված փաստերը վկայում են, որ նոր ժամանակ-
ներում՝ առնվազն 17-րդ դարից մինչև 20-ի առաջին տաս-
նամյակները, երրորդ գրական հայերենի հիմք հանդիսացող
խոսակցական լեզուն գերազանցապես արտահայտված է ե-
ղել մի քանի տասնյակ հայոց բարբառներով, ինչպես և մա-
սամբ ժողովրդախոսակցական միջբարբառային հայերենով:
Առաջին ու երկրորդ գրական հայերենների հուշարձաններում
պահպանված որոշ լեզվատարրեր, նաև այդ գրական լեզու-
ների, նրանց տարրերակների բնույթը, զարգացման առանձ-
նահատկությունները, ինչպես և հին ու միջնադարյան մատե-
նագիրների վկայությունները և վերջապես նոր շրջանի բար-
բառների բնույթն ու տեղաբաշխումը ենթադրել են տալիս,
որ 5-րդ դարում ու նրանից էլ շատ առաջ խոսակցական հա-
յերենը նույնպես հիմնականում արտահայտված է եղել բար-
բառներով. այն է՝ հայ խոսակցական լեզվի տարրերակներով:
Հենց այդ տարրերակների (բարբառների) ամրությությունն է
մի քանի կամ մի շաբթ հազարամյակներ եղել այն, ինչ ան-
վանում ենք խոսակցական նայերեն:

Հայերենը, երբ իրեն առանձին լեզու անդատվել է Հրեղ-
եկրոպական մայր լեզվից, եղել է զուտ խոսակցական, խո-
սակցական հայերենը, որ ըստ երեսույթին նախագիս եղել է
մայր լեզվի տարրերակներից (բարբառներից) մեկը, իրեն
ինքնուրույն հայոց լեզու սկիզբ է առել այն ժամանակներից,
երբ սկսել է գործածվել ու դիտակցվել որպիս հայերի հա-

զորդակցման միջոց, առանձին լեզու: Եվ ապա՝ հետագա-
դարերի ընթացքում լեզվի զարգացման համընդհանուր օրեն-
քով ինքն է տրոհվել, և առաջացել են հայոց բարբառները:

Ուրեմն և խոսակցական հայերենը ասպարեզ է եկել հրնդ-
եվրոպական նախալեզվի տրոհման ժամանակաշրջանում,
որը, ըստ նոր կարծիքների, տեղի է ունեցել շուրջ պատմական
հազար տարի մեզնից առաջ, այլոց կարծիքով՝ շատ ավելի
վաղ շրջանում²:

Այդպիսով, խոսակցական հայերենը (տարրերակների ամ-
բողջականությամբ) ոչ միայն վերջին 1574 տարվա ընթաց-
քում եղել է երեք գրական լեզուների հիմքն ու սկզբնաղբյու-
րը, այլև հայոց լեզվի միակ արտահայտությունը նախքան
առաջին գրական հայերենի երեան գալրի Ռւստի և խոսակ-
ցական հայերենն իր տարրերակներով (հիմնականում բար-
բառներով) հազարամյակներ շարունակ եղել է առաջնային
կամ բուն հայերեն, ապա նաև հիմք-հայերեն, իսկ երեք գը-
րական լեզուները, իրենց հաճախ շատ բարձր մշակվածու-
թյամբ հանդիրձ, խոսակցական հայերենի ծնունդ են, այսին-
քըն՝ նետուրդային³:

Թե լեզվական ինչ բնույթ ու որակ են ունեցել խոսակ-
ցական հայերենը և նրա տարրերակները հին ու հնագույն
ժամանակաշրջաններում, ստույգ ոշինչ ասել հնարավոր չէ,
քանի որ չի պահպանվել որեւէ վավերական հուշարձան, չկա
այդ հազարամյակների խոսակցական հայերենի գրանցված
որեւէ նմուշ: Արվում են միայն ենթադրություններ՝ հին գրա-
կան հայերենի փաստերից բխեցված:

Միջին դարերի խոսակցական հայերենի որևէ նմուշ նույն-
պես չի պահպանվել. միջին գրական հայերենի որոշ հուշար-
ձաններ շատ մոտավոր պատկերացում են տալիս այդ ժա-
մանակաշրջանի հայոց խոսակցական լեզվի, նրա տարրե-
րակների բնույթի մասին:

² Տե՛ս, օրինակ, Վ. Գեորգինի հոդվածը՝ «Вопросы языкоизнания», 1975, № 5, էջ 9:

³ Մենք այս պարզ ճշմարտությունն ընդգծում ենք նաև այն պատճառով, որ որոշ լեզվաբաններ, նաև գրուներ, ոչ գիտական պնդումներ են անում այն մասին, թե իրը հայ բարբառները հւատամեաց խավերի գուհիկ լեզուներ են և այլն:

Խոսակցական հայերենի՝ հիմնական բարբառների, շատ թե քիչ վավերական ամենավաղ նմուշները պահպանված են 17-րդ դարից ու 18-ի սկզբներից, իսկ գիտական ստույգ սղագրությունները՝ 19-րդ դարի երկրորդ կեսից:

Երեք գրական լեզուների և նոր շրջանի (17—20-րդ դարեր) բարբառների ուսումնասիրությունը հանգեցնում է այն եղբակացության, որ հնագույն ժամանակներում խոսակցական հայերենի տարբերակները՝ բարբառները, թույլ են արտահայտված եղել: Հայ բարբառների տարբերությունները (դարձյալ լեզվի զարգացման օրենքի ուժով) գնալով մեծացել են, մինչև որ որոշ դեպքերում հասել են փոխադարձ անհասկանալիության աստիճանի:

Բարբառների տարբերությունների խորացման հետ ասպարեզ է եկել միջբարբառային խոսակցական (կամ ժողովրդախոսակցական) հայերենը, որով միմյանց հետ հաղորդակցվել են տարբեր բարբառների ներկայացուցիչ հայերը: Կարելի է ենթադրել, որ 5-րդ դարում, դրանից էլ փոքրինչ առաջ, արդեն եղել է այդպիսի միջբարբառային խոսակցական հայերեն: Բայց անհայտ է նաև, թե ինչպիսին է եղել այդ հայերենը հնում, միջնադարում և նույնիսկ 17—19-րդ դարերում, քանի որ նրա որևէ վավերական նմուշ, որևէ դարից այտնալիք վավերական վավերական նմուշ, որևէ դարից չհայտնալիք չհայության զարգացման աստահայտություններից:

Ավելին, անհայտ է, թե ինչպիսին է այսօրվա միջբարբառային խոսակցական ընդհանուր հայերենը, քանի որ ոչ ոք այն չի ուսումնասիրել:

Մենք ունենք այժմյան ժողովրդախոսակցական հայերենի մի շաբաթ սղագրություններ, որոնց քննությունը ցույց է տալիս, որ իրեն լեզվական միավոր, մի ամբողջական, համահայկական խոսակցական լեզու գոյություն չունի: Կան տարբերակներ, օրինակ, երեանի, լենինականի, թեյրութի, Կիրովականի, Մարտունու, Այնձարի և այլն: Եվ երբ, ասենք, Այնձարի (Լիբանան) հայը այսօր խոսում է, օրինակ, օձնեցի (Թումանյանի շրջան) հայի հետ, նրանցից յուրաքանչյուրը ձգտում է հասկանալի լինել մյուսին, լեզվական ողիջումներու անել, սակայն բոլոր դեպքերում, նույնիսկ լիակատար հասկանալիության դեպքում, այդ երկուսի միջև անգամ չի գույնում մի ընդհանուր խոսակցական հայերեն՝ իրեն լեզվա-

կան ամբողջական միավոր. խոսակիցներից յուրաքանչյուրին լեզվում պահպանվում են բարբառային և մանավանդ նոր գրական հայերենի երկու տարբերակներից մեկի կամ մյուսի առանձնահատկությունները: Օձնեցու լեզվում իշխում է լուսութափածքն ու գրական արեելահայերենը, այնձարցու լեզվում՝ գրական արևմտահայերենը, նաև խոսակցական արևմտահայերենը, մասամբ էլ Սվեղիայի բարբառը:

Ուրիմն, այսօր ժողովրդախոսակցական հայերեն ասելով պետք է հասկանանք հայերենի միջբարբառային բոլոր տարբերակների ամբողջությունը:

Սա, ըստ երեսույթին, նշանակում է, որ նախկինում, գլխավորապես մեզ հետաքրքրող ժամանակում՝ 17—18-րդ դարերում էլ լի եղել մեկ ընդհանուր միջբարբառային ժողովրդախոսակցական հայերեն, գոյություն են ունեցել տարբերակներ, որոնցից յուրաքանչյուրը սակայն, կարծում ենք, հասկանալի է եղել հայության զրեթե բոլոր հատվածներին, տարբեր բարբառների ներկայացուցիչ հայերին:

Մինչև 20-րդ դարը հայոց լեզվի զարգացումը մեծ մասմբ արտահայտվել է իրեն խոսակցական հայերենին՝ նրա բոլոր տարբերակների զարգացում: Գրական լեզուների մեջ կատարված լեզվական զարգացումը կամ փոփոխությունները դգալի շափով, հաճախ էլ գերազանցապես խոսակցական հայերենի զարգացման արտահայտությունն են եղել կամ նրա ազդեցության արդյունքը:

Խոսակցական հայերենն է, որ հազարամյակներ շարունակ ժողովրդի բերանում փոփոխվել, տարբերակվել, զարգացել կամ փոխաշրջվել է: Եվ հենց խոսակցականի այդ զարգացման արդյունքն է հայոց երեք գրական լեզուների գոյության փաստը. խոսակցական հայերենը ժողովրդի բերանում փոփոխվել, փոխաշրջվել է, իսկ գրական լեզուներից յուրաքանչյուրը՝ զրբերի մեջ արձանագրված, կանոնի բերված, աշխատավոր միեննույն արագությամբ փոխաշրջվել՝ ոհասնելով խոսակցականի հետեւից:

Լեզվի փոփոխաշրջում, զարգացում նշանակում է նրա քերականական կառուցվածքի, հնչյունաբանության, բառային ձևաշարքի ու իմաստաբանության փոփոխություն: Գրական լեզուն բնորոշվում է իր ավանդույթի և կանոնի կայու-

նությամբ⁴: Որևէ գրական լեզու իմացողների և գործածողների լեզվագգացողությամբ գրականը, նիշտը այն է, ինչ համապատասխանում է գրավոր խոսքի մեջ գրական լեզվի կայունացած կանոնին ու ավանդույթին, նրանցից շեղումը համարվում է ոչ գրական, ոչ ճիշտ:

Միաժամանակ, գրական լեզվի այդ ավանդույթի և կանոնի հիմքը խոսակցական լեզվի՝ բարբառների ամրողության, այն ժամանակաշրջանի կառուցվածքն է, բառաձեռի համակարգն ու իմաստաբանությունը, որի ընթացքում երեան է եկել ավյալ գրական լեզուն: Խոսակցական լեզվի անրնդիատփոխաշրջմամբ պարբերաբար խախտվում է նրա և՛ կառուցվածքը, և՛ բառաձեռի համակարգը, և՛ իմաստաբանությունը. մի բանի հարյուրամյակի ընթացքում կարող է դոյանալ խոսակցականի նոր որակ՝ կառուցվածքով, բառաձեռի համակարգով և այլն: Խոսակցականի այդ նոր որակը գրական լեզվին բաշահմուտ անձանց կողմից ընկալվում է իրեն աղավագում, լեզվի օրենքների խախտում, ուամկուրեն, ինչպես ասում էին մեր գրագետ նախնիները: Գրական լեզուն գործածողների մեջ ձգտում է առաջանում պահպանել նրա, ինչպես ընդունված է ասել, անաղարտությունը, այսինքն՝ նախնական կառուցվածքը, բառաձեռի համակարգը, իմաստաբանությունը և այլն:

Որոշ դեպքերում արվում են ակամա, երբեմն էլ ծրագրված զիջումներ խոսակցականի նկատմամբ, և որոշ «աղավաղյալ» տարրեր մուծվում են գրական լեզվի մեջ: Սակայն դրանք չեն փոխում գրական լեզվի ավանդական դարձած կառուցվածքը, կանոնը:

Փոխաշրջված խոսակցականը, նրա տարբերակները գործածող ժողովուրդը սկսում է շասկանալ գրական լեզուն, որը այդ նույն ժողովրդի գարեր առաջ խոսած լեզվի հարազատ ժնունդն էր: Գրական լեզուն իմացող մտավորական խավը, որքան էլ նախանձախնդիր լինի այդ գրական լեզվի ավան-

⁴ Առաջարարակ գրական լեզու նշանակում է իրրեն գրավոր խոսք գործածված և ըստ այդ խոսքի պահանջների մշակված ու կանոնի նեթարկված լեզվական որակ: Բարբառը կամ ընդհանուր խոսակցականը, որոշ ժամանակ դորժածվելով իրը գրավոր հազորդակցման միջոց, կարող են նոր հատկանիշներ ձեռք բերել ու դառնալ գրական լեզու:

դույթն ու կանոնը «անաղարտ» պահելու գործում, անհրաժեշտություն է զգում հաղորդակցվելու գրական լեզուն շիմացող ժողովրդի հետ. պետք է կրթել, քարոզել, հրահանգներ և հրամաններ տալ ժողովրդին նրան հասկանալի լեզվով՝ Ապա, ինքը՝ ժողովուրդը, հատկապես բարբառախոս գյուղաշխարհից հեռացող նրա հատվածները (առետրականներ, վարձու աշխատողներ և այլն) պահանջ են զգում ազգային գրավոր, ընդհանուրին հասկանալի լեզվի:

Այդպես ստեղծվում է նախադրյալ՝ մի նոր գրական լեզվի գոյացման: Եվ այդ նոր գրական լեզուն ստեղծվում է տրվյալ ժամանակի խոսակցական լեզվի կառուցվածքի, բառաձեռի համակարգի, իմաստաբանության հիման վրա՝ առավել կամ պակաս չափով իր մեջ առնելով նախորդ գրական լեզվի այլնս խոսակցականին խորթ, արդեն գրքային լեզվատարրերը:

5-րդ դարում խոսակցական հայերենի հիման վրա գոյացած, կառուցվածքով նրան համապատասխանող գրական լեզուն, որ, բնականաբար, հասկանալի էր այդ ժամանակի հայությանը, վեց-յոթ հարյուր տարի հետո դարձավ անհասկանալի այդ նույն հայության սերունդներին: Ժողովրդի խոսած հայերենը այդ հարյուրամյակների ընթացքում բավական փոխաշրջվել էր, և եթե 12-րդ դարում հարություն առներ մի հայ զյուղացի ու նույն զյուղում ծնված իր ծոռան ծոռի հետ փորձեր խոսել իր իմացած հայերենով, ապա նրա այդ ծոռան ծոռը ապուպապի հայերենը չէր հասկանա կամ դժվարությամբ կհասկանար:

12-րդ դարում ապրող այդ ծոռան ծոռը և նրա հարյուր հաղարավոր սերնդակիցներ չէին հասկանում 5-րդ դարի գրական լեզուն, որ հասկանալի էր իրենց ապուպապերին:

Պատճառն այն էր, որ առաջին գրական լեզուն որակով, կառուցվածքով հիմնականում մնացել էր 5-րդ դարի մակարդակում, իսկ նույն 5-րդ դարի խոսակցական հայերենը փոխաշրջվելով՝ այլ կառուցվածք ու որակ էր ստացել:

Ավելին. առաջին գրական հայերենը կրոնական ու եկեղեցական գրքերի մեջ, եկեղեցու արարողություններում սրբագործվել էր, կտրվել զարգացող խոսակցականից, նաև զուտ գրքային, սենյակային որոշ մշակումների էր նեթարկ-

վելու ու այդ պատճառով 12-րդ դարի հայ շինականի կամ առևտուավորի, առևտրականի համար ավելի անհասկանալի էր դարձել, քան 5-րդ դարի նրանց ապուպապերի խոսած լեզուն կարող էր լինել:

Երբ Կիլիկյան հայոց թագավորությունը ձևավորվեց, պահանջ զգացվեց այնպիսի գրական լեզվի, որ հասկանալի լիներ հայտակներին. պետք էր հրովարտակներ արձակել դատաստանագրեր գրել ժողովրդին հասկանալի լեզվով: Միաժամանակ, ժողովրդին պետք էին հասկանալի երգեր, ոտանավորներ և գեղարվեստական արձակ: Այդպիս, Կիլիկիայի միջբարբառային խոսակցական հայերենի հիման վրա ասպարեզ եկավ երկրորդ գրական հայերենը, որը որոշ տարբերություններով սկսեց զորածածկել նաև Հայաստանի այլ մասերում:

Սակայն խոսակցական հայերենի փոխաշրջումը կանգ շառավ, շարունակեց առաջ ընթանալ, և 17-րդ դարում, երբ Հայ վաճառականությունը հասավ աննախադեպ ծաղկման, երբ Հայ զյուղաշխարհի տարրեր դավաների հայերի միջև զանազան պատճառներով (գլխավորապես արտագաղթերի և վտարանդիության) շփումը նույնպիս աննախադեպ շափերի հասավ, պահանջ առաջացավ մի նոր՝ արդեն երրորդ գրական լեզվի: Քանի որ առաջին գրական լեզուն, որ հոգեորականության նեղ շրջանում շարունակում էր դործածվել գրավոր խոսքի մեջ, ժողովրդին նույնքան, դեռ շատ ավելի անհասկանալի էր (քան 12-րդ դարում), իսկ Երկրորդ (միջին) գրական հայերենն էլ, որ վերոհիշյալ պատճառներով նույնպիս բավական «հետ էր մնացել» խոսակցական հայերենի, մանավանդ Հայաստանի արևելյան մասի խոսակցականի փոխաշրջումից, խորթ էր, իսկ հաճախ՝ վատ հասկանալի կամ անհասկանալի ժողովրդին, հատկապես նրա տարաբարբառ այն հատվածներին, որոնք շփման մեջ էին միմյանց հետ և մի ընդհանուր, լիովին հասկանալի գրավոր լեզվի պահանջ ունեին:

Այդպիս, 17-րդ դարում սկսեցին գրվել և տպագրվել երկեր, որոնք ոչ առաջին, ոչ էլ երկրորդ հայերենի լեզվական որակն ունեին, այլ սկզբնական նմուշներն էին այն գրական լեզվի որակի, որը գործածվում է Հայության կողմից այժմ:


Այդպիս է դոյցել նոր գրական հայերենը:

Անշուշտ, 17 կամ 18-րդ դարերում գործածված հայոց նոր գրական լեզուն լիովին չի նույնանում այդ լեզվի 20-րդ դարում գործածվող նմուշների հետ, տարրերություններ կան, բայց դրանք որակային-կառուցվածքային կամ իմաստաբանական լեն: Դրանք մոտավորապես այն բնույթի տարրերություններ են, որպիսիք կարելի է դիտել առաջին գրական հայերենի (գրաբարի) 5-րդ և, ասենք, 9-րդ դարերի նմուշների միջև կամ երկրորդ գրական լեզվի 12-րդ ու 16-րդ դարերի մի շարք նմուշների միջև:

Նոր գրական հայերենի ասպարեզ գալուց հետո անցել է ավելի քան 300 տարի, որի ընթացքում այդ լեզուն դարձացում է ապրել, փոփոխվել և այն էլ շատ ավելի արագ, քան հայոց առաջին ու երկրորդ գրական լեզուները: Պատճառը պարզ է. այդ 300 տարվա ընթացքում, մանավանդ վերջին հարյուրամյակում, կյանքն էլ ավելի արագ է փոփոխվել, քան առաջին ու երկրորդ գրական լեզուների կենդանի գործածության 700 կամ 500 տարիների ժամանակաընթացքում:

Այն բոլոր տեսակետները, որոնց համաձայն միջին կամ նոր գրական հայերենները գրաբարի աղավաղումն են, որնէ պատմական հիմք չունեն: Լիովին անհիմն են նաև այն կարծիքները, որոնց համաձայն հին գրական հայերենը (գրաբարը) եղել է անհասկանալի ժողովրդին, «վերին» դասակարգի՝ «ֆեոդալների» լեզու և այլն, քանի որ, կրկնում ենք, հայոց երեք գրական լեզուները պարզապես տարրեր ժամանակներում աճել ու ձևավորվել են անընդհատ փոխաշրջվող խոսակցական հայերենի՝ այդ ժամանակների միմյանցից տարրեր որակ ունեցող հիմքերի վրա: Եվ յուրաքանչյուր գրական լեզվի կենդանության ժամանակամիջոցում նրանցից ամեն մեկի գլխավոր դերը եղել է ժողովրդի հետ հաղորդակցվելը, ժողովրդին հասկանալի լինելը: Դեր, որը գրական երեք լեզուներն էլ կատարել են:

Երբեմն շփոթություն է առաջացնում նաև այն իրողությունը, որ հին գրական հայերենը գործածվում է 5-րդ դարի սկզբներից մինչև այսօր, այսինքն՝ հայոց երեք գրական լեզուների միմյանց փոխարինման ամբողջ ընթացքում: Պարզապես հայոց հին գրական լեզվով (որ 5-րդ դարում նոր



էր) թարգմանվեցին քրիստոնեության զլխավոր գրքերը, գըրվեցին մի շարք դասական երկեր, այդ լեզուն սրբագործվեց ու, իրեւ ամրացած ավանդույթ, ժողովրդին անհասկանալի դառնալուց հետո էլ շարունակեց գործածվել միջին ու նոր գրական հայերեններին զուգահեռ և այժմ էլ սահմանափակ գործածություն ունի:

Այս իրողությունները շհասկանալով՝ որոշ մտավորականներ կարծում են, թե հին գրական հայերենը կառող էր դառնալ նոր ու նորագույն ժամանակներում գործածվող համագգային գրական լեզու, եթե 1840—70 թվականներին չլիներ գրապայքար, և այդ պայքարում շհաղթեին նոր գրական հայերենի (աշխարհաբարի) կողմնակիցները (որոնք անվանվում են նաև առաջադիմականներ):

Այս պատկերացումն ունեցողները նաև ազետ են համարում հին գրական հայերենի հաստատումը նոր ժամանակներում՝ որպես ընդհանուր հայոց գրական լեզու թեև դրանում աղետալի ոչինչ չկա, և եթե այսօր հայոց գրական լեզուն լիներ գրաբար կոչվածը, ու բոլոր հայերը հասկանային այն, խստեին նույն որակի հայերենով, վատ չեր լինի: Բայց դա պարզապես հակապատմական է, և, եթե գրաբարն այսօր ընդհանուր գործածական գրական լեզու չէ, պատճառը ընալ էլ գրապայքարում «աշխարհաբարյանների տարած հաղթանակը» չէ:

Իրողությունն այն է, որ գրապայքարը սկսվեց այն ժամանակ, երբ նոր գրական հայերեն՝ իրեւ գրքերի, մամուլի, թատրոնի, գեղարվեստական, գիտական, կրոնական գրականության լեզու, վաղուց՝ շուրջ 150—200 տարի արդեն գործածվում էր: Պարզապես հայ մտավորականության մի մասը (անկախ հասարակական-քաղաքական համոզումներից) այս հարցում իրատես չէր, ձգտում ուներ հին գրական հայերենը, իրեւ ավելի մշակված և միասնական լեզու, դարձնել նոր ժամանակների ընդհանուր գրական հայերեն, իսկ մտավորականության մյուս մասը (դարձյալ անկախ հասարակական-քաղաքական համոզումներից) ավելի իրատես լինելով, այն կարծիքին էր, որ հին գրական լեզուն անհասկանալի է ժողովրդին և միայն ու միայն այդ պատճառով չի կարող ժառանի իրեւ համագգային հաղորդակցության միջոց: Սա էր

գրապայքարը, որ սոսկ կարծիքների բախում էր: Իսկ նոր գրական հայերենը իր երկու ճյուղով, իրրե հայոց գրական լեզու, իշխող ու համատարած դարձավ, և հին գրական հայերենի գործածության շրջանակն էլ լիովին փոքրացավ ոչ բնավ գրապայքարի պատճառով ու ոչ էլ այդ գրապայքար կոչվող վեճին մասնակից կողմերից մեկի տեսական հաղթանակի շնորհիվ (բանավիճային այդպիսի հաղթանակ իրականում չի էլ եղել), այլ ուղղակի պատմական գարգացման անողոք ուժով իշխող դարձավ ժողովրդին հասկանալի լեզուն, ինչպես եղել է հին զիր ու գրականություն ունեցող մյուս ազգերի մեջ⁵:

Վերջապես, լիովին անհիմք են նաև այն պատկերացումները, որոնց համաձայն նոր գրական հայերենը հիմնադրվել կամ ստեղծվել է այս կամ այն անձի կողմից: Անհատները շեն ստեղծում լեզու, նաև՝ գրական լեզու, իսկ այն հեղինակները (Խ. Արովյան, Ս. Նազարյան, Մ. Նալբանդյան, Թաֆֆի, Ռ. Պատկանյան), որոնցից մեկին կամ մյուսին հայ տարբեր բանասերներ հողակել են իրեն նոր գրական հայերենի հիմնադիր կամ հորինող, սկսել են գործել այն ժամանակ (19-րդ դարի 30—50-ական թթ.), երբ արդեն հայոց նոր գրական լեզվով բազմաթիվ գրքեր հողվածներ, պարբերականներ էին հրատարակվել⁶,

«ԱՇԽԱՐՀԱԲԱՐ» ԱՆՎԱՆՈՒՄԸ

Աշխարհաբար բառը, նախապես աշխարհաբառ ձևով, սկսել է գործածվել 15-րդ դարից՝ աշխարհիկ, ընդհանուրին հասկանալի, խոսակցական կամ խոսակցականին մոտ գրավոր լեզվի նշանակությամբ: Ամիրդովլաթ Ամասիացին (15-րդ դար) աշխարհաբար գործածել է այդ իմաստով: Զի բացառվում, որ ավելի վաղ գործածություններ էլ լինեն:

Այդպես աշխարհաբառ կամ աշխարհաբար կոչվել են և

⁵ Գրապայքարի մասին մանրամասն տե՛ս «Սովետական գրականություն», 1975, № 12, էջ 124—129.

⁶ Մանրամասն տե՛ս «Սովետական գրականություն», 1974, № 9, էջ 155—159.

այժմ էլ շատերի կողմից շարունակում են կոչվել հայոց լեզվի այն բոլոր արտահայտությունները, տարբերակները, որոնք առաջին գրական լեզուն չեն, այսինքն գրաբար չեն: Վերջինս, այն ժամանակաշրջանից, երբ այլևս անհասկանալի էր ընդհանուր հայությանը, սկսեց կոչվել գրաբառ, ապա՝ գրաբար, որ նշանակում էր զրի, նաև նեղ եկեղեցական լեզու՝ մատշելի շատ քշերին, անհասկանալի ժողովրդին: Այդպես գոյացան աշխարհաբար և գրաբար ըմբռնումները՝ իրեն հասկանալի, աշխարհիկ լեզվի և անհասկանալի, նեղ եկեղեցական ու գրոց լեզվի հակադրություն:

Հայ տարբեր հեղինակներ աշխարհաբար անվանել են միջին գրական հայերենը, հայ բարբառները, միջրարրառային ժողովրդախոսակցական հայերենը, նոր գրական հայերենը, սրանց տարբերակները, այսինքն՝ այն, ինչ գրաբար չէ:

17—20-րդ դարերում փորձեր արվեցին նաև աշխարհաբար անունը տալ միայն նոր գրական հայերենին (Հովհաննես Հոլով, Մխիթար Մերաստացի, Խ. Արովյան, Գ. Այվազովսկի, Ս. Նազարյան, Գ. Պատկանյան, Մ. Նալբանդյան, Ռ. Պատկանյան, Ս. Մանդինյան, Մ. Զերազ և ուրիշներ), սակայն այդ փորձերը եղան շատ անհետնողական, և նույն հեղինակը երբեմն աշխարհաբար անվանել է թե՛ նոր գրական լեզուն, թե՛ միջին գրական հայերենը:

Հայ ամենախոշոր լեզվաբանները՝ Ա. Այտրնյանը, Մ. Աբեղյանը, Հ. Աճառյանը, փորձեցին աշխարհաբար անվանումը տալ միայն նոր գրական լեզվին, սակայն միննույն է, այդ իմաստով աշխարհաբար բառը շկայունացավ, և այսօր էլ գրավոր թե բանավոր խոսքում այն հաճախ գործածում են առհասարակ հասկանալի, կհնդանի հայերենի իմաստով: Սա լուրջ շփոթությունների պատճառ է դառնում, և վերացվում է գիտական սահմանագիծը՝ մի կողմից միջին ու նոր գրական հայերենների, մյուս կողմից՝ հայոց նոր գրական լեզվի և բարբառների ու ժողովրդախոսակցականի միջև, քանի որ աշխարհաբար բառի հիշյալ իմաստով միջին հայերենն էլ աշխարհաբար է եղել 12—16-րդ դարերում: Այս կերպ բովանդակությունը կորցնում է նաև գրաբար-աշխարհաբար հակադրությունն ու տարբերակումը, քանի որ եթե աշխարհաբար նշանակում է ընդհանուրին հասկանալի, ապա այն,

ինչ այսօր կոչվում է գրաբար, 5—11-րդ դարերում եղել է ընդհանուրին հասկանալի, ուստի՝ աշխարհաբարու:

Սովորական խոսակցություններում աշխարհաբար բառն, անշուշտ, կարելի է գործածել նաև այդ տարածված իմաստով: Սակայն գիտական գրականության մեջ, թվում է, որ պետք է հնարավորին շափ խուսափել այդ բառի գործածությունից, իսկ օգտագործելու դեպքում անպայման նշել, թե իմաստային ինչ սահմանով է գործածվում:

Մենք այդ կերպ էլ վարվել ենք. նոր գրական հայերենն անվանել ենք հենց այդ անունով, նաև երբուրդ գրական հայերեն կամ հայոց նոր գրական լեզու: Աշխարհաբար բառը շանացել ենք գործածել ավելի սակավ, ըստ անհրաժեշտության և միայն նույն նոր գրական հայերենի, նաև նրա առավել ժողովրդաբարբառային երանգ ունեցող, ինչպես և նոր շրջանի միջբարբառային խոսակցական հայերենի զգալիորեն գրականացված տարրերակների համար (իսկ միջբարբառային խոսակցականին, ինչպես և բարբառներին, միջին հայերենին, նրա տարրերակներին աշխարհաբար անունը երբեք չենք տալիս):

ՆՈՐ ԳՐԱԿԱՆ ՀԱՅԵՐԵՆԻ ԱՍՊԱՐԵԶ ԳԱԼՔ

Հին, միջին և նոր գրական հայերենների սահմանաբաժանային շրջաններում ստեղծված հայերեն բնագրերն ուսումնասիրելիս՝ երբեմն լուրջ դժվարություն է առաջանաւ գրաբար բնագրերը միջին հայերեն բնագրերից և միջին հայերենը նոր գրական հայերենից զանազանելու գործում:

Իրոք, երբեմն շատ դժվար է, եթե շասենք անհնար, մի կողմից հին ու միջին, մյուս կողմից միջին ու նոր գրական լեզուների միջև ստույգ սահմանագիծ դնել: Ու թվում է, թե ինչ-որ շափով միջին գրական լեզուն հնի, իսկ նորը միջինի շարունակությունն են⁷:

Բացի սրանից, լեզվաբանները բերում են հին գրական հայերենով 5—11-րդ դարերում գրված երկերի լեզվից առան-

⁷ Հմմտ. Հ. Անայան, Հայոց լեզվի պատմություն, մաս 2, Ե., 1951, էջ 440.

ձին տարրեր, որոնք միջին հայերենի կամ նույնիսկ նոր գրական լեզվի կառուցվածքային բաղադրիչներ են:

Բերում են նաև 14—16-րդ դարերի գրավոր հուշարձաններից առանձին ոչ մեծ հատվածներ՝ որակով մոտ նոր գրական հայերենին⁸:

Բայց ահա 17-րդ դարում (և միայն այդ դարից սկսած) ունենք ոչ թե առանձին փոքր հատվածներ, այլ մի շարք ամբողջական երկեր, նաև տպագրված գրքեր, որոնց լեզուն ակնհայտորեն ոչ թե միջին, այլ նոր գրական հայերենն է:

Այս է պատճառը, որ ներկայում շատ լեզվագետներ հայոց նոր գրական լեզվի առաջին դամարում են XVII-ը⁹:

Նոր գրական հայերենի ձևագործման մասին մի ամբողջ շարք կարծիքներ են հայտնվել: Նրանցից մեկն այն է, որ նոր գրական լեզուն հնի աղավաղումն է: Վերն արդեն խոսվեց դրա անհիմն լինելու վերաբերյալ:

Մյուս կարծիքներից են հետեւյալ երկուսը. 1) նոր գրական լեզուն հայոց բարբառների և հին դրական հայերենի համադրումից է գոյացել¹⁰, 2) նոր գրական հայերենը ժամանակի միջբարբառային խոսակցական հայոց լեզվից է գոյացել¹¹:

Նոր գրական հայերենի վաղ հուշարձանների մեր երկարամյա ուսումնասիրությունը ցույց է տալիս, որ նրա ձևավորումը փոքր-ինչ ավելի բարդ երևույթ է եղել, քան սովորաբար ներկայացվել է:

Նոր գրական հայերենի կառուցվածքային հիմքը, լեզվամտածղական որակը, ինչպես ասել ենք, եղել է ժամանակի խոսակցական հայերենինը: Դա կառուցվածքային որակն է 17-րդ դարի հայոց խոսակցական լեզվի՝ նրա ամբողջության մեջ (բարբառներ և այլն): Ինչպես ուսումնասիրությունն է

⁸ Նույն տեղում, էջ 441—445:

⁹Տե՛ս, օրինակ, Գ. Անակ, ժամանակակից հայերենի համառոտ պատմություն, Ե., 1948, էջ 37—39, Գ. Զահովկյան, Հայոց լեզվի զարգացումը և կառուցվածքը, Ե., 1969, էջ 49. Է. Տումանյան, Օчерки исторического развития падежных форм новоармянского языка. М., 1962, էջ 3—5:

¹⁰ Գ. Անակ, ժամանակակից հայերենի համառոտ պատմություն, էջ 143—146:

¹¹ Է. Աղայան, Հայ լեզվաբառության պատմություն, Հ. 2, Ե., 1962, էջ 344—345:

ցույց տալիս, այդ հիմքի ավելի որոշակի մասերն են կազմել մի քանի բարբառներ և մասնավանդ խոսակցական միջբարբառային այն հայերենը, որ տարածված է եղել համապես հայ առևտրական, մասամբ էլ արհեստավորական և հոգնորական խավերի մեջ:

Նոր գրական լեզուն առաջ է եկել և՛ բարբառի¹², և՛ միջբարբառային խոսակցականի մեջ հին ու միջին գրական հայերենի լրացուցիչ լեզվատարրեր մուծելու շնորհիվ:

Մի շարք փաստեր, ինչպես, օրինակ, 17-րդ դարի նորշուզայական դուսանների որոշ խաղերի լեզուն, ցույց են տալիս, որ բարբառի մեջ հին ու միջին գրական հայերեն լեզուների որոշ տարրերի մուծումով գոյացել է նոր գրական հայերենին շատ մոտ լեզվական մակարդակ:

Ավելի շատ փաստեր ցույց են տալիս, որ 17-րդ դարում տարածված միջբարբառային խոսակցական հայերենն արդեն իր մեջ ունեցել է հին ու միջին գրական հայերեններին, նրանց գրավոր խոսքին հատուկ որոշ տարրեր, որոնցով այն եղել է միջբարբառային: Եվ ահա այդ խոսակցականը, օգտագործելով իրեն գրավոր խոսք, հայոց գրական նախորդ լեզուների գարավոր ավանդույթի մղումով իր մեջ առել է հին ու միջին գրական հայերենների ավելի շատ հավելյալ տարրեր և այդպես գրականացել:

Ամեն դեպքում, առավել կարենոր և անառարկելի է մնում մի հանգամանք. նոր գրական հայերենի ասպարեզ գալու գործում նշանակալի դեր է կատարել հայոց խոսակցականում այն ժամանակ շեղած գրաբարյան բառաձերի, բառերի, նրանց ուղղագրության, նաև մի շարք քերականական ձեերի

¹² Կարենոր ենք համարում նշել, որ բոլոր բարբառները չեն, որ 17-րդ դարում մասնակցել են կամ հավասար շափով են մասնակցել նոր գրական հայերենի ձեռագրմանը: Առայժմ մեզ առույթ հայտնի է այդպիսի մեկ բարբառ՝ Ն. Զուղայինը, փաստեր կան նաև արարատյան, Կ. Պոլսի, Կարինի, գուցե Ագուլիսի բարբառների մասնակցության վերաբերյալ: 18-րդ դարից վճռական է դառնում մի կողմից Կ. Պոլսի, մյուս կողմից՝ արարատյան և ապա նաև Թփդիսի բարբառների դերը նոր գրական հայերենի մշտակման ու կանոնագրման, նաև երկփեղկման գործում:

Սրա հետո միասին շպետը է մոռանալ, որ լեզվական որակով, կառուցվածքով 17—18-րդ դարերի բոլոր հայ բարբառները համապատասխանում էին նոր գրական լեզվին և հեռացած էին հնից:

գործածությունը՝ գրի առնվող կամ իրրե գրավոր խոսք օգտագործվել սկսող խոսակցական հայերենի մեջ:

17-րդ դարում ընդունված ուղղագրությամբ (գրաբարյան) սոսկ գրի առնել որևէ բարբառ կամ միջբարբառային խոսակցական, արդեն նշանակում էր ինչ-որ շափով գրականացնել այն: Օրինակ, տարբեր հայերի կողմից հոնի, ֆոնի, խոնի արտասանվող բառը խոսակցական լեզուն գրի առնող գրագետ մարդը գրում էր հոնի, և դրանով արդեն գրական լեզվի տարր գոյացնում: Նույն կերպ և մարդ կամ մորը արտասանվող բառը մարդ ձևով գրված՝ գրական լեզվի տարր է մուծում խոսակցականի մեջ:

Շատ զգալի է խոսակցական և բարբառային բառաձեների փոխարեն հին գրական հայերենի բառաձեների գործածությունը 17-րդ դարում՝ ընդհանուրին հասկանալի լեզվով շարադրող գրագետ անձանց կողմից: Օրինակ, հար, ներ, խեր, խոսակցական (նաև բարբառային) ձեերի կամ նրանցից մեկի փոխարեն, հայ գրավոր խոսքի ավանդույթին հմուտ այդ անձը պետք է որ գրեր հայր. կամ նուր, ֆիր, նոր ձեերի փոխարեն գրեր նոյր, ապա՝ աղրար, ախալեր ձեերի փոխարեն՝ եղբայր և այլն: Ու սովորաբար այդպես էլ եղել է:

Հին գրական հայերենի բառաձեների շարքերը (օրինակ, հայր, մայր, այր, եղբայր, այս, այդ, այլ, այծ կամ արին, ձին, իտ, հարիւր և այլն) կամ նրանց հիմնական մասը, 17-րդ դարում ոչ մի բարբառի հատուկ լիինելով, ընդհանուր հայկական էին, և այդ բառաձեներից մի քանիսը հնարավոր է, որ նախապես գործածական են եղել արդեն միջբարբառային խոսակցականում, որը հետո նույնարժեք ավելի շատ բառաձեներով համարվել է, երբ արդեն գործածվել է իրեն գրավոր խոսք:

Հայերեն միջբարբառային խոսակցականը իրեն գրավոր հաղորդակցման միջոց գործածելով՝ գրագետ անձինք նրա մեջ պետք է մուծեին նաև գրաբարյան բառեր, գլխավորապես այնպիսիք, որոնց համարժեքները կամ խոսակցականում շկային, կամ արտահայտված էին գրավոր խոսքին խիստ անսովոր օտար բառերով և կամ պարզապես անհաջող էին թըգում: Այդ կերպ գրավոր գործածվող խոսակցականի մեջ էին մտնում գրաբարաբնույթ այնպիսի բառեր, ինչպես, ասենք,

համայն, միքէ, զղալ, շարագրծութիւն, գլխիկոր, թերահաւատութիւն, սասանել, նախահայր, սուսեր, որոզայր, ախոյն, այլազգի, տրտմութիւն և այլն: Իսկ եթե սրանց որոշ մասը խոսակցականում երբեմն գործածվում էր, ապա գրրվող «խոսակցականում» ամրակայվում էր:

Գրավոր (Հին և միջին հայերեն) խոսքի ավանդույթով գրվող նոր խոսակցականի մեջ էին թափանցում նաև այլևս գրբային դարձած քերականական շատ ձևեր՝ քննամիք, բանայիք, մանկունք, ձիատեք, դստեր, կայսեր, ուղոյն, թերանոյ, իւրեանց, սուսերօք, շարշարանաց, եկեղեցոյն, արրուցանելոյ, արարեմ, իշանեն, նուազեցաւ, սասանեցան, կու անկանին և այլն:

Հայ գրավոր խոսքի ավանդույթով գրական, կիրթ ընկալվող վերոհիշյալ բնույթի տարրերը զգալի գրական գումավորում էին տարիս միջբարբառային խոսակցականին կամ բարբառին, ապա նրանց մի մասը, նոր լեզվում ամրակայվելով, նրա մեջ սկսում էր ընկալվել որպես ավանդական և դառնում էր նոր գրական հայերենի կանոնի ու զգացողության բաղկացուցիչ մաս:

Պետք է նշենք, որ զիխավորապես Հին գրական հայերենը նոր գրական լեզվին ներգործուն կերպով ուղեկցեց նաև 18, 19, 20-րդ դարերում: Հին գրական հայերենի բառային ու քերականական շատ ձևեր, բառեր ու արտահայտություններ, որոնք հաճախ խորթացած էին կամ ներհակ կենդանի, խոսակցական հայերենի բառային ու քերականական ձևերի համակարգին, ոչ միայն ամրակայվեցին նոր գրական հայերենում իրրեն նրա ավանդական ու անքակտելի բաղադրիչներ, այլև գրաբարյան լեզվատարրերի բուն թափանցումը նոր գրական լեզվի մեջ, որ տեղի էր ունենում վերջինիս գործածման ամենավաղ շրջանում՝ 17-րդ դարում, նույնպես դարձավ ավանդական հատկանիշ նոր գրական հայերենի, նրա հետագա զարգացման համար:

Եթե առաջին գրական լեզվի տարրերը երրորդ գրական հայերենում մի կողմից լեզվական համահայկականություն էին առաջացնում, որ շատ կարևոր է համազգային (կենտրոնաձիգ) գրական լեզվի համար, մյուս կողմից էլ հեռացնում

էին նոր գրական հայերենը կենդանի խոսակցականից, արհեստականություն մուծում նրա մեջ:

Միաժամանակ, գրաբարի ավելի քիչ տարրեր իր մեջ առած նոր գրական լեզվի տարրերակները, ավելի մոտ էին մրնում խոսակցական կենդանի հայերենին, անշուշտ, նրա այս կամ այն տեղային տարրերակին կամ բարբառին ու հենց դրանով մեծ մասամբ հեռանում համահայկական միասնական լեզվի մակարդակից (դառնում կենտրոնախույս):

* * *

Նոր գրական հայերենի ամենավաղ շրջանի հուշարձանները մի քանի լեզվական տարրերակներով են ներկայացված:

Նախ, 17-րդ դարում ունենք նոր գրական լեզվի գրավոր խոսքում և բանավոր բանաստեղծության մեջ մշակված տարրերակներ: Այդ վերջինը, որ առնշված է նորգուսանական արվեստի զարգացման հետ, մենք անվանում ենք գուսանական աշխարհաբար. այն գուցե լիակատար իմաստով նոր գրական հայերեն չէ, բայց շատ մոտ է նրան: Ինչ վերաբերում է նոր լեզվի գուտ գրային տարրերակին, ապա այն նույնպես իր հերթին ունի ենթատարբերակներ, որոնց զանազանող մի շարք առանձնահատկություններից, թերևս, գրլիավորը յուրաքանչյուրի մեջ հին ու միջին գրական հայերեններին հատուկ տարրերի առկայության տոկոսն է:

Գուսանական աշխարհաբարը, վերն ասված պատճառով, ավելի տեղային լեզվական երանգ է ունեցել (նորջուղայական), իսկ գրավոր մշակվող նոր գրական հայերենը 17-րդ դարում լեզվական իմաստով միասնական էր՝ առանց արևելահայ և արևմտահայ բաժանումի ու ենթարաժանումների:

ՆՈՐ ՇՐՋԱՆԻ ՀԱՅ ԲԱՐԲԱՌՈՒՆԵՐԸ

Ինչպես ասվեց, խոսակցական հայերենի, նրա հիմնական արտահայտությունը հանդիսացող հայ բարբառների շատ թե քիչ վստահելի գրանցումներ (այն էլ հատուկենու) ունենք 17—18-րդ դարերից, այսինքն՝ այն նույն շրջանից, որի ըն-

Թագրում ստեղծվել են նոր գրական հայերենի վաղ նմուշները:

Կարող ենք 17-րդ դարը համարել ոչ միայն երրորդ գրական հայերենի, այլ նաև նոր շրջանի հայ բարբառների առաջին դարը Սակայն, եթե նոր գրական լեզվի համար դա բավական ստույգ բնորոշում է, ապա նոր շրջանի բարբառների համար այդ սահմանագծումը պայմանական է, քանի որ հայ բարբառների փոխաշրջումը դարերի ընթացքում կատարվել է դանդաղ և, հավանաբար, առանց որակային թոփշների. կառուցվածքային մի որակից մյուսը կատարված անցումները բարբառների մեջ շատ հարթ ու լիովին աննկատ պետք է տեղի ունեցած լինեն, ուրեմն և հայ բարբառների լեզվակառուցվածքային վիճակը, տարրերությունների բնույթը կարող էր գոյություն ունենալ նաև 16-րդ դարում ու ավելի առաջ Քանի որ այս մասին ստույգ տեղեկություններ չկան, հեռու գնացող ենթադրություններով հրապուրվելն անհմաստ է: Եվ այսպես, հայ բարբառների զարգացման նոր շրջանը 17-րդ դարից սկսելը սոսկ պայմանական մի դրույթ է:

Միաժամանակ վստահ կարելի է ասել, որ 17-րդ դարում հայ բարբառներին հատուկ լեզվակառուցվածքային վիճակը, նրանց միջն եղած տարրերությունների բնույթն ու շափը և տարածքային տեղաբաշխումը հիմնականում պահպանվեց մինչև 1915 թվականը:

Հակիրճ ներկայացնում ենք մեր պատկերացումը հայ բարբառների գլխավոր խմբերի ու նրանց մի քանի տարրերությունների վերաբերյալ՝ հետագա շարադրանքը պարզ դարձնելու համար:

Բոլոր հայ բարբառներն ամենից առաջ և առավել ակընհայտ բաժանվում են երկու հիմնական խմբերի՝ արևմտյան և Արևելյան¹³:

Այս երկու բարբառախմբերը միմյանցից բաժանող աշխարհագրական սահմանը մոտավորապես համբնկնում է այն

¹³ Այս բաժանումն ընդունել են հայ բանասերներից շատերը (այդ բուժ՝ Ա. Այտքնյանը, Թ. Պատկանյանը, Գ. Զահուկյանը): Առավել հանգամանալից այդ մասին տես Գ. Զահուկյան, Հայ բարբառագիտության ներածություն, Ե., 1972.

սահմանագծերին, որոնք 591 և 1639 թթ. Հայաստանը երկու արևելյան և արևմտյան մասերի բաժանեցին և որով ստեղծվել են այժմյան Արևելյան ու Արևմտյան Հայաստան քմբը ունեները:

Հիշյալ գծից արևելք ու արևմուտք ընկած տարածքներում մինչև 1915—22 թվականները տեղաբաշխված հայության բարբառները լեզվական բնույթի տեսակետից տարրերվում են, ներկայանում են իրեն խոսակցական հայերենի երկու գլխավոր տարրերակներ կամ խմբեր:

Իհարկե, այդ գիծը բացարձակ ճշգրտությամբ չի բաժանում արևելյան և արևմտյան բարբառները, արևմտյան բարբառների որոշ հատվածները ընկնում են գծից արևելք և հակառակը, բայց սրանք շատ մասնավոր երևույթներ են. Հիմնականում օտար տիրապետողների կողմից բռնությամբ սահմանված այդ գիծը հայ բարբառների երկու խմբերը բաժանող սահմանն է դարձել: Այդ գծից դեպի արևմուտք եղել են Կարինի, Համշենի, Խոտորջը, Սեբաստիայի, Կ. Պոլսի, Խարբերդի, Ակնի, Մուշի, Սասունի, Տիգրանակերտի, Վանի, Սվեղիայի, Հաջընի, Ցեղընի, Բելլանի և այլ վայրերի բարբառները (շուրջ՝ 30): Այդ գծից դեպի արևելք գտնվել են, մեծ մասամբ այժմ էլ գտնվում են արարատյան, Նոր Ջուղայի (կամ Ջուղայի), Արցախ-Սյունիքի (Ղարաբաղի), Շամախիի, Ագուլիսի, Մեղրու, Խոյի (Ուրմիայի), Աստրախանի և այլ բարբառները (շուրջ՝ 15):

Հայ բարբառների աշխարհագրական այս տեղաբաշխումը տարրեր ժամանակներում մասնակիորեն խախտվել է բնակչության տեղափոխումների պատճառով. օրինակ, Արցախից մարդիկ են գնացել Կ. Պոլսի կողմերը կամ Խոյի, Մուշի, Սասունի շրջակայթից մարդիկ են վերաբնակվել Արարատյան դաշտում, Արագածոտնում, Վայոց ձորում և այլն, կամ Անիի շրջակայթից ու Մեծ Հայքի այլ վայրերից մարդիկ գաղթել են Ղրիմ, Գալիցիա, Առղեալ (Տրանսիլվանիա) և այլն: Գաղթողները մեծ մասամբ իրենց հետ տարել են տեղական բարբառը:

Այս ամենով հանդերձ, արևելյան և արևմտյան բարբառների աշխարհագրական տեղաբաշխումը մինչև 1915 թ. էապես մնում էր անխախտ, մինչ այդ եղած տեղափոխում-

ները մասնավոր շեղումների առիթ էին տվել կամ նման առիթ չէին էլ տվել (օրինակ, խոյեցիները, գաղթելով Արարատյան դաշտ կամ Վայոց ձոր, մնացին հիշյալ գծից արեվելք, անեցիներն էլ Գալիցիայում կամ այլուր մնացին այդ գծից արևմուտք):

1915—1922 թթ. հայ բարբառների աշխարհագրական այս տեղարաշխումը խաթարվեց գլխավորապես Հայաստանի արևմտյան մասի հայագրկման պատճառով:

Այս երկու բարբառախմբերի մեջ կան մի շարք լեզվական տարրերություններ, որոնցից առնվազն մեկը համրնդհանուր է, այսինքն՝ տարրերից հատկանիշ է բոլոր արևելյան և արեմբարտյան բարբառների համար: Դա բայի ներկա և անցյալ անկատար ժամանակների կազմության երկու տարրեր ձևերի հակադրությունն է:

Արևմտյան բարբառներում բայի ներկա և անցյալ անկատար ժամանակները համադրական են, այսինքն՝ բայի դեմքը, թիվը, ժամանակը ցույց տվող մասնիկները անշարժ կցված են բային ու սրա հետ մի ամրողություն են կազմում, ինչպես՝ կսիրեմ, կսիրես, կսիրենք, կսիրեի և այլն: Գրեթե բոլոր այս բարբառներում այդ նույն ժամանակաձևերը սկրզբից կամ վերջից ունենում են եղանակից մասնիկներ՝ կ, գ, կը, կու, զու, զը, կա, զա, կի, զե, զո, նայ և այլն: Կա նաև անմասնիկ բարբառ (Խոտորդուրինը):

Այս մասնիկների բազմազանությունը (կամ բացակայությունը) հարցի էությունը չի փոխում: Ներկայի և անկատարի ձևերը մնում են համադրական (վերն ասված իմաստով):

Արևելյան բարբառներում բայի ներկա և անց. անկատար ժամանակների ձևերը հարաբերական են (կամ վերլուծական), այսինքն՝ բայաձեռ բաղկացած է երկու մասից՝ անջատ բայահիմքից (կախյալ դերբայ) և դեմք, թիվ ու ժամանակ արտահայտող շարժական մասնիկից (օժանդակ բայ), որ կարող է դրվել անջատ բայահիմքից նախադաս և հտադաս: օրինակ՝ սիրը եմ, սիրմ ես, սիրմ ա, սիրմ ենք, սիրմ ի, սիրմ ինք և այլն (նույնը՝ ես եմ սիրմ, մենք ենք սիրմ և այլն), նաև՝ սիրմ ըմ, սիրես իմ..., սիրես եմ..., սիրեյս ըմ..., սիրել իմ.... նաև՝ տեսման ամ, տեսման աս... և այլն: Թրքան էլ տարրեր են անջատ բայահիմքերը (-ըմ, -ում, -իս,

-ս, -լ, -ման վերջույթներ) և դեմք, թիվ ու ժամանակ ցույց տվող մասնիկները (ամ..., եմ..., ըմ..., իմ..., աս..., ես..., ա..., է..., ենք..., ի... և այլն), էությունը մեկ է՝ բայի ներկա ու անց. անկատար ժամանակները հարադրական են (վերն ասված իմաստով): Բացառություն է կազմում Արդվինի բարբառը, որ արևմտյան բարբառների մի շարք հատկանիշներ ունի, բայց ներկան ու անց. անկատարը հարադրական են. սիրելիս իմ (եմ)... մնալիս իմ (եմ)... Այս բարբառն, ըստ երևույթին, միջին դիրք ունի արևմտյան և արևելյան բարբառների միջև: Միջին դիրքերում է, որոշ արևելյան թերումով, թփղիսի բարբառը, որ ներկան ու անց. կատարյալը և՝ համադրական (կու սիրեմ), և՝ հարադրական (սիրում եմ) ձևերով է կազմում: Ինչպես ասվածից երևաց, մենք շենք բնդունում հայ բարբառները կ, ում, ս, լ, հայ, զա և այլ ճյուղերի բաժանելու սկզբունքը, բանի որ այն սրողում է հայ բարբառների երկու հիմնական խմբավորումների գոյությունը, որն ամենից էականն է հայ բարբառների դասակարգման գործում:

Արևելյան և արևմտյան բարբառները միմյանցից բաժանող մյուս հատկանիշները համրնդհանուր չեն, այսինքն՝ երկու բարբառախմբերի անխափի բոլոր բարբառների համար չեն, որ տարրերից են: Այդ հատկանիշներից հիշենք մի բանիսը:

Արևմտյան բարբառներին բնորոշ է էական բայի ներկա ժամանակի եղակի երրորդ գլմքի է ձեր, որ և հատուկ է հին ու միջին գրական հայերեններին, ինչպես՝ ֆաղաք կ, շուն է, սեղան է և այլն: Արևելյան բարբառների մեծագույն մասը այդ է-ի դիմաց ունի ա, ինչպես ֆաղաք ա, շուն ա, սեղան ա և այլն: Թեև արևելյան որոշ խոսվածքներում առկա է է-ն, բայց ամեն պարագայի, էական՝ բայի եղակի երրորդ գլմքի այդ ա ձեր խստորեն արևելահայ բարբառախմբի հատկանիշ է, խորթ արևմտյան բոլոր բարբառներին: Այնուհետեւ, արեւելյան բարբառների մեծագույն մասում կա ներգոյական հոլով՝ ում կամ ըմ մասնիկով կազմվող՝ զեղը (ը), ֆաղաքը (ը), նաև ֆաղաքում (ը) և այլն: Արևմտյան բարբառներում ներգոյական հոլով շկա (բացառություն է վանի բարբառը), և համապատասխան իմաստը այլ միջոցներով է արտահայտվում (օրինակ, մեջ բառի օգնությամբ՝ բաղրին)

մեջ), թեև արևելյան բարբառներից հոյի (ներառյալ Ռւբ-միայի, Մարաղայի և այլն) բարբառը շունի ներգոյական հոլով, միևնույն է, այդ հոլովը արևելյան բարբառների հատկանիշ է և խորթ է արևմտյան բարբառներին:

Այնուհետև, կարեոր է բացառական հոլովի կազմությունը. արևմտյան գրեթե բոլոր բարբառներն այն կազմում են է մասնիկով, ինչպես հին ու միջին դրական հայերեններում էր՝ տունե(ն), ծովե(ն), ձիե(ն), ֆեզեկ և այլն: Արևելյան բարբառների զգալի մասում բացառականը կազմվում է ց (ից, ուց) մասնիկով՝ տրնից, ծովից, ձիոց, ֆեզանից և այլն: Ու թեև արևելյան որոշ բարբառներում բացառականը կազմվում է է-ով (հոյ) կամ է-ի տարբերակ ա-ով (օրինակ, Արցախի բարբառում տանա(ն), ֆեզանա), արևմտյան մի բարբառում էլ (Վանի) կամ ե՛ է, ե՛ ց մասնիկներով բացառական, միենույն է, ց (ից, ուց)-ով բացառականը մնում է իբրև արևելյան բարբառներ հատկանշող ձև, խորթ արևմտյան բարբառներին:

Բառաձեւյին տարբերություններից է, օրինակ, այն, որ արևելյան բարբառներում եղած էս, էղ, էն, էլ, նէր, մէր... ձևաշարքի զիմաց արևմտյան բարբառների մեծ մասում կա աս, աղ, ան, ալ, նար, մար... ձևաշարքը: Արևմտյան ոռոշ բարբառներում ու խոսվածքներում նույնպես ունենք էս, էղ, էն, մէր ձևաշարքը կամ նրա առանձին տարբերը, բայց արևելյան բարբառներում, աս, աղ, ան, նար, մար... ձևաշարքը բացակայում է, և այն զուտ արևմտյան բարբառախմբի հատկանիշ է մնում:

Կարելի է հիշել նաև բաղաձայն պայթականների (ու կիսաշխականների) արևելահայ-արևմտահայ տարբերություններից. օրինակ, մի շարք բառերի մեջ արևելահայ բարբառների զգալի մասում արտասանվող թ, ժ, կ-ի զիմաց արևմտյան բարբառներն ունեն թ, ժ, կ. ինչպես բառ-bab (պապ բառը), pat-bad (պատ բառը), tun-dun, katu-gadu և այլն: Բայց արևելյան ու արևմտյան բարբառները տարբերակելիս հնչյունաբանական այս տարբերությունը պետք է դգուշորեն հաշվի առնել, քանի որ այն հետևողական չէ, ապա մի շարք փոփոխակային դրսենորումներ ունի: Հիշենք, որ արևմտյան բարբառներին (մի մասին) բնորոշ է նաև արևել-

յան բարբառների ձայնեղ թ, ժ, կ-ի զիմաց շնչեղ խովեր ունենալ, ինչպես թերան-փերան, գորտ-նորտ և այլն:

Արևելյան և արևմտյան բարբառների այս մի քանի տարբերություններին մենք անդադառնալու ևնք հետագա շարադրանքում՝ 17—18-րդ դարերի նոր գրական հայերենի որոշ հուշարձանների լեզուն վերլուծելիս: Մի քանի այլ տարբերություններ էլ այժմ չենք թվարկում, կնշենք ըստ հարկի, շարադրանքի համապատասխան տեղում:

17-րդ դար

17-րդ դարի գուստանսկան ԱՇԽԱՐՀԱԲԱՐԾ

17-րդ դարում Ն. Զուղայի տնտեսական ու մշակութային ծաղկման դրսնորումներից մեկն էլ հայոց նոր գուստանական (աշուղական) արվեստի զարգացումն էր: Ինչպես հայտնի է՝ Ն. Զուղայում 17-րդ դարի առաջին կեսից սկսած վերելք ապրեց հայոց դպրոցը, կերպարվեստը, ստեղծվեց հայկական տպարան և այլն: Գիղարվեստական զրականությունը մեծ մասամբ ներկայացված էր նոր գուստանական արվեստով, որը հիմնականում ստեղծվում էր տեղի բարբառով, միայն մերթ-մերթ, հատկապես կրոնական երգերում, բարբառը և մեղմվում էր»: Հագեցվում գրաբարյան լեզվատարրերով, և գոյանում էր նոր զրական հայերենին շատ մոտ լեզվական որակ¹⁴:

¹⁴ 17-րդ դարի նորշուղայական աշխարհաբար շափածոյի պահպանված նմուշների հարցում բանասիրության մեջ որոշ թյուրիմացություններ են տեղ գտել: Օրինակ, «Ողբ չուղայեցոց» անթվակիր երգը («Ափսոս քեզ հայոց խեղճիկ ժողովուրդ») Գալուստ Շերմագանյանի անձիշտ տեղեկատվության հիման վրա համարվել է «Ալբենիյան աշխարհաբարով գեղարվեստական գրականության ամենահին նմուշը»: Մինչդեռ պարզվում է, որ այն ստեղծվել է 19-րդ դարի 40-ական թթ., հավանաբար իր՝ Շերմագանյանի կողմից: Կամ 17-րդ դարում ապրած գուստն էվազի ստեղծագործությունն է համարվել «Ասի, ախշի» խաղը, որն իրականում առնշություն չունի նորշուղայեցի այդ գուստի հետ և հորինվել է շատ ավելի ուշ: Ծվ կամ՝ 17—18-րդ դարերի բանաստեղծ նաղաշ Հովհաննին է վերագրով: «Պատվական եղբայրներ» տաշը, որն իրականում այդ բանաստեղծին չէ: Մի այլ դեպքում նաղաշ Հովհաննին է համարվել Ստեփանոս Դաշտեցու «Զուղայեցոց հայերէն պարոց լեզուն այս երգիծական ոտանավորը, զրված ն. Զուղայի բարբառով, և բատ այդ հայոց լեզվի պատմության վել արերյալ հետեւթյուններ են արվել (այս անձտությունների մասին տե՛ս «Բաներեր Երեանի համայստանի», 1971, № 1, էջ 63—68, «Էլարեր հասարակական գիտությունների», 1972, № 1, էջ 49—50, «Ալբենիանայ բանաւուղծության լեզվի պատմություն», ե., 1978, էջ 39—56):

17-րդ դարից պահպանվել է երկու նորշուղայեցի գուստանների՝ էղազի (մոտ 1650—1734) և Արգունու (մոտ 1650—1750) ստեղծագործությունների մի փոքր մասը, որի մեջ կամեկ-երկու կրոնական խաղ: Այս վերջիններում է, որ նոր Զուղայի բարբառն են մուծվել զգալի բանակով գրաբարյան կամ գրաբարակերպ բառեր ու ձեռք, ինչպես՝ խոնարհ, նաշակեմ, ընդդիմ, զղում, մարմին, բողոքիմ, այսօր, ամենայն, ողջ, ձեռօֆ, ոտօֆ, մեղաւորաց, օրինաց, այլոց, զիս, զտանեմ և այլն, որով և բարբառը գրականացված է:

Ստորև բերում ենք երկու նմուշ էղազի խաղերից: առաջինը՝ Հորինված նրա շափածոյին առավել բնորոշ լեզվով՝ նոր Զուղայի բարբառով, մյուսը՝ գրականացված, որ արդեն գուստանական աշխարհաբարն է¹⁵:

Դրութու փիանդագ գձեմ.
Մին նազանի եար այ զոլման,
Միւրել այ, ձեռ շի վեր առման,
Նա ինձի խամար այ զոլման:
Գայ զոլման այ, զայ յետ դառման,
Ինձ վերայ մնար այ բառման,
Աշբ-յունեն խողում, հողիս առման,
Բարկացած մին բարի այ զոլման:
Ես չանի ամ, դու չվան աս,
Ամենայն զարդու շր հիմանաս,
Խմել աս մաստ ու մաստանաս,
Աշբեր խումար այ զոլման¹⁶:

Սա ն. Զուղայի բարբառն է միայն գրաբարյան-գրքային լեզվատարրերի աննշան հավելումներով (բերված օրինակում՝ վերայ, ամենայն, բարկացած): Սա էղազի խոսքի սովորական բնույթն է: Պահպանված խաղերից մեկում («Մեղացվերնագրով»), որ բովանդակությամբ կրոնական է, բարբառի գրականացումն ավելի զգալի է.

Վայ իմ յետին օրէն դատաստանին,
Մեղայ Քեզ, Տէր Աստուած, մեղաւու ևմ ես,
Փոշման ևմ ես իմ արած բանէն,
Մեղայ Քեզ, Տէր Աստուած, մեղաւու ևմ ես:
Մեղսո շատացել ա բան զգետ ու ծով,
Մեղայ ծով ամ դարձել սուտով ու նդկով,

¹⁵ Բնագրերից բերված այս և մյուս օրինակներում պահպանում ենք օգտագործած աղբյուրի ուղղագրությունը:

¹⁶ Հ. Սահակյան, Հայ աշուղներ. XVII—XVIII դարեր, ե., 1961, էջ 80:

Մեղուցեալ եմ ևս ձեռքով ու ոտքով,
Մեղայ՝ Քւզ, Տէր Աստուած, մեղաւոր եմ ևս¹⁷:

Օրինակում էական բայի եղակի երկրորդ դեմքի նորջուղայական բնորոշ ամ-ի փոխարեն հինդ անգամ գրաբարյանգրական եմ-ն է գործածված, թեև ամ-ի գործածությունն էլ կա. բարբառային մյուս ձևերի կողքին ունենք գրական խոսքի նաև ուրիշ տարրեր, ինչպես՝ ոստ, «Վայ իմ յետին օրէն...», «Քան զդետ», մեղաց, մեղուցեալ և այլն:

Սա արդեն ոչ թե բարբառ է, այլ գուսանական աշխարհաբարի նախնական մի տարրերակ՝ մոտ նոր գրական հայերենին:

Ն. Զուղայի գուսանական աշխարհաբարի մեջ հին դրական հայերենի տարրերը չեն փոխել նրա արևելահայ բնույթը (դեր է կատարել նաև արեմտահայ թերում ունեցող միջին հայերենի տարրերի բացակայությունը կամ աննշան առկայությունն այդ լեզվում):

Նորջուղայական արևելյան աշխարհաբարը, բացի գուսանական արվեստից, ինչպես կտեսնենք, գործածվեց նաև գրավոր ստեղծվող երկերում, այն լրագրի լեզու դարձավ 18-րդ դարի վերջերում, առավել զարգացման հասավ 19-րդ դարի առաջին կեսում:

Առայժմ եղած փաստերը ցույց են տալիս, որ 17-րդ դարում գրական արևելահայերենը առանձին նմուշներով, եթե կարելի է ասել, սաղմնային վիճակում, երևան է եկել և. Զուղայի բարբառի հիմքով, ապա 18-րդ դարից նորջուղայական գրական արևելահայերենին զուգահեռ սկսել է ձևավորվել կովկասյան արևելահայերենը հիմնված արարատյան բարբառի վրա, մասսամբ էլ Թփղիսի բարբառի ազդեցությամբ, Ապա 19-րդ դարի երկրորդ կեսին նորջուղայական աշխարհաբարն անկում է ապրել, ասպարեզից դուրս եկել, և գրական արևելահայերենի արարատյան տարրերակը, Հաղթանակելով, մենաշնորհ է ձեռք բերել (արևելահայոց մեջ):

Ամեն գեպում, Ն. Զուղայի գուսանական աշխարհաբարի հանդես գալը 17-րդ դարում նոր գրական հայերենի զարգացման մայրուղին չէր, այլ մասնավոր երկույթ. նախ այն միայն տեղական արժեք ուներ և ոչ համահայկական և ապա

նույնիսկ այն մշակող նորջուղայեցի գուսանները հազվադեպ էին դիմում լեզվական այդ որակին, քանի որ գերազանցապես ստեղծագործում էին տեղական բարբառով:

Ինչ վերաբերում է Ն. Զուղայի բարբառի վրա ձևավորվող գրական լեզվին, ապա այն ևս թե՛ 17-րդ դարում, թե՛ հետաղայում գործածվեց միայն նորջուղայեցիների սահմանափակ շրջանում (Ն. Զուղա, Հնդկաստան, Հնդկաշխն և այլն):

Ն. Զուղայի գուսանական աշխարհաբարի հետ միենալուն 17-րդ դարում գրքերի մեջ ավելի լայն շափով գործածվում էր նոր գրական հայերենի գրավոր տարրերակը, և այդ գարգացումն էր հայոց երրորդ գրական լեզվի մայրուղին:

Դա ինչ-որ շափով շարունակությունն էր երկրորդ գրական հայերենի, թեև միաժամանակ նոր լեզվակառուցվածքային որակ էր՝ բարձրացած տվյալ ժամանակի խոսակցական հայերենի բնդհանուր հիմքի վրա, նրանից սնվող:

17-ՐԴ ԴԱՐԻ ՆՈՐ ԳՐԱԿԱՆ ՀԱՅԵՐԵՆԸ ԳՐԱԿՈՒՐ ՈՒ ՏՊԱԳԻՒՐ ԽՈՍՔԻ ՄԵՋ

Զպետք է մոռանալ, որ 17-րդ դարում, ինչպես և հաջորդ 150 տարիների ընթացքում հայոց գրավոր հաղորդակցության մեջ՝ ձեռագիր ու տպագիր գրքերում, ապա և որոշ պարբերականներում, իշխողը հին գրական հայերենն էր: Հույսը շեր մարել՝ այդ լեզուն ժողովրդին հասկանալի դարձնելու և լայնորեն գործածելու:

Նոր գրական հայերենը, եթե կարելի է ասել, տարբերայնութեն, բայց հրատապ պահանջների և այդ շրջանում հայության հոգեոր ու մշակութային կենտրոնի՝ էջմիածնի կողմից հավանություն շտացած էր գործածվում ու մշակվում, բայց և հետեղականորեն ու համառորեն ընդլայնվում էին նրա գործածության սահմանները, առաջ էր ընթանում նրա կանոնավորումն ու զարգացումը:

17-րդ դարում, հատկապես նրա երկրորդ կեսում միջրարբառային բնդհանուր խոսակցական հայերենը ծավալվելու և որոշակի զարգացում ապրելու լուրջ ազդակ ուներ: Այդ ազդակը վաճառաշատ նոր Զուղայի ծաղկումն էր և զրահատ-

¹⁷ Նույն տեղում, էջ 84:

ընդհանրապես հայ վաճառականության ծաղկումը, որն այդ ժամանակ իր գագաթնակետին հասավ, նորջուղայեցի, ագուցիցի, կեսարացի, պոլսեցի, երևանցի և այլ վայրերի հայ վաճառականները, որ հեղեղում էին Եվրոպայի ու Ասիայի շատ քաղաքներ ու շուկաներ և Արևելքի ու Արևմուտքի միջև առետըրական կատ պահպանող գլխավոր տարրն էին դառնում, անհրաժեշտություն ունեին մի ընդհանուր, հասկանալի հայերնի: Այժմ մենք 17-րդ դարի հայերն միջբարբառային խոսակցականի մասին կարող ենք դատել միայն պահպանված գրավոր հուշարձաններից, որոնք կենդանի խոսքի ճիշտ պատկերը տալ չեն կարող: Համենայն դեպս, նշաններ կան, որ այն շրջանում համահայկական խոսակցական լեզվի ձեւվորման ուժեղ միտում է եղել, թեև հավանաբար այն անհրաժեշտ շափով չէ, որ իրականացվել է:

Ինչ էլ եղած լինի, 17-րդ դարի միջբարբառային խոսակցական հայերներ (գուցե՝ վաճառականական խոսակցականը) կամ նրա ինչ-որ տարրերակը իր վճռական դերն է կատարել գրավոր խոսքում նոր գրական հայերնի ձեւվորման գործում:

17-րդ դարում հայ գրագետները, մասամբ վաճառականների խնդրանքով, մասամբ իրենց նախաձեռնությամբ, փորձում են գրքեր գրել կամ թարգմանել հատկապես հայ վաճառականների համար: Բայց ի՞նչ լեզվով էր հնարավոր ստեղծել այդ գրքերը: Տառամանաշ, երբեմն որոշ գրագիտություն ունեցող հայ վաճառականները գրարար շգիտեին կամ վատ գիտեին: Մյուս կողմից, եթե նրանց հասցեազրված գրքերը ստեղծվեին որևէ գալառաբարբառով (ասենք, Ագուլիսի կամ Ն. Զուղայի), այն բավարար շափով հասկանալի չէր լինի այլ վայրերի հայ վաճառականներին: Ուստի և ամենից հարմարը տարերայնորեն ձեւվորվող խոսակցական միջբարբառային հայերնի օգտագործումն էր: Իսկ այդ խոսակցականը, ինչպես ասել ենք, գրավոր, մանավանդ տպագիր արտահայտություն ստանալու դեպքում անխուսափելիորեն պետք է գրականացվեր, նկատելի շափով ենթարկվեր եղած գրավոր խոսքի ավանդներին, այսինքն՝ լրացուցիչ կերպով հագեցվեր հին ու միջին հայերների տարրերով:

Կարևոր էր նաև, թե նոր լեզվով գրող կամ թարգմանող

անձը որտեղացի էր, որ բարբառի ներկայացուցիչ: Վաղ շըրջանի նոր դրական հայերենը ձեւաբանական ու բառապաշարային (գլխավորապես՝ բառաձեային) տեսակետից այնքան տարբնթաց ու անկայուն էր, որ նրա օգտագործման ժամանակ չէր կարող դեր շխաղալ հեղինակի կամ թարգմանչի մայրենի բարբառը:

Աշխարհաբար առաջին գիրքը տպագրվել է Մարսելում, 1675 թվականին, այն կոչվում է «Արհեստ համարողութեան», թվաբանական-հաշվապահական բովանդակություն ունի, ձեռնարկ է վաճառականների համար:

Գիրքը նշված է Գարեգին Զարբհանալյանի «Հայկական մատենագիտության» մեջ¹⁸, թեև չի ասված, թե գրքի լեզուն ինչպիսին է:

Արսեն Ղաղիկյանը, իր մատենագիտության մեջ ներկայացնելով գրքի հանգամանալից նկարագրությունը, ավելացրել է՝ «Փորբազիր ու մանրազիր գրքույկ մը ժամանակին աշխարհաբարովը»¹⁹:

Կարելի էր սպասել, որ գրքույկը արժանանար հայոց լեզվի պատմությամբ զբաղվող բանասերների ուշադրությանը, սակայն այդպես չի եղել:

Գրիգոր Ղանցյանն իր «Պատմական քերականության» մեջ վաղ աշխարհաբարյան բնագրերի մասին խոսում է արևելահայ բարբառների ծագմանը նվիրված գլխում²⁰ (օրինակ, այնտեղ է հիշատակում Զաքարիա Ակուլիցու օրագրությունը), մասամբ էլ նոր գրական լեզվի ձեւվորման գործում հայոց ուսումնարաններին հատկացված գլուխներում²¹, բայց խոսք չկա «Արհեստ համարողութեան» մասին:

Հ. Աճառյանը նոր գրական լեզվի վաղ բնագրերի թվարկման մեջ տպագիր գրքերից առաջինը հիշատակում է «Պար-

¹⁸ Գ. Զարբհանալյան, Հայկական մատենագիտություն, Վենետիկ, 1883, էջ 70.

¹⁹ Ա. Ղաղիկյան, Հայկական նոր մատենագիտություն և հանրագիտարան հայ կյանքի, Վենետիկ, պր. 1. 1909, սյունակ 248—249:

²⁰ Գ. Ղանցյան, Պատմական քերականություն արևելահայ լեզվի, Թբիլիս, 1906, էջ 26—36:

²¹ Նույն տեղում, էջ 41—97:

զարանութիւն Հոգենուագ սաղմոսացնա զիրքը (Վենետիկ, 1687)²², թերում նրա լեզվից ընդարձակ նմուշ, գնահատում դրօւմ օգտագործված Հայերենի որակը, «Արհեստ Համարողութեան» գրքի Հիշատակություն չկա:

Այդ զիրքը չի Հիշատակվում Հայոց լեզվի պատմությանը նվիրված նաև մյուս բոլոր աշխատություններում, այդ թվում Ս. Ղազարյանի «Հայոց լեզվի համառոտ պատմություն» գըրքում, ուր նույնպես իրքն առաջին աշխարհաբար տպագիր զիրք Հիշված է «Պարզաբանութիւն»-ը և խոսք կա նրա լեզվի մասին²³:

Եթե Հայոց լեզվի պատմությանը նվիրված աշխատություններում նոր գրական Հայերեն տպված առաջին զիրքը նույնիսկ չի Հիշատակվում, ապա վերջին տասր-տասնհինգ տարում մի շարք անգամ այդ հրատարակությունը Հիշվել ու զնահատվել է մատենագիտական աշխատություններում և Հոդվածներում²⁴:

Երբեմն «Արհեստ»-ը աշխարհաբար առաջին զիրքը շեն համարում այն նկատառումով, որ աշխարհաբար բառը լայն են ըմբռնում, այդ բառի տակ հասկանալով ընդհանրապես աշխարհիկ, ոչ գրաբար Հայերենը, ուստի նաև միջին Հայերենը, և առաջին աշխարհաբար տպագիր զիրք բնականաբար համարում են Հակոբ Մեղապարտի Տաղարանը²⁵, իրողությունն այն է, որ «Արհեստ համարողութեան»-ը առայժմ Հայտնի²⁶ առաջին տպագիր զիրքն է, որի լեզուն ժամանակակից գրական Հայերենի՝ 17-րդ դարում գործածված մի տարբերակն է: Ահա այս իմաստով է այն առաջին աշխարհա-

²² Հ. Անապյան, Հայոց լեզվի պատմություն, մաս 2, էջ 448—449, 476.

²³ Ս. Ղազարյան, Հայոց լեզվի համառոտ պատմություն, Ե., 1954, էջ 380—381.

²⁴ Տեղերիս Հեղինակը նույնպես անդրադառն է այդ գրքի հրատարակման հանգամանքերին ու լեզվին («Տեղեկագիր» ՀԱՍՀ ԳԱ, Հայ. գիտ., 1962, № 5, էջ 46, «Երեկոյան երևան», 1963, № 139, «Էջմիածին», 1966, ԺԱ—ԺԲ, էջ 136, Հայ հեղինակ զիրքը. Ե., 1968, էջ 29—31, «Հայրենիքի ձայն», 1969, № 3):

²⁵ Տե՛ս, օրինակ, Հ. Դավթյան, Աշխարհաբար զիրքը Հայ տպագրության սկզբից մինչև 1850 թվականը, Ե., 1964, էջ 7—10, 53, 79, 98:

²⁶ Առում ենք առայժմ Հայտնի, որովհետև դժվար է լիովին բացառել ավելի վաղ հրատարակված աշխարհաբար զիրքի Հայտնաբերում:

յար զիրքը: «Արհեստ»-ը նաև առաջին տպագիր ժամանակա-կական ու վաճառականական զիրքն է:

17-րդ դարի երկրորդ կեսում նոր գրական Հայերենով կամ նրա առավել պարզունակ տարրերակներով թվարանական-վաճառաբանական բնույթի գրքեր կազմելու կամ թարգմանելու մի շարք ուրիշ փորձեր էլ են եղել, թեև դրանցից տպագրվել են միայն երկուսը՝ մեկը՝ 1675-ի այս «Արհեստ համարողութեան»-ն է, մյուսը՝ Ղուկաս Վանանգեցու «Գանձ շափոյ», կշռոյ, թուոյ և դրամից բոլոր աշխարհից զիրքը (Ամստերդամ, 1699):

Ընդհանրապես ուշադրության առարկա ժամանակաշրջանում իրքն գրավոր խոսք նոր գրական Հայերենը գործածվել, ձևավորվել ու մշակվել է, թիրես, ամենից ավելի շատ թվարանական-վաճառականական բնագրերում:

Նոր գրական Հայերենի՝ գեռես իրքն գրական խոսք շհասունացած կամ պարզունակ տարրերակներ գործածվել են նաև հայ վաճառականների նամակներում, դավթարներում, այլ գրություններում: Դրանց մի նմուշն առկա է 17-րդ դարի վաճառական Զաքարիա Ագուլեցու դավթարի մեջ, որի հիմնական մասն այդ հեղինակի օրագրությունն է²⁷: Այս Օրագրության լեզուն բանասիրության մեջ վկայակոչվել ու գնահատվել է մի շարք անգամ, գրվել է նաև հատուկ ուսումնասիրություն (Վ. Կաժյանի կողմից), որի առանձին հատվածներ հրապարակված են²⁸:

Զաքարիայի Օրագրությունն ընդգրկում է 1647—1681 թվականների ժամանակաշրջանը, սակայն սասույդ Հայտնի չէ, թե երբ են առանձին մասերը կամ ամբողջը շարադրվելու հաստ ուսումնասիրողների, պահպանված միակ ձեռագիրը գրված է 1664—1691 թթ. Հեղինակի կողմից²⁹: Հավանական է, իհարկե, որ շարադրումը սկսված է եղել 1647-ից կամ այդ թվականից առանձին նշումներ են արվել, որոնք 1660-ական թվականներից ընդհանուր շարադրանքի են վերածվել:

²⁷ Այս օրագրության միակ գրչագիրը տպագրվել է մեր ժամանակներում՝ 1938 թ.:

²⁸ Տե՛ս, օրինակ, «Ասսպիրանտական գիտ. աշխ. ժողովածու», Ե., Խ. Արովյանի անվան մանկ. ինստ., 1975, № 8, պրակ 2, էջ 437—449:

²⁹ Զաքարիա Ագուլեցու օրագրությունը, Ե., 1938, էջ VI:

Քանի որ այդ երկի լեզուն, ինչպես ասացինք, առանձին ուսումնասիրության նյութ է դարձել, ուստի մենք այն մանրամասն շենք քննի. կը բերենք միայն մի հատված և կտանք որոշ ժանոթություններ:

«Թվին ՌՃԺՀ նոյեմբերի ի-ումն ես Զաքարիայ Երեան էի, այսօր Շահ-Սլէման թագաւորէն Ըսպհանայ շափար եկաւ Երեան Սէֆիդուլի խանին վերայ, թէ Ծծ մարդ տուր, ամէն խան ու թէկ տալիս այ, քանզի ըսուս այ դուս եկել, իո մարդ այ, տվել ան, Ասրաբադ շափմիշ արել, տարել, դիր անողորմ բան են արել, որ մանդր Երէխեքն վեր կու փթաւէին. գալու ժուկն թրով կու տին, թ ճոթ կանեն. այսպէս սիթամ արին, շատ գերի, ապրանք տարան. Այս ջանիրէս Շահ-Սլէման Մանսուր-Խանն սարդար դրեց հրաման տվաւ, որ ասկար կիտքէն, գնան Ասրաբադ կոիւ Այս ջանիրէս Շահ-Սլէման իւր օլքին վերայ մադաթի փող գձեց, ջամէջամ առաւ: Ագուլաց Ռէ թուման գո դիան առաւ: Ամէն երկիր տվին դինարայ դինար դիվանի: Դաշտեցոց բոասադովն տվինք ար Ռէ թուման գո դիանս. այս է:

Թվին ՌՃԺՀ դեբումբերի ի-ումն, որ Ագուլաց Դաշտին ժողովուրդն հակառակ ընկան Ագուլաց վանքի սուրբ Թումայի առաջնորդ Պետրոս Վարդապետին յետ թ պատճառի: Մին՝ վասն այս. այր ոմն մեծատուն՝ Դաշտէն, անունն Մզզսի Մելքոն, վերայ վարդապետն Մելքոնն ուզէր, դաշտեցիք Մելքոնն ուզին ոշ, թէ մեք Մելքոնն ուզում շենք, դու էլ ուզիլ մի, Քանզի այս Մելքոնս լ տարի ավել այ, որ Դաշտի ուզսախալու էր, ապա այժումս գձեցի. վասն հսարի այս Մելքոնմիս յետ շատ դավի դիվան գնացին դաշտեցիք. այս է»³⁰:

Սա պատահականորեն բացված էջից բերված քաղվածք է, և հիմնականում ճիշտ է ներկայացնում Զաքարիայի Օրագրության լեզուն:

Զաքարիան վաճառական է եղել, թույլ գրագիտությամբ, նույնիսկ հայերենի ուղղագրությունը վատ է իմացել: Նրա շարադրանքը գրական լեզվի մակարդակի շի հասել, բայց և շի մնացել զուտ վաճառականական խոսակցականի մակարդակում: Դա, կարելի է ասել, նոր գրական հայերենի շատ

³⁰ Զաքարիա Ագուլացու օրագրությունը, էջ 77 (1668 թ. բաժինը):

ոլարզունակ, ստորին վիճակում գտնվող տարբերակ է, և դրա պատճառն էլ անհատական է՝ հեղինակի ցածր դրագիւտությունը:

Բերված հատվածում նկատում ենք.

1. Ակրելլյան հայ բարբառներին հատուկ մի շարք ձևեր, ինչպես ներգոյական հոլով (ի-ումն, այսինքն՝ 20-ումն), բայի ներկա ժամանակի վերլուծական ձևեր (տալիս այ, ուզում շենք), այլ բայաձևեր (ուզին ոշ, ուզիլ մի), էական բայի եզակի երրորդ դեմքի ա (այ) ձևեր (տվել այ, մարդ այ), էական բայի հոգնակի երրորդ դեմքի ն. Զուղայի բարբառին հատուկ ան ձևը (ավել ան), մի շարք բարբառային բառաձևեր ու բառեր (այդ թվում արեւելյան լեզուներից փոխառյալ) և այլն:

2. Ակրեմտյան հայ բարբառներին (նաև գրաբարին ու միջին հայերենին) հատուկ ձևեր. է-ով բացառական (բազաւուէն, զանիրէս, Դաշտէն), բայի ներկա և անցյալ անկատար ժամանակների կ (կու)-ով կազմված համադրական ձևեր (կու փրատէին, կու տին, թ նոր կանեն), էական բայի եզրդ դեմքի է ձևեր (այս է):

3. Զուտ գրաբարյան ձևեր. բառեր ու բառաձևեր (այս, այսօր, այսպէս, վերայ, քանզի, մեք, իւր, այր), արտահայտություններ (վասն այս, այր ոմն մեծատուն):

Ինչպես տեսնում ենք, բերված հատվածի լեզվում կան և արեւելյան, և արեմտյան հայ բարբառներին հատուկ ձևեր, թեև արեւելյանի ակնհայտ գերակշությամբ: Օրագրության մյուս հատվածներում նույն բանն է դիտվում (թեև կան հիշյալ բնույթի այլ լեզվատարբերի ուրիշ շատ օրինակներ), Կնշանակի Զաքարիայի լեզուն ինչ-որ շափով թերված է դեպի արեւելյայերենը, միասնական գրական հայերեն չէ, թեև ունի այս վերջինի մի շարք կարեւոր հատկանիշներ:

Միաժամանակ, պարզ է դառնում, որ վաճառական Զաքարիան, թեև թույլ գրագետ է եղել, բայց, այնուամենայնիվ, գրաբարյան որոշ բառապաշար և ձեապաշար ունեցել է, որոնց օգտագործմամբ էլ վաճառականական խոսակցականին ինչ-որ շափով գրքային-դրական երանդ է տվել՝ դրանով ևս իր խոսքը մոտեցնելով միասնական գրական հայերենին:

Գրաբարյան լեզվատարբերի, հատկապես բառաձևերի օգ-

տագործումը, նոր հայերեն խոսքը գրականացնելուց բացի, միշտ էլ կատարել ու կատարում է նոր գրական հայերենին միասնական, համահայկական բնույթ տալու դեր, քանի որ այդ ձեւուրը, ինչպես վերը նշվեց, ոչ արևելյան են, ոչ արևմբարյան, այլ ընդհանուր հայկական:

Այժմ անցնենք համարողության արհեստին վերաբերող 17-րդ դարում ստեղծված մի քանի բնագրերի և զլիավորապես «Ալեքսանդ Համարողութեան» տպագիր երկի լեզվի բըն-նությանը:

Ընդհանրապես հայոց համարողական արհեստը դալիս է հնից՝ Անանիա Շիրակացուց ու, թերևս, ավելի վաղ շրջանից՝ Քավական շատ են տարրեր դարերում հին գրական հայերենով ստեղծված հաշվողական, այդ թվում թվարանական բնագրերը՝ հրապարակված (նոր ժամանակներում) և դեռևս շհրապարակված:

Գրաբար թվարանական գրքեր գրվում ու թարգմանվում էին նաև 17-րդ դարի վերջում և ավելի ուշ՝ 18-րդ դարում: Մաշտոցի անվան մատենադարանում կան այդպիսի մի քանի գրչագիր ձեռնարկներ: Օրինակ, «Հարցումն և պատասխանի» վերնագրի տակ կա թվարանական մի փոքր ինքնուսուց՝ վաճառականական բնույթի խնդիրներ ու նրանց պատասխանները: Գրված է ամբողջությամբ գրաբար³¹:

Հատ ավելի հետաքրքրական է Մատենադարանում պահպող թվարանական մի այլ ձեռնարկ, 18-րդ դարից՝ «Արիք-մաթիկա», որ համարողական արհեստ» վերնագրով³²: Լեզուն գրաբար է, թեև կան ժողովրդախոսակցական հայերենին բնորոշ բառեր ու բառաձեռներ (բօղա 62, ապրշում 62, թօնկայ 63ա, նապար 67, մին 4ա, 12, 61, լեղանալ 79 և այլն): Այս ձեռնարկը շատ ավելի ընդարձակ է և նույնպես թվարանական խնդիրների ու նրանց պատասխանների ժողովածու է: Խնդիրների մեծ մասը վաճառականական հաշվումների ռն վերաբերում:

³¹ Զեռ. 1662: Գրչագրի սկզբում Զաքարիա Քանաքեռոցու «Պատմութիւնն» է, որին անմիջապես հաջորդում է թվարանական այդ բնագիրը՝ բավական անփույթ կազմված:

³² Զեռ. 2950: Գրված է գեղեցիկ ձեռագրով, ունի խնամքով կաղմված գծագրեր:

17-րդ դարի վերջերին և 18-ին գրաբար գրված այսպիսի ձեռնարկներն ամենից ավելի պետք է որ վաճառականություն սովորելու, դրան վարժվելու նպատակին ծառայեցնելու համար կազմված լինեն: Գրաբարն, իհարկե, բնավ հարմար լեզու չէր վաճառականներին կամ թեկուզ որևէ վարժարանում սովորող ապագա վաճառական աշակերտներին հասցեագրված նման ձեռնարկների համար. և բատ երեւյթին, գրաբարն այդպիսի ձեռնարկների լեզու էր դառնում սուկ դարավոր ավանդույթի ուժով: Բայց հենց նույն ժամանակաշրջանում էլ այդ ավանդույթը խախտվում էր, և կազմվում էին համարողական արհեստի նաև լիովին հասկանալի լեզու ունեցող ձեռնարկներ:

Նկատելի է, որ որոշ խնդիրներ և նրանց լուծման ձևերը այս ժամանակաշրջանի թվարանական-վաճառականական բոլոր ձեռնարկներում միմյանց շատ նման են, որ իր պատճառն ունի: Բայց այժմ մեզ հետաքրքրողը ձեավորվող նոր գրական հայերենի տարրերակներով գրված ձեռնարկների լեզուն է:

Մաշտոցի անվան մատենադարանում պահվող մի ձեռագիր ժողովածուի մեջ կա վաճառականական բնույթի խընդրագիրը՝ բացատրություններով, «Արուեստ թվական է սայ» վերնագրով³³: Զհոագիրն անթվակիր է: Գարեգին Պետրոսյանը, որ մասնագիտական (մաթեմատիկական) տեսակետից ուսումնասիրել է այս բնագիրը, փորձել է նաև որոշել նրա ընդօրինակման և հեղինակման ժամանակը: Նա նախ հնթագրություն է անում, թե ձեռնարկը ընդօրինակված է 18-րդ դարում: Մաշտոցյան Մատենադարանի «Ցուցակ ձեռագրաց»-ը այս բնագրի ընդօրինակումը դնում է 17-րդ դարի մեջ, որ մեզ ավելի հավանական է թվում:

Այնուհետև, Գ. Պետրոսյանը, ելնելով ձեռնարկում տեղ գտած թվանշանների ձևերից, միլիոն բառի գործածության փաստից, ինչպես նաև օ տառի և աւ-ի գուգահեռ նույնանիշ գործածությունից, եզրակացնում է, որ դասագիրքը հավանաբար կազմվել է 15-րդ դարի երկրորդ կեսին կամ 16-րդ դարի սկզբներին³⁴:

³³ Զեռ. 8716: Հրապարակումը տե՛ս Գ. Պետրոսյան, Մաթեմատիկան Հայաստանում հին և միջին դարերում, Ե., 1959, էջ 223—351:

³⁴ Գ. Պետրոսյան, նշվ. աշխատութ., էջ 220:

թվերի ձեի մասին փաստարկը չի համոզում, քանի որ նման թվանշաններ գործածված են նաև 17-րդ և 18-րդ դարերի թվարանական բնագրերում: Այդ նկատել կարող է նաև ոչ մաթեմատիկոսը. ցանկացողը կարող է վերցնել տարրեր դարերում բնդօրինակված թվարանական ձեռագրեր և հեշտությամբ համոզվել, որ թվանշանների գրության ձեռով կարելի է որոշել ոչ թե բնագրի ստեղծման ժամանակաշրջանը, այլ ձեռագրի բնդօրինակման մոտավոր ժամանակը: Սիլիոն բառի գործածության փաստը (մասնագետները ենթադրում են, որ այն մաթեմատիկայում գործածության մեջ է դրվել 14-րդ դարից) առավելագույնը կարող է ապացուց լինել այն բանի, որ բնագրից ստեղծվել է 13-րդ դարից հետո և բնավ չի բացառում, որ միլիոն բառի գործածությամբ բնագրը ստեղծվեր 16, 17, 18, 19 դարերում: Վերջապես օ-ի և աւ-ի գուգահեռ նույնանիշ գործածությունը նույնպես ոչ այնքան բնագրի ստեղծման, որքան ձեռագրի բնդօրինակման ժամանակի մասին կարող է մտածել տալ: Այդպիսի գուգահեռ գրություններ ունենք սկսած 13-րդ դարից մինչև 17, նույնիսկ 18-րդ դարերը³⁵, ի դեպ, բանի որ ինքը Գ. Պետրոսյանը ձեռագրի բնդօրինակման ժամանակը համարում է 18-րդ դարը, ինչանակի նա ակամայից ընդունում է, որ այդ շրջանի դրիները կարող էին թույլ տալ նման զուգահեռ գրություններ:

Գ. Պետրոսյանի փաստարկները հիմնավոր են թվում իրեն ապացուց միայն այն բանի, որ տվյալ թվարանական ձեռնարկը կարող էր գրվել 13 կամ 14-րդ դարերից հետո, բայց այդ փաստարկները չեն նշում, թե որերորդ դարն է այդ ձեռնարկի ստեղծման վերջին սահմանը և բնավ չեն հաս-

³⁵ Օրինակ, աւ-ի և օ-ի գուգահեռ օգտագործում կա 1295-ին բնդօրինակված մի ժողովածուի մեջ (Մաշտոցի անվ. մատենադ. ձեռ. 488), որ պարունակում է Մխիթար Գոյի Դատաստանագիրը (կան՝ աւրինաղաւութիւն և օրինակ. ծնաւղաց և շաղօց և այլն): Նույն կարգի գուգահեռություն կա 1322 թ. բնդօրինակված մի ժողովածուի մեջ (ձեռ. 108, ինչպես՝ ծնաւղաց, ընդունաւղ. բայց՝ մեղօց, աղօրից և այլն): 17-րդ դարի ձեռագրերից այդպիսի գուգահեռություններ ունի մի ժողովածու (ձեռ. 1749, ինչպես՝ բամբասանօց և բամբասանաւից, նամառաւտ և նամառօտ և այլն). Հմմա. նաև Ս. Գյուլբուղաղյան, Հայերնի ուղղագրության պատմություն, Ե., 1973, էջ 114—133:

տատում 15 կամ 16-րդ դարերում ստեղծված լինելու վարկածը:

Մեր կարծիքով ձեռնարկի լեզուն, մասամբ էլ առաջադրվող և լուծվող խնդիրների մեծ մասի գործնական-վաճառականական բնույթը ասում են այն մասին, որ խնդրագիրքը մեզ հասած ձեռվ պետք է ստեղծված լինի ոչ վաղ, քան 17-րդ դարի կեսերին, ավելի ճիշտ՝ հենց այդ շրջանում կամ գուցե երկրորդ կեսի առաջին տասնամյակներում: Ստորև մենք կտանք այդ ձեռնարկի լեզվից մի նմուշ և մի երկու օրինակով համառոտակի կրնութաղրենը նրա բառապաշարային և քերականական մի բանի առանձնահատկությունները: Այժմ նախապես ասենք, որ այդ լեզուն նոր դրական հայերնն է՝ շտրոհված արևելահայերննի և արևմտահայերննի, որ և բնորոշ էր 17-րդ դարի երկրորդ կեսի համար: Մյուս կողմից, ձեռագրի աշխարհաբարը բնույթով այնպիսին է, որպիսին 17-րդ դարի 40-ական թվականներից ավելի վաղ, նաև այդ դարի սկզբներին չի եղել, համենայն դեպս, մեզ այդ շրջաններից նման լեզվով հուշարձան հայտնի չէ: Նշենք նաև, որ ձեռնարկի սկզբի մասը դրված է ուշ շրջանի ոչ կատարյալ դրաբարով և միայն այն հատվածից, որտեղ սկսվում է բուն խնդիրների և նրանց լուծումների շարադրումը, զրաբարը փոխարինված է նոր դրական հայերնով: Ահա մի նրմուշ այդ խնդրագրքից: «Մէկ մարդ մի մշակ բռնեց մինչև ի ի՞՛ օր. ասաց, թէ յառաջի օրն ա ըստակ կուտամ, երկրորդն ը, երրորդն գ ըստակ, շորրորդն դ, ամենայն օր մի մի աւելացնեմ, որշափ որ կենաս ի քովս: Եւ նա կեցաւ ի նորայ մոտն 24 օր: Ընդ ամենն քանի ըստակ պիտի լինի» (էջ 42ա):

Բնագրի լեզվում ունենք ժողովրդական-բարբառային մի շարք բառեր և բառաձեռեր, ինչպես լիրուր (35ա), կօրալ (36ա), մէկալին (36ա), պօզմիշ (40ա), աղեկ (42ա), իրեն (43), խալ-սեցուր (44ա) և այլն, թեև հիմնականում իշխում են զրաբարյան բառաձեռերը (այս, այն, այսպէս, նոզի, նորա, երկու և այլն) և շատ են զրաբարի բառապաշարից եկած բառերը (վաստակել, ցուցանել, բազմապատիկ և այլն): Ուղղագրությունն անկանոն է, քերականությունը, քերականական ընդհանուր տրամաբանությունը՝ բարբառային կամ խոսակցական հիմքով: Ինչպես ասվեց, չկա արևմտահայ-արևելահայ բաժանու-

թը, թեև ներկան կազմվում է կու (կ)-ով («ի տեղն ինչ կու մնայ», 34, «ամէնն այս ցեղս կու ելնէ» 36), վաղակատար ժամանակը՝ եր-ով վերջացող դերքայով («վաստակեր են», «գնացեր են» 40)³⁶, բայց այդ ձեերն ընկալվում են ոչ թե իրրե արևմտահայերն, այլ՝ միջին հայերենի շարունակվող իշխանության արտահայտություն։ Խոսրին հատկապես արևմտահայ թեքում չեն տալիս նաև այնպիսի տարրերը, ինչպես, այլ բառի մեկ-երկու անգամ գործածված ալ ձեր (35, 36ա) կամ աղէկ բառը (42ա), որոնք հակակշռվում են արեգելահայ բարբառներից եկող մի շարք բառերի և ձեերի գործածությամբ, ինչպես իրեն (43), խալրսես (44) և այլն։

Մենք շատ հակիրճ բնութագրեցինք այս խնդրագրքի լեզուն՝ ցույց տալու համար այդ լեզվի բնույթը, որպիսին չէր կարող լինել և չի եղել 14-րդ դարում, ինչպես և 15, 16-րդ դարերում։ Ստորև, երբ ավելի մանրամասն քննենք տպագիր ռԱլբիստ համարողութեան» դրբի հայերենը, կտեսնենք, որ այն բավական նման է ձեռագիր այս խնդրագրքի լեզվին։ և այդպիսի հայերենով միայն 17-րդ դարի կեսերից են սկսել գրել։ Կարելի էր ենթադրել, թե գասագիրքը 14-րդ դարում գրաբար կազմվել է, իսկ 17-ում փոխադրվել նոր լեզվի, բայց խնդիրների վաճառականական բնույթն այնքան նման է 17—18-րդ դարերում հայոց մեջ տարածված ձեռնարկներում զետեղվող խնդիրներին, որ նման ենթադրությունն էլ անհող է մնում։

Նոր Զուղայում 1687 թվականին նշանավոր դպրապետ Կոստանդ Զուղայցու կողմից բնդօրինակված մի ձեռագիր ժողովածվում³⁷ կա երկու աշխարհաբար բնագիր, մեկը «Աշխարհաժողով», որ «Զափի և գազի, բարի և կշեռքի» ձեռնարկ է ու վերաբերում է տարբեր երկրների դրամներին, շափերին ու կշիռներին. փաստորն, մի տարբերակն է այն ժամանակ տարածված այդ կարգի ձեռնարկների։ Մյուսը հա-

³⁶ Վաղ աշխարհաբարում վաղակատար դերքայի այս ձեի գործածման արժեքի մասին տե՛ս ստորև։

³⁷ Մաշտոցի անվ. մատենագարան, ձեռ. 8443 (օրինակների մոտ փակագծում նշվում են այդ ձեռագիր համապատասխան էջերը)։

մարողական արհեստի ձեռնարկ է՝ «Դուռն համարողական արհեստին» («Ես յառաջ ածեմք զղոներն ըորդամին»), պարունակում է խնդիրներ, լուծումներով³⁸։

Հիշատակարանում (զրաբար) Կոստանդ դպրապետը գրում է. «Եարապրեցաւ բանս աշխարհաժողով փոքր ի շատէ վասն վաճառականաց գնելու և վաճառելոյ, որ նորավարժ մանկունքն փոքրուստ ուսանեն վասն ի պէտս ապագայից իրեանց...» (167ա)։

Ի դեպ, նշենք, որ այս խնդրագիրքն ընդգրկում է վաճառականության և վաճառաշահության բոլոր բնագավառները. խնդիրներ և լուծումներ կան աշխարհի տարրեր քաղաքներում հայ վաճառականների կողմից այն ժամանակներում գնվող և վաճառվող ապրանքների, նրանց զների ու շափելու, կշռելու եղանակների, ընկերովի զրամ շահելու, տոկոսով (շախով) դրամ տալու, մահացողի ունեցվածքը ժառանգներին բաժանելու մասին և այլն։ Կան նաև մի բանի ոչ վաճառականական խնդիրներ։ Զեռնարկն այսօր կարող է աղբյուր լինել հայ վաճառականության պատմության համար։

Ստորև բերում ենք մի բանի նմուշ այդ ձեռնարկից. «Դարձեալ. Է ջուլիսակ զ ամիս ը օրումն թնե գաղ շուխակն ը ամիս զ օրումն քանի գաղ կու գործեն։ Այսպէս արայ. յառաջ զ ամիս ը օրն ոխչ օր շինէ. որ ելաւ զր օր և է ջուլիսակովն բռազամ արայ. որ ելաւ զի. ձզ վերդիր կայ և յետոյ ը ամիս զ օրն ոխչ օր շինէ» (183ա), «Դարձեալ զ հոդի ընկերացանք. Ենմը ոուփի դատեցինք. Բերին կիսեցին։ Մինին հասաւ նդ ըռուփի. և երկրորդին հասաւ բնիսա ըռուփի, և երրորդին հասաւ ննզ ըռուփի։ Որ էս ննզ ըռուփա տրողն խարար ամ, որ սարմայէն դնձէ ըռուփի այ և էն ը հոգոյն սարմայէն խարար շեմ։ Եթե ուզենաս հիմանաս, այսպէս արայ. էն մինն, որ նդ ըռուփի շախն այ, վեռէլ նդ ըռուփին դիր էն ընկերի սարմային օր

³⁸ Այս խնդրագրքին անդրադաել է Ա. նգանյանը իր «Մաթեմատիկայի հայերեն ձեռագիր դասագիրքը...» հոդվածում («Գիտ. աշխ. ժողովածուս Հայկ. հեռ. մանկ. ինստիտուտի, 1960, № 6, մասն 2, էջ 26—35»), որ և ձեռագրից բերված է մի բանի քաղվածք (մասամբ աղավաղված)։

խաբարն ա. որ դնծէ ըռուփի էր, դիր տակումն ըռադամ արայ...» (220), «Դարձեալ մին բօլուկ զուշ դնաման ին. ազուշ դէմ ելաւ ասաց. «բարի աջողում ձեզ, և զուշ»: Ասացին ո բարի քե, մենք ն չենք. մին մեզ շանք, մին մեր կիսին շանք, ա մեր շարէրին շանք, էնչաղն թէ քենով ն գինինք: Ֆիմանաս էն բօլուկն քանի ան ելէլ: Այսպէս արայ. դր վերդիր, թ նոլ էլ տուր և յետո թ և գ ոռուպովն կտրատէ: Քեզ ցուցանէ, թէ էն բօլուկ զուշերն քանի ան ելէլ. որ լզ զուշ ան ելէլ» (236):

Նմուշներ շատ բերեցինք այն պատճառով, որ այս խնդրագրի լեզվական տարրնթացությունը բավական մեծ է, որոշ խնդիրների լեզուն երբեմն առանձնահատուկ է դառնում և, խնդրագրի լեզվի մասին ամբողջական պատկերացում ստանալու համար պետք է տարրեր հատվածների ծանոթանալ:

Ամբողջության մեջ այդ լեզուն նորջուղայական արդեն մեզ ծանոթ աշխարհաբարն է՝ ն. Զուղայի դրականացված (զրաբարացված) բարբառը կամ խոսակցականը:

Ինդրագրի լեզվում տեղ-տեղ ն. Զուղայի բարբառը շատ թույլ է արտահայտված կամ բնավ չի զգացվում, որով և դրի լեզուն մոտենում է ընդհանուր նոր գրական հայերենին, իսկ տեղ-տեղ արևելահայ խոսքը ու հատկապես ն. Զուղայի բարբառը իրենց շատ որոշակի են զգացնել տալիս (օրինակ, «Դարձեալ, Հալապայ որ դուս լինիս ելման, դապ Աջամըստան լինիս զոլման, յամէն տեղի խալճ բալճն բարթ գրած այ, որ ներկես կու տեսնես» 244ա):

Ինդրագրի լեզվի մեջ (ամբողջությամբ վերցրած) շատ են ն. Զուղայի բարբառից ու ժողովրդախոսակցականից եկող լեզվամիջոցները. բառաձերից ու բառերից ունենք, օրինակ, մովք (182), էնտով (184ա), էնտուր (220ա), էտենց (237ա), էն («էն թ կտրածին տակումն» 184ա), էլ («ա զիր էլ կիսին համար կտրէ» 184ա), խացն (235), շախ («որ շախ մայէն ելաւ» 188ա), պախեց (193), խոռոմստան (212), զօրայ («էն զօրայ» 184ա), բարշել (184ա), զուշ (236), բօլուկ (236) և այլն: Առավելապես արևելահայ խոսքին հատուկ այս բառաձերն ու բառերը (մի քանիսը միայն ն. Զուղայի բարբառին բնորոշ) հակակովում են շատ ու շատ բառերի զրա-

բարյան ձեերի օգտագործմամբ (նոզի, յետոյ, երկրորդ, երրորդ, ընկեր, դարձեալ, այլ, ուրիշ, ապա, յառաջ, ելաւ, նասաւ և այսպես շարունակ), ընդ որում, էս ու էն-ին ու նրանցով կազմվածներին զուգահեռ ունենք այս ու այն և նրանցով կազմվածներ (շատ է գործածված այսպէս-ը): Նույն կերպ զուգահեռաբար են գործածվում (նույն իմաստով) մին և մէկ ձեերը՝ առաջինի գերակշռությամբ: Բարբառի կողմը ձգող զլիսավոր տարրն է էական բայի եղակի երրորդ դեմքի բավական շատ գործածված ա ձեր («թղտումն դրած այ» 184ա), որին զուգահեռ, սակայն, գործածվում է նաև է-ն («ինչ որ մնայ խալիս արրշում է» 184ա): Ն. Զուղայի բարբառից են նաև էական բայի խոնարհված ամ («մին իբմին ամ բարշել» 233), աս («բարշել աս» 188ա), ան («բանի ան ելել» 236), ին («մին բոլուկ զուշ զնաման ին» 236), ձեերը, անկատար դերայի մի քանի ձեեր (զնաման, ելման, գոլման) և այլն: Ն. Զուղայի բարբառին հատուկ, բայց և ընդհանուր արեելահայ ձեերից են ում-ով ներգոյականը (տակումն 178, սուրարումն 178), ից-ով բացառականը (արշմիցն 184ա), ում-ով կազմված անկատար դերայը («իսարցանում այ» 243ա) և այլն:

Քերականական այս ձեերը խոսքին արևելահայ թեքում են տալիս, սակայն նկատելի է նաև միջին հայերենից եկող որոշ ձեերի գործածությունը, ինչպես կու-ով ներկան (կու տեսնես), վաղակատար ժամանակների եր-ով դերայը (վաստակեր են), է վերջավորությամբ եղակի հրամայականը (շինէ) և այլն, որոնք գրաբարյան բառաձերի հետ խոսքը հանում են բարբառի, ինչպես և զուտ արևելյան հայերենի վիճակից և մոտեցնում ընդհանուր նոր գրական հայերենին:

Ամեն դեպքում, այս լեզուն 17-րդ դարի մի ընդհանուր գրական հայերենի նմուշ չէ. քանի որ ձեռնարկը զրվել է միայն տեղական օգտագործման համար, ուստի և նրա լեզուն չի հասցվել ժամանակի ընդհանուր գրական հայերենի մակարդակին:

Գրական լեզվի մակարդակ ունի առաջին տպագիր աշխարհաբար գրքի՝ «Արշեստ համարողութեան»-ի լեզուն, որին անդրադառնում ենք ավելի մանրամասն:

Գիրքը³⁹ տպագրվել է Մարտկում, նշանավոր «Յանուն Ս-էջմիածնի» և Ս. Սարգսի տպարանում, Ոսկան Երևանցու մահից շուրջ տարիուկես Հետո, երբ տպարանի տնօրենը, զլիսավոր գրաշարը Ոսկանի քեռորդի Սողոմոն Լոռնյանն էր, գրաշարը, սրբագրիչը, երբեմն նաև խմբագիրը՝ Մատթեոս Հովհաննիսյան Վանանդեցին (Հիշենք, որ Ոսկան Երևանցին ու նրա հարազատները ն. Զուղայից էին, ծնողները՝ գաղթած Երևանից, իսկ Մատթեոս Հովհաննիսյանը՝ Գողթան գաղափից):

«Արհեստ»-ի հրատարակիչները, խախտելով Հայ տպագրության ամրացած ավանդույթը՝ տպագրում են ոչ գրաբար Հայերեն գիրք, բայց ավանդույթի մի մասին, այնուամենայնիվ, հավատարիմ են մնում՝ գրի առաջարանն ու Հիշատակարանը գրում ու տպում գրաբար:

Առաջարանում («Առաջարանութիւն գրգոյս») կարդում ենք. «Տեսանելով զհարկաւորութիւն մերազնեայց վաճառականաց վասն կատարելապէս ո՛չ գիտելոյ զարհեստն համարողութեան, վայելու վարկաք զգիրգս զայս թարգմանել ի մերս բարբառ. որպէսզի սովաւ վարժեցեալը կարիցեն զիւրապէս պարապիլ ի գործս իւրեանց թարց գեղերման մտաց»: Ուրեմն հրատարակիչների նպատակն է եղել Հայ վաճառականի ձեռքը մի զիրք տալ, որը նրանց համարողության արհեստի տարրական գիտելիքներ պիտի սովորեցներ⁴⁰:

Տպագրիչների ոսկանյան խումբը միշտ կապված է եղել Հայ վաճառականների հետ: Հատկապես Ոսկանի եղբայրը՝ Ավետիս Ղիմճենցը (նորջուղայեցի) տպարանի հիմնադրման

³⁹ Լրիվ վերեագիրը և ամբողջ տիտղոսաթերթը հետևյալն է. «Արհեստ համարողութեան ամբողջ և կատարեալ Թարգմանեցեալ ի պէտս Հայկագունեաց և մանաւանդ Վաճառականաց»: Նու տպագրեցեալ ի տպարանի սրբոյ էջմիածնի և սրբոյ Սարգսի գորաւարին: Ի Հայրապետութեան տեսոն Ճակօրայ ամէնից Հայոց Կաթողիկոսի և ի միապետութեան Լուսովիկոսի շորեթասահերոդի արքային Կալլիացոց: Ի Մարշիւայ. Ցամի ներ մարդեղութեան Տետոն 1675. օգոստոսի ամսոյ 25. հ. 8. 2. թ. Տ. Պ. Պ.»:

Այս գրքի՝ Հայաստանում եղած մեզ Հայտնի երեք օրինակները գրտնը վում են Մաշտոցի անվ. մատենադարանում (Հնատիպերի Հավաքածու):

⁴⁰ Գիրքն իր ժամանակով էլ նախատեսված է աստանդական վաճառականների համար. նրա փոքր, «դրապանային» ծավալը (6.8×11 ամ, 151 էշ), հնարակորություն պիտի տար Հայ վաճառականին միշտ իր մոտ ունենալու այն և անհրաժեշտության դեպքում անմիշապէս օգտագործելու:

Ժամանակից սկսած անընդհատ դրամական օժանդակություն է ցույց տվել նրան: Հավանական է, որ ծանոթ վաճառականների (գուցե և ամենից շատ Ավետիսի) խորհրդով էլ Ս. Էջմիածնի և Ս. Սարգսի անվան տպարանը ձեռնամուխ է եղել այս գրքույկի թարգմանության ու տպագրությանը: Իհարկե, հաղիվ թե գրի հրատարակման միակ մղիշը «մերազնեայց վաճառականաց» համարողական գիտելիքները բարձրացնելու մտահոգությունը եղած լինի: Ըստ Երևույթին, կարեոր է եղել նաև դրամական ակնկալությունը. նյութական ծանր վիճակի մեջ գտնվող տպարանը, այդպիսի գրքույկ վաճառականներին հրամցնելով, զգալի եկամուտ կարող էր ունենալ: Նշենք նաև, որ նույն տպարանում մի քանի ուրիշ գրքույկներ (օրինակ՝ «Գիրք այրութենից», «Գիրք վայելուշ և հարկաւոր» նույն 1675, «Գրգուկ կարեւոր հանապաղորդեան...»՝ 1676 և այլն) ըստ տիտղոսաթերթի, առաջարանի կամ Հիշատակարանի նույնպես վաճառականների համար են տպագրվել: Բայց նրանք բոլորը գրաբար են, թեև բավական «հեշտացված» գրաբար, բնդ որում, գրքերի բաղադրիչ մաս կազմող օրացույցները, պարզատումարները իրենց լեզվով (պարզ գրաբար), ինչպես և նրանցում եղած աղյուսակները և թվարկումները այն ժամանակներում հիմնականում օգտագործելի էին գրագետ վաճառականների համար:

Թվարանության մի տպագիր ձեռնարկ, կազմված թեկուզ պարզ գրաբարով, անմատչելի պիտի լիներ Հայ վաճառականների հիմնական զանգվածին, ուստի և ճիշտ որոշում է ընդունվել՝ այդ զիրքը հրատարակել հասկանալի լեզվով: Առաջարանի շարունակության մեջ զրված է. «Եւ մանաւանդ զի աշխարհականաւ ոճիւ է շարագրեցեալ առ ի բառնալ զպատճառս ծուլից և պարսաւարանից. որք եթէ մի անգամ սիրով և ուշագրութեամբ ընթեռնուցուն զսա, զբնաւս դժւարութիւնս համարողութեան գերազանցեցին»:

Հիշատակարանում («Վախճան») ասված է. «Ի վայելումն հանուց Հայկագունեաց վաճառականաց»⁴¹: Բոլոր Հայ վա-

⁴¹ «Աւարտեցաւ պիտանացու և շահաւելու գրգուկս համարողութեան ի փառս մեծագոյնս Աստուծոյ և ի վայելումն հանուց Հայկագունեաց վաճառականաց. յամի ներ մարմնութեան Տետոն 1675 նոյեմբերի ամսոյ 21. ի Մարշիւայ բաղադրի...»:

ճառականներին հասցեագրված զիրքը, պարզ է, որ պետք է լույսին հասկանալի լեզվով լիներ, ուստի և նրա լեզվի որևէ բարբառի շատ թե քիչ նկատելի զերակշռություն չէ շպետք է լիներ: Եվ շկա այդպիսի զերակշռություն:



Արմեստ համարողութեան, Մարտի, 1675 թ. (տիտղոսաբեր)

Ստորև բերում ենք «Արհեստից» մի հատված նրա լեզվի մասին ընդհանուր պատկերացում ու ճաշակ տալու համար⁶². «Մին մարդ մի մառչիլ կուգէ տայ զառապիսանէն և կուգէ իմանայ, թէ իւր փողն որչափ թուման և որչափ դիան կանէ: Զառապիսանի քաշումն վեց հարիւր մսխալն հարիւր մառչիլ է. մին մառչիլն քանով որ կու պարչի, դիան կու շինէ և էս մին մառչիլի գնովս իւր բավանդակ փողն կու բաղմացնէ: Յետոյ բագմացուցած թվի աջ կողմէն չորս գիր կու կըտրէ:

⁴² «ԱՐԵՆԱՄՅԱ-ԻՑ ՔԵՐՎԱԾ այս և ՀԵՏԱԳԱ ՔԱՂՎԱԾՔՆԵՐՈՒՄ պահապանված է քնարի ուղղագրությունը, ժամանակակից է դարձված միայն կետաղրությունն ու մեծատառերի գրությունը (քաղվածքների վերջում տրվում են «ԱՐԵՆԱՄՅԱ-ԻՑ ՀԱՄԱԿԱՌԱՄՅԱՆ ԷՒԵՐՈ»):

ինչ-որ ձախ կողմն կու մնայ՝ թուման է, ինչ որ աջ կողմըն կու մնայ՝ դիան է: Եւ թէ աւելի մսխալ մընայ, Հարիւր մառշլի գինն դիան կու շինէ և այն աւելի մսխալովն կու բազմացնէ և վեց Հարիւրովն կու բաժանէ և այսպէս կիմանայ աւելի մսխալների գինն. ինչպէս էս օրինակումս: Ունիմք 2615 մառշլի: Մին մառշլին 675 դիանով պարշեցանք: Էս զնովս զրովանդակ մառշլին կու բազմացնենք և շորս դիր աջ կողմէն կու կտրենք, և կու լինի բովանդակ մառշլի գինն՝ Հարիւր եօթանասուն և վեց թուման. Հինկ Հազար Հարիւր և քսան դիան, և ոչինչ չի աւելանար» (134—135):

«Արհեստ»-ի լեզվի մասին ավելի շոշափելի պատկերացում տալու համար փորձել ենք զիմել խոսքը լեզվական բաղադրիչներով բնութագրելու միջոցին։ Ընտրել ենք 20 բաղադրիչներ, որոնք պայմանականորեն անվանում ենք զլխագոր, բայտ այդ բաղադրիչների ներկայացրել ենք «Արհեստ»-ի լեզվի 20 հատկանիշներ։

Այդ բաղադրիչներն են. 1) Մի շարք բնորոշ բառաձևերի օգտագործում (մին-մէկ, էս-այս և այլն), 2) բարբառային բառերի օգտագործում, 3) մի բանի դերանունների (նորա, նոքա և այլն) և վերայ կապի գրաբարյան ձևերի օգտագործում, 4) գոյականների հոգնակիի կազմությունը, 5) գրաբարյան հոլովաձևերի գործածությունը, 6) հոգնակի ստացական (սեռական-տրական) հոլովի կազմության դեպքերը, 7) անորոշ դերբայի ստացական (սեռական-տրական) հոլովը կազմվելու դեպքերը, 8) ում հոլովիշով ներգոյականի գործածությունը, 9) բացառական հոլովի կազմությունը, 10) և հողի գործածության երեք բնորոշ դեպքեր, 11) վ բայամասնիկ ունեցող բայաձևերի գործածությունը, 12) բայերի ներկաժամանակի կազմությունը, 13) դիմավոր բայերի հոգնակի առաջին դեմքի զուգահեռ մե և նե վերջույթների առկայությունը (դնեմք-դնենք), 14) բայերի եզակի երրորդ դեմքի և ի վերջույթների գործածությունը (գրէ-գրի), 15) էական բայի եզակի երրորդ դեմքի է ձեփ մենաշնորհը, 16) բայերի վաղակատար ժամանակի ձևերը, 17) բայերի ներկա ժամանակի ժխտական ձևերը, 18) պիտիմ դիմավոր բայի և անորոշ դերբայի հատկանշական կապակցությունների առկայությունը (ռպիտինք գիտենալո), 19) Պիտի բառի և հարակա-

առար դերբայի հատկանշական կապակցությունների («պիտի գրած») առկայությունը, 20) ուզել բայի դիմավոր ձևերի բարբառային բնույթի կապակցությունը դիմավոր լրացման հետ («կուզէ ժախէ»):

Ստորև՝ բայ այս բաղադրիչ-հատկանիշների ներկայացնում ենք «Արհեստ»-ի լեզվական համապատասխան իրողությունները:

1) Հառոգտագործման մեջ նկատելի են ժողովրդական խոսքից եկող մի քանի բառաձներ, որոնց հաճախակի գործածությունը որակ է ստեղծում «Արհեստ»-ի լեզվում: Դրանցից պետք է համարել մին ձեռ, որ առաջացել է մի բառի ու ն հոդի միացությունից և ավանդված է գրաբար դասական բնագրերում (կամբոնացի, նարեկացի և այլն), բայց և նույնությամբ պահպանվել է արեելյան մի շարք բարբառներում, այդ թվում՝ արարատյան (նաև՝ լոռու խոսվածքում), Ն. Զուղայի, Արցախի: Արևմտյան բարբառներում շկա (կա մըն հնչյունափոխված տարրերակը): 17-րդ դարի երկրորդ կեսին և հետագայում մին-ը նոր գրական հայերեն բնագրերում դորժածվում է իրեն արեելյան հիշյալ բարբառներին հարազատ, այդ բարբառներից եկող (և ոչ՝ գրաբարյան) ձև: Մէկ ձեռ (որ նույն մի-ից է առաջացել) մին-ի համեմատ սկսել է ընկալվել (և մինչեւ օրս էլ ընկալվում է) իրեն առավել գրական (17—18-րդ դարերում՝ գրաբարյան) ձև: «Արհեստ»-ում շափականց շատ է մին-ի գործածությունը: Օրինակներ՝ «Համարողութիւնն մին արհեստ մի է, որ թիւ գրելով ճանապարհ կուսուցանէ» (էջ 1. աշխարհաբար բնագրի առաջին նախադասությունն է), «Մին զիր մի երբ որ առաջին տեղը կու զըրվի, մինակ զինքն կու նշանակէ» (3), «Ներքեն մին խազ մի կու բաշենք» (5), «մին զրով կու լինի» (6), «Բայց թե մին երկար թիւ մի հանդիպի, որ երբ որ բարդենք...» (8), «Երբ որ մին թիւ կու բարդենք...» (9), «մին կարտ լինի» (91), «Երեքի կանոնն մին ճանապարհ մի է, որ երեք գիտացած թը-վով մին ուրիշ չի գիտացած թիւ գտնել կու ուսուցանէ» (106), «մին ամսումն» (112), «մին մարդ» (121, 135) և այլն: Նըշենք, որ արևմտահայ խոսքին հատուկ մը կամ մըն ձևերը լիովին բացակայում են «Արհեստ»ի լեզվում:

Մին ձեի՝ զրբի սկզբի մասում տեղ գտած «մենաշնորհ»

բնագրի շարունակության մեջ աստիճանաբար վերանում է, և սկսում է նույն իմաստով մին-ի հետ հանդես գալ նաև նրա մէկ համանիշը, ինչպես՝ «Զերայ թէ որ վերսի երկու շարն մէկ տեղ բարգենք» (15), «Մէկ թիւ մի մէկ ուրիշ թվով պիտինք փորձել, թէ շիտակ եմք բազմացուցեր» (42), «ապա մէկ թիւ մի կու բարդեմք բշտի երեքին հետ» (87) և այլն: «Թվաբանական կանոնները բացատրելիս մերթ մին, մերթ մէկ ձևերն են գործածվում, ինչպես՝ «Հանելն էն է, որ մին պղտիկ թիւ մի ի մեծ թվէն կամ հաւասար թիւ մի ի հաւասար թվէն դուրս քաշել կուսուցանէ» (17), «Բազմացնելն էն է, որ մին թիւ մի մին ուրիշ թվի շափովն աւելացուցանել կուսուցանէ» (32), բայց և՝ «Բաժանելն էն է, որ մէկ թիւ մի մէկ ուրիշ թվի շափովն կըտրատել կուսուցանէ» (51), «Երբ մէկ թիւ մի բաժանել կուզեմք...» (53) և այլն:

Ընդհանուր առմամբ գերակշռում է մին ձեր, որն ինչպես ասացինք, հատուկ է արեելյան մի շարք բարբառների: Նկատենք նաև, որ մի բառաձնը (տե՛ս օրինակներում) առանձնահատուկ (մին-ից և մէկ-ից տարրեր) նշանակություն ունի (անորոշության):

Հառաձեների գործածման մի այլ ակնառու հատկանիշ է զերազանցապես արեելահայ էս, էղ, էն ձեերի ու նրանցից կազմվածների առատությունը: Ինչպես. «Առաջին տեղն էն է, որ աջ կողմն է: Իսկ վերջին տեղն էն է, որ ձախ կողմն է: Ինչպես էս թվումս» (2), «և էսպես կու կատարվի բարդելն» (7), «Բայց լաւն էն է, որ երբ էսպես երկար թիւ հանդիպի բաժին բաժին անենք, ամէն բաժին չոկ չոկ բարդենք, յետոյ էն բարդածներն մին տեղ ժողովենք» (8), «թէ որ լինի, մրտքերս չի խրթվի, ինչպէս թէ որ կամենամք էս երկար թիւս բաժին բաժին անել, էնպէս կանենք» (9), «էս փորձելս երեք կերպիւ կու լինի» (9), «էս օրինակս կուսուցանէ» (10) և այլն: Ունենք նաև՝ էնտոնց (2), էնտոր (11), էնկից (6), էսկից (18), էստում (71) ձևերի մի շարք օգտագործումներ⁴³:

⁴³ Այստեղ և այսուհետև «Արհեստ»-ից քաղված առանձին բառերի ու ձևերի կողքին տրվում է նրանց գործածության դեպքերից միայն մեկի էջը: Ուստի այդ մի էջի նշումը չի նշանակում, թե բառը կամ ձևը այդ էջեկ անգամն է գործածված: Շատ դեպքերում մինչեւ 10 և ավելի գործածություններից նշված է միայն մեկը:

էս ու Էն-ը և նրանցով կազմվածները նույնպես գրքի սկզբի մասում գրեթե մենաշնորհ ունեն, բայց աստիճանաբար սրանց զուգահեռ հանգես ևն գալիս այս ու այն-ը և նրանցով կազմվածները, ինչպես. «Բայց գրերն պիտի այնպես տեղաւորած...» (5), «Բայց այս օրինակս այն թւերին է...», «Այս երկութես» (85), «Յետոյ այս բազմապատկած թիվս...» (107), «Այսպէս թէ առաջինն տարի լինի...» (107), «Ալպա այս եօթնասուն և շորս հարիւրով բազմացուցինք» (122), «Այսպէս կիմանայ այսչափ տրամ մառամի դինն» (142) և այլն:

Շատ դեպքերում միմյանց հարեան կապակցություններում, նույնիսկ՝ միևնույն նախադասության մեջ ունենք և մեկ, և մյուս ձեզ («Այս վերոյ գրեալ օրինակս էն թվերին է...» 75, «Ինչպէս այս հետեւեալ օրինակումս...» 77, և «Ինչպէս էս օրինակումս...» 78 և այլն):

Գերակշռում են էս ու Էն-ը և նրանցով կազմվածները: Հատկապես շատ են էս-երը՝ «էս օրինակս», «էս օրինակումս» և այլն, ունենք զ նախդիրով էս, ինչպես. «Մին ուրիշ ճանապարհ էլ կա հանելու, որ հեշտ է, քան զէս» (22), «Յետոյ զէս բազմացուցած թիվս վեց հարիւր դիանով կրկին կուրազմացնեմք» (139) և այլն, թեև նույն դիրքում էս-ը գործածվում է նաև առանց զ-ի («Յետոյ էս բազմացուցած թիվը երկու հարիւրով կուրաժանեմք» 134): Կա նաև զ-ով այս («Բայց զժուար է զայս փորձ գործածելն» 50):

Արևմտահայ խոսքին հատուկ աս, աղ, ան-ը և նրանցով կազմվածները բոլորովին շկան «Արհեստու-ում»:

Գրքի լեզվում առկա են մի շարք ուրիշ բառաձեր ևս, որոնք բարբառից կամ ժողովրդախոսակցականից են գալիս. այդպիսին է արևելահայ խոսքին հատուկ Էլ-ը («Էլ աւելի» 15, «Այս մէկս էլ կու հանեմք վերելի մէկէն» 90), միայն մեկ-երկու դեպքում ունենք Էլ-ի գրաբարյան այլ համանիշը (օր.՝ «Էսկ թէ յետ բաժանելուն այլ զիր չի մնայ» 77): Էլ-ը բացարձակ գերակշռությամբ բավական շատ է գործածված: Արևմտահայ ալ-ի ոչ մի դեպք շկա: Ժողովրդաբարբառային բնույթի բառաձերից կան նաև հիմիկս («Հիմիկս թողումք» 51, «Ինչ որ մինչեւ հիմիկս գրեցինք» 115), կարենալ («Որ հեշտ կարենայ ամէն մարդ» 15), մինակ («... կու գրւի մի-

նակ»), իրուր («էն ժուկն պիտինք զդուշանալ, որ զթվերն իրուր չի խրթեմք»): Այս բառաձերը նույնպես գալիս են արևելահայ բարբառներից և մի ամբողջական շարք են կազմում մին-ի, էս ու Էն-ի, Էլ-ի հետ:

Ուշադրության է արժանի լինել (լինի) բայց, որ գործածված է հենց այս ձեզվ: Այդ բայաձերը ուշադրության ենք առնում այն պատճառով, որ հատագայում գրական արևմտահայերին հատուկ ըլլալ ձեն «Արհեստու-ում» լիովին բացակայում է, մյուս կողմից լինել ձեր հետագայում հատկանշական դարձավ գրական արևելահայերներն: Օրինակներ. «Յետոյ էն բարդումներն մին տեղ ժողովենք, որ հեշտ լինի...» (8), «Էս փորձելս երեք կերպիւ կու լինի» (9), «Թէ մին կարտ լինի» (91), «Սա առանց նորա չի լինիր» (115) և այլն:

2) «Արհեստ-ի լեզվում առկա են բարբառներից և ժողովրդախոսակցականից թափանցած մի շարք բառեր (դրանց մի մասը ուշ միջնադարի և նոր շրջանի բարբառային փոխառություններ են): Այդ բառերից մի քանիսն առավելապես հատուկ են արևելահայ բարբառներին, ինչպես՝ իմին («մին իրմին շի նշանակեր» 2), ծուկ (ժամանակի իմաստով՝ «էն ժուկն միաւորն կու զնեմք» 8, «էն ժուկն պիտինք զդուշանալ» 112), զառապիշանայ («մի մառչիլ կուզէ տայ զառապիշանէն»): Մյուս բարբառային բառերը, ըստ երևույթին, հատուկ են եղել թե՛ արևելահայ, թե՛ արևմտահայ մի շարք բարբառների, ինչպես՝ պկտիկ («մին պկտիկ թիւ»), զոկ-զոկ («ամէն բաժին չոկ-չոկ բարդենք» 8), խազ («ներքեն մին խազ կու քաշենք» 5), սաղ («սաղ թվի բարդեն» 5), խարենի («մին ամսումն վեց ոսկի է խարճեր» 112), պարշել («Հարիւր ոսկի էինք պարշել» 130), կհօրալ (ամէն մարդ իւր կարողութեան կհօրայ» 116), մայա («իւր բովանդակ մայէն» 125), ֆլան («Փլանի այսչափ փողը» 116), և այլն:

Շատ է գործածված զէրայ փոխառյալ շաղկապը. ընդ որում գերակշռում է հենց այդ զերայ ձեզ (մոտ 40 գործածություն, էջք՝ 15, 16, 20, 26 և այլն), բայց ունենք նաև նույնի զէրէ և զիրայ ձերեր, առաջինը տասից ավելի անգամ (էջք՝ 97, 102, 104, 107 և այլն), երկրորդը մի բանի անգամ գործածված (էջք՝ 12, 17, 30, 36 և այլն):

Կան նաև շափ ու կշիռ նշանակող մի շարք (Հիմնականում նոր փոխառյալ) բառեր, որոնք հատուկ են եղել վաճառականների ժողովրդախոսակցական հայերենին, ինչուս՝ բուման (83), դիտր (109), տինար (97), կարտ (97), դիան (135), լիպրայ (139), օխայ (143), դանքար (144) և այլն:

Վերը բերված բառերից հետաքրքրական են հետեւալները՝ խարենել, կեօրայ, պարշել, տրամ, տինար՝ իրենց ն, կ, պ, տխու բաղաձայններով (և ոչ թե արևելահայ խոսքին բնորոշ՝ խարշել, գէօրայ, բարշել, կամ բարիշել, դրամ, դինար ձեւերը). խուլերով տառադարձված այդ ձեւերը հավանաբար միջին հայերենի⁴⁴ կամ արևմտահայ խոսքի ազդեցությամբ են տեղ գտնել «Արհեստ»-ի լեզվում: Այդ կարգի բառերի մի մասն էլ, ըստ երեսվթին, արևելահայ ձև ունեն, օրինակ, դիտր (Ն. Զուղայի բարբառ), ֆլան (Երեանի և Ն. Զուղայի բարբառներ) և այլն:

3) ալրհեստ»-ում հետևողականորեն պահպանվում են մի քանի դերանունների (զլիսավորապես անձնական) գրաբարյան թերված (երրեմն տարարմատ հոլովմամբ) ձեւերը՝ իր, իւրեանց, նորա, նորա, սորա, զիս, որոնք նոր զրական հայերենում հարատեսցին մինչև 20-րդ դարի սկզբները:

Վերայ-վրայ կապի գուղահեռ ձեւերից գործածված է միայն զրաբարյան վերայ-ն, որը նույնպես նոր զրական լեզվում գոյատեսեց մինչև 20-րդ դարը:

4) Գոյականների հոգնակին կազմվում է եր ու ներ-ով. արապերն (2), զբերն (5), թվերն (5), հարիւատըներն (6), շարերն (16), մտերս (29), խրատներ (55), զերօներ (69), մառչիլներն (88), բումաններն (90), օրինակներն (103), ամսներն, օրերի (126), մխալներն (141): ալրհեստ»-ում այս հոգնակինների մի մասը շատ անգամ է գործածված (օրինակ, թվեր, զբեր, օրինակներ), մի մասն՝ ավելի քիշ:

Գրաբարյան ձեռվ (բ-ով) կազմված ուղղական հոգնակինները քիչ են և ալրհեստ»-ի լեզվում: Կան՝ տինարի («Ճետոյ այս տինարիքս էլ կու բաժաննմք ըննովք 102), Փինիկեցիք,

⁴⁴Միջին հայերեն բնագրերում նման ուղղագրությունը բնականոն է. փոխառյալ բառերի ձայնեղ պայմանները հաճախ տառադարձվում էին դասական հայերենում խուլի արժեք ունեցող տառերով (պ. կ. տ. և այլն):

ասորիք («Փինիկեցիքն են, որ ըզբուական արհեստն զտուն», «արապներն և ասորիքն ի յաշէն դէպ ի ձախ կերթան, երբ որ զիր կու զրեն» 2—3), երկու («տասն երկու» են» 21,—թեև աշխարհաբարի համար երկու ձեւն արդին քերականական եղակիի արժեք ունի): Ք-ով և իմ-ով կազմված այս մի քանի հոգնակինները աննշան տոկոս են կազմում եր ու ներ-ով կազմված հոգնակինների համեմատ:

5) Զուտ գրաբարյան հոլովաձեները⁴⁵ նույնպես շնչին տուկոս են կազմում աշխարհաբարյան ձեւերի համեմատ և «Արհեստ»-ի լեզվում, փաստորեն, բացառություններ են: Ունենք՝ կերպի: (9), չորից (27), չորսի (62), կտորտանցն (115), նասարակաց (116), գրելոյ (1), բաժանելոյ (63), որոնք աննկատելի են մնում նոր լեզվին հատուկ հոլովաձեների բաղմության մեջ:

6) Հոգնակի ստացական (սեռական-տրական) հոլովը կազմվում է միայն ի վերջավորությամբ, որ և արևելյան բարբառներին հատուկ կազմություն է. գրերին (2), տասնաւուներին (6), հարիւատըներին (7), միաւուների (8), թիւրին (8), օրերի (126), մխալների (134) և այլն: Բոլորովին շկան արևմտյան բարբառներին և ժողովրդախոսակցականին հատուկ ձեւեր (միաւուներու, թվերու և այլն):

7) Անորոշ դերբայի ստացական հոլովաձեները կազմվում են աշխարհաբարյան ու թերույթով, ինչպես՝ նանաշելու (15), բարդելու (15), զուրս ձգելու (15), նանելու (18), բաժանելու (69), բազմացնելու (42) և այլն, գրաբարյան ոյ թերույթով կազմված ձեւերը բացառությունների արժեք ունեն (վերը բերված օրինակներում՝ գրելոյ 1, բաժանելոյ 63):

8) Հոլովման համակարգում աշքի են զարնում արևելահայ խոսքին հատուկ ում-ով ներգոյականի ձեւեր՝ միջումն (14), տակումն (18), օրինակումն (34), տողումն (33), երեսումն (50), կտորում (71), թվում (72), ամսումն (112), բազակում (117), օրում (138): Հատկապես շատ են գործած-

⁴⁵ «Զուտ գրաբարյան» ասելով հասկանում ենք նոր զրական լեզվին ու բարբառներին ոչ բնորոշ հոլովաձենը և բացառում ենք այն հոլովաձեները, որոնք բնորոշ են և՛ զրաբարին, և՛ աշխարհաբարին (օրինակ, է-ով բացառականը):

ված տակում, միջում, օրինակում: Կան նաև ներգոյականի իմաստ արտահայտող գրաբարյան ձևեր (ինչպես՝ «կու գրեմք ի ծախս կողմն խաշին» 12, «կու պահենք ի մտի» և այլն): Բացարձակությունը ում-ով հոլոված ձևերն են:

9) Բացառականը կազմվում է գրաբարին, միջին հայերինին և արևմտյան բարբառներին⁴⁶ հատուկ է ձևութով, ինչպես. ամէնէն (7), թվերէն (9), երկութէն (9), գրէն (11), մնացածներէս (12), թվէն (17), մեծէն (18), պատճառէն (25), գէրօին (30), երեմէն (30), շուսէն (30), կողմէն (33), յըննէն (35), բաժանօղէն (72), վլրէն (87), տասնէն (87), յուրնէն (88), օրէն (127): Արևելյան բարբառներին հատուկ ցից, ուց ձևութով կազմվող բացառականով միայն երկու բառեր են ձևավորված՝ էսկից, էնկից, որոնք շատ են գործածված:

10) Ն հոդի գործածության Յ բնորոշ հատկանիշ ենք բնտրել: Դրանք հետևյալներն են.

ա) Գործիական և ներգոյական հոլովները ն հոդով գործածելը. դա սովորական է «Արհեստ»-ի լեզվում, ինչպես շափովն (12), մնացածովն (72), կանոնովն (116), փողովն (116), շուսովն (130), վեց հարիւրովն (134), տրամներովն (143), միջումն (15), տակումն (19), օրինակումն (34), երեսումն (50) և այլն: Սա մի հատկանիշ է, որ, ինչպես հայտնի է, երկար ժամանակ բնորոշ մնաց գրական արևելահայերենին:

բ) Մի քանի բառերի ուղղականը ն հոդի միացմամբ ձևվափոխված է, ինչպես որ հատուկ է արևելյան մի քանի բարբառների, օրինակ՝ մայա-մայէն (125), օխայ-օխէն (140), լիպրայ-լիպրէն (140):

գ) Ստացական հոլովածնեն ունեցող հատկացուցիչները և կապի խնդիրները գործածվում են և առանց ն հոդի, և այդ հոդով, ինչպես՝ թվի տակն, թվի տակումն (85), թվի մէջն, գէրօի կշտին (85), խաշի տակն (89), օրերի շահն

⁴⁶ Ինչպես ասել ենք, է-ով բացառականը հազվադեպ հանդիպում է նաև յի քանի արևելյան խոսվածքներում. օրինակ, ոչ ստույգ տվյալներով՝ Ն. Զուղայի բարբառի խոսվածքներում (ց-ով բացառականին զուգահեռ) է-ով է կազմվում թփդիսի բարբառի բացառականը:

(126) և այլն, բայց և՝ գէրօին հետ (23), երեքին հետ (24), լենին հետ (34), շուսին դեմ (37), ժամանակին հետ (118), օրերին շահը (136) և այլն: Այսպիսի հոդավոր ձևերը, որ հատուկ են թե՝ արևելյան, թե՝ արևմտյան մի շաբթ բարբառների, ավելի ուշ պահանվեցին գրական լեզվի միայն արևմտյան ճյուղում:

11) Վ, մասնիկով կազմված բայաձեւերը (կու գրվի 3, կասվի 4, բաժանվիլ 73 և այլն) «Արհեստ»-ի լեզվում սովորական են, որ և նոր գրական լեզվի կարենոր հատկանիշ է:

12) Բայական համակարգում դրական ներկան կազմվում է միայն կու, կ եղանակիչի օգնությամբ՝ նամադրական ձեռով⁴⁷, ինչպես՝ կու գրվի (3), կու նշանակէ (3), կասվի (4), կու գրեն (11), կու զտնուն (7), կու դնեն (7), կու տեսնում (8), կտեսնում (16), կու տեսնուս (14), կասեն (11), կուզեն (35), կիմանան (44), կու ձգեն (72), կուսնում (87), կու ծախսն (141), կու բարդեն (89), կու համեն (9) և այլն:

Ներկայի ձևերը «Արհեստ»-ում բայի բոլոր դիմավոր ձեռից ամենաշատն են, և բոլորը կու, կ մասնիկով են ձևավորված: Զետ արևելյան բարբառներին բնորոշ հարազրական (մասնավորապես ում մասնիկով ձևավորված անջատ բայակիմք ունեցող) ներկայի և ոչ մի նմուշ:

Թեև հետագայում նոր գրական լեզվի արևմտյան ճյուղում իշխեց կու եղանակիչի կը ձեր և կու-ն աստիճանաբար դուրս մղվեց, բայց այս վերջինը, բնորոշ լինելով արևմտյան միշտը բարբառների, անպայման պետք է դիտվի ոչ միայն միշին հայերենի, այլ նաև արևմտահայ խոսքի արտահայտություն «Արհեստ»-ի լեզվում:

Թփդիսի բարբառում ներկայի ում-ով հարազրական ձեռքերին զուգահեռ գործածվող կու-ով համազրական ներկան «Արհեստ»-ի լեզվում դեր խաղալ շէր կարող, քանի որ գրքի հրատարակման շրջապատում որևէ թփդիսիցի շի եղել, իսկ եթե նույնիսկ լիներ էլ որևէ մեկը, ապա նրա բարբառային ազդեցությունը նշանակություն ունենալ շէր կարող:

⁴⁷ Բնականաբար, անցյալ անկատարը նույնպես համագրական է և նույն կու, կ մասնիկով է կազմվում:

Ստորև բերում ենք ներկայի ձևերի մի քանի օրինակներ «Արհեստ»-ի խոսքային միջավայրում. «Ինչպէս էս օրինակումս կու հանեմք 6 ի թվէն 9, կու մնայ 3 և կու դնեմք 3 խաղի տակն առաջի տեղն. Դարձեալ կու հանեմք 3 ի թվէն 8, կու մնայ...» (19), «Էն բովանդակ ժողոված թիւն մին զրով կու գրվի» (5), «Էն ժուկն երկութէն էլ էն շափ զէրօ դուս կու ձգեմք» (72), «Էս վեցս կու բարդեմք զէրօին հետ, և կու լինի միշտ 6, և կու դնեմք 6» (87—88), «Բայց երբեմն կու հանդիպի, որ զփողն ժամանակին հետ կամ ժամանակն ապրանքին հետ կուզեմք իմանալ» (112), «Մուշկն դտրով կու ծախսեն» (141) և այլն:

13) Դիմավոր բայերի հոգնակի առաջին դեմքի գրաբարյան մե և բարբառային-ժողովրդախոսակցական նե զուզահեռ վերջույթները (մ և ն ձևույթային փոփոխակները) խառը զործածված են, ինչպես ներկայի, այնպես էլ մյուս համապատասխան ժամանակաձևերում, օրինակ՝ կու գրեմք (6), կու բարդեմք (6), կու պահեմք (8), կու տեսնումք (8), դուս կու ձգեմք (11), կու հանեմք (19), կուզեմք (53), կու բազմացնեմք (139), զնեմք (6), կամենամք (8), կասեմք (14) և այլն, բայց և կու գրեմք (11), կու բարդեմք (9), կասեմք (11), կու զտնումք (7), կու զնեմք, կու պահեմք (7), կու ձրգեմք (11), կիմանամք (17), կու հանեմք (18) և այլն:

Էական բայի հոգնակի առաջին դեմքը (ներկայի) նույնպես զուզահեռ եմք և ենք ձևերով է արտահայտված, ինչպես օրինակ, «Լավ եմք բարդեր» (17), բայց՝ «Շիտակ ենք բարդեր» (9):

Բացարձակ գերակշռությունը բոլոր դեպքերում մ ձևույթով կազմված գրաբարյան բնույթի տարրերակներին է:

14) Եղակի երրորդ դեմքի (ներկա, բղձական) բայերի զուզահեռ է և ի դիմանիշներից բացարձակ գերակշռություն ունեն առաջինները, ինչպես՝ կու նշանակէ, զնէ («Պօղոսն զնէ», «Ղուկասն զնէ» և այլն 116), կանէ («բանի շահ կանէ» 125), կուզէ (125), կու ուսուցանէ (13) և այլն, շատ քիչ են ի-ով կազմված ձևերը, ինչպես՝ կու գրվի (3), կասվի (4):

Է դիմանիշով կազմված ձևերի բացարձակ գերակշռությունը արևմտահայ խոսքի (ինչպես և միջին հայերենի ու

«մատամբ գրաբարի⁴⁸⁾ հետ է համապատասխանում (թփիսի բարբառի դերը կամ ազդեցությունը հավանական չէ):

15) Էական բայի ներկա, եղակի երրորդ դեմքը (նաև օժանդակ բայի գերում) միշտ ունի է ձևը, ինչպես՝ տառաջին տեղն է» (2), «Ճախ կողմն է» (2), «Հեշտ է» (22) և այլն: Սա համապատասխանություն է գրաբարի, միջին հայերենի և արևմտյան բարբառների ու ժողովրդախոսակցականի հետ (համապատասխանությունը նաև թփիսի բարբառի միևնույն է-ի հետ տվյալ դեպքում անկարենոր է, քանի որ նրա գերը «Արհեստ»-ի լեզվում այս դեպքում էլ բացառված է):

16) Վաղակատար ժամանակների ձևերը կազմվում են եր վերջույթ ունեցող անջատ հիմքի (կախյալ դերբայի) տարրերակով, ինչպես՝ «Ուրիմն շիտակ էինք բարդեր» (14), «Հիտակ եմք բազմացուցեր» (42), «Ինչպէս որ ասեր ենք» (88), «Վեց ոսկի է խարեներ» (112), «Բանի տրամով որ պարշեր է» (133), «Այսպէս էինք պարշեր» (138) և այլն: Այս ձևերի բացարձակ գերակշռության մեջ երբեմն հանդիպում են ել վերջույթ ունեցող անջատ հիմքով կազմված ձևեր, օրինակ մի քանի անգամ զործածված է «Հարիր ոսկի էինք պարշեր» նախադասությունը (128, 130, 132):

Վաղակատար ժամանակների եր վերջույթ ունեցող անջատ հիմքի բացարձակ գերակշռությունը «Արհեստ»-ի լեզվում համապատասխանություն է միջին հայերենի և արևմտյան բարբառների հետ:

Եր-ով վաղակատարի ամենավաղ գործածությունները վկայված են միջին գրական հայերենի բնադրերում (Ել-ով վաղակատարին զուգահեռ): Ուրիմն, բայց ազբյուրների, այն նախ միջին հայերենի հատկանիշ է (Ել-ով տարրերակի զուգահեռ առկայությունը շի բացառում այդ իրողությունը): Բայց բնդհանրապես վաղակատարի Եր-ով բայահիմքը բնորդ է արևմտյան բարբառներին, որոնցից էլ, հավանաբար, մտել է միջին հայերենի մեջ: Մեզ հասած վիճակով էլ արե-

⁴⁸⁾ Վերը բերված բոլոր բայերն էլ գրաբարում և լուրզության են, ուստի ներկաւի եղակի երրորդ դեմքում ունենում են է դիմանիշ, որը և մեծ մասամբ պահպանված է «Արհեստ»-ի նոր գրական հայերենի ձևերում: Մի երկու դեպքում միայն է դիմանիշը փոխարինված է արևելյան բարբառներին հատուկ ի-ով:

մրտյան բարբառները հատկանշվում են նաև եր-ով վաղակատար ունենալու փաստով. այդպիսի վաղակատար ունեն Կարինի, Մուշի, Խարբերդի, Երզնկայի, Շապին-Գարաջիսարի, Արարակիրի, Ակնի, Սեբաստիայի, Եղողոկիայի, Զմյուռնիայի, Նիկոմեդիայի, Կ. Պոլսի, Ռոդոսթոյի⁴⁹ և այլ արևմտյան բարբառներ, իսկ վաղակատար ժամանակների ել վերջույթով անջատ բայահիմքի ձեր հատուկ է արարատյան, նոր Զուղայի, Աստրախանի բարբառներին, մասամբ Ագուլիսի բարբառին, ինչպես և Արցախ-Սյունիքի բարբառի մի շաբթ խոսվածքներին։ Այսինքն՝ վաղակատարի ել-ով բայահիմքը արեգելյան մի շաբթ բարբառների առանձնահատկություն է։ Ընդ որում, ել-ով վաղակատարի տարրերակը՝ ալ-ով վաղակատարը (տեմ-ալ ա), նույնպես հատուկ է արևելյան բարբառներին (Արցախի, Շամախու, Ագուլիսի, Մեղրու և այլն)⁵⁰։

Կարելի էր ասել՝ լ վերջույթ ունեցող վաղակատարները հատուկ են արևելյան, իսկ բ ունեցողները՝ արևմտյան՝ բարբառներին, եթե լիներ իլ-ով և իր-ով վաղակատարների՝ այդպիսի բաժանմանը չհամապատասխանող տարածումը. առաջինը հատուկ է ոչ միայն թիգիսի, այլ նաև Արդվինի, Ն. Խախիչևանի, Սուլավայի բարբառներին, իսկ երկրորդը՝ մի կողմից արևմտյան՝ Տիգրանակերտի, Տրապիզոնի, Մալաթիայի բարբառներին⁵¹, մյուս կողմից արևելյան՝ Խոյի բարբառին⁵²։

Եվ այսպես, եր-ով վաղակատարը արևմտյան բարբառների և միջին հայերենի հատկանիշ է⁵³, ուստի և «Արհեստ»-ի լեզվում նրա բացարձակ գերակշռությունը աղերսվում է միշտն հայերենի և արևմտյան բարբառների (թերեւ՝ ավելի շատ արևմտյան ժողովրդախոսակցականի) համապատասխան ձեղերի հետ։

17) «Արհեստ»-ի լեզվում ներկայի ժխտական ձևերը (հարդրական) կազմվում են բ վերջույթ ունեցող անջատ բա-

⁴⁹ Ա. Արցախամյան, Հայերենի դերբայները և նրանց ձևաբանական նշանակությունը, Ե., 1953, էջ 177—192։

⁵⁰ Նույն տեղում։

⁵¹ Նույն տեղում։

⁵² Ասատրյան, Ռոմիայի (Խոյի) բարբառը, Ե., 1962, էջ 100։

⁵³ Իբրև անշան բացառություն, այն առկա է արևելահայ մի բանի խոսվածքներում (գլխավորապես պարսկահայ)։

յահիմքով (դերբայով)⁵⁴, որ դարձյալ արևմտյան բարբառների առանձնահատկությունն է, օրինակ՝ «շի կարեր հանվիլի իր գրէն» (20), «կու տեսնեմք, որ ոչինչ շի ավելանար» (57), «այս շրոս էլ վերսի զէրօէն շի բաշվիր» (89), «էս մէկ թիւս մնացած զէրօէն դուրս շի զար» (89), «առանց նորա շի լինիր» (115) և այլն (դիտենք նաև, որ ժխտական դիմավոր երրորդ դեմքի մասնիկը ոչ թե գրաբարյան շէ, այլ ժողովրդաբարբառային շի ձևն ունի)։

18) «Արհեստ»-ի լեզվին հատկանշական են պիտի դիմավոր բայի և անորոշ դերբայի հետեւյալ կապակցությունները. «պիտինք ետ դառնալ փորձել» (9), «բաժանող թիւն պիտինք բաժանելու թվի տակն զնել» (53) «աջ կողմն դուրս պիտեր զալ» (73), «շի պիտինք եւկարել» (73), պիտինք փորձել (74), պիտինք կարել (74), պիտինք զիտենալ (97), պիտինք իմանալ (112) և այլն։ Շատ են հոգնակի առաջին դեմքի (պիտինք) և անորոշի կապակցումները։

19) «Արհեստ»-ում էլ ավելի հատկանշական են պիտի բայի և հարակատար դերբայի այնպիսի կապակցությունները, ինչպես պիտի տեղատրած, պիտի բարդած, պիտի գրած և այլն։ Ունենք նաև պիտի բայի առաջին դեմքի (հոգնակի) կապակցություն հարակատարի հետ («պիտինք զայն դուրս ձգած» 7), սակայն այս կաղապարի մեջ բնորոշը եղակի երրորդ դեմքի՝ պիտի-ի կապվելն է հարակատարի հետ, ուր պիտի-ն եղանակիշի արժեք է ստանում. օրինակներ. «Բայց զրերն պիտի այնպես տեղատրած...» (5), «Հանելու թիւն էնպէս պիտի տեղատրած մեծ թվի տակումն, որ միաւորն միաւորին, տասնաւորն տասնաւորին, հարիւրաւորն հարիւրաւորին և հազարաւորն հազարաւորին դէմդէմ լինի» (18), «էս երկու թվի տակն մին խազ պիտի բաշած և պըզտիկ թիւն մեծէն դուրս նանած և մնացածն խազի տակն գրած» (18), «պիտի երկրորդ զրի տակն գրած» (53), «Կտրատած թիվն ինչպէս պիտի բարդած» (81), «Սաղ թիվն կտրատած թւով պիտի բաժանած» (97), «զերրորդն էլ դիան պիտի շինած» (108), «պիտի առաջինն էլ ամիս շինած» (107), «պիտի

⁵⁴ Այս բայահիմքը կամ դերբայտենք առաջացել է անորոշ դերբայից. զիտավորապես վերջույթային լ-ն բ-ի է վերածվել։

Հառաջ զամէնու մայէն մին տեղ նամարած և դրած առաջին տեղն» (116) և այլն:

«Ալրհեստ»-ում կան նույնիսկ գլուխների վերնագրեր այս բնույթի կապակցություններով արտահայտված՝ «Կտրատած թիվն ինչպէս պիտի հանած» (86), «Կտրատած թիվն ինչպէս պիտի բազմացուցած» (91), «Կտրատած թիւն ինչպէս պիտի բաժանած» (96):

Հարակատար դերբայի այսպիսի օգտագործումները, մեր կարծիքով, արենելյան որոշ խոսվածքների ազդեցության առդյունք են⁵⁵, գլխավորապես՝ Ն. Զուղա—Երևան—Արցախ շարքի բարբառների:

20) «Ալրհեստ»-ի շարահյուսական առանձնատկություններից նշելի է նաև ուզել բայի եղանակային-դիմավոր ձևերի հետ լրացում բայի դիմավոր ձևի կապակցվելու: Օրինակներ. «կուղենք իմանամք» (35), «ուզեն իմանան» (117), «կուղէ իմանայ» (125), «մին մարդ մի կուղէ ոսկի ծախէ Աճամստան և կուղէ իմանայ, թէ իւր բովանդակ ոսկին որշափ թուման և որշափ դիան կանէ» (135) և այլն:

Այդ կապակցությունների գերակշռության մեջ միայն մի երկու դեպքում է ուզել բայի դիմավոր ձեր կապվում անորոշ դերբայի ուղիղ ձևի հետ (ուղիղ խնդիր), ինչպես, օրինակ, «Եհաոյ ուզեն իմանալ» (116):

Բերված օրինակներում (երեքի մեջ) թեև ներկան կ-ով է կաղմված, այսինքն՝ արենելյան բարբառներին ոչ հատկանրացական ձևով, բայց եղանակային-դիմավոր բայ+դիմավոր բայ կաղապարը առավելապես արենելյան մի շարք բարբառների (Երևան, Արցախ-Սյունիք, Ն. Զուղա և այլն) ամրացած հատկանիշ է, արեմտյան բարբառներում նույնպես այն հանդիպում է, բայց ըստ Երևույթին, ավելի պակաս կայունությամբ:

«Ալրհեստ»-ում ուզել բայի եղանակա-դիմավոր ձևերի

⁵⁵ Հայոց բարբառներին նվիրված աշխատություններում մենք յգտանք պիտի եղանակիչի (կամ նրա որևէ տարբերակի) ու հարակատար դերբայի նման կապակցությունների նկարագրություն, մինչդեռ հարակատարի գործածության՝ այդ կտորուցվածքներին նմանվող դեպքերի կարելի է հանդիպել Արցախի և Զանգեզուրի, ինչպես և մասամբ արարատյան որոշ խոսվածքներում և, թերեւս, ամենից ավելի՝ Ն. Զուղայի բարբառում:

կազմած այդ կարգի կապակցությունները շատ կան, նրանք գրեթե օրինաչափ են:

Այս 20 կետերում նշված հատկանիշները «Ալրհեստ»-ի լեզվի համար պայմանականորեն համարելով գլխավոր, նույնպայմանականությամբ լրացուցիչ հատկանիշներ ենք համարում հետեւյալները: Մի շարք դեպքերում գործածվում են առնեմ գրաբարյան բայի անցյալ կատարյալի հիմքից կազմված ձևերը անել իմաստով, ինչպես՝ «շորս բաժին արարին արարինք» (9), «ինչ շահ կամ զարար են արարեր» (116) և այլն (գրաբարյան բնույթի այս հատկանիշը նոր գրական լեզվում պահպանվեց մինչև 19-րդ դարի երկրորդ կեսը): «Ալրհեստ»-ում դրանց զուգահեռ գործածված է նաև ժողովրդախոսակցական անել ձեր (օրինակ, վերը բերված՝ «որշափ դիան կանէ» 135):

«Ալրհեստ»-ում իրեն որոշիչ հոդ գրաբարյան ավանդույթով գործածվում է ն-ն, որի ը ժողովրդաբարբառային տարրերակը չկա:

Այնուհետև, մարդ բառը շատ է գործածված, բայց հոգնակիի ոչ մի ձեր չկա: Եղակին ստացական հոլովում սովորաբար լինում է մարդի (119), բայց կա նաև մարդու (119) ձեր:

Գործածված է տալ բայի տվավ կատարյալի ձեր («մինմարդ մի իւր փողն շահով տվաւ» 125). Գտանիմ բայի ածանցն ընկնում է ներկա-ըղձական հիմքում («մէկ բաժանող մի մինմաժանելու թվի մեջն կու գտվի»): Ինն բառը թեքվելիս հընշյունափոխվում է (ըննի, ըննում— տե՛ս վերը բերված օրինակները):

Նշենք մի երկու ուղղագրական հատկանիշ. վ-ի և ւ-ի ուղղագրությունը անկանոն է, որ հատկապես նկատվում է թիւ բառի գրություններում (տե՛ս վերը բերված օրինակները): Հինգ բառը միշտ գրվում է նինկ, վարսուն-ը՝ վացուն: Հիշենք, որ նինկ ձեր շատ է հանդիպում միշին հայերեն բնագրերում:

Հանրագումարի բերելով «Ալրհեստ»-ի լեզվի թվարկված հատկանիշները՝ պարզում ենք, որ ըստ 20 գլխավոր կետերի (հատկանիշների) այդ լեզուն գերազանցապես նոր գրական հայերենն է, ժամանակակից գրական հայերենի 17-րդ դարի երկրորդ կեսում գործածված տարբերակը: 20 կետերից մի-

այն երկուսում՝ 3-րդի (ղերանունների մի քանի ձևեր ու վերայ կապը) և 13-րդի (մ բայական մասնիկի բացարձակ գերակշռությունը ն-ի նկատմամբ՝ զբեմք-զբենք) ղեպքերում ունենք գրաբարյան ձևերի գերակշռություն, մյուսներում բացարձակորեն գերիշխում են նոր գրական լեզվին հատուկ ձեվերը: Երեք կետերի ղեպքում՝ 9-րդ (բացառականի կազմությունը), 14-րդ (կուզել, զնէ, կանէ ձևերի գերակշռությունը), 15-րդ (էական բայի եզակի երրորդ դեմքի է ձևի մենաշնորհը), դրաբարյան ու միջին հայերենի ձևերի ընդհանրությունը համընկնում է ժողովրդաբարբառային (գերագանցապես արևմտյան) ձևերի հետ, որոնք և աշխարհաբարյան են: Կետերից երեքում՝ 12-րդ (ներկայի կու-ով կազմությունը), 16-րդ (վաղակատար ժամանակների կազմությունը), 17-րդ (ներկայի ժխտական ձևերի կազմությունը) նշված ձևերը լիովին կամ մասամբ համընկնում են միջին հայերենի և ժողովրդաբարբառային հայերենի (արևմտյան) առանձնահատկությունների հետ:

Արևմտահայ թե արևելահայ հակումների տեսանկյունից ու Արհեստո-ի լեզվի այս հատկանիշները հիտեյալ բաժանումն ունեն: Կետերից 6-ում (կամ 7-ում) բացարձակ կամ մասնակի գերակշռությունը արևելյան բարբառներին է (և ժողովրդախոսակցականինը). դրանք են՝ 1-ին (բառաձևեր), 2-րդ (բարբառային բառեր), 6-րդ (հոգնակի ստացական հուով), 8-րդ (ներդոյական), 18-րդ (պիտի-պիտինք+անորոշ դերբայ կապակցություն), 19-րդ (պիտի+հարակատար դերբայ կապակցություն): Գուցե սրանց ավելացվի 20-րդը (ուզել բայի եղանակադիմավոր ձևեր+ այլ բայերի դիմավոր ձևեր կապակցությունը):

Կետերից 6-ում ձևերի գերակշռությունը արևմտյան բարբառներին է (և ժողովրդախոսակցականինը), դրանք են. 9-րդ (բացառականի ձևերի հիմնական մասը), 12-րդ (դրական ներկայի, նաև անց. անկատարի կազմությունը), 14-րդ (ներկայի և ըղձականի եզակի երրորդ դեմքի ձևերում է դիմանիշի գործածության գերակշռությունը), 15-րդ (էական բայի ներկա եզակի երրորդ դեմքի է ձևի մենաշնորհը), 16-րդ (վաղակատար ժամանակների ձևերը), 17-րդ (ներկայի ժըխ-

տական ձևերը)*: Այս կետերից երեքը (9, 14, 15) արևմտահայ բնույթի լինելով, ինչպես վերն ասվեց, միաժամանակ հատուկ են գրաբարին ու միջին հայերենին, իսկ արևմտյան բարբառներին (և ժողովրդախոսակցականին) հատուկ մյուս երեք կետերում նշված ձևերը (12, 16, 17) առկա են միջին հայերենում:

10-րդ կետում (ն հողի գործածության Յ ղեպքերը) հավանաբար արևմտյան և արևելյան բարբառների հատկանիշները հավասարակշռվում են:

Եզրակացությունը հետեւալն է. նոր գրական հայերենով տպագրված առաջին գրքի ուշագրության առնված հատկանիշները ցույց են տալիս, որ 17-րդ դարի երկրորդ կեսին հայ նոր գրական լեզուն համակարգային դառնալու նկատելի հակումներ է ցուցաբերել, զծագրվել են կանոնի որոշ սահմաններ, թեև համակարգի լեկած դուգահեռականություններն էլ շատ են: Զուտ գրաբարյան (միայն դրաբարին հատուկ) ձևերը քիչ են, իշխում են ժողովրդախոսակցական և ժողովրդաբարբառային լեզվամիջոցները, և, իհարկե, լեզվի բերականական-տրամաբանական հիմքը լիովին ժողովրդաբարբառայինն է, այսինքն՝ նոր գրական լեզվինը:

Լեզուն ունի թե՛ արևմտյան, թե՛ արևելյան բարբառների առանձնահատկություններ, այն միասնական գրական լեզուն է. շկա արևելահայ-արևմտահայ բաժանումը: Ընդ որում, արևմտահայ խոսքի տարրերը արևելահայ տարրերին մոտավորապես հավասարվում են՝ գրաբարյան և միջին հայերեն այն լեզվամիջոցների առկայության շնորհիվ, որոնք միաժամանակ արևմտյան ժողովրդաբարբառային են:

Իփիդիսի բարբառում եղած արևմտահայ ձևերի (կու-ով ներկա, էական բայի եզակի երրորդ դեմքի է ձև, բայերի եզակի երրորդ դեմքի է վերջավորություն (կու բերէ) և է-ով բացառական) հատուկ գերը կամ ազդեցությունը ոչ միայն ու Արհեստո-ի, այլև 17-րդ դարից և 18-ի սկզբներից պահանջական աշխարհաբարյան մի քանի ուրիշ բնագրերի («Պարզաբանութիւն», «Գանձ շափոյ, կշռոյ...» և այլն) մեջ հավանական չէ: Եթե նույնիսկ այդպիսի դեր որևէ կերպ եղել է,

* Տե՛ս 17-րդ կետի տողատակի ծանոթագրությունը.

մինույն է, դա վաղ շրջանի նոր դրական հայերենը միասնական դարձնող աղդակ կարող է դիտվել, քանի որ այդ ձևերով թփղիսի բարբառը կապվում է արևմտյան բարբառներին, և այդ ձևերի գոյությունը տվյալ դեպքում «Արհեստ»-ի լեզվում, ինչ կերպ էլ հարցին մոտենալու լինենք, միջին հայերեն-արևմտահայ խոսքի տարրերի առկայությունն է՝ հակակիո զուտ արևելահայ խոսքին բնորոշ տարրերի։ Իսկ նման հավասարակշռությունն էլ միասնական նոր դրական հայերենի ձևավորման կարենոր գործուներից է։

Ինչ վերաբերում է արևելյան մի քանի բարբառներում առկա առօվ բացառականին (Քեզանայ, Թևանայ և այլն), ապա այն թեև է-օվ բացառականի տարրերակն է, բայց շատ հեռացած նրանից և արևելյան բարբառների ուժեղ երանգով։

Ն. Զուղայի բարբառում է-օվ բացառական, ասել ենք, ո՞ւ եթե եղել էլ է, շատ թույլ է արտահայտվել, և եթե այն որևէ դեր կատարել է «Արհեստ»-ի լեզվում, ապա դարձյալ իրոք արևմտահայ խոսքի «ներկայացուցիչ» և դարձյալ նպաստել է լեզվի միասնականացմանը։

Կա ուշագրավ կարծիք⁵⁶, ըստ որի արևելյան և արևմտյան հայոց բարբառներում ներկայի (և անցյալ անկատարի) կազմությունները մի ժամանակ նույնն են եղել (բոլորն էլ կու-կեղանակինով համադրական ձևեր), բայց առայժմ այդ վարկածը փաստող նյութ չկա, համենայն դեպք, 17-րդ դարի բարբառներից պահպանված կցկոտոր փաստերը նման բանասելու հիմք չեն տալիս այդ ժամանակաշրջանի վերաբերյալ։

«Արհեստ»-ի լեզվի բննությունից կարելի է ենթադրել, որ գրքի թարգմանիչը պետք է արևելահայ եղած լինի՝ նոր Զուղա-Երևան-Արցախ-Զանգեզուր, զուցե և Ազուլիս տեղանք-ների ու շրջակայրի խոսվածքներից մեկի ներկայացուցիչ՝ գրաբարի և միջին հայերենի իմացությամբ կամ ժամոթությամբ։ Այս ենթադրության հիմքը «Արհեստ»-ում զուտ արեվելահայ բառային և քերականական ձևերի (կետեր 1, 2, 6, 8, 18, 19, 20) այնպիսի առատությունն է, որը, թվում է, կարող է եկած լինել մի արևելահայի խոսքից։ Ավելի քիչ հավանական է թվում, որ արևմտահայ որևէ բարբառի մի ներ-

⁵⁶ Հ. Անառյան, Հիակատար քերականություն հայոց լեզվի... հ. 4, գիրք. Բ., 1961, էջ 75, 87։

հայացուցիչ այդքան շատ և այդքան բնորոշ արևելահայ ձեզեր գործածեր, մինչդեռ «Արհեստ»-ում եղած արևմտահայ նույնպես մեծաքանակ ձևերը մի արևելահայ կարող էր գործածել, քանի որ նախ՝ այդ ձևերի հիմնական մասը նաև գրաբարյան և միջին հայերեն են, այսինքն՝ ընդհանուր գրական հայերեն, որպիսին, պետք է իմացած լինի թարգմանիչը։ Ապա՝ արևմտյան որոշ ձևերի գործածմանը կարող էր նպաստել թարգմանչի գտնվելը Արևմտյան Եվրոպայի հայկական գաղութներում, որոնցում եղել է արևմտահայ խոսքային շրջապատ (գրքի հրատարակվելը Մարսելում վկայում է, որ նրա թարգմանիչը բնակվել է այդ քաղաքում կամ արևմտաեվրոպական այլ քաղաքներից մեկում)։ Բայց մյուս կողմից էլ ունենք փաստ (կանդրադառնանք քիչ հետո), որը վկայում է, թե ինչպես 17-րդ դարի վերջում և 18-ի առաջին կեսում արևմտահայ բարբառի ներկայացուցիչը գրավոր խոսքում դորժածել է այժմ զուտ արևելյան համարվող ձևեր։

Իսկ ամենից հավանականն, անշուշտ, այն է, որ արևելյան և արևմտյան այս ձևերի համատեղ գործածությունը «Արհեստ»-ի լեզվում հատուկ է եղել 17-րդ դարի միջբարբառային խոսակցական հայերենին և պահպանվել է առհասարակ նոր գրական հայերենի վաղ շրջանի նմուշներում։

Եվ այնուամենայնիվ, ո՞վ է առաջին աշխարհաբար գրքի լեզվի մշակը։ Այս հարցով դեռևս ոչ ոք լրջորեն չի դրազվել։

Նախ ասենք, որ համոզիլ շէ այն ենթադրությունը, ըստ որի «Արհեստ»-ը անպայման իտալերենից է թարգմանվել⁵⁷։ Գրքում բնագրի լեզվի մասին ոչ մի խոսք չկա, ուստի թեև անհավանական շէ գրքի՝ իտալերենից թարգմանված լինելը, բայց և չի բացառվում նրա լատիներենից, ֆրանսերենից կամ նույնիսկ հոլանդերենից թարգմանված լինելը⁵⁸։

Գ. Զարբհանալյանն իր «Հայկական մատենագիտության» մեջ, նկարագրելով այս գիրքը և վերծանելով տիտղոսաթերթի վերջում եղած Ի. Յ. Բ. Շ. Պ. Հապավումները՝ փակագծում

⁵⁷ ՀԺՄտ. օրինակ, Ա. Ալպոյաճյան, Պատմություն հայ դպրոցի, հ. Ա., Կաչիրե, 1946, էջ 417—418։

⁵⁸ Գ. Պետրոսյանն այն կարծիքին է, որ գիրքը թարգմանված է գերմանացի Փ. Կլավիուսի «Դործնական թվաբանության համառոտ շարադրանք» լատիներեն ձեռնարկից (տե՛ս «Սովետական Հայաստան» լրագիր. 1969, 170)։

ավելացնում է այսպես՝ (Չակովը Հոլով թիւղանդեան?)⁵⁹։ Զարբհանալյանի՝ կասկածով հայտնած (Հարցականն, անշուշտ, կասկածի նշան է) այս կարծիքն անցել է Ա. Ղազիկյանի գիրքը, և նա էլ հարցականով գրել է նույն Յակովը Հոլով Թիւղանդեան-ը⁶⁰, որ Հովհաննես Հոլով Կոստանդնուպոլսեցի է նշանակում։

Այսուհետեւ, այս թեական ենթադրությունն ընդունվել է իրեն հավաստի իրողություն, և, օրինակ, Արշակ Ալպոյանցանը, թվարկելով Հովհաննես Հոլովի թարգմանած գրքերը, «Արհեստ»-ը դրել է առաջին տեղում՝ առանց որեւէ վերապահության⁶¹։

Գ. Պետրոսյանի մի հողվածում նույնպես գրքի թարգմանիչն անվերապահորեն համարվում է Հովհաննես Հոլովը։ ԱԱրհեստ համարողութեան» գիրքը, — գրում է հեղինակը, — շէր կարող վրիպել հայ բանասերների ուշադրությունից։ Սակայն նրանց հետաքրքրել է հարցի միայն մի կողմը, այսինքն՝ ով է թարգմանիչը։ Ուսումնասիրությունները թերել են այն եղրակացության, որ թարգմանությունը պատկանում է լեզվաբան Հովհաննես («Հոլով») Հակոբյան-Կոստանդնուպոլսեցուն⁶² և ապա՝ «... Հովհաննես «Հոլով» Հակոբյանը, որն այլ գրքերի հետ միասին թարգմանեց, մշակեց ժամանակի համապատասխան մաթեմատիկական տերմիններ ու աշխարհաբար լեզվով տպագրեց առաջին մաթեմատիկական գիրքը»⁶³։

Իրականում շնորհել այնպիսի ուսումնասիրություններ, որոնցում բանասերներին հետաքրքրած լինի «Արհեստ համարողութեան» գրքի «հարցի միայն մի կողմը» և որոնք բերած լինեն այն եղրակացության, թե այդ գրքի թարգմանիչը Հովհաննես Հոլով Կոստանդնուպոլսեցին է։ Եղել է միայն Գ. Զարբհանալյանի վերոհիշյալ թեական ենթադրությունը, որը նույնությամբ (թերեւ՝ մեքենայորեն) անցել է Ա. Ղազիկյանի

⁵⁹ Գ. Զարբհանալյան, Հայկական ժամանակիտություն, էջ 70։

⁶⁰ Ա. Ղազիկյան. Հայկական նոր ժամանակիտություն. պր. 1. սյունակ 248։

⁶¹ Ա. Ալպոյանյան, Պատմություն հայ դպրոցի, հ. Ա. էջ 412։

⁶² «Սովետական Հայաստան» լրագիր, 1969, № 170։

⁶³ Նոյն տեղում։

գրքի մեջ⁶⁴ և հետո ուրիշների կողմից որդեգրվել իրրե իրողություն։

Մի քանի դիտողություն պետք է անենք Գ. Զարբհանալյանի վերծանության մասին, որի շնորհիվ է Հովհաննես Հոլովն անվերապահորեն «դարձել» աշխարհաբար կամ նոր գրական հայերեն առաջին տպագիր գրքի թարգմանիչը։

Ծգուտ Զարբհանալյանի ենթադրության ունենք հետեւյալ տվյալները. ա) նոր գրական հայերեն երկրորդ տպագիր գիրքը՝ «Պարզաբանութիւն Հոգենուագ սաղմոսացն» (1687), իրոք Հովհաննես Հոլովն է կազմել (մի մասն իր հեղինակածն է, մյուս մասը՝ օտար տարրեր աղբյուրներից կատարված թարգմանություններ ու փոխադրություններ), որ և մտածել է տալիս, թե առաջին աշխարհաբար գրքի թարգմանիչն էլ կարող էր նա լինել; բ) «Արհեստ»-ի տպագրության ժամանակ և դրանից էլ քիչ առաջ Հոլովը բնակվել է Մարսելում, որտեղ նա Վատիկանի կողմից նշանակված էր նոկան ծրեանցու Ս. Էջմիածնի և Ս. Սարգսի անվան տպարանի դավանարանական գրաքննիչ, և նույն շրջանում այդ տպարանը լույս է ընծայել Հոլովի գրած կամ թարգմանած գրքերը (ինչպես «Համառոտութիւն ճարտասահականի արուեստի», 1674, «Նուազարան կուսին Մարիամու», 1676)⁶⁵; գ) Հոլովը 1670-ական թվականներին Մարսելում եղած հայ մտավորականներից «Արհեստ»-ի առաջի հավանական թարգմանիչը կարող է թվական քանի որ մյուսներից որեւէ մեկը Հոլովի հետ շի կարող համեմատվել լեզուների իմացությամբ և թարգմանական արվեստին տիրապետելու աստիճանով (ինչպահ իմանում ենք «Պարզաբանութիւն Հոգենուագ սաղմոսացն» գրքի շափածո հիշատակարանից, Հոլովը տիրապետել է մի շարք ժամանակակից և դասական լեզուների); դ) Հոլովը «Արհեստ»-ի տիտղոսաթերթին կարող էր իր անունը ծածկագրել, բանի որ շէր ուղի իր՝ նշանավոր հայկաբանի, անունը բա-

⁶⁴ Ճիշճնք, որ Ա. Ղազիկյանի «Հայկական նոր ժամանակիտություն» ստեղծվել է Գ. Զարբհանալյանի «Հայկական ժամանակիտության» պատրաստվող 2-րդ հրատարակություն խմբագրման ժամանակ, իրեն դրա արդյունք, և Զարբհանալյանի գրքից շատ նկարագրություններ նույնությամբ տեղ են գտել Ղազիկյանի աշխատության մեջ։

⁶⁵ Գ. Զարբհանալյան, Պատմություն հայկական տպագրության, Վենետիկ, 1895, էջ 132—133, 140—141։

քահայտորեն կապել առաջին անդամ ուսմկորեն հրատարակվող մի գրքի հետ: ե) Հոլովը թեև իրեն սովորաբար Հովհաննես Կոստանդնուպոլսիցի է անվանել, բայց մեկ անգամ (մեզ միայն այդ մի գեպքն է հայտնի) նա իրեն անվանել է Բուղանդեան և կարող էր «Ալբհեստ»-ի մեջ էլ իրեն այդպես կոչել, որով և կարծես հավանական է դառնում հապավման թ. տառը Բիւզանդիան վերծանելը:

Տեսնենք ինչ տվյալներ ու փաստարկներ կան ի վեաս Դ. Զարբհանալյանի և նթագրության: ա) Զարբհանալյանն իր գրքում ճիշտ չի արտագրել «Ալբհեստ»-ի տիտղոսաթերթին հղած հապավումները (տառերը): Տիտղոսաթերթի առաջին՝ թ տառի մոտ, ինչպես որ մյուս 5 տառերի մոտ, հապավման կետ կա, որ նշանակում է, թե բոլոր տառերը, այդ թվում և թե, հապավումներ են: Զարբհանալյանը տառերը արտագրեցիս՝ իր գրքի մեջ բոլոր կետերը պահպանել է, բացի Ի-ի մոտ եղածից, որով ստացվել է այնպես, թե իրը այն հապավում չէ և կարելի է կարդալ իրեն ի նախօդիր՝ «Ե Յակովը Բիւզանդացոյ»: Ղաղիկյանը, հետեւնով Զարբհանալյանի օրինակին, նույնպես այդ ի-ն գրել է առանց կետի: Եթե ի տառն իրեն նախօդիր ընթերցելու Զարբհանալյանի առաջարկը հիմնավոր չէ, անհավանական է դառնում նաև հաշորդ երկու տառերի վերծանոթյունը: բ) Զարբհանալյանը բոլորովին շիվերծանել հապավման վերջին երկու տառերը՝ Տ. Պ., որ նույնպես լրջորեն կասկածի տակ է դնում սկզբի տառերի վերծանոթյունը: գ) Ասացինը, որ մեզ ծանոթ դեպքերից միայն մեկում է Հովհաննես Հոլովն իրեն Բուզանդեան (ի դեպ ոչ Բիւզանդեան, ինչպես զրում է Զարբհանալյանը) անվանել: «Անարդին ծառայ Յոհաննէս Բուզանդեան շնչին քահանայ», — այսպես նա ստորագրել է Թոմա Կեմպացու «Յազագու համահետևմանն» իր թարգմանած գրքի առաջարանի («Բան առ սրբունի Աստուածածինն») տակ⁶⁵: Նույն զրքի տիտղոսաթերթին կարդում ենք. «Թարքմաննեցեալ ի Յոհաննիսէ Վարդակական շնչին դամական» տակ⁶⁶: Նույն զրքի տիտղոսաթերթին կարդում ենք. «Թարքմաննեցեալ ի Յոհաննիսէ Վարդակական շնչին դամական» տակ⁶⁷: Նույն զրքի տիտղոսաթերթին: Նրանց վրա կարդում ենք. «Չարագրեցեալ»

⁶⁵ Թամա Կեմպացի (Գևորգի). Յազագու համահետևմանն Քրիստոսի..., Հոռոմ. 1674, էջ 6:

կամ «Թարքմաննեցեալ» որ Յոհաննիսէ վարդապետէ Կոստանդնուպոլտեցոյ», երբեմն՝ «ի նուաստ Յոհաննիսէ» կամ «Յոհաննիսի վարդապետի Կոստանդնուպոլտեցոյ...»: Հովհաննես Հոլովի թարգմանած ձեռագիր բժշկարանում նույնպես ունենք «ի Յոհաննիսէ վարդապետէ Կոստանդնուպոլսիցոյ»⁶⁸: Մեզ հայտնի են 14 անուն գրքեր, որոնց տիտղոսաթերթերին թարգմանիլ կամ հեղինակ Հովհաննես Հոլովն իրեն այդպես է անվանել, և ոչ մի գեպք հայտնի չէ, որ գրքի տիտղոսաթերթին նա իրեն Բուզանդեան անվանի: Ի դեպ, ասենք, որ թեև Հոլովը կոչվում է Յոհաննես Յակովը, բայց չկա (գոնե մեզ հայտնի չէ) որևէ գիրք, որտեղ դրված լինի ի Յակովը..., ինչպես որ վերծանել է Գ. Զարբհանալյանը Յ. հապավումը:

Միայն գրքերի առաջարաններում է, որ Հովհաննես Հոլովը երբեմն իրեն անվանում է ոչ միայն Յոհաննէս Կոստանդնուպոլտեցի, այլ նաև ուրիշ կերպ, օրինակ, «Ես ամեննեցուն եմ ծառայ, անպիտան Յոհաննէս Հոլով») («Հայելի ճշմարտութեան» 1680), «Յայսոսիկ գրեցի առ եղբարսդ իմ խնդրելով զներումն յանդնութեան իմոյ, զի եմ ձեր ամեննեցուն ծառայ նուաստ Յոհաննէս Հոլով: Ողջ լերուք» («Պատասխանատրութիւնը», 1687), «Աշխատանօք Յոհաննիսի Ստամպուցի վարդապետի» («Պարզաբանութիւն», 1687): Աչա, առաջարաններում իրեն այլ կերպ անվանելու մի գեպքն էլ վերոհիշյալ Բուզանդեան-ն է:

Ուրեմն, քիչ հավանական է դառնում, որ տիտղոսաթերթերում երբեք չգործածված և միայն մեկ անգամ առաջարանի տակ դրված Բուզանդեան անունը, այն էլ նրա թ. հապավումը Հոլովը դիմում է:

Հանրագումարի բերելով թերն ու դիմը՝ կարծում ենք, որ մատենագիտական բնույթի տվյալները, համենայն դեպս, հավանական չեն դարձնում Գ. Զարբհանալյանի տված թեական վերծանումը: Սակայն Հնարավոր է, որ վերծանումը սխալ լինի, բայց զրքի թարգմանիլը, այնուամենայնիվ, լինի Հոլովը: Այդ բանը պարզելու համար կարելի է դիմել լեզվական համեմատության միջոցին՝ Հոլովի թարգմանած

⁶⁷ Խոսքը «Գիրք բնագննութեան» բնագրի թարգմանության անվանաթերթին է վերաբերում (տե՛ս «Հանդես ամսօրյա», 1893, էջ 283):

«Պարզաբանութեան» լիգուն համեմատել խնդրու առարկա և Արհեստա-ի լիգովի հետ:

Անկախ այդպիսի համեմատությունից և նրա նպատակից պարզաբանութիւն-ն իր լիգվական որակով շատ հետաքրրական գիրք է, վաղ շրջանի նոր գրական հայերենի կարևոր նմուշ: Ուստի համառոտակի անդրադառնում ենք այդ գրքի լիգվական հատկանիշներին:

«Պարզաբանութիւն»-ը, որ, ինչպես ասվեց, նոր գրական հայերեն երկրորդ տպագիր գիրքն է, նույնպես հասցեագրված է հայ վաճառականներին, սակայն այս անգամ նկատի է առնված ոչ թե նրանց գործնական ու կիրառական գիտելիքների հարստացումը, այլ հոգեոր սնունդը:

Հայտնի է, որ Սաղմոսարանը հայոց միջնադարում եղել է ոչ միայն եկեղեցու սպասավորների ամենօրյա գործածության գիրքը, այլ նաև մայրենի լեզվի դասագիրք, ինչպես և ընթերցանության գիրք, նաև՝ սիրելի վաճառականներին: Հայ վաճառականը փոքրադիր սաղմոսարանը գրպանում անցնում էր մայրցամարի մի ժայրից մյուսը և աղատ ժամերին սաղմոսներ կարդում, թեև սովորաբար կարդացածի մի փոքր մասն էր միայն հասկանում: Ահա ազուլեցի մի վաճառական՝ Գունագարի որդի խոչա նահապետը, որ նաև տպարանատեր էր Վենետիկում, որոշում է «Հանուրց հայկազունեաց վաճառականաց» մատուցել մի գիրք, որտեղ լինեն գրաբար սաղմոսների աշխարհաբար պարզաբանությունները: Վերջիններս, իհարկե, նաև իրեն՝ նահապետին էին հետաքրրում, բայց այս դեպքում ևս, հավանաբար, դեր է խաղացել թե՛ ընդհանուրին օգտակար լինելու ձգտումը և թե՛ վաճառական գնորդներ ունենալու հեռանկարը:

Դիրքը լույս է տեսել Վենետիկում, նահապետ Ազուլեցու տպարանում, «Արհեստա-ից 12 տարի անց՝ 1687-ին, «Պարզաբանութիւն հոգենուագ սաղմոսացն Դաւթի մարգարէին» վերնագրով⁶⁸:

68 Տիտղոսաթերթը է՝ «Պարզաբանութիւն հոգենուագ սաղմոսացն Դաւթի մարգարէին» ժողովեցւալ ի գանձանից մատենից վարդապետաց եկեղեցու և թարգմանեցւալ ի հայրապետութեան Սրբոյ Աթոռոյն էրմիածնի Տեառն Եղիազարու Սրբագան Կաթողիկոսին ի նուաստ Յոհաննիսէ վարդա-

գրքի սկզբում խոչա նահապետի անունից գրված (հավանաբար Հովհաննես Հոլովի կողմից) ոտանավորում ասված է, որ գիրքը կազմվել է իր՝ նահապետի ցանկությամբ և՝

Աշխատանօց Յոհաննիսի:

Ստամպոլիցի վարդապետի:

Զոր մադրանօց աղաշեցի:

Չեռն արկանել այսմ զործի:

Ասված է նաև, որ «Պարզաբանութիւն»-ը՝

... պարզ է և նեշտավի

և դիւրապէս հասկանավի:

Գրաբար առաջարանում (ռևուզաբանութիւն գրգոյս) խոսվում է այն մասին, որ վաղուց ի վեր խոչա նահապետը ցանկացել է ունենալ սաղմոսների մեկնարանություն, ապա ասված է. «Եւ ի շկարելն զտանել զպարզախօս ոմն հեղինակ կամ գլխակատար իմն, ուխտեալ էր յանձին իւրում տալ շարագրել զնա երբեմն ի դիպակում ժամու ի լրումն րզձի և զիտաւորութեան իւրոյ: Ուստի ի դառնալն իւր վերստին առողջութեամբ շնորհօք Տեառն ի քաղաքս այս Վէնէտիկ թախանձանօք խնդրեաց ի հիբոյս պարզաբանել զնոյնն: Ա՛շ վասն մարմնաւոր օգտի և շահասիրութեան իւրոյ, այլ վասն հոգեկան մխիթարութեան ազգին հայկազունեաց և ի յիշատակ անջնջելի ինքեան և ծնողաց իւրոց հանգուցելոց ի Քրիստոս: Բայց ոչ խրթին շարադրութեամբ, այլ աշխարհական լիգուաւ: Ըստ որում տեսեալ էր առ իտալացիս զի ամեննեքեան միահազոյն դիրապէս հասկանալով, վայելիցին զնոյնն»⁶⁹:

Արեմն իտալերեն գրքերի օրինակն էլ է խրախուսու ու աղդակ հանդիսացել նոր գրական հայերեն այս գրքի երևան դայուն:

«Խրախուս առ ընթերցօղս» նախաբանի կամ սկզբի առաջարանի մեջ Հովհաննես Հոլովի դրում է, որ մյուս քրիստոնյաներն էլ են եկեղեցիներում երգում սաղմոս, «բայց ոչ այնքան յաճախ, զի հայք ոչ միայն եկեղեցականք, այլև աշխարպետէ նոստանդինուագեցւոյ ի փառս մեծագոյնս Աստուծոյ: Եւ տպագրեցեալ արդեամբք և զոյիւր Ազուլեցի Խօսայ Գունազարի որդի խոճայ նահապետին ի սեփհականի տան իւրում: Ի թուականութեան մերում թռչէ, ի Վէնէտիկ քաղաքի ...1687, 840 էլ:

69 Պարզաբանութիւն, էջ 5:



Պարզաբնուրին նոգենուազ սաղմոսացն, Վենետիկ, 1687 թ.
(անվանաբերը)

Հականք ևս արտաքոյ եկեղեցւոյն միշտ և հանապազ ունին զնա ի բերան։ Աւստի ի տարակուսիլն նոցա ի վերայ դժուարիմաց բանի ուրուք կարեն սովաւ դիրապէս լուծանել զտարակուսութիւնս իւրեանց»⁷⁰։

Ապա՝ «երատ առ ընթերցողս» առաջարանում բացատրում է, թե ինչու է ինքը ճիշտ համարում սաղմոսների պարզաբնությունը աշխարհաբար հրատարակել. «... զմեկնութիւնս զայս այնու դիտաւորութեամբ շարադրեցաք մեք աշխարհօքէն, զի կարիցեն աշխարհականք ամենեքեան դիրապէս իմանալ զոյն։ բանզի եկեղեցականք ունելով զրաւական

⁷⁰ Պարզաբնութիւն, էջ 8։

կրթութիւն և զուսումն, յարածամ ճաշակեն զբաղցրութիւնս սրբազնից գրոց, իսկ աշխարհականք, որ պարապին ի զբաղմունս և ի հոգս աշխարհի, ամենեկին մնան անմիխթարք ի յայսպիսեաց շնորհաց»⁷¹։

Արդյո՞ք աշխարհաբարի օգտագործման 17-րդ դարի այս հիմնավորումը հեռու է 19-րդ դարում զրապայքարի ժամանակ աշխարհաբարի պաշտպանությանը նվիրված փաստարկումներից։ Կարծում ենք երկու դեպքում էլ փաստարկումների էությունը նույնն է։

Հովհաննես Հովովը խնդրում է նաև, որ աշխարհաբար գրելու համար իրեն շարհամարհեն իրեն հայերենին անհմուտ անձի. «որովհետեւ ոչ վասն եկեղեցականաց, այլ վասն օգտի և շահաւետութեան հասարակաց ժողովրդոց եղեւ առաջիկայ մերս գործառնութիւն»⁷²։

Գրի վերջում, նահապետ Ազուլեցու անունից գրված ուտանավորի մեջ խոսք կա Հովհաննես Հովովի, իրրե թարգմանչի և կազմողի աշխատանքի մասին այսպես.

Ի շուս լեզուացս բարգմանեալ՝
Յանաց, եւլից նամածայնեալ,
Եւ լարինաց ընդ շարագրեալ,
Հայոց լեզուաւ տպագրեալ,
Աշխարհաբար զայս ծանուցեալ (838)՝⁷³

Գիրքը հետևյալ կառուցվածքն ունի. Ամեն էջը երկու մասից է բաղկացած. մի մասում հատվածաբար տրված են զրաբար սաղմոսները, մյուսում ամեն մի զրաբար հատվածի զիմաց գտնվում է նրա աշխարհաբար մեկնությունը կամ պարզաբնությունը։ Վերջինս կամ տվյալ սաղմոսի (նրա մի մասի) աշխարհաբար աղատ փոխադրությունն է, կամ մեկնաբանությունը ըստ եկեղեցական տարրեր հեղինակների, որոնց մտքերը Հովովի կողմից նոր զրական հայերենի են թարգմանված՝ հավանաբար ամենից ավելի շատ լատիներենից, հունարենից և իտալերենից։

Առանձին պարզաբնությունները մեծ մասամբ սկսվում

⁷¹ Նույն տեղում։

⁷² Նույն տեղում։

⁷³ Այստեղ ու սրանից հետո «Պարզաբնութիւնն-ից բերված բնագրային բաղվածքների էշերը նշում ենք քաղվածքի կողքին։

են այսինքն բառով: Բերում ենք մի նմուշ դրբից, սկզբում փակադում տալով գրաբար հատվածը (կամ սաղմոսի համարը), ապա առանց փակադիծ նրա պարզաբանությունը նոր գրական լեզվով:

(«Սաղմոս Դաւթի: Սաղմոս ԼԶ») իր զայս սաղմոսս ինքն Դաւթի է ասացեր: Այս սաղմոսումս կու մխիթարէ մարգարէն բարի և խեղճ մարդիքն, որ երրոր կու տեսանեն շար մարդկանց աշողութիւն չի յուսահատին:

(«Մի՛ նախանձիր ընդ շարս և մի՛ ընդայնոսիկ ոյք գործին զանօրէնութիւն»): Այսինքն, մի՛ նախանձիր և մի՛ ցանկանար շարագործ մարդկանց փառացն և մեծութեանն և աշողութեանն և մի՛ հետեիր այնպիսի անխղճմտանք մարդկանց, որ աշխարհիս վերայ անօրէնութիւն և ամբարշտութիւն կու գործին:

(«Զի որպէս զխոտ վաղվաղակի ցամաքեսցին. որպէս զդալարի խոտոյ վաղվաղակի անկցին»): Այսինքն, զէրէ նոցա մեծութիւնն և փառքն շուտով կու փշանայ և խոտի նման կու ցամաքի և նոցա վայելութիւնն դալար խոտի նման շուտով, երրոր մահուան տագնապն կու հասնի, վայր կու անկանի և կու ոչնչանայ:

(«Յուսա ի Տէր և արա՛ գքաղցրութիւն, բնակեաց յերկրի. և հովուեսցիս ի մեծութեան նորա»): Այսինքն, յուսա՛ դու յԱստուած և քաղցրութիւն արա՛, իր ամենեցուն սէր և զութք և խոնարհութիւն նշանց տուր, Բնակիր միշտ այս երկրումս իւր սուրբ եկեղեցոյ միջումն, որ Աստուծոյ մեծութեամբն իբր շնորհօքն և ողորմութեամբն ապրիս և կերակրիս քոյ կենաց մէջն» (185—186):

Այժմ բատ վերոհիշյալ 20 կետերի, որոնց օգնությամբ փորձեցինք տալ «Արհեստ համարողութեան»-ի լեզվական ընութագիրը, պետք է աշխատենք ներկայացնել «Պարզաբանութեան» լեզվի (համկանալի է, միայն նոր գրական հայերենով եղած մասերի) համապատասխան հատկանիշները, բատ այդմ էլ՝ հայտնաբերել այս երկու գրքերի լեզվական միքանի կարեոր բնդհանրություններն ու անհամապատասխանությունները:

1) Մին և մէկ զուգահեռներից «Պարզաբանութեան» մէջ գործածվում է երկրորդը. օրինակ՝ «Այնպէս մարդն մէկ բա-

րի ծառի կու նմանի, որ մէկ գետափի մի տնկած լինի» (12), «մէկ անգամ» (20), «մէկ ժամանակ մի զիս պատեր էին...» (22), «իբր թէ ինձ մէկ վնաս մի հասուցանէք» (24), «մէկ բարի գործ մի գործէ» (56), «մէկ բանի մի համար երդում կանէ» (59), «մէկ մեղք մի կամ մէկ թերահաւատութեան գործ մի տեսանէի» (337), «Ես նորա թշնամիքն մէկ ոչինչ իրմինի պէս խոնարհեցուցեր էի» (442), «Ինչպէս մէկ գորական մի կուրախանայ» (650) և այլն: Հարյուրավոր անգամ գործածված մէկ ձեի դիմաց գրքում կա մի բանի անգամ գործածված (նույն նշանակությամ) մին ձեր՝ որոց մինն է դիտութիւն վախճանի աշխարհիս» (40), «մին առիւծի ձագի նման» (66), «մին զմինու վերայ դիզվեցան» (412):

Մի ձեր մեծ մասամբ գործածվում է անորոշի նշանակությամբ: Նրա մը արևմտահայ տարրերակը այստեղ ևս բացակայում է:

Ցուցականներից գործածվում են միայն այս, այդ, այն գրաբարյան ձեերը ու նրանցից կազմվածները: Էս, էղ, էն, ինչպիս և աս, ադ, ան և նրանցից կազմվածները բոլորովին շկան: Օրինակներ. «Սաղմոսս այս խորագիր շունի» (11), «այլ իւր միտքն և կամքն այն է» (12), «Այսինքն այսպէս չեն անօրէն մարդիք» (14), «իբր սաղմոսս այս երրայիցոց Աստուածաշնչումն հատուկ թիւ և համար շունի» (16), «Այսինքն այս ինչ խոռվութիւն և աղաղակ է» (16), «և ես այսօր քեզ ծնայ» (18), «այնշափ խեղճ և ողորմելի եղայ» (21), «մի՛ հետեւիր այնպիսի անխղճմտանք մարդկանց» (185) և այլն:

Այս, այդ, այն բառերը և նրանցով բաղադրվածները շատ մեծ բանակ են կազմում գրքի մէջ և խոսքի ընդհանուր ընույթը դարձնում ավելի խստորեն գրական:

Մի բանի տեղ, կարծես, զգացվում է արևմտյան աս, ադ, ան ձեերով բաղադրված ասոր, անոր բառերի բանավոր գործածման ազդեցությունը: Օրինակ, ունենք, «այնոր համար դու յամօթ արա զիւրեանք» (45), «այնոր համար ինչ ճանապարհ որ կու բռնէ» (46), «այսոր համար իմ սիրտս ուրախացաւ» (62—63) և այլն: Այս դեպքերում, հավանաբար, արևմտահայ ժողովրդախոսակցական ասոր-ն ու անոր-ն են (ասոր համար, անոր համար) գրաբարյան տեսք ստացել (բանի որ այսոր և այնոր ձեերը գրաբարը շունի):

Այլ գրաբարյան բառաձևի ժողովրդաբարբառային էլ ու
ալ համանիշները նույնպես չեն գործածվում, նրանց իմաս-
տով գործածվում է միայն գրաբարի այլ-ը, օրինակ, «թէ
տասն անգամ հարիւր հազար այլ լինի» (22), «այսպէս ան-
պէտ են դարձեր, որ այլ արժանի չեն, որ զԱստուած պաշ-
տեն» (56), «արեգակն իւր պայծառութեամբն, քան զամէն
աստղեր այլ առաւել կու ծանուցանէ...» (97) և այլն:

Ժողովրդաբարբառային բնույթի բառաձևերից կան՝ ցորեն
(25), արեց (35), մանտել («Փոշին կու մանտրվի» 84), սա-
ռուց (743), զանկատ (71), բանտեց (35) և այլն (վերջին եր-
կու օրինակները, թերեւ, գիտվեն նաև իրրե գրաբարյան ձե-
վերի ուղղագրական տարրերակներ):

Գործածված է լինել ձեր (ըլլալ ձեի ոչ մի օգտագործում
չկա). «որ լինի թէ մէկ հնարք մի գործեն» (16), «արժանի
կու լինին» (2), «չի լինի թէ...» (24), «զլխիկոր լինի» (31),
«կու լինիմ» (46) և այլն.

2) Ժողովրդաբարբառային (այդ թվում՝ նոր փոխառյալ)
բառերը բավական շատ են, օրինակ, գործածված են՝ մուլք
(18), պողագ (28), փոշիմանել (24), դալխան (29), պոլոնիկ
(34), իմին (37), բալաք (46), պոռնկ, զէնք, աղու (56),
սէլաւ («սէլաւներն» 70), փարտայ (74), օրաղ («օթազներ»
74), զէրէ (78), վոազել (91), նէյրան (81), զամիշ («զամշի
նման» 89), պոզ («իմ ազատութեան պոզն է» 69), զօրայ
(«ինձ հատուցումն անէ իմ արդարութեան և շիտակութեան
դօրայ» 78), ասբյար («Փարաւոնի ասբյարն» 91), նէլքենիր
(100), փերակ (100), իզ («զիմ իզս» 64), դօշ (133), բուռչ
(«բուռչ շորերս» 139), զուլ («զուլ կու հազնի» 168), տնազա-
տեղ (182), ձորամէջ (331), էլզի (543), բօփալ (645), լակլակ
(546), լապստրակ (546), սահար (547), շուաք (557), բունն
(620), մատղաշ (647), բալան (650), պուղ («պուղն կու հանէ»
695), եարայ (820), սաղ (761), դօլ («այս դօլումս» 419),
ողորդ («ողորդ կասեր» 674) և այլն:

Եատ են նաև ժողովրդական հարադրությանները (այդ
թվում դարձվածքային), ինչպես ականջ դրեց (48), ականջ-
կանէ (50), ձեռնէն բան չի զար (58), նշանց տուր (47), ցիր-
ու ցան անեմ (84), միտք արեց (35), տնազ արարին (58.—
երկրորդ բաղադրիչը գրաբարյանացված է), կոտր ձգեմ (83).

Դրան բանեց (91), դուր կու զան (101), կուլ տվեց (561),
դիրուր կու զան (448) և այլն. Եատ են գործածված իմին,
զօրայ, նշանց տուրերը:

«Արհեստ»-ում բազմիցս գործածված ժուկ բառը այստեղ
չկա (գործածվում է ժամանակ-ը), «Արհեստ»-ում առկա
զէրայ, զէրէ, զիրայ ձեռից այստեղ գործածվում է միայն
զէրէ-ն:

Մի շարք բառերի մեջ նկատելի է ձայնեղների ավանդա-
կան գրության փոխարեն խուզերի գործածություն, օրինակ,
լին կնտում բերված նմուշներում կան այդպիսիք. զան-
կատ, բանտեց, նաև՝ մունն, մանազանդ նոր փոխառյալ
բառերում նկատելի են արևմտյան խոսքին (կամ միջին հայե-
րենին) բնորոշ տառադարձություններ՝ փարտա (ոչ՝ փարդա),
նէւենիր (ոչ՝ զաւանիր), նէյրան (ոչ՝ զեյրան) և այլն:

Բայց մյուս կողմից ունենք դրամ (59), զօրայ (78) և
այլն, որոնք ինչպես տեսանք, «Արհեստ»-ում տրամ, կօրայ
ձեն ունենին:

3) Պահպանվում են անձնական գերանունների և սա, դա,
նա-ի գրաբարյան ձեռեր. նոցա (17), նորա (18), սորա, զիս
(21), դորա (21), նմանէ (17), մել (25), զնոսա (25), դոբա
(33), դոցա (50), իւր (17), իւրեանք (17), իւրեանց (17) և
այլն:

Վերայ կապը գործածված է միայն այս ձեռվ:

4) Հոգնակի ուղղականը մեծ մասամբ կազմվում է զրա-
բարյան ձեռվ (ի մասնիկով), ինչպես՝ դպիրեն (15), փարի-
սեցիբեն (15), բահանայք (15), բահանայապետեն (15), ժո-
ղովուրդք (16), նրամանեն (18), նրէայք (18), եզերեն (18),
բազատք (19), իշխանուրիւն (21), ներանոս (21), աղօք (33),
մանկունք (37), բշնամիբեն (37), կենդանիբեն (39), ոչ-
խարեն (38), բալանեն (43), մեղատք (49), սիրելիք (48),
զորքեն (50), վիշտք (70), նեղուրիւնք (70), որոզայքեն (70),
յարկք (74), աղբիւրք (76), նիմունք (76), ձիատք (88) և այլն.

Մարդ բառի հոգնակին բազմիցս գործածված է մարդի է
ձեռվ:

Գրի սկզբի էջերում բացարձակորեն իշխում են ֆ-ով
կազմված հոգնակինները, ապա մերթ ընդ մերթ երեսում են
նաև եր ու ներ-ով հոգնակիի ձեռի, որոնք գրաբարյան ձեռ-

բին զուգահեռ գործածվում են մինչև վերջ, թեև գերակշռողը միշտ մնում են ք-ով ձևերը: Եր ու ներ-ով հոգնակիների օրինակները տեղերս (31), նրեշտակներն (38), կուպաշտներդ (44), աշեներն (46), ատամներն (47), թեւերն (48), աղեղներն (49), նետերն (49), սրտերը (50), խորենուրդներ (54), մրտերն (57), նիմեներն (71), փայլակներն (76), կայծակներն (75), աղբեներ (76), նախապարհներ (80), ժողովրդներն (84), զաւակներդ (84) և այլն:

Շատ դեպքերում նույն նախադասության մեջ հանդիպում են և՛ ք-ով, և՛ եր ու ներ-ով կազմված ձևեր, ինչպես՝ «ցաւեր և շարուրինք յղացաւ իւր սրտի միջումն» (35), «Այսինքն, իւր ողորմած աշեներն միշտ դէպ ի յաղքատներն և խղճերն կու նային և իւր աշաց քարքերն մահկանացու մարդկանց զործեն և արարմունեն կու քննեն» (50), «Իրր քալաքներն և ննարազործուրինեն, որ իմ քշնամիքն ինձ համար սատրաստեր էին, ինձ ժամանեցին» (70), «մահուան որոգայթն, իրր հրէից և Յուգայի քալաքներն և ննարազործուրինեն...» (70) և այլն:

Մի շարք դեպքերում էլ միենույն բառը մե՛րթ մի, մե՛րթ մյուս ձևով է հոգնակի դառնում, ինչպես, օրինակ՝ «Դարձեալ, երկեցան զանազան աստուածաբան վարդապետը, որք են աղրիւրք ջրոյ կենդանութեան» (76) և «Այսինքն, երկեցան նոր և անտես ջրոց աղրեներ ի բազում տեղիս» (76), «և բացվեցան և յայտնվեցան երկրիս և աշխարհիս նիմեներն» (76) և «նոցա քարոզութեամբն յայտնեցան բանի մարդարեցն, որք են նիմունք աշխարհիս» (76), ունենք նաև՝ ծիատրեներն (87) և ծիատրեն (88) և այլն:

Կան մի շարք դեպքեր, երբ գրաբարյան հոգնակիի ձև ունեցող բառերը ստանում են աշխարհաբարյան հոգնանիշ, ինչպես ժողովքներն (61), զործերս (57), նիմեներն (71), աշեներն (79), ոտեւերս (81), ծիանեներով (92), երկինեներս (95), մեղքերս (101), խօսերն (101) և այլն:

5) Զուտ գրաբարյան⁷⁴ թեք հոլովաձևերը գերակշռում են (գլխավորապես հոգնակիում) ժողովրդաբարբառային հոլովաձևերի համեմատ, օրինակներ՝ «մարդոյ ոտաց տակն ձգե-

ցիր և նորա կամացն հնազանդեցուցիր» (38—39), «Այսինքն, այլ և հնազանդեցուցիր մարդոյ վայրի ոշխարքն, երկնից թոշումն և ծովու ձկներն և այլ ուրիշ կենդանիքն, որ ծովու ալեաց միջումն իւրեանց ճանապարհ կու գնան» (39), «կու տանէ զիւրեանը ի կեանս յաւիտենականս» (16), «ի ձեռաց նոցա» (17), «Վասն վշտից և աղատութեանց» (20), «միամիտ երեխայից նման» (37), «թոշնոց նման» (39), «ձկանց նման» (39), «իմ բոլոր սրտիւ» (40), «զիս այսշափ փորձանց աղատեցիր» (40), «կուպաշտից և զանազան ազգաց միջումն» (42), «ի բերանոյ արդար մանկանց» (63), «զի որպէս Դաւիթ զերծաւ ի ձեռաց թշնամեաց իւրոց նոյնպէս Քրիստոս զերծաւ ի ձեռաց հրէից» (67), «շնորհակալ կու լինի ի բերանոյ Քրիստոսի» (67), «յոյս ունիմ, թէ հրէից բահանայիցն և բահանայալետացն, թէ դպրացն և փարիսեցւոցն և թէ նենզաւոր Յուղայի ձեռքէն նորա կարող զօրութեամբն պոծանիմ և աղատիմ» (69), «զիմ աղօթից ձայնն» (71), «և շուրջ զնովաւ են յարկք իւր» (74), «նոցա մեղացն թողութիւն կու շնորհէ» (102), «զկեանս պարզէ ազգի մարդկան» (773): Նաև՝ կամացն (16), այլազգեաց (16), ուղոյն (17), կտակարանաց (17), կամօնն (18), հրամանացդ (18), սրտի (19), մտօք (19), ուրոց (19), նախանաց (19), կամաւ (19), նոգույն (20), փառօքն (20), պատկաց (21), շարշարանաց (20), երեսաց (21), արոռոյն (21), դպրաց (22), ի բերանս (23), եկեղեցւոյն (22), աղօթիւ (23), ստուգիւ (24), յանկողնայ (24), զինոյ (25), բերանոյ (26), ուղույ (32), սուսերօք (70), բրօք (70), զրոյ (76), հասակաւ (767) և այլն:

Հատուկ անունները զրաբար են հոլովաձա՞ Ագամայ, Աբրահամու, Բաահակայ, Յակոբայ, Արիսողոմայ, Յուղայիւ և այլն⁷⁵:

Վերեկի օրինակները հիմնականում զրքի սկզբի մասից են, բայց զրաբարյան այդ կարգի հոլովաձևերի բացարձակ գերակշռությունը անփոփոխ պահպանվում է ամբողջ զրքում

⁷⁵ Հատուկ անունների այ հոլովաձևերիշով թեքումը առկա է նաև մի շարք բարբառների մեջ: «Պարզաբանութեան» լեզվում հատուկ անունների այս և մյուս հոլովաձևերը ակնհայտորեն զրաբարից են գալիք:

⁷⁴ Տե՛ս «Արհեստ»-ի լեզվի քննության 5-րդ կետի ծանոթագրությունը:

և բազմաթիվ օրինակներ կարելի է քաղել նոր ցանկացած մասից:

6) Հոգնակի ստացական (սեռական-տրական) հոլովը գերազանցապես գրաբարյան ձևերով է կազմվում, որոնց օրինակները բերվեցին նախորդ կետում: Կան նաև աշխարհաբարյան ձևեր, սակայն միայն ի թերույթով, այսինքն՝ արևելահայ խոսքին հատուկ, ինչպես՝ «իւր նետերի սլաքներն» (35), «սաստեցիր կռապաշտներին» (41), «այն շար խորհուրդների միջումն» (47), «ցաւերի և տանջանքների քամին» (51), «մատաղներին կամ զոհերին համար» (61), «քոյ թերի շվարի տակումն» (65), «սէլաւերի նման ինձ վերայ վազեցին» (70), «անդունդների յատակն» (89), ուսերի (47), ժողովրդների (33), ժառանգներին (67), սարերի (81), զատկներին (86) և այլն: Ու թերույթով արևմտահայ բնույթի սեռական-տրական հոլովաձևեր (սարերու, զավակներու) չկան:

7) Անորոշ գերբայի ստացական հոլովը կազմվում է գրաբարյան ոյ ձևույթով, ինչպես՝ զալոյ (8), զործելոյ (15), կատարելոյ (19), զովելոյ, փառաբանելոյ («առաւտօտեան ժամանակն այլ առաւել պատշաճ է քո սուրբ անունդ գովելոյ և փառաբանելոյ» 27), անելոյ («իրաւունք անելոյ վերայ» 59), զարդարվելոյ, խաշվելոյ («դարդարվելոյ և խաշվելոյ համար» 61), մեռնելոյ («մեռնելոյ ահն» 69) և այլն: Աշխարհաբարյան ու-ով կազմված ձևեր բոլորովին չկան:

8) Շատ են ում-ով ներգոյականի ձևերը, օրինակ՝ Աստուածաշնչումն (16), միջումն (16), աշխարհումս (20), սաղմոսումս (20), բերանումս (28), երկրում (39), դոներումն (43), տակումն (46), բումն (47), երեսումն (49), սարումս (49), ժամանակումն (49), տանարումն (50), երկնումն (50), խորանումդ (58), լեռնումդ (59), մտքում (82), երկրում (97), ծայրերումն (97) և այլն:

Չափազանց շատ է միջում-ի գործածությունը՝ մեծ մասմբ ն հոդի հետ, շատ են գործածված նաև աշխարհում, սաղմոսում (ս և ն հոգերով) և այլն:

9) Բացառական հոլովը կազմվում է է թերույթով, ինչպես բերանէն (16), սրտէն (19), նանապարհէն (19), պատմէ (20), պատումասէ (20), Ցուղայէ (20), ֆեզանէ (21), փորձանէն:

(21), մահուանէ (21), լեռնէն (21), անօրէններէ (66), ձեռնէն (66) և այլն:

Յ-ով բացառական հազվադեպ է հանդիպում, օրինակ, ինձանից (40), մեզանից (45), ֆեզանից (299):

10) Կործիականի և ներգոյականի հետ ն հոգի գործածության ընորոշ գեպերից բազմաթիվ օրինակներ ունենք: 8-րդ կետում ն հոդով ներգոյականի օրինակներ բերվեցին (միջումն, դոներումն, երեսումն և այլն), բերենք նաև մի քանի օրինակներ ն հոդ ունեցող գործիականի. խորհրդովն (12), խրատովն (12), պտղովն (25), լեզոտվն (37), ուժովն (46), բերանովն (75), ալիբներովն (89), կովարարներովն (93), կամարներովն (95) և այլն:

Ստացական հոլովով հատկացուցի և կապի խնդրի հետ ն հոդը և դրվում է, և շի դրվում, ինչպես. «սաղմոսին հետ» (16), «նորա սրտին գորայ» (52), «կենկան նման» (35), «մարդկային ազգին համար» (60), «բերանիդ խոսքին համար» (64), «պատուիրանեին համար» (64), «քո աշաց բիրին նման» (65), «խաշին վերայ» (102), «սեղանին վերայ» (102) և այլն, բայց և՝ «դատաստանի օրն» (17), «լսողի սիրտն» (46), «բարի վերայ» (60), «ծովի մէջն» (87), «զրի տակն» (90), «առինի նման» (66), «առինի ձադի նման» (66), «խընամբի տակն առաւ» (77) և այլն: Գերակշռողը առանց ն ձևերն են:

11) Վ մասնիկ ստացած բայերը սովորական են, ինչպես՝ կու խոսվի (26), կու փառավորվինք (102), գրվեր են (25), նշանվեր են (25), կու հալածվին (48) և այլն, կան նաև վ-ով կազմված կրավորական սեռի շատ դեպեր, ինչպես՝ «նոցանէ կու գովվի և կու փառաւորվի» (45):

Օգտագործվում են նաև կրավորականի գրաբարյան ձևեր. «յոյս ունիմ, որ ամէն մի թշնամեաց ձեռքէն նորա կարողութեամբն պոծնիմ և ազատիմ» (69), «ծոս առաւել տրտմութենէս հալեցայ և մաշեցայ» (31), նաև՝ խափանեցան (103), «հիմունք լերանց սասանեցան» (72) և այլն:

12) Ներկան (գրական) կազմվում է կու (կ) մասնիկով⁷⁶,

⁷⁶ Կու մասնիկը գրքում մեծ մասմբ տպված է բային միացած, անշատ տպված դեպերն ավելի քիչ են: Մենք բոլոր դեպերում անշատ ենք գրում (միասին գրված թողնելով մասնիկի և ձեր):

ինչպես, «Այս սաղմոսումս կու խօսի մարգարէն» (16), «այժմ ևս կու աղաղակեմ և կասեմ, Տէր, ողորմեա ինձ» (23), «Այս սաղմոսումս կու աղօթէ մարգարէն ի բերանոյ եկեղեցւոյն» (26), «Կուրախանամ և կու ցնծամ քեզանով» (40), «Դարձեալ վասն որոյ միշտ օրհնելով և գովելով կու աղաղակեմ առ Հայրն իմ երկնաւոր...» (69), «Թէպէտ երբեմն մեր սխալանաց և մեղացն համար իւր ցասման և բարկութեան միջումն կու սրտմտի և կու զայրանա մեզ վերայ...» (137). «Այս սաղմոսումս բաղցրութեամբ դանկատ կանէ մարգարէն ի ձեռացն Աստուծոյ» (394), «Է՛ր բո հզօր ձեռքդ մեր թըշնամեացն յետ կու դարձուցանես» (397) և այլն:

Արեւլյան հայոց բարբառներին հատուկ հարադրական ներկայի ձեռքը խորթ են «Պարզաբանութեան»-ը, իբրև բացառություն ում-ով անջատ բայահիմքից կազմված հարադրական ներկայի մի քանի դեպքեր կան՝ «Այսինքն, մարդկային ազգս այն շափ լրբեր է և թերահաւատեր է, որ երբեմն այնպէս մարդ է գտվում այս աշխարհումս, որ թէպէտ բերանով չէ կարում զԱստուծ ուրանալ, բայց միշտ իւր սրտի միջումն կասէ, թէ աշխարհս անտէր է...» (55), «Այսինքն՝ ոչ ոք չէ գտվում այդ շափ մարդկանց միջումն, որ մէկ բարի մի դործէ...» (56):

13) Դիմավոր բայերի հոգնակի առաջին դեմքի գրաբարյան և աշխարհաբարյան մէ և նէ զուգահեռ վերջույթներից (մ և ն ձեռւյթներից) «Պարզաբանութեան» մեջ գործածվում են վերջին ձեռքը (ն ձեռւյթով), ինչպես՝ կու սիրենէ (25), կու պաշտենէ (25), կու հաւատանէ (25), կենդանի ենէ (25), շնորհակալ ենէ (29) և այլն, թեև շատ հազվադեպ (միայն մի քանի դեպքում) հանդիպում են նաև մ-ով ձեռք. «Թէպէտ ոչինչ ունիմք, բայց զամէնայն ինչ ունիմք» (161), «Ուստի կաղատեմք դքեզ» (327), «մեր, որ երկնաքաղաքացիք եմք» (484):

14) Բայերի եղակի Յ-րդ դեմքի հնարավոր զուգահեռ է և ի դիմանիշներից գերակշռությունը է-ինն է՝ կատարէ (12), խնդրէ (18), զիտէ (23), կու մատնէ (14), կու նանաշէ (15), կու տրտմեցուցանէ (17), կանէ (17), կու խայտառակէ (18). կու նշանակէ (18), կու լսէ (24), պիտի դատէ (45), բամբասէ (64), կու շնորհէ (102), և այլն, թեև քիչ շեն նաև ի-ով տար-

բերակները՝ կու բնակի (17), կու ծիծաղի (17), խօսի, նետի գրեթե միշտ պահպանվում են գրաբարյան լծորդները»:

Երբեմն միննույն նախաղասության մեջ ունենում ենք և՝ է-ով, և՝ ի-ով կազմված ձեռք. օրինակ, «Նա պիտի բնղունի զիս փառօք և նատուցանէ ընդ աշմէ իւր» (69):

15) Էական բայի (նաև օժանդակ բայի դերում) եղակի երրորդ դեմքը (ներկա) ունի միհայն է ձեռք. «Այս ինչ խոռվութիւն և աղաղակ է, որ ծներ է կուապաշտից և այլազգեաց միջումը» (16), «Ճանապարհն ուղիղ է» (773), «Դատաստանդ արդար է» (773) և այլն:

Զկա էական բայի ա ձեր գործածության և ոչ մի դեպք:

16) Վաղակատար ժամանակների ձեռքը մեծ մասամբ եր ունեցող անջատ բայահիմքերից են կազմվում, ինչպես՝ «Ճերովդէս և Պիղատոս միաբաներ են» (16), «մէկ տեղ են Եկեր» (16), «Լրրացեր են» (17), «Հանդգներ են» (17), «մեր վիզն են դրեր» (17), «Ճգն է» (21), «բարիք է պարզեներ» (24), «գրվեր են» (25), «Նշանվեր են» (25), «Խնդացուցեր ես» (30) և այլն:

Սակայն կան նաև վաղակատարի ել-ով ձեռք, ինչպես՝ «Իբր զայս սաղմոսս ինքն Դավիթ մարգարէն է շարադրել» (58): Վաղակատարի նշանակությամբ մերթ ընդ մերթ գործածվում է նաև գրաբարյան անցյալ դերբայի ձեռք. օրինակ՝ «Դաւիթ մարգարէն է ասացեալ» (23), «Դաւիթ մարգարէն է շարադրել» (763):

17) Ներկայի և անցյալ անկատարի ժխտական ձեռքը ր-ով կազմված անջատ բայահիմքով⁷⁷ են հարադրվում, ինչպես, օրինակ, «Այսինքն, այն որ զիւր դրամն և փողն այլոց շահով չի տար և դատաստան և իրաւունք անելոյ վերայ կաշառք չի անուր, զէրէ այսպէս բարի գործոց կատարող մարդն միշտ հաստատ կու մնայ և բնաւ ամենկին չի՝ սասանիր և չի՝ վնասվիր իւր կենաց մէջն» (60):

18) Պիտի դիմավոր բայի և անորոշ դերբայի վերոհիշյալ կապակցություններից կան նաև «Պարզաբանութեան» մեջ, ինչպես՝ «պիտինք խաղաղութեամբ քնիլ և խաղաղութեամբ արթնանալ» (25—26), «պիտինք խաղաղութեամբ հանգիլ»

77 Տե՛ս «Արհեստ»-ի լեզվի վերլուծության մեջ 17-րդ կետի ծանոթագրությունը:

(26), «Այսինքն, այս ժառանգութիւնս թէպէտ ևս պիտիմ ստանալ...» (62):

19) Շատ քիչ է օգտագործված պիտի եղանակիցի և հարակատարի կապակցությունը, օրինակ, «այս բանիս վերայ շի պիտի տարակուսած» (53):

20) Ուզել բայի առաջին դեմքի և լրացում գիմավոր բայի կապակցություններ հանդիպում են, ինչպես՝ «կուզեն մեղ վերայ հրամանք բանացնեն» (17), բայց հակառակ «Արհեստա-ի, ավելի շատ են լրացում անորոշ գերրայով գոյացած կապակցությունները՝ «կուզենան հնազանդիլ» (19), «նոքա զիմ թագաւորութիւնս ուզեցին փշացնիլ» (50), «կուզեմ կշտանալ» (67) և այլն:

Լրացուցիչ հատկանիշներից կարելի է նշել հետեւյալները: «Պարզաբանութեան» մեջ ևս գործածվում է առնեմ բայի արարեմ ձեր (անել իմաստով), ինչպես՝ «խորհուրդ արարին» (16), «միտք են արարել», «լաւ միտք արարէք» (57), թեև քիչ չեն նաև նույն իմաստով ժողովրդախոսակցականին հատուկ անել ձեի նույնիմաստ գործածությունը. «միտք անելով» (27), «թէ ինձ անիրաւութիւն այլ անեն» (64), «յամօթ անելոյ համար» (85) և այլն:

Գործածվում է ն հողը, չկա նրա ժողովրդաբարբառային ը տարբերակը:

Մարդ բառի եղակի ստացականը, հակառակ «Արհեստա-ի, մեծ մասամբ մարդոյ ձեն ունի, թեև կա նաև մարդի (շատ քիչ, օրինակ, «մարզի նման» 97) ձեր:

Գտանեմ բայի ն ածանցը ընկած է խոնարհված ձերում, օրինակ՝ չկարենա զտիլի (48), կու զտվի (97), զտվիր (99): և այլն:

Աւզդագրական հատկանիշներից նշենք նինկ-ը, որ նման է «Արհեստա-ին և, ինչպես ասացինք, սովորական է միջնադարյան բնագրերում:

Մի շարք հատկանիշներ, որ «Արհեստա-ում չկան, քնորոշ են «Պարզաբանութեան»-ը, օրինակ, այստեղ շատ է հանդիպում գոյականների կրկնակի հատկացականությունը՝ և հոդ, և՝ հատկացական դերանուն ունենալը, որ հատուկ է բարբառներին. օրինակ՝ իմ զանկատիս (26), իմ խօսիս (26), իմ բանիս (26), իմ լացիս և աղաղակիս (31), իմ աղօր-

86

ֆիս (31), իմ սրախս (31), իմ կողմանէս (34), զեռ որդիդ (37), եռ սուրբ և արդար պատոփրանելովդ (28) և այլն, թեև ունենք նաև միայն դերանվամբ, առանց հատկացական հոդի դեպքեր, ինչպես՝ «իմ ձայնն լսես» (26—27):

Շատ են գրաբարակերպ պատճառական բայերը, ինչպես՝ «ոչնչացուցանելով և փշացուցանելով զիմ թշնամիքն» (33), «փշացուցիր քո հակառակներն» (89) և այլն, թեև կան նաև այսպիսի ձեեր. օր՝ «աւելացնելով (22):

Հաճախ է գործածվում ապառնի լոց վերջույթով կազմվող գրաբարյան դերայը. հաւատացելոց (20), լինելոց է (29), «զինչ լինելոց իցէ յապայ ժամանակի» (84) և այլն:

Իրեն «Պարզաբանութեան» լեզվի ընդհանուր հատկանիշ ավելացնենք նաև այն, որ այդ գործում կան այնպիսի գրաբարյան քերականական ձեեր, արտահայտություններ, ամբողջ հատվածներ, որպիսիք բացակայում են «Արհեստա-ի լեզվի մեջ: Ահա զրաբարյան այդ կարգի հատվածներից մի երկու օրինակ. «...այրեսցէ և իցէ մինչև ի գժոխս ներքինս» (73), «Եերոբովամայ ի զարմէն յեմինայ հայհոյեաց զԴաւիթ յորժամ փախչէր ի ձեռաց Արիսողոմայ որդոյ իւրոյ» (32), և քարշեալ հանեցի զթուրն, որ կապեալ ուներ ի մէջ իւր և նովաւ հատի զգուխ նորա և բարձի զամօթս և զնախատինս ի յիսրայէլացւոց ազգէն» (767) և այլն: Գրաբարյան այսպիսի ոչ մեծ հատվածների բանակը զգալի է «Պարզաբանութեան» նոր գրական հայերեն գրված մասում: Կան նաև գրաբարյան բնույթի ավելի ծավալուն հատվածներ, օրինակ. «Եւ շուրջ զնովաւ են յարկը իւր, իրը պարը երկնային զօրացն, գասք սուրբ առաքելոցն և երամք ընտրելոցն, ըստ այնմ ես յո՞ւ հանգեայց, եթէ ո՞չ ի հետո և ի խոնարհս. և խաւարային ջուրը իրը մոլորեալ իմացողութիւնք հրէից և յիմար քննութիւնք հեթանոսաց, մինչև յամս օգոց, իրը մինչև ի խորին ասացուածս, մարզարէից, զորս ոչ կարելով և ո՞չ կամելով իմանալ, զրկեցան ի լուսոյ աստուածապաշտութեան և ի մասնակցութենէն Քրիստոսի» (74—75):

Գրաբարագետ պարզաբանողը կարծես մերթ ընդ մերթ մոռացել է, որ գրում է նոր լեզվով՝ աշխարհականներին հասկանալի, և, թերևս, իրենից անկախ անցել է հին լեզվին:

Այսպիսի գրաբարյանությունները, անկախ քանակից, շե-

զումների արժեք ունեն «Պարզաբանութեան» մեջ, որի հիմնական ու բնորոշ լեզվի մի ընդարձակ նմուշ արդեն բերել ենք գերեսում և որը նոր զրական հայերենն է: Գրքում բազմաթիվ են նաև այնպիսի հատվածներ, որոնցում նոր զրական լեզուն զերծ է զրաբարայնությունից առհասարակ, ինչպես՝ «Ճշմարիտ կու հաւատանք և կասենք, թէ աղքատների և խեղճերի ցանկությունն և հառաջանքն լսեց Աստուած», «Երկրի իշխաններն տիրեր էին երուսաղեմու դավառներին» (48, 91) և այլն:

Ամփոփելով պիտի ասենք, որ «Պարզաբանութեան» լեզուն 17-րդ դարի միևնույն նոր զրական հայերենն է, նրա մի տարրերակը. մեղ ծանոթ մյուս տարրերակի՝ «Արհեստ»-ի լեզվի համեմատ ավելի հակված է դեպի զրաբարք:

Բատ 20 զլխավոր կետերի վիճակագրության «Պարզաբանութեան» պատկերը հետեւալն է: Կետերից 6-ում լիովին կամ մասսամբ գերակշռում է զրաբարք: Դրանք հետեւալներն են. 1-ին (բառաձևեր, գլխավորապես այ-ով ձեւավորված շարքը՝ այս, այդ, այն... այլ, ինչպես նաև մէկ-ը, որոնք բացարձակ մէնաշնորհ ունեն իրենց ժողովրդաբարբառային զուգահեռների՝ էս, էդ, էն-ի և մյուսների նկատմամբ), 3-րդ (գերանունների զրաբարյան ձեր և վերայ կապը), 4-րդ (հոգնակի ուղղականի մեջ զրաբարյան ձերի գերակշռությունը), 5-րդ (զրաբարյան թեր հոլովաձեւերի մեծ տոկոսը), 6-րդ (հոգնակի ստացականի զրաբարյան ձերի գերակշռությունը), 7-րդ (անորոշ գերբարյի զրաբարյան ստացական հոլովի բացարձակ մենաշնորհը):

Մնացած 13 կետերում (չենք հաշվում 19-ը, որն այս զրքի լեզվում շատ թույլ է արտահայտված) «Պարզաբանութիւն»-ը լիովին կամ առավել շափով հակված է դեպի բարբառային և ժողովրդախոսակցական ձերը: Նշենք, որ ինչպես «Արհեստ»-ում, այստեղ ես կետերից 3-ում զրաբարյանը, միշին հայերենը և ժողովրդաբարբառայինը համբնկնում են (9-րդ՝ բացառականի կազմություն, 12-րդ՝ կու-ով ներկա, 15-րդ՝ էական բայի է ձեր):

Եթե կետերի մեջ ընդգրկված հատկանիշներին մոտենանք արևմտահայ-արեւելահայ լեզվամիջոցների տոկոսային հարաբերության տեսանկյունից, ապա կպարզվի, որ 5 կամ 6

կետերում բացարձակ կամ մասնակի գերակշռությունն արեվելահայ ձեսերինն է. զրանք են՝ 1-ին (որոշ բառաձևեր), 6-րդ (հոգնակի ստացական հոլ.), 8-րդ (ում-ով ներգոյական), 18-րդ, 19-րդ, զուցեալ և 20-րդ: Ճիշտ է, այս կետերից առաջինում և վեցերորդում գերակշռում են զրաբարյան ձեսերը, բայց աշխարհաբարյան ձեսերի մեջ գերակշռությունը արեվելահայ խոսքինն է (օրինակ, 1-ին կետում ըլլա-ի բացակայությունը և լինել ձեմ գերակշռությունը, 6-ում ժողովրդաբարբառային ձեսերից միայն արեւելահայ ի-ով՝ սարերի, զավակների հոգնակի հոլովաձեւերի առկայությունը):

Կետերից 6-ում էլ «Պարզաբանութեան» լեզուն հակված է դեպի արևմտահայ խոսքը. զրանք են՝ 9-րդ (բացառական հոլ.), 12-րդ (զրական ներկայի կազմությունը), 14-րդ (բայց երի է դիմանիշ վերջավորությունը), 15-րդ (էական բայի եզակի 3-րդ դեմքի և ձեր), 16-րդ (վաղակատարի կազմությունը), 17-րդ (ժխտական ներկայի կազմությունը):

Ինչպես կարելի է դիտել այս կետերում, արևմտահայ ձեվերը հիմնականում համբնկում են զրաբարյան և միշին հայերեն համապատասխան ձեսերին, և այդ կետերի մեջ չկա արևմտահայ խոսքի այնպիսի մի հատկանիշ, որը միաժամանակ զրաբարի կամ միշին հայերենի հատկանիշ չլինի:

10-րդ (ն հոդի գործածության դեպքեր) կետում, ինչպես «Արհեստ»-ի, այնպես էլ «Պարզաբանութեան» մեջ արեւելահայ և արևմտահայ հատկանիշները հավատարակշռում են:

«Պարզաբանութեան» լեզվի բերված հատկանիշների, նրանց վիճակագրության համեմատանի զննումն ու հաշվառումը ցույց են տալիս, որ այս զրքի նոր զրական լեզուն ևս միասնական է, ընդհանուր առմամբ չկա արևմտահայ կամ արեւելահայ լեզվամիջոցների ակնհայտ գերակշռություն, ուստի և ունենք շրաժանված աշխարհաբար:

Երբ «Պարզաբանութեան» լեզուն համեմատում ենք «Արհեստ»-ի լեզվի հետ, նկատում ենք հետեւալը՝ «Պարզաբանութեան» մեջ զրաբարք գերակշռում է 20 կետերից 6-ում, «Արհեստ»-ում այդ գերակշռությունը 2 կետում է, այսինքն՝ ըստ այդ կետերի զրաբարյան տարրը «Պարզաբանութեան» մեջ 3 անգամ ավելի է:

Նշելի է նաև հետեւալը. «Արհեստ»-ի վերոհիշյալ՝ «Պա-

բարյան» 2 կետերից մեկը 13-րդն է (Հոգնակի առաջին դեմքի բայաձևերի մ-ով գրաբարյան տարրերակի գերակշռությունը՝ կու գրեմք և այլն), բայց այդ կետը «Պարզաբանութեան» լեզվում դարձել է աշխարհաբարյան (բացարձակ գերակշռությունը ն-ով կազմված ձևերինն է՝ կու գրեմք և այլն): Սակայն, «Արհեստ»-ի համեմատ, այս մի կետում հակվելով դեպի նոր գրական լեզվի բնույթը, «Պարզաբանութիւն»-ը 5 ուրիշ կետերում, որոնք «Արհեստ»-ում աշխարհաբարյան-բարբառային են, հակվել է դեպի գրաբարը:

Համապես նկատելի է, որ եթե «Արհեստ»-ում ժողովրդաբարառային էս ու էն-ը, մին-ը փոխեփոխ գործածվում են գրաբարաձև այս ու այն-ի և միկ-ի հետ՝ առաջինների գերակշռությամբ, ապա «Պարզաբանութիւն»-ում առկա են միայն գրաբարյան ձևերը: Կամ՝ եթե «Արհեստ»-ում շնչին բանակ են կազմում գրաբարյան հոգնակի և եղակի հողովային ձևերը, ապա «Պարզաբանութիւն»-ում նրանք գերակշռում են ժողովրդաբարառային ձևերի նկատմամբ: Եթե «Արհեստ»-ում բացարձակորեն իշխում է անորոշ դերայի ստացական հոլովի ու թեքույթը, ապա «Պարզաբանութիւն»-ում առկա են միայն գրաբարյան ոյ թեքույթով կազմված ձևեր:

Հետեւյալ 7 կետերում՝ 2-րդ (բարբառային բառեր), 8-րդ (ում-ով ներգոյական), 10-րդ (ն հոգի գործածություն), 11-րդ (բայերի մեջ վ մասնիկի գործածություն), 12-րդ (բայերի ներկայի կազմություն), 15-րդ (էական բայի է ձեր), 16-րդ (վաղակատար ժամանակների կազմություն), 17-րդ (ժխտական ներկա), 18-րդ, 20-րդ՝ «Արհեստ»-ն ու «Պարզաբանութիւն»-ը գրեթե նույն դիրքում են բարբառային, ժողովրդախոսակցական լեզվամիջոցների ընտրության նկատմամբ ձիշտ է, օրինակ, բարբառային բառերը (2-րդ կետ) «Պարզաբանութեան» մեջ ավելի շատ են, բան «Արհեստ»-ում, բայց դրա պատճառն այն է, որ «Պարզաբանութիւն»-ը «Արհեստ»-ից շատ ավելի բազմարովանդակ է և ծավալով էլ (նոր գրական լեզվով գրված մասը) շուրջ վեց անգամ մեծ է: Նորից հիշեցնենք, որ կու-ով կամ կ-ով ներկան դիտում ենք, միշտն հայերենից բացի, նաև ժողովրդային-արևմտահայ ձեւ: Իսկ «Պարզաբանութեան» մեջ գործածված ում-ով ներկայի հար-

դրական մի քանի ձևերը, ինքնըստինքյան հասկանալի է, որ բարբառային-խոսակցական են:

Արևելյան թե արևմտյան լեզվամիջոցների ընտրության տեսակետից երկու գրերի համեմատական պատկերը հետեւյալն է: «Արհեստ»-ը 6 (կամ 7) կետում է հակված դեպի արևելահայ խոսքը, 6 կետում էլ դեպի արևմտահայը, «Պարզաբանութիւն»-ում ունենք 5:6 (կամ 6:6), այսինքն՝ արևմտահայ և արևելահայ տարրերի հավասարակշռություն: Անկախ մեր այս հաշվումներից, որոնք կունենան թերի կողմեր, իրողությունն այն է, որ երկու գրերի լեզվում էլ արևմտյան-արևելյան լեզվաբաղադրիչների մի մոտավոր հավասարակշռություն ունենք⁷⁸, միայն «Պարզաբանութիւն»-ում, գրաբարյան բաղադրիչների ավելացման պատճառով ընդհանրապես, փոքր ինչ նվազել են աշխարհաբարյան տարրերը:

«Պարզաբանութեան» լեզվի վիճակագրական մեր քննության ու գնահատման թերիները մասամբ հաղթահարելու տեսակետից, թերևս, անկարենոր չէ նկատի առնել նաև հետեւյալը: «Պարզաբանութեան» մեջ ում-ով հարադրական ներկայի թեկուզ աննշան գործածությունը, այնուամենայնիվ, դեպի արևելյան հայերենը եղած հակման նշան է: Թեև այս դեպում էլ գրքի ծավալը նկատի շառնել չի կարելի: Դուցե եթե «Արհեստ»-ն էլ լիներ «Պարզաբանութեան» ծավալի կամ ունե նրա կեսի շափ, ապա ում-ով ներկայի մեկ-երկու ձևեր կարող էին սպարդել նրա լեզվի մեջ ես:

Նկատելի է նաև, որ «Արհեստ»-ի համեմատ՝ «Պարզաբանութիւն»-ն ավելի համակարգային լեզու ունի, բացակայում են «Արհեստ»-ի լեզվում եղած մի շարք զուգահեռություններ: Զենքում մի շարք միակերպումներ ձեռք են բերվել գրաբարյան և բարբառախոսակցական զուգահեռ ձևերի դեպում գրաբարյանները միակն ընդունելու պատճառով (այս, այն, այլ և

⁷⁸ Մեր մանրամասն քննությամբ շհաստատվեց այն կարծիքը, ըստ որի «Պարզաբանութեան» աշխարհաբար մասի «Գրողը պոլսեցի լինելով» ընդհանուր ոճը արևմտյան հայերենն է» (Հ. Անայիան: Հայոց լեզվի պատճենություն, մաս 2, էջ 450). ինչպես և այն, որի համաձայն Հովհաննես Կոստանդնուպոլսեցու (Հովհաննի) աշխարհաբարը հիմնված է Կ. Փոլսի հայոց բարբառի վրա (տե՛ս, օրինակ, Գ. Ջայուն, Արմանական լինգվիստիկական մասնաշնորհ բարբառային-արևմտահայ ձեւ, իսկ «Պարզաբանութեան» մեջ գործածված ում-ով ներկայի հար-

այլն), իսկ մի դեպքում (ն և մ զուգահեռ բայամասնիկներ) իրեն միակ ձև աշխարհաբարյանը (ն-ն) ընտրելու հետեանքով:

Նշենք նաև, որ չնայած բարբառներից նոր օտար փոխառություններ թափանցել են «Պարզաբանութեան» մեջ, բայց բառնտրության զիխավոր գիծն է՝ բարբառային օտարաբանությունների փոխարեն հնարավորին չափ զրաբարյան բառեր գործածել, նրանցով արտահայտել համապատասխան իմաստները:

Ըստ 20 կետերի և լրացուցիչ հատկանիշների ընձեռած տեղեկատվության նոր զրական հայերեն այս երկու տպագիր զրքերի լեզվի քննությունը կարելի է ամփոփել այսպես.

ա) Ե՛վ «Արզաբանութիւն»-ը զրպած են միասնական նոր զրական լեզվով. այսինքն՝ կա արևմտահայ և արևելահայ լեզվատարրերի հավասարակշռություն. Ընդ որում, եթե արևելահայ լեզվական ատաղձը հիմնականում աղերսվում է արևելյան բարբառային-ժողովրդախոսակցական լեզվի տարրերի հետ, ապա արևմտահայ լեզվատարրերը, արևմտյան բարբառներին հատուկ լինելու հետ, որեթե միշտ համբնկնում են միջին հայերենի և զրաբարի համապատասխան լեզվամիջոցներին և, հավանաբար, որոշ դեպքերում նըրանց աղղեցության արտահայտությունն են. Դա բացատրվում է հայոց զրավոր խոսքում անցյալի այդ երկու զրական հայերենների գործածման դեռևս ամուր պահպանվող ավանդույթով:

բ) «Արհեստ»-ի լեզուն, համեմատած «Պարզաբանութեան» լեզվի հետ, ավելի ժողովրդային է:

գ) «Արհեստ»-ի լեզվի համեմատ՝ «Պարզաբանութեան» լեզուն ավելի քիչ զուգահեռ ձևեր ունի. առաջինում առկա բարբառախոսակցական-զրաբարյան զուգահեռ ձևերի մի մասը երկրորդում չկա՝ մեծ մասամբ զրաբարյան ձևերին զերապատվություն տալու շնորհիվ:

* * *

Այժմ, երբ «Պարզաբանութեան» լեզվի ընդհանուր ընութագիրն ունենք, կարելի է երկու խոսք էլ ասել այդ լեզվի մեջ եղած զեղարվեստական տարրերի մասին. Սաղմոսարանը

Աստվածաշնչի առավել գեղարվեստական մասերից է. սաղմոսներից շատերը կարող են դիմումներ իրեն գեղարվեստական փոքրիկ ստեղծագործություններ, դրանք այն երկերն են, որոնցում կրոնական զգացմունքն այնպիսի խոսքով է, արտահայտված, որի գեղագիտական արժեքն ակնհայտ է. Սաղմոսների աշխարհաբար պարզաբանությունը, որ կազմել է Հովհաննես Հոլովը, մեկնաբանությունների, փոխադրությունների և թարգմանությունների մի ամբողջություն լինելով, պարունակում է աստվածաշնչային, ինչպես և այլ աղբյուրներից եկող վերապատումներ, կենցաղային պատկերներ, որոնք ինքնըստինքյան գեղարվեստական խոսքի նմուշներ են. Մեկնաբանություններ անելիս՝ Հովհաննես Հոլովը երբեմն ոգեփորփում է, հուզմունքով հագեցնում իր խոսքը, օգտագործում այլ հեղինակների ստեղծած պատկերները, ինքը հորինում այդպիսիք և այլն. Ստորև բերում ենք «Պարզաբանութիւն»-ից քաղված մի քանի հատվածներ, որոնք գեղարվեստական խոսքի տարրեր են պարունակում, ունեն զարձույթների (այլաբրությունների) տարրեր տեսակներ (զիխավորապես համեմատություններ). Ակռաւուն իրը ի տղայութեան հասակին խոտի նման կու բուսանին, առաւօտն իրը ի այրութեան հասակին դալարի նման կու զուարճանան և կու ծաղկին. բայց իրիկունն, իրը ի ծերութեան հասակին կու թարշամին, իրը կու չորանան և ի վայր կու անկանին (489), «Սրեր են իւրեանց լեզուն թրի նման, որ զիս շարախօսեն և դատաստարտեն և իւրեանց նենգաւոր շրթունքների աղեղներն դառն խօսքերի նետերով լարեր են և պատրաստեր են» (323), «Իւրաշքերն հանապազ խեղճ և աղքատ մարդկանց վերայ է, և միշտ ծածուկ թալաք կու գործէ, ինչպէս մէկ առիւծ մի, որ իւր ընումն նստի և որսերի վերայ ատամներն սրէ» (46—47), «և առաւել բարկութենէն այնպէս կու թուէր, թէ քթի ծակերէն վրեժինդրութեան մուխ դուրս կու գայր և յերեսէն սրտմտութեան կրակ կու բորբոքէր և կայծակներ և փայլակներ կու թափէին յիւրմէն» (72), «Արեգակն իւր պայծառութեամբն, քան զամէն աստղեր այլ առաւել կու ծանուցանէ մեղ Աստուծոյ մեծութիւն և փառքն. և երբ կու ծագէ յարելից, այնպէս է, ինչպէս մէկ փեսայ մի, որ իւր օթաղէն դուրս գա և գլորելով

և վազվագելով կու գնայ իւր ճանապարհն յարելից յարեմուտք, ինչպէս մէկ քաջ մարդն մի օր պատերազմ երթայ...»:

Եթե համեմատենք միմյանց հետ գրաբար սաղմոսները և Հոլովի՝ նոր լեզվով տված մեկնությունները, կնկատենք, որ մեկնիւը պատկերները, համեմատությունները երբեմն վերցրել է պարզաբանվող սաղմոսից և դարձրել աշխարհաբար՝ անելով իր լրացումները, որոնք հաճախ շատ զգալի են: Երբեմն էլ նա մեկնվող սաղմոսում բոլորովին շեղած համեմատություններ է օգտագործում: Ամեն գեպքում, իհարկե, արդյունքը նույնն է՝ նոր գրական հայերեն գեղարվեստական խոսքը:

Շատ են բնապատկերները, որոնց առկայությունն ինքնըստինքյան խոսքին գեղարվեստական երանդ է հաղորդում: Բերենք մեկ օրինակ. «...կու ելնեն ծովի ջրերն և սարերի նման կու բարձրանան և կու իշանեն ի վայր և դաշտի նման կու ցածանան և կու հանդարտին իւրեանց տեղումն, ինչ տեղ որ Դու ի սկզբանէ հաստատեր ես զիւրեանք: Այսինքն զէրէ Դու նոցա սահման ես զրեր, այլ զէն շեն անցանիր և այլ յետ շեն դառնար և զերկիրս ծածկեր, ինչպէս որ ծածկեր էին ի ըսկըզբան աշխարհիս զբովանդակ գունտն երկրի⁷⁹: ...Դու զերկիրս արբուցանելոյ համար ծովի ջրերն հողի տակի եղած երակներովն անցկացնելով կու մաքրես, կու քաղցրացնես և կու ողարկես դէպ ի ձորերն և տեղն զանազան աղբրներ կու բխեցնես և քո նախատեսութեամբ լեռների միջէն զետեր և առուներ կու վազեն» (545):

Մի շաբք դեպքերում խոսքը ողբերգական շեշտեր է ընդունում, հերոսի տառապանքի նկարագրությամբ. «...երբո՞ սաստիկ տառապանքէս իմ շունչս ի յիս նուազեցաւ, Դու իմ շարշարանաց և անտանելի վշտաց շափին և կերպն ճանաշեցիր և իմացար, որ իմ փրկագործ տնօրենութեան ճանապարհումն, որ ես կու կենցաղավարէի ի վերայ երկրի, իմ թշնամիքն ինձ նենդութեամբ թալաք սարքեցին» (721—722): Եր-

⁷⁹ Ի միջի այսոց, գրաբար սաղմոսի մեջ ասված է ու ոչ ես գառնան ի ծածկել զերկիր» (545): Այս վերջին բառը (զերկիր) Հովհանն է փոխադրել զբովանդակ գանձն երկրի, այսինքն՝ ամբողջ երկրագունդը, որ սաղմոսների հորինման ժամանակաշրջանի ըմբռնում չէ: Այսպիսի այլ զեպքեր էլ կան «Պարզաբանութեան» մեջ:

բեմն էլ խոսքի բնարականությունը դրսեռվում է հոետորական բնույթի արտահայտություններով. «ԱՌՀ, թէ որ շա՞փ շնորհակալ ենք Քեղանէ, Տէր Աստուած, որ զու քո բարի կամօքդ այնպէս, ինչպէս թէ զէնքով և զալխանով զմեղ պահպանեցիր, փառաւորեցիր և պսակեցիր» (29):

Այսպես՝ վաղ շրջանի նոր գրական լեզուն ի վիճակի է եղել նաև գեղարվեստական մտածողության ու զգացմունքների երբեմն հաջող արտահայտիչ լինել, թեև զեռ երկար ժամանակ պետք է անցներ, որ հայոց գեղարվեստական գրականության ընդունված լեզուն դառնար:

«Արհեստ»-ը, բնականաբար, գեղարվեստական արժեքունեցող հատվածներ չունի: Խսկ եթե հարկ լիներ նման հատվածների արդյոք թարգմանիլը իր ընտրած աշխարհաբարին փոքր-ինչ ավելի գրաբարյան գույն շէր տալու, ինչպես «Պարզաբանութեան» մեջ է:

* * *

Այժմ նորից դառնանք առաջին աշխարհաբար տպագիր-գրքի՝ «Արհեստ»-ի թարգմանչի հարցին: Այդ գրքի և «Պարզաբանութեան» վերը բերված լեզվական տարրերությունները արդյոք բավարար շեն ասելու համար, որ «Արհեստ»-ը Հովհաննես Հովհաննես Հովհաննես շի թարգմանել: Թվում է, որ բավարար են:

Բայց նորից հաշվի առնենք թերն ու զեմք: Հիշենք, որ լեզվական տարրերությունների հետ «Արհեստ»-ն ու «Պարզաբանութիւն»-ը ունեն նաև բավական ընդհանրություններ, այդ թվում, կարծես, «մասնավոր» բնույթի: Օրինակ, հիշենք այնպիսի «նեղ» բնույթի ընդհանրություններ, ինչպես պիտիմ, պիտի, պիտին դիմավորների հետ անորոշ և հարակատար դերբայների գործածություններն են (պիտինք դնել, պիտիքած) կամ՝ այնպիսի հատկանշական շարահյուսական կազմապարներ, ինչպես՝ մէկ (մին) և մի բառերով կազմվածներն են. օրինակ, «Արհեստ»-ից՝ «Համարողութիւն մին արհեստ մի է», «մէկ թիվ մի կու բարդեմք», «Պարզաբանութիւն»-ից՝ «մէկ ժամանակ մի զիս պատեր էին», «ինձ մէկ վնաս մի հասուցանէք»:

«Մասնավոր» թվացող շատ ընդհանրություններ կան բառօգտագործման մեջ, օրինակ, շի կարելի չնկատել երկու գրքե-

բում իմաստին բառի հաճախակի գործածությունը կամ որոշ բաղաձայնների միանման տառադարձումները (օրինակ, նինկ ձեզ գործածությունը երկու գրքերում) և այլն:

Կարող է նաև հարց առաջանալ. այս գրքերի լեզվական տարրերություններն արդյոք չի՝ կարելի բացատրել նրանով, որ «Պարզաբանութիւն»-ը տպագրվել է «Արհեստ»-ից 13 տարի անց. մի ընդմիջում, որի ընթացքում միևնույն անձը կարող էր մշակած լինել իր աշխարհաբարբ՝ մի շարք դուգահեռություններ վերացրած, ձեւը միատարր դարձրած, նաև վերանայած իր կարծիքը գրաբարյան և բարբառային ձեւը գործածության շափի վերաբերյալ՝ հօգուտ առաջինների (մանավանդ որ իր առաջարանում, ինչպես տեսանք, Հոլովը ակնարկում է լեզվական դժվարությունների մասին):

Ապա՝ երկու գրքերի լեզվական տարրերությունների պատճառ չի՝ կարող լինել նրանց բովանդակությունների լուրջ տարրերությունը: Չէ՞ որ «Արհեստ»-ը խիստ աշխարհիկ զիրք է, իսկ «Պարզաբանութիւն»-ը խիստ կրոնական, և կրոնի լեզուն՝ գրաբարը այս դեպքում էլ կարող էր ավելի առատ թափանցել զրքի լեզվի մեջ:

Հօգուտ Հոլովի թարգմանիլ լինելու այս և վերն ասված մյուս (այդ թվում ոչ լեզվական) փաստարկները հաշվի առնելուց հետո գալիս ենք այն եղրակացության, որ, այնուամենայնիվ, հիմք չունենք Հոլովին համարելու «Արհեստ»-ի թարգմանիլ: Մատենագիտական բնույթի թեր ու դեմի մասին վերն ասվեց: Ինչ վերաբերում է լեզվական տարրերություններին, ապա նրանք թվում են ակնառու Առանձնացրել և ուշադրության ենք առել լեզվական հատկապես մի քանի այնպիսի տարրերություններ, որոնք զրիչ շարժած անհատների տարրերությամբ, այսինքն՝ երկու անհատի առկայությամբ կարող են պայմանավորված լինել և որոնք համոզիլ են դարձնում տարրեր հեղինակների առկայությունը: Օրինակ, մի փոքրիկ գրքում մեծ առատությամբ էլ, էս, էդ, էն, էնպէս, էնառ, էնառու բառաձերը գործածող մարդը ինչպես կարող էր 840 էջանոց հսկա գրքում ոչ մի անգամ շգործածել այդպիսի որևէ ձեւ, թեկուզ 13 տարի հետո, թեկուզ բոլորովին այլ բովանդակություն ունեցող գրքում: Կամ ինչպես կարող էր փոքրիկ «Արհեստ»-ում անորոշ դերբայի ու-ով

թերված ձեւերը (նաև աշելու, բարդելու, դուրս ձգելու և այլն) այնքան շատ գործածած անձը մեծածավալ պարզաբանութեան մեջ դրանք չգործածել: Ավելի կարևոր հանգամանքը եթե երկու գրքերի թարգմանիլը (հեղինակը) նույն անձն է, որը «Արհեստ»-ից հետո որոշել է նոր լեզվի ձեւերն ավելի միատարր դարձնել՝ գերապատվությունը տալով գրաբարյան ձեւերին, ապա ինչո՞ւ «Արհեստ»-ում եղած եմք—ենք, կասմֆ-կասենք, գրեմֆ-գրենք շարքի գուգահեռները վերացրել է՝ գերապատվությունը ոչ թե գրաբարյան, այլ բարբառից եկող ձեւերին տալով (զրքի նյութն էլ հակառակն է պահանջում, այսինքն՝ գրաբարյան ձեւերին գերապատվությունը տալը): Զգացվում է, որ «Պարզաբանութեան» հեղինակի ձեռքը պարզապես սովոր է եղել նույն ձեւերին (ենք, կասենք և այլն), մինչդեռ «Արհեստ»-ի թարգմանիլը դարձյալ ըստ սովորույթի մերթ այս, մերթ այն ձեն է գործածել: Նույն կերպ նկատելի է, որ «Պարզաբանութեան» հեղինակի ձեռքը, գոյականների ստացական հոլովը զրելիս, ավելի շատ սովոր է եղել գրաբարյան ձեւերին (ոտաց, ալեաց, ձեռաց, հետից, պսակաց և այլն), մինչդեռ «Արհեստ»-ի թարգմանիլը աշխարհաբարյան մի սովորույթով գրում է ի- հոլովիշով ձեւը (օրերի, գրերին, թերին և այլն) և գրեթե չի գործածում գրաբարյանները:

Բառօգտագործման մեջ քիչ հավանական է, որ փոքրիկ «Արհեստ»-ում նույն բառի գերայ, զիրայ, զիրէ գուգահեռ ձեւերը գործածողը մեծածավալ «Պարզաբանութեան» մեջ ամենուրեք զիրէ զրի և կամ «Արհեստ»-ում ժամանակի իմաստով միայն ժուկ բառը գործածողը մյուս գրքում անընդհատ ժամանակ գործածի: Նաև բնավ հավանական չի թվում, որ «Արհեստ»-ում միայն կերայ և տրամ բառաձեւերը գործածող անձը կարող էր «Պարզաբանութեան» մեջ անընդհատ զօրայ և դրամ գրել: Ըստ երեսույթին, այս բառերի սկզբի բաղաձայններն ընտրելիս (ձայնեղ թե խուլ) հայերենի որևէ օրենք կամ ավանդույթ չէր կարող դեր խաղալ, այսպիսի զեպքերում 17-րդ դարի հեղինակը՝ մեկը կամ մյուսը գրել է ըստ իր անհատական խոսքի ավանդույթի կամ սովորույթի (նույն կերպ կարելի է բացատրել նաև երկու ձեւերից մեկի մեջ է-ի առկայության, մյուսում նրա բացակայության փաս-

որ՝ կեօրայ—գուշայ): Այսպիս, ունենք երկու սովորույթ, հետևաբար՝ երկու հեղինակ:

Իսկ այն, ինչ ընդհանուր է (և այդ ընդհանուրը դերակռողն է) այս երկու գրքերի լեզուներում, ժամանակի նոր գրական հայերենի ընդհանրությունն է: Ապացույցներ շատ կան. կու-ով ներկան, բ-ով վաղակատարը և մյուս այն հատկանիշները, որոնք ըստ 20 կետերի ընդհանուր են երկու գրքերի լեզուներում, առկա են նաև, հաճախ մեծ քանակով. 17-րդ դարի նոր գրական հայերենի բոլոր գրավոր ստեղծված հուշարձաններում: Առավել շնորհ թվացող ընդհանրությունների մեծ մասը նույնպես առկա է հիշյալ դարի գրավոր բնագրերում: Օրինակ, Մաշտոցի անվան մատենադարանի վերը հիշված ձեռագրի (թ. 8716) բնագրում շատ է հանդիպում «Արհեստ»-ի և «Պարզաբանութեան» լեզվում առկա «մէկ (մին)... մի» շարահյուսական վերը հիշված կաղապարը («մէկ մարդ մի ուներ 100 դուռուշ» 36ա, «մէկ մի տալիք ունի» 36ա, «մէկ մարդ մի մշակ բռնեց» 42ա և այլն): Այս կաղապարը հանդիպում է նաև վաղ աշխարհաբարյան այլ բնագրերում: Նույնը և իմմին բառը, որ առկա է և «Արհեստ»-ում, և «Պարզաբանութեան» մեջ, ընդհանրապես շատ է գործածված

17. նաև 18-րդ դարերի աշխարհաբարում (օրինակ, Կոստանդ Զուղայեցու արդեն հիշված ձեռնարկում այն հաճախ է հանդիպում, էջք՝ 130ա, 233 և այլն, շատ է գործածված նաև Ցոհան Շրյոդերի «Արամեան լեզուին գանձ» դրբի մեջ եղած աշխարհաբար բնագրերում, որոնց մասին խոսք կլինի ստորև): Երկու գրքերում կան նաև շատ ուրիշ լեզվական ընդհանրություններ, որոնք բոլորը ժամանակի նոր գրական հայերենի ընդհանուր հատկանիշներ պետք է լինեն:

Եթե Հովհաննես Հոլովը շէ «Արհեստ»-ի թարգմանիլը, ընականաբար հետաքրքրական է դառնում, թե, այնուամենայնիվ, ո՞վ կարող է լինել աշխարհաբար առաջին գրքի լեզվի մշակը:

Կարո՞ղ էր արդյոք այդ գիրքը թարգմանած լինել Ոսկան Երևանցին կամ նրա համագործակիցներից որևէ մեկը: Նման հնարավորությունը բացառել չի կարելի: «Արհեստ»-ի թարգմանությունը շատ հավանական է, որ արած լինի որևէ զուղա-

յեցի, մանավանդ Արարատյան դաշտում ապրած, ինչպիսին Ոսկանն էր: Այդպիսի թարգմանություն կարող էր անել նաև մի ագուկեցի՝ երկար ժամանակ ապրած ուրիշ վայրերի արելահայոց մեջ, ինչպիսին էր ոսկանյան տպարանի զրաշար Մատթեոս Հովհաննիսյանը: Հնարավոր է նաև, որ թարգմանությունը կատարած լինի Ոսկանի քեռորդի Սողոմոն Լեոնյանը՝ տպարանի զրաշարապետը, կամ ժամանակին Ոսկանի գործընկեր եղած Թաղեոս Համազասպյան Երևանցին:

Այս հարցը կարող է լուծվել հատկապես Մարսելի դիվանատանը հայ տպագրիների գործունեության մասին եղած փաստաթղթերի մանրամասն քննությամբ, մասամբ գուցե և «Գանձ շափոյ, կշռոյ...» գրքի և «Արհեստ»-ի լեզվի մանրամասն համեմատությամբ: Ուստի և առայժմ հիմք չունենք վերը թվարկված անձանցից որևէ մեկին հաստատապես համարելու «Արհեստի» թարգմանիլ:

Դառնալով «Պարզաբանութեան» աշխարհաբար մասի մշակ Հովհաննես Հոլով Կոստանդնուպոլսիցու անձին՝ պետք է նշենք, որ նա եղել է 17-րդ դարի խոշոր մշակութային գործիլ, շատ եռանդուն գրական մշակ, կարեռ դեմք հայոց գիտության պատմության մեջ:

Հովհաննես Հոլովը հատկապես մեծ երախտիք ունի իրքն վաղ շրջանի հայոց նոր գրական լեզվի տաղանդավոր մշակ: Մենք մեր վերլուծության մեջ ցույց տվեցինք, որ «Պարզաբանութեան» լեզուն մշակելիս Հոլովն այդ շրջանի (նաև հետագայի) աշխարհաբարին հատուկ բառաձեռքի մի շարք գուգահեռականություններ վերացրել է գրաբարյան ձեերին գերապատվություն տալու միջոցով: Սա գրական նոր լեզվի դարգացման այն ուղին է, որը հետագայում պաշտպանեց «Հյուսիսափայլ»-ը, ավելի ուշ՝ Վ. Տերյանը, և որին, ինչպիս հայտնի է, պատմականորեն հաղթանակ էր վիճակված:

Հոլովը եղավ նաև աշխարհաբարի մշակման այն ուղղության ուահվիրան, որի սկզբունքն էր գրաբարի բառապաշարը ազատ օգտագործելու միջոցով նոր գրական լեզուն մաքրել բարբառային փոխառություններից (գլխավորապես՝ թուրքական, նոր պարսկական): Ճիշտ է, «Պարզաբանութեան» մեջ դեռ զգալի են այդ կարգի բարբառային փոխառյալ բառերը,

բայց նկատելի է նաև այդպիսիների փոխարեն գրաբարյան բառերի օգտագործման ուժեղ հակումը⁸⁰:

«Պարզաբանութեան» լեզուն արժանի է ավելի մանրակրկիտ քննության, վերը մեր տվածը մի ակնարկային փորձ է սոսկ:

Հետազոտության կարու է նաև Հոլովի կենսագրությունը, որից շատ փաստեր առաջմ հայտնի չեն: Հայտնի չէ ամենազիավոր՝ երբ և ստույգ որտեղ է ծնվել մշակութային այդ հուանդուն գործիչը: Զգիտենք, թե նա կամ նրա ծնողները Արևելյա՞ն, թե՝ Արևմտյան Հայաստանից են եղել:

Հոլովն իրեն անվանում է Կոստանդնուպոլսեցի, բայց, ինչպես հայտնի է, թիւ չեն գեպերը, երբ անցյալի գործիշների այդօրինակ մականունները նրանց ծննդավայրը չեն ցույց տալիս, այլ նրանց կյանքին զգալապես առնչվող որևէ այլ վայր: Բացի դրանից, եթե նույնիսկ Հոլովը Կոստանդնուպոլսում կամ շրջակայքում ծնված լինի, ապա միևնույն է, գա դեռ չի նշանակում, թե նա անպայման ոչ թե արևելահայ, այլ արևմտահայ (Կ. Պոլսի) բարբառի ներկայացուցիչ է եղել⁸¹: իսկ այս հարցը Հովհաննես Հոլովի կենսագրությունից այժմ մեզ ամենից ավելի է հետաքրքրում՝ առնչված «Պարզաբանութեան» լեզվի հետ:

Բանն այն է, որ «Արհեստա-ի լեզվի կապակցությամբ վերն ասվածը՝ թարգմանչի արևելահայ լինելու մասին, մասամբ վերաբերում է նաև «Պարզաբանութեան» հեղինակին: Այսինքն՝ այս գրքի լեզվում եղած արևմտահայ խոսքին հատուկ

⁸⁰ «Կարծիք կար, — գրում է Հ. Աճառյանը. — որ առաջին անգամ լեզվի մաքրության վրա ուշադրություն դարձնեղն եղավ Զմյուռնիայի անդրանիկ հայ թերթի՝ Ծուեմարանը. որ ամերիկյան բողոքական միսիոնարների հրատակությունն էր, և որի առաջին համարը լույս տեսավ 1839 թ. Հունվարի 1-ին: Այս կարծիքը սակայն սխալ է: Ծուեմարանից շատ առաջ. 1687 թվին Վենետիկ տպված Պարզաբանութիւնը արդեն շատ մաքոր լեզու ուներ. թուրքերն բառերի թիվը խիստ բիւ էր նրա մեջ, և հայերն բառերն էլ բարբառային ձեռվ չէին, այլ գրաբար..., (Հ. Աճառյան, Հայոց լեզվի պատմություն, մաս 2, էջ 476):

⁸¹ Նկատի ունենք վերը հիշված այն իրողությունը, որ Արևելյան Հայաստանից տարբեր ժամանակներում գաղթեր են Եղել գեպի Կ. Պոլսի, և այս բազաբում ու շրջակայքում 17-րդ դարում բնակվել են արևելահայ բարբառների ներկայացուցիչներ:

Լեզվամիջոցները ևս 17-րդ դարում մեծ մասամբ համագոյացին արժեք ունեին՝ համապատասխանելով միջին հայերենի և մասամբ գրաբարի ձևերին, և ըստ այդմ պետք է ենթադրել, որ կարող էին գործածվել թե՛ արևմտահայի, թե՛ արևելահայի կողմից, մինչդեռ արևելահայ խոսքի բաղադրիչները, թվում է, որ համազգային արժեք չպետք է ունեցած լինեն և ավելի հավանական է, որ մի արևելահայի գրչի արտադրանք լինեն:

Այսպիսի դատողությունից կարելի է ենթադրաբար բխեցնել, որ Հովհաննես Հոլովը արևելահայ բարբառի ներկայացուցիչ է եղել: Բայց նույն դատողությունից նաև մի այլ ենթադրություն է բխում՝ որ Հոլովը կարող էր լինել պոլսեցի և տեղի արևմտյան բարբառի ներկայացուցիչ, բայց և կարող էր ունեցած լինել մի արևելահայ խմբագիր կամ օգնական՝ լեզուն մշակելու գծով: «Պարզաբանութեան» հիշատակարանում, որ գրված է նահապետ Ագուլեցու անունից, Հովհ. Հոլովի ձեռքորդ, կա այսպիսի հատված. «Յիշեցէք ևս միով հայրմերիւ զագուցեցի մղտսի Աստուածատուրի որդի զսպասաւորն իմ զթօմայն, որ ամէնայն ջանիւ անձնածիր աշխատեցաւ ի տպագրատանն և օգնեաց սրբագրութեան սորին և ձեռնտու եղն միշտ Յոհաննէս վարդապետին...»: Արդյո՞ք այս «ձեռնրտու եղն միշտ»-ը նշանակում է նաև, որ ագուլեցի թուման Հովհաննես վարդապետի (այսինքն՝ Հոլովի) աշխարհաբարը խմբագրել է՝ նրան մասամբ արևելահայ թեքում տալով⁸²:

⁸² «Պարզաբանութեան» առաջարանում լեզվական բնույթի դժվարություն ակնարկող հատվածի վերաբերյալ վերը խոսք եղել է: Հիշատակարանից առաջ դրված մի ուսանակորում նույնական խոսվում է գրքի ստեղծման հետ կապված դժվարությունների մասին.

Թանիցս անգամ դառնագունեալ,
Բան դժուարին ի սմա զտեալ,
Կիսակատար զսա թողեալ,
Զաշնաւաւորս ընդ արձակեալ,
Զափով զիրզս յոյժ ձիգացեալ,
Զի աւելի ձագիկ շինեալ.
Մինչ ի վերըն կատարեալ (էջ 838):

Արդյո՞ք այս զժվարությունները նաև գրքի լեզուն կանոնավորելուն չեն վերաբերում, և արդյո՞ք այդ բնթացքում կարենը չի եղել ագուլեցի թումայի վերը:

Մյուս կողմից, արդյո՞ք այսպես դատելով ներկա դեպքում ևս նոր գրական հայերենի այս նմուշի գնահատման հարցում շափից ավելի նշանակություն շենք տալիս անհատին: Այս դեպքում էլ «Պարզաբանութեան» լեզվի մշակը կարող է ամենից առաջ և ամենից ավելի գործածած լինել ժամանակի ընդունված գրական աշխարհաբարը՝ հիմնված գլխավորապես միջբարբառային վաճառականական խոսակցական հայերենի վրա: Վերջինիս գործածողների, այն ասպարեզ բերողների մեծ մասը 17-րդ գարում արևելահայեր են եղել (գլխավորապես՝ նորջուղայեցիներ, ագուլեցիներ), համենայն դեպս, այդ շըրջանում հայ վաճառականների կեսից ավելին արևելահայեր էին: Կարո՞ղ էր արդյոք արևելյան թեքում ունեցող ժողովրդախոսակցականի մեջ տարերայնորեն թափանցել միջին հայերեն՝ արևմտահայ լեզվատարրերի այնպիսի քանակ, որը լեզվին խոսակցականի մակարդակում արդեն միասնական (և արևելյան, և արևմտյան) բնույթ տար: Այսպիսի հնարավորության դեպքում «Պարզաբանութեան» լեզվի մեջ եղած խրստորեն արևելահայ լեզվատարրերի սկզբնական աղբյուրը կարող էր լինել վաճառականական խոսակցականը, որը պետք է որ իմանար հայ վաճառականների հետ մշտական շփման մեջ գտնված վարդապետը:

Սակայն տարերայնորեն գոյացած միասնական ժողովրդախոսակցական հայերենի գոյության այս վարկածն ընդունել նշանակում է ինչ-որ շափով՝ համաձայնել լեզուների և բարբառների խաչավորման տեսակետին, այսինքն՝ համաձայնել, որ երկու լեզու (կամ լեզվական տարբերակ, բարբառ) կարող են բերականորեն, բառապաշարով, հնչյունաբանությամբ խառնվել և ասպարեզ բերել մի նոր լեզու (կամ բարբառ):

Լեզուների պատմությունից այդպիսի հավաստի փաստ մեզ հայտնի չէ, ուստի լեզուների և բարբառների խաչավորման տեսակետը մեղ հիմնավոր չի թվում: Հայոց մի քանի բարբառներում կան հատկանիշներ, որոնք կարող են խաչավորման արդյունք թվալ: Օրինակ, Թփղիսի⁸³ և Արդվինի բար-

⁸³ Վերև արդեն ակնարկել ենք, որ Թփղիսի բարբառի գերը 17-րդ դարի միասնական նոր գրական հայերենի ասպարեզ գալու գործում անհավանական է: Թփղիսի բարբառի մի քանի հատկանիշներ (ում-ով ներգոյա-

բառների մեջ արևելյան ու արևմտյան բարբառախմբերի քերականական տարրերի համատեղ գոյությունը կամ այժմյան Արթիկի շրջակայրում առկա մի քանի խոսվածքների որոշ առանձնահատկություններ (այդ խոսվածքներն ակնհայտորեն վերաբերում են Կարինի բարբառին, բայց, օրինակ, բայց ներկա ժամանակաձևը նրանցում լինում է նաև հարադրական ձևի՝ սիրում և այլն): Մրանք, ըստ երեսությին, ոչ թե խաչավորման, այլ ազգեցության կամ լեզվի զարգացման որևէ այլ երեսությի արդյունք են:

Հնարավոր է նաև մի այլ վարկած: Թերևս, մինչև 17-րդ դարը (գուցե մինչև 16-ը), հնարավոր համարվի, որ արևմտյան և արևելյան բարբառների այժմ հայտնի տարբերությունները տվյալ վիճակով չեն եղել. օրինակ, զուցե իրոք բոլոր բարբառաների բայի ներկա ժամանակը կազմվել է համադրական ձևով, ապա հարադրական ձևերը ծագել են արևելյան բարբառաների մեջ ու չնչին բացառություններով (Արդվին, Կարինի որոշ խոսվածքներ և այլն) տեղայնացել միայն հայոց արևելյան շրջաններում: Մյուս կողմից, գուցե ներգոյական հոլովը (ում-ով) մինչև 17 (կամ 16-րդ) դարը տարածված է եղել թե՛ արևելյան, թե՛ արևմտյան մի շարք բարբառների մեջ, ապա տեղայնացել է արևելյան հայոց մեջ և այլն:

Այսպիսի պարագայում հնարավոր է, որ դեռևս 17-րդ դարից առաջ ձևավորված մի ընդհանուր հայ ժողովրդախոսակցական իր մեջ առած լինի թե՛ արևմտյան, թե՛ արևելյան բարբառաների նախկին վիճակին հատուկ միասնական լեզվատարրերը և իր այդ բնույթը պահպանած լինի մինչև 17-րդ դարը, երբ երկու բարբառախմբերի մեջ լեզվական տարբեր հատկանիշների բնեուացումը մեծացել էր, և այն, ինչ միասնական էր մնացել ընդհանուր խոսակցականում, տարբերվել էր բարբառներում:

Մրանք վարկածներ են, որոնք, ըստ երեսությին, այժմ չեն կան, և-ով բացառական բայի համադրական ներկայի ժամանակաձևն. Հական բայի եղակի երրորդ շեմքի է ձեզ և այլն) այս բարբառը նման են զարձնում 17-րդ դարի նոր գրական հայերենին: Մակայն պատմական փաստերը բացառում են այս բարբառի գերը 17-րդ դարի միասնական նոր գրական լեզվի երեան գալու գործում:

կարող հաստատվել կամ հերքվել՝ անհրաժեշտ փաստերի պակասի պատճառով։ Միակ փաստն այն է, որ 17-րդ դարում եղել է միասնական նոր գրական հայերեն։ Թիրևս, ինչ-որ շափով փաստվող դրույթ կարող է համարվել նաև այն, որ 17-րդ դարում հայոց նոր գրական լեզվի միասնականության դրսնորումները ազդակվել են մի կողմից հին և միջին գրական լեզուների առավել կենդանի ավանդույթով, միջբարբառային ժողովրդախոսակցականի վրա այդ լեզուների ազդեցությամբ, մյուս կողմից նրանով, որ միասնական նոր գրական հայերենը գործածվել է միայն գրավոր խոսքում, այն էլ շատ փոքր ոլորտում, և նրա առաջին գործածողները այդ լեզուն մշակում էին ժողովրդախոսակցականի, երբեմն էլ բարբառի մեջ հին և մասնավանդ միջին գրական հայերենների հավելյալ տարրեր սրստ հարկին մուծելով։ Նոր լեզվի մշակներն անշուշտ, դեր ունեցել են, բայց դա չի նշանակում նոր գրական հայերենի յուրաքանչյուր մշակի անհատական հատկանիշներին շափից ավելի մեծ նշանակություն պիտի տալ։ Գրավոր խոսքում ձևավորված լեզվական վիճակը ավանդական է դառնում (մասնավանդ՝ հին ու միջին գրական խոսքի ամուր ավանդույթի ճնշմամբ), անհատները պահպանում են այդ ավանդույթը, բայց և իրենց անհատականը ինչ-որ շափով մուծում տվյալ բնագրի մեջ։ Այս յուրաքանչյուր դեպքում այդ ինչ-որ շափովը պիտի գտնել (որ բավական դժվար է) նոր լեզվի ամեն մի մշակի ներդրած անհատականը ճիշտ պատկերացնելու համար։

Ավարտելով մեր խոսքը «Արհեստ»-ի և «Պարզաբանութեան» լեզվի մասին, ուզում ենք նշել կարենոր թվացող մի իրողություն ևս, որն ավելի ուշ շրջանում նկատելի դարձավ հայ նոր գրական լեզվի գարգացման մեջ, գլխավորապես հատկանշեց աշխարհաբար գեղարվեստական գրականության լեզվի մշակման գլխավոր ուղիները։ Խոսքը վերբերում է վերը ներկայացված այն իրողությանը, որ «Արհեստ»-ի և «Պարզաբանութեան» լեզուները տարբերվում են նաև առաջինի մեջ ժողովրդային խոսքի ավելի մեծ, երկրորդում ավելի նվազ առկայությամբ, և որ «Պարզաբանութիւն»-ը ավելի հակված է դեպի գրաբարը, բան «Արհեստ»-ը։

Ուրեմն, արդեն 17-րդ դարի վաղ աշխարհաբարում ունենք

լեզվամշակման երկու ուղղություն՝ ավելի ժողովրդային բընույթի և ավելի գրքային-գրաբարյան։ 17-րդ դարի աշխարհաբարի ուրիշ նմուշների լեզվի քննությունը նույնպես վկայում է այն ժամանակ արդեն այդ երկու գլխավոր ուղղությունների կամ երկու մոտեցումների առկայությունը, ուղղություններ, որոնք գլխավորապես արևելահայոց մեջ հակադիր դարձան 19-րդ դարի երկրորդ կեսում և բանավեճերի ու բախումների առիթ տվեցին 20-րդ դարում։

* * *

Դարավերջին՝ 1699 թ., Ամստերդամում Վանանդեցի տպագրիչները լույս ընծայեցին երրորդ տպագիր զիրքը՝ նոր գրական լեզվով գրված։ Դա Պուկաս Վանանդեցու «Գանձ շափոյ», կշռոյ, թույ և գրամից բոլոր աշխարհից երկն է, որ նույնպես հատկապես հրատարակվել է հայ վաճառականների համար՝ իրքն առօրյա տեղեկատու առետրական գործերում⁸⁴։ Գրքում կան տեղեկություններ ինչպես տարրեր երկրների դրամական և շափ ու կշռի միավորների, այնպես էլ աշխարհի վաճառաշատ շուկաների մասին։ Գրքի մեջ տեղ են գտել նաև համարողության արհեստի տարրեր։

Պուկաս Վանանդեցին գրաբարագիր հեղինակ է, ժամանակի կիրթ հայերից։ Նա «Գանձ շափոյ», կշռոյ...»-ն կազմել է այլակեզու տարրեր ազրյուրներից օգտվելով, ինչպես և իր իմացածն օգտագործելով։ Գրքի ծախսերը հոգացել է չուղացիցի վաճառական Պետրոսը (որդի Խաչատրութի), որը և պատվիրել է այդ գիրքը։

Գրքի լեզուն բավական մոտ է «Արհեստ» համարողութեան»-ի լեզվին, միայն ավելի է հակված դեպի վաճառականական խոսակցական հայերենը, որը, ինչպես այս գրքից է նկատվում, դարավեճից առավելապես արևելահայ թեքում է ստանալիս եղել։

Գրքի լեզվում պահպանված են նոր գրական հայերենի միասնականության մի շարք կարենոր հատկանիշներ, բայց

⁸⁴ Առաջարարանը, որ կոչվում է «Առ հայագուն վաճառասէր եղբայրուս, ազդարարառում է՝ «յօգուտ մերազնեայ վաճառասէր եղբարցդ արձանացուացութ», հիշատակարանում գրված է։ «Ի յօգուտ մերազնեայ բանասէր վաճառական եղբարց»։

ընդհանուր առմամբ այդ լեզուն հակված է դեպի արևելյան խոսք:

Անշուշտ, ակնհայտ է, որ գործ ունենք գրական լեզվի հետ, այսինքն՝ խոսակցականը գրականացված է. դրա առաջին նշանները այնպիսի բառերի և բառային ու քերականական ձևերի գործածություններն են, որոնք 17-րդ դարում հատուկ էին միայն հայոց գրավոր խոսքին, ինչպես, օրինակ, ուստի, գունդկօրեն, այսինքն, որպէս, նույնպէս, նաևապազ, նայտնապէս, օրսատօք, ներեոզեալ, վերոզեալ, երկդրամեան, կեռիք, նամարք, միջազիծ, իւր, իւրեանց, նոցա, մնացեալ, մասունք, բոլորովիմբք, ոսկոյ, ծամանակաւ, կանոնաւ, լեզուաւ և այլն: Կան գրաբարյան կամ գրքային այնպիսի արտահայտություններ, ինչպես՝ «վախճան պսակէ զգործ», «Որք ունին բերդս և շենս ոչ սակաւ», «Երեքի կանոնաւն զերկրորդն և զերրորդն բազմացնել», «թագաւորն ֆրանցու ի Փարէզ», «Էիօնացիք որք են ի Ֆրանցիա» և այլն:

Բացի այսպիսի գրաբարաերանգ լեզվատարրերի գործածությունից, միասնական աշխարհաբարի վիճակը գոյանում է նաև ընդհանուր առմամբ արևելյան հատուկ ունեցող խոսքի մեջ արևմտյան բարբառներին հատուկ լեզվատարրեր գործածելու շնորհիվ:

Այստեղ ևս առկա են առավելապես արևելյան հայերենին հատուկ այնպիսի բառաձենք, ինչպես՝ էս, էդ, էլ, մին և այլն, թեև դրանց կողքին գործածվում են նաև գրաբարյան կամ գրքային այս, այդ, այլ, մէկ⁸⁵ և նման բառաձենք. օրինակ, «Մին ուրիշ անժանօթ համարք գտանել», բայց՝ «մէկ ունցէն 8 գրօս է», «Էն մեջ տեղ գրած փողովն», բայց «Այս երեք կանոնաւս...» և այլն: Առաջարարակ, բառապաշտարն ու բառաձենքն ավելի արևելյան բնույթ ունեն (կան նաև՝ իմին, անքաշ, փարէն, լինի, նույնիսկ՝ ըստոնց):

Բառապաշտարում զգալի տեղ են զբաղեցնում հայ վաճառականական խոսակցականին հատուկ շատ բառեր, այդ թըզվում՝ փոխառյալ: Չափի, կշիռ, գրամ, հաշվի ձեռք, տարբեր ապրանքներ նշանակող այդ բառերի զգալի մասը 17-րդ դարում հատուկ է եղել նաև այլ լեզուների, և դրանք ուժանձ-

⁸⁵ Մին և մէկ ձեռքի փոխարաբերությունն այս գրքի լեզվում մոտավորապես 80-20-ի է՝ հօգուտ մին-ի:

շափոյ, կշռոյ...» գրքի լեզվին վաճառականական շեղալեզվի (ժարգոնի) երանգ են տալիս: Ուշագրավ է, որ այդ կառդի փոխառյալ բառերի մեծ մասը տառադարձված է արևելյան խոսքին հատուկ ձևով: Հիշենք «վաճառականական» այդ բառերից մի բանիսը՝ զանքար, ուսիփի, մաղալ, լիբրայ, դանկ, ունցայ, բալխ, սնջափ, բուման, մարք, դիրաք, դրահմ, շելլինգ, մարշիլ, բաստր, ուրիշ, կայսեկ, լեռուդ, բիբար, դարշին, արասի, զաֆրան, խարզ, դալալ և այլն:

Գործածվում է արևելյան խոսքին հատուկ ներգոյական հոլովը. Երկրումն, Մոսկովյումն, Փօրուգալլումն, Էադաքումն, միջումն, տեղումն և այլն: Բացառականը մեծագույն մասամբ կազմվում է արևմտյան բարբառներին (նաև գրաբարին ու միջ. հայերենին) հատուկ է մասնիկով. օրինակ՝ պատճառէն, երկրէն, բաժանելին, Մոսկովէն, Խանէն և այլն, նույնիսկ էստեղ-ը ունի էստեղիս բացառականի ձեր: Հատուկենտ կան նաև բացառականի արևելյան ձեռք, ինչպես՝ էստից, կամ արցախյան՝ Հեղուստանայ:

Բայի ներկա (և անցյալ անկատար) ժամանակները համարական են (արևմտահայ—միջին հայերեն ձեռքով), ինչպես՝ «Մին փուտին 1000 զիան բիրայ կու տան», «Զօռով կու խօսին», «Հարիւրին կէս մսղալ աւել կու ձգեն», «50 զիան գօմրուկ կառուն», «Դալալն զին կանէ», «Հարիւրին հինգ խարչ կու տան», «Ի Հաշտարխան կու կշռեն» և այլն: Արևելյան խոսքին հատուկ ներկայի համադրական ձևի որևէ օրինակ չկա:

Գործածվում է էական բայի եղակի երրորդ դեմքի է ձեր. «Ակարիշումի զիտրն 21 լիբրայ է», «մի և նոյն խօսք է», «փողն արծաթ է» և այլն, թեև ի տարբերություն «Արհեստ»-ի և «Պարզաբանութեան», այստեղ ունենք նաև ա ձեր՝ հատուկ միայն արևելյան բարբառներին. «մնացածն բանի այս», «Առուծախն Սուրաթին պէս այս», «120 կոպէք այս», «Մին զոնլուղ այս» և այլն:

Ստորև բերում ենք մի փոքր հատված այս հետաքրքրական գրքից. «Պիտի յառաջ ամէն ընկերաց մայէն մի տեղ ջամ անել և զնել առաջին տեղումն: Յետոյ իւրեանց մէջ զրած փողի շահն կամ զարարն մին տեղ շամ անել... Այսպէս երեքի կանոնաւն ընկերաց մէջ տեղ դրած փողն ջոկչուկ պիտի

Հարցանելով իմանալ, թե ի՞նչ շահ կամ ի՞նչ դարար կու հասնի ամէն ջոկջոկ դրած սարմայի: Որբան ընկերք կան, այնքան անգամ պիտի երեքի կանոնն բանացնել և կրկնել... Ամմա երբ բնկերութեան մէջն ժամանակ ևս հանդիպի, թէ բարարա: և թէ ավել պակաս ժամանակ լինի, յառաջ պիտի ամէն ընկերի մայէն ջոկջոկ իւր ժամանակին հետ բազմացնել:

Պարզ է, որ «Գանձ շափոյ...»-ի խոսքի ընդհանուր բնույթն ավելի ժողովրդային հակում ունի, քան ոչ միայն «Պարզաբանութեան»-ը, այլ նաև «Ալրհեստ»-ինը, իսկ այդ հակումը հենց պայմանավորել է լեզվի համեմատաբար ավելի արեելյան երանդը, առայժմ մասնակի շեղումը 17-րդ դարի միանական աշխարհաբարից:

17-րդ դարի նոր գրական շԱՅԵՐԵՆՆ ԽԲԲԵՎ ԳՐԱՎՈՐ ԶԱՓԱՄՈՅԻ ԼԵԶՈՒ

«Պարզաբանութեան» առիթով բերեցինք մի քանի գեղարվեստական նմուշներ, սակայն այդ դիրքն ընդհանուր առմամբ գեղարվեստական երկ չէ, նրանում սոսկ գեղարվեստականության տարրեր կան: Մյուս կողմից, 17-րդ դարի բանավոր մշակվող գուսանական աշխարհաբարը ավելի շատ արեելահայ խոսքի արտահայտություն է եղել:

17-րդ դարում և 18-ի սկզբին եղել է նաև գրավոր աշխարհաբար շափածո, որի մեջ առկա են միասնական նոր գրական հայերենի նմուշներ:

Իրեն օրինակ վերցնենք բանաստեղծ Ստեփանոս Դաշտեցու (ծնվ. մոտ 1640—50 թթ.) ստեղծագործությունները՝ գրոված 17-րդ դարի վերջին 2—3 տասնամյակներին և 18-ի առաջին երկու տասնամյակներում: Դաշտեցին դրել է գրաբար, մայրենի (Քուղայի) բարբառով, նոր գրական հայերեն, թուրքերեն:

Աշխարհաբարյան բանաստեղծությունների մի մասը 17-րդ դարի միասնական նոր գրական հայերենի հիմնական կանոնի պահպանմամբ է գրված, մյուսը՝ ավելի արեելահայ թիրում ունեցող ժողովրդային լեզվով: Ոտանավորների գրության թվականները մեզ հայտնի չեն. արդյոք կարո՞ղ ենք

ենթադրել, որ լեզվական վերոհիշյալ առաջին խմբին վերաբերող ոտանավորներն ընդհանուր առմամբ ավելի վաղ շրջանում են գրվել, երբ միասնական աշխարհաբարը դեռևս կայունության նշաններ էր ցուցաբերում:

Միասնական նոր գրական լեզվի վերը նշված հատկանիշներից Դաշտեցու աշխարհաբար ոտանավորների լեզվում առկա են շատերը⁶⁶: Այստեղ ևս ունենք արեելյան բարբառներին առավել հատուկ մի շարք բառաձեռներ (ավելի շատ, քան «Ալրհեստ»-ում կամ «Պարզաբանութեան» մեջ). դրանցից են՝ մին («Ինչ ունես տուր մին մարգարտին, մին ակին»), էս, էդ, էն և նրանցից կազմվածներ, էլ և այլն («Շատվորն էսոր էրնեկ կուտայ մինակին», «Աշխարհումս էլ ինչ պետք էր», «Էն երկինքն», «Էս գերոյս»): Առկա են նաև այս վերջինների գրաբարաձև հոմանիշները («այլ մի ակն», «այլոց բամպասողն», «այս ցաւէս», «այսպէս դառնութիւն»): Առատ է ներգոյական հոլովի կիրառությունը (փողոցներում, ձեռնումդ, հանդերումն, երկնումն, աշխարհերում, մարտում, օրում և այլն), բացարձակորեն իշխում է է-ով բացառականը (բանէն, հօրէ, հացէս, ձիանէն, երկնոցէն, զործէն, սրտէս և այլն), հազվադեպ է արեելյան ց-ով բացառականը (լներիցն, աստից), բայց երի ներկան (և անց. անկատարը) հիմնականում կազմվում է համադրական արեմտյան ձևով. «Դուն էր կու տիրիս», «Ով կու դատէ, ով կու տայ», «Ով երկու տակ կու խոսի», «Կու խնդրեմ, որ միշտ դու օգնես անմեղին», «Սրտէս արիւն կու բափի», «Նետք կու տեղայր, երբ քո բանդ կու խոսի», «Բոլոր գիշերն կու նայիմ» և այլն: Կան նաև ներկայի արեելյան հարադրական ձևեր, բայց շատ փոքր քանակով. «Չար մարդն էստեղս ինչ ուզում է, անում է», «Հանապազ մատնում այ»: Վաղակատարը մեծ մասամբ բ-ավոր է. «Կինն առէ է, բողեր», «Քանի ձեռաց բողեր է»:

Կան արեելյան բարբառային, գլխավորապես նորջուղայական լեզվատարրեր, այդ թվում էական բայի եղակի ամ, ա, ան ձեերը. «Մանող ամ», «Ողջ բարեկամ ան», «անուշ շար այ», «էն երկինքն այ, զետին չէ», «ծէսն էս այ», բայց և սրանց զուզահեռ կան նույն բայի եմ, ես, են, ենք (նաև՝

⁶⁶ Օրինակներ առնված են ՀՍՍՀ ԳԱ «Տեղեկագրից» (Հաս. գիտ.), 1956, № 12, էջ 106—114:

եմ) և մյուս համապատասխան ձևերը. «մարդն այն է», «Ալլիրիշ ես եմ», «սիրուն պահ է», «շատ քաջ է», «Մարդ փորձելն է մէկ ամիս», «Երես ով է», խոր ով է» և այլն:

Էական բայի է-ավոր և ա-ավոր ձևերից բացարձակորեն դերակշռում են առաջինները, բայց երկրորդների առկայությունն արդեն իսկ խոսքը շեղում է միասնական գրական լեզվի շավղից:

Հիշենք նաև, որ մի քանի դեպքում առկա է ն-ի դիմաց նորչուղայական խ-ն, յու-ի դիմաց ե-ն («Սեր կանէ խէտ մեծ իշին», «Խէտ էս գերոյս», «էս զեղիս ջուլիսակէն»):

Կան նաև արևմտյան բարբառային այնպիսի տարրեր, որոնք գրական արևմտահայերենի բաղադիշներ դարձան. օրինակ՝ «Օր մ’ ապրին», մի քանի անգամ գործածված է աղէկ միջին հայերեն-արևմտահայ բառը և այլն:

Շատ են գրաբարյան բառերը և բառային ու քերականական ձևերը. բացի բերվածներից, ահա մի քանի քերականական նմուշ ևս՝ «Բազումք կեցան», «մեղաց պտուղք», «մեղաց ծովն անկար», «զսուր բռ», «Ամմառն էանց», «քան զանասուն», «զտիւ և զգիշեր», նաև՝ զիս, զինչ, մեք նորա, բարոյն, նոզոյս, մտազս, բազար, ընտրեաց, արկանէ, առիւծոյ, ցատօֆ, լինիմք և այլն:

Բառապաշարում առկա են 17-րդ դարում գրաբարյան-գրբային ընկալված բառեր ու բառաձեռեր, որոնք նոր գրական հայերենի կարևոր բաղադրիչներ են, ինչպես՝ տեսողութիւն, հաւցընկեր, հանդերձ, հովիտ, բնդդէմ, սերմանեմ, արկանեմ, արտասուեմ, անհատ, սավան, արին, եղբայր, երէ, առողջ, խորագէտ, կերպարանք և այլն:

Ստեփանոսի աշխարհաբար բանաստեղծություններում հայոց լեզվի տարրեր շերտերին պատկանող բառերի ու ձևերի կողք-կողքի շատ գործածությունների մի պատճառն էլ հանդաստեղծման նպատակով կատարված բառընտրությունն է. «Քաշտեցին նոր գրական լեզվով մեծ մասամբ գրել է թաշնիսի ձևով, որ հատուկ հանգային համակարգ ունի և հանգակագմիշ բառերի ու ձևերի մեծ զինանոց է պահանջում։ Ահա մի օրինակ».

Ո՞վ մեղ շառաւ, մարդ այն է,
Մարիամ չէ Մարքան է.

Աստուած շանէ, որ մէկ կին
Ներք կամ յորս մարդ առնէ:

Կամ Շամիրամ, կամ Արա,
Կամ ուսուցո, կամ արա.
Ազնիւ կերպիտ լոյսն միջան
Տիւ և զիշեր կամար այ:

Կամ՝

Ստեփան, Ել, սիրունն է լաւ,
Նունչս այն, որ սիրուն է լաւ.
Կէշ կատուն ի՞նչ կու պահիս՝
Ինչ պահիս՝ սիրունն է լաւ:

Սիրունն է միշտ սրտի սէր,
Սիրով կուտայր սրտիս սէր.
Ազգու ասաց միշտ անկեղծ,
Ինչ որ մէշ իմ սրտիս էր:

Նաղաշ Հովնաթանը (1661—1722) նույն շրջանի բանաստեղծ է, երեխ Ստեփանոսից փոքր-ինչ ավելի ուշ ասպարեզ եկած և, իհարկե, շատ ավելի խոշոր ստեղծագործող։

Հովնաթանն ունի և՛ գրաբար, և՛ աշխարհաբար տաղեր։ Տաղերի մի մասը (երգիծական և խնջույքի) հաճախ սկսվում է գրաբար, ապա շարունակվում նոր լեզվով. երրեմն ուժեղ է միջին հայերենի կնիքը։ Սիրո տաղերը մեծ մասամբ նոր գրական լեզվի որակն ունեն, երրեմն էլ թերվում են զեպի գուսանական աշխարհաբարը։

Հովնաթանի այդ տաղերի լեզվում միասնական գրական հայերենի մի շարք տարրեր պահպանված են, բայց ընդհանուր առմամբ նրա խոսքը ևս արևելյան հակում ունի, թեև միջին հայերեն-արևմտահայ մի շարք ձևեր, ինչպես՝ համադրական (կ, կու մասնիկով) ներկան և անց. անկատարը, է-ով բացառականը, բ-ով վաղակատարը և այլն պահպանվում և գերակշռում են⁸⁷:

⁸⁷ Նաղաշ Հովնաթանի լեզվի ավելի մանրամասն նկարագրությունը տե՛ս «Էլբաբեր հաս. գիտ.-ս., 1972, № 1, էջ 40—50 և «Ալբենելահայ բանաստեղծության լեզվի պատմություն», Ե., 1978, էջ 60—74։

18-րդ դար: ՆՈՐ ԳՐԱԿԱՆ ՀԱՅԵՐԵՆԻ ԵՐԿՓԵԼԿՈՒՄԸ

18-րդ դարում նոր գրական հայերենի զարգացման երեք ամենաբնորոշ հատկանիշները, հավանաբար, հետևյալներն են. ա) գրավոր խոսքում հստակ է դառնում նոր գրական լեզվի երկփեղկումը՝ արևմտյան և արևելյան ճյուղերի, թ) լրջորեն մշակվում ու զարգանում է նոր գրական հայերենի արևմտյան ճյուղը, որն ըստ էության սկսում է ընկալվել իրեն հայոց բնդհանուր աշխարհաբար: Արևելյան ճյուղը աննշան չափով է արտահայտվում գրավոր խոսքի մեջ և իրեն մշակութային հաղորդակցության միջոց նկատելի զարգացում չի ունենում, գ) նոր գրական լեզուն շարունակում է մնալ իրեն գերազանցապես կրոնական: Թվարանական մի խոսքով՝ իրեն ոչ զեղարվեստական երկերի լեզու, իսկ իրեն զեղարվեստական գրականության (գրավոր ստեղծվող), զիխավորապես շափածոյի լեզու շարունակում է իշխել գրաբարը, մասսամբ էլ միշին հայերենի որոշ տարրերակներ, որոնք երբեմն բավական մոտենում են նոր գրական հայերենին (արևմտյան ճյուղին):

Վերը տեսանք, որ արդեն 17-րդ դարի գուսանական աշխարհաբարը հենց սկզբից արևելահայ բնույթ էր ստացել, քանի որ իրեն հենք ուներ արևելյան բարբառ: Արդյոք Հայաստանի արևմտյան զավառներում 17-րդ դարի երկրորդ կեսում եղել են արևմտահայ գուսանական աշխարհաբարով հորինող գուսաններ: Դա մեզ հայտնի չէ. շկան անհրաժեշտ նյութեր: Ավելի հավանական է թվում, որ այդ զավառներում հայերեն ստեղծվող (հիշենք՝ արևմտահայ գուսանները մեծ մասամբ թուրքերն էին ստեղծագործում) գուսանական արվեստի լեզուն 17-րդ դարում և գուցե շատ դեպքերում 18-րդ դարի մեջ ավանդաբար շարունակել է մնալ միշին հայերենի որևէ տարրերակը՝ երբեմն մոտ արևմտահայ ժողովրդախոսակցականին ու նոր գրական լեզվին: Այդ են վկայում մի

շարք տաղեր՝ տեղ գտած տպագիր և ձեռագիր տաղարաններում:

Գրավոր խոսքի մեջ 18-րդ դարի առաջին կեսում նոր գրական լեզուն արդեն երկճյուղ է. ճյուղերն իրարից հեռանում են աստիճանաբար, բայց ինչպես հետագա շրջանի դարդացումը ցույց տվեց՝ անվերադարձ:

1710—20 թվականներից պահպանված են աշխարհաբարյան ուշադրավ հուշարձաններ՝ դրված նոր գրական լեզվի և միջբարբառային խոսակցական հայերենի միշին դիրքում գտնվող մի լեզվով, արևելյան բարբառախմբի ակնհայտութեն գերակշռող հատկանիշներով: Խոսքը վաճառական, նաև ժամանակի ականավոր բաղաբական գործիչ նղիա խոտորշիցու (Կարնեցու) գրությունների լեզվին է վերաբերում⁸⁸:

Ահա մի քանի նմուշ եղիայի նամակներից. 1715 թ. «Բայց մեք չեյինք հաւատալ մինչի էս թարեղին, էս քանի աւուրն էրզրմ մարթ էկաւ և զիր, որ ճշմարտապէս սստիար է, զերա էրզրմ պարայզներն բացվել է Ցեայեան ասքարն զնացել է ձիւր, որն էլ պիտի զատկին զնա», «Խստամապօլ աշքօվ տեսնօղներն զարմացել են, թէ՝ աշխարքս մէկ մարթուն էլ է՞սչափ ոսկի, էսչափ զուռուշ կամ է՞սչափ շաւահիր կու լինի» (3), «Ատաթ է, որ երկու սհաթ զամ փոքր յաւել դիւան կու լինի, էս էլչին վեց սհաթ կու մնա» (4), «Մին էլ թէ ալիշվերիշի էնուալն հարցանես, մինչի էս թարեղս Գանճա զարպաֆին լիտրն տասներկու հազար, տասներեք հազար դիան էր, հիմա յիշաւ մին թուման» (5): 1718՝ «Ելիզապարն էլ էս խանին դուլուզ շի անում, իրան համար սօվտաքարութիւն անում է» (12), «Եւ էն առաջի գրումն, որ գրել էի, թէ ձուկ դրկեք, հալպաթ, հասանել գրոյս մուղախթ լինիս, թահտի անհս, որ զրոկս» (12), 1724՝ «Էստից յառէջ մին ուռուսի նաւ յընկել է Կասկարու հողումն և կասկարեցիք նաւի ապրանքն առել են և մարդիկն բռնել, հիմիկս ուռուսի սարտարն էն ապրանքն ուզում է և շատ նեղացել է» (269), «Այսօր 25 օր է, որ մեզ խարճ շեն տվել, և մին շափառ ձի մեզ պետք եկաւ, բռնեցինք, ձեր մարդիքն գնացին ուռուս սարտարին մեր ձեռիցն գան-

⁸⁸ Եղիա Կարնեցու դիվանը. Առաջաբ. և ծանոթագրութ. Ա. Աբրահամյանի, Ե., 1968, 387 էլ: Բերված բաղվածքների մոտ նշված են այս հրատակության էջերը:

կատ արին, թէ՝ մեր նրանց էլ ո՞չ ձի կուտանք, ոչ խարճ. բանզի ձի են բռնում, տեղիս բաներն աստ և անդ են գրում: Սարտարիցն մարդ եկաւ մեր կուշտն, պատասխան տվի թէ՝ եթէ էս յերկիրն շահին է, պիտի որ շահի հրամանն անց կենա...» (281):

Այս բաղվածքներում, ինչպես տեսնում ենք, առկա են՝ ում-ով հարադրական ներկայի, ել-ով վաղակատարի, ց-ով բացառականի, ներգոյականի (ում-ով) ձեր, էս ու էն և նըրանցով կազմված բառեր, էլ-ը և արեկելահայ խոսքը հատկանշող ուրիշ լեզվամիջոցներ: Եղիայի գրություններում կան նաև առավելապես արեկելյան բարբառներին և ժողովրդախոսակցականին բնորոշ այնպիսի լեզվատարրեր, ինչպես, օրինակ, ի-ով հոգնակի ստացական (սեռական-տրական), ինչպես՝ բոփերին (271), ինկիսների (290) և այլն կամ այսպիսի ձեռք՝ մայէն (13), աղէն (16), էկած լինի (16), ձեն շնանեն (16), մոռանաս ոշ (14), կարող շեմ (28), նշանց տալ (14), ախպեր (28), էս ծուկն (230) և այլն:

Գրություններում կան նաև միջին հայերենին և արևմտահայ խոսքին հատուկ մի շարք ձեռք, այդ թվում կու (կ)-ով համադրական ներկա ու անց. անկատար, օրինակ՝ «Ալտաթէ», որ երկու սհաթ, գամ փոքր յաւել, դիւան կու լինի» (4), «Խիստ շատ խօսք կու խօսվի» (4), եր-ով վաղակատար՝ «Մօնիերին վիզն անկեր են» (10), «Դուն վատն առեր ես» (13), «պատրին եկեր էր» (18), մանավանդ՝ արևմտահայ խոսքի կարեռը ցուցիլ ալ բառաձեր՝ «մին ալ այս գիրն բերող Սայեթվանն եկավ Թեան» (9), ու-ով հոգնակի ստացական՝ հայերուն (14), ուրիշներուն (272), ուռուսներու (281) և այլն, որոնք գործածվում են արեկելահայ ձեռքին զուգահեռ և, կարծես, քանի գնում՝ պակասում են (ըստ նամակների ժամանակագրության):

Եղիայի գործածած աշխարհաբարը, ինչպես տեսնում ենք, ունի միասնական գրական հայերենի հատկանիշներ և դրանցով մասամբ նման է «Արհեստա-ի ու «Պարզաբանութեան» լեզվական որակին, սակայն հակումը գեպի արեկելահայ խոսքը բավական գգալի է, և լեզուն ընդհանուր առմամբ կարող է դիտվել արեկելյան աշխարհաբար՝ միասնական գրական հայերենի մի շարք հատկանիշներով:

Ինչո՞վ բացատրել ստուգապես արևմտահայ Եղիա կոտորչրեցու նամակների լեզվում արեկելահայ խոսքի այսպիսի առատությունը:

Եղիայի գրությունների բնագրերը մեր ձեռքին շեն եղել, և մենք փաստաթղթային տվյալներ (ինքնագիր և այլն) շունենք որոշելու համար, թե Եղիայի անունով նրա դիվանում պահպանված բոլոր գրություններն անձամբ ի՞նքն է գրել, թե՝ որնէ բարտուղար կամ բարտուղարներ (որպիսիք նա ունեցել է): Պահպանվել են Եղիայի կողմից տարրեր մարդկանց առարգված հայերեն, պարսկերեն, ֆրանսերեն նամակների պատճենները (այլալեզու նամակների պատճենները հայերեն թարգմանությամբ), ինչպես և իր ստացած նամակների հայերեն համառոտումները:

Արդյոք այդ բոլոր պատճենները ինքը Եղիան է հանել: Հստ փաստաթղթերը հրապարակողի՝ Ա. Արրահամյանի տեղեկատվության՝ այդ⁸⁸, նամականու լեզվի որոշ հատկանիշներ, որոնց մասին այստեղ ծավալվելը շատ տեղ կպահանջեր, վկայում են, որ այդ պատճենները ու համառոտումները (կամ նրանց հիմնական մասը), իրոք, Եղիայինը պետք է լինեն: Այսինքն՝ տվյալ դեպքում ունենք այդ անձնավորության նամակային լեզվի նմուշներ: Պահպանված է նաև Եղիայի մի ծավալուն աշխատությունը⁹⁰ հետեւյալ վերնագրով՝ «Պատմութիւն իմն կարճառօտ ի վերայ անձկութեանց Եղիայիս Աստուածատուրեան Մուշեղանց, զորս կրեցի ի ազգէն ֆուանկաց, մանաւանդ ի խարեբայ կրօնաւորաց նոցա եւ ի սուտ եխսպայրց և բարեկամ կոչեցելոց...»: Ինչպես պարզ է դառնում հրապարակված հատվածներից⁹¹, Հեղինակն այս աշխատությունը գրել է գրաբար: Դա, իհարկե, լեզվական լուրջ շեղումներով լի գրաբար է, բայց և անառարկելիութեն գրաբար է իր ընդհանուր լեզվական կառուցվածքով: Ահա մի

⁸⁸ Եղիա Կարենեցու դիվանը, էջ XXX:

⁸⁹ Հստ Ա. Արրահամյանի, մեկ աշխատություն է՝ բաղկացած երեք մասից (Դիվան, XXX), բատ Հ. Ռակյանի՝ երեք առանձին աշխատություններ («Հանդիս ամսօրյաց, 1927, էջ 367—374»):

⁹⁰ Աշխատության ձեռագիրը գտնվում է Վիեննայի Միհիթարյան-մատենադարանում, մի շարք հատվածներ հրապարակել է Համազասպ Ռոկանեց («Հանդիս ամսօրյաց, 1927, սյունակ 28—36, 126—138, 237—249, 367—375, 493—501»):

Հատված. ոեւ այսպէս, թողի զպաշարումն և զնացի դարձեալ ի Դավրէծ 1722 թւին և մտի առ վերո Քափուչինսն և բնակեցայ ընդ նոսայ. այսպէս անցաւ ժամանակս ինչ, եկաւ նորոնձայ Շահ Թահմազն ի Դավրէծ։ Սորա փեսա նավապիտօվլայն առաւ բաղանիսն Շերիմանցւոց, որ կար ի բաղաքին Դավրէծու և վաճառեաց զնա բաղաքացւոյ ումեք. իբրև տեսին դայս գործ ազգն Հայոց, մանաւանդ Զուղայեցիք, խոր խոցեցանս⁹²:

Աւրեմն, Եղիայի նամակների և այլ գրությունների լեզուն աշխարհաբարն է, իսկ «Պատմութեան»-ը՝ գրաբար:

Համազասպ Ոսկյանը Եղիայի այս գրաբար աշխատության լեզվի մասին գրում է. «Լեզվի տեսակետով Եղիայի երկերու կարենորությունը կկայանա անոր մեջ, որ կենդանի վկաներ են Բարձր Հայոց և Հատկապես Խոտրջրո նույն ժամանակի բարբառին։ Թանի որ Եղիա ծնած և ուսում առած է Խոտրջուր ու Կարին, քանի որ այս երկու տեղերը շարադրած է վերոհիշյալ գրությունները, շատ բնական է նույն բարբառին ազդեցությունը, սակայն ապրած ըլլալով ուրիշ երկներ ալ, գլխավորաբար Պարսկաստան, իր գրքին մեջ երբեմն ուրիշ բարբառներու ազդեցությունն ալ անժխտելիորեն երեան կու զա։ Դժբախտաբար ինքը չէ գրած պարզապես իր ժամանակի բարբառովը, որով այս գիրքը բոլորովին թանկագին կըլլար, քանի որ շարադրված կըլլար արևմտյան գրավոր լեզվի սկսելուն փորձերու շրջանին»⁹³:

Այս առթիվ պետք է ասենք, որ նախ՝ Եղիայի աշխատության գրաբարի մեջ Կարինի (Բարձր Հայքի) բարբառը շնչին շափով է նկատելի. իբրև Բարձր Հայքի բարբառի տարրեր Հ. Ոսկյանի բերած օրինակները (յիմանալ, վասն յէր, յընծայեալ, յերբու և այլն), մեզ թվում է, կարող են դիտվել նաև արևելյան որոշ բարբառների (օրինակ, Ն. Զուղայի) ազդեցություն։ Արևելահայ խոսքի ազդեցությունը այս գրաբարի վրա ավելի ուժեղ է. Հենց Ոսկյանի բերած օրինակների մեծ մասը (Եխապայր, տվին, մին, այտպէս, և այն ժամանակն ասիս, ո՞Դեռ շեն եկել, ու ամօթ լինիս, ուլ լինէր» և այլն) ավելի շատ արեվելյան բարբառների և ժողովրդախոսակցականի ազդեցու-

⁹² «Հանդէս ամսօրյա», 1927, սյունակ՝ 127.

⁹³ Նույն տեղում, սյունակ՝ 493.

թյան նշաններ ունի, քան՝ արևմտյան։ Ոսկյանը գրելով, թե Եղիան «չէ գրած պարզապես իր ժամանակի բարբառով», փաստորեն այն միտքն է Հայտնում, թե իբր Եղիան չի գրել ժամանակի ժողովրդախոսակցականին մոտ գրական լեզվով, քանի որ բարբառ ասելով Ոսկյանն այստեղ նկատի ունի վաղ շրջանի արևմտյան գրական Հայերենը («արևմտյան գրավոր լեզվի սկսելուն փորձերու շրջանին»): Բայց Եղիան, ինչպես տեսանք, բավական գրել է նաև ժողովրդախոսակցականին շատ մոտ գրական լեզվով⁹⁴, որը սակայն ոչ այնքան արևմտյան, որքան արևելյան գրավոր Հայերենի վաղ շրջանի օրինակներ է տալիս (Հ. Ոսկյանը, Հավանաբար ժանոթ չի եղել այդ գրություններին):

Եղիա Խոտորչըցու կյանքի ու գործի մեջ Հանելուկային կետեր շատ կան, որոնց պարզումը լուս կսփռեր նաև մեզ հետաքրքրող Հարցի վրա։ Սակայն շատ բան էլ նրա կենսագրությունից Հայտնի է և կարծես օգնում է բացատրելու առեղծվածը։

Եղիան ծնվել է Խոտորչուր գավառի Կրման գյուղում, 1689 թ.։ Մանկուց տեղափոխվել է Կարին, ուր կրթություն է ստացել նախ մի Համագյուղացի ուսուցչի, ապա կարնեցի ուսուցիչների մոտ, սովորել է նաև կաթոլիկ Հայութի կրթարաններում (Կարին և Գանձակ)։ Եղիան Եղել է առևտրականի որդի, ինքն էլ եղրայրների հետ զրավությունը և առևտրով և բավական շատ շրջել. Գանձակ, Թավրիզ, Թփղիս, Ամիդ, Բաղդադ, Կ. Պոլիս, Երեան, Շամախի, Աստրախան, Մոսկվա, Ն. Զուղա, Ռիազտ,— սա է այն բնակավայրերի շատ թերի ցանկը, ուր այցելել կամ որոնցում ապրել է Եղիան։ Մեզ հետաքրքրող Հարցի տեսակետից կարևոր է այն, որ 1710-ական թվականների սկզբներից, այսինքն՝ 20—25 տարեկանից Եղիան ավելի հաճախ է Եղել առևելահայոց մեջ, այնուհետեւ մի քանի բարձր պաշտոններ է վարել Պարսկաստանում, Ռու-

⁹⁴ Եղիա Խոտորչըցու կենսագրությունն առաջինը շարագրել է Հ. Ոսկյանը, օգտվելով Եղիայի «Պատմութիւն իմն կարճառու ի վերայ անձկութեանց Եղիայիս...» վերոհիշյալ ձեռագիր աշխատության տվյալներից («Հանդէս ամսօրյա», 1927, էջ 28—36, 126—138), ապա՝ Ա. Արքահայանը «Եղիա Կարնեցու դիվանը» գրքի առաջարանում և ժանոթագրություններում։

սաստանում: Բանտարկվելուց և քաղաքից քաղաք տեղափոխվելուց հետո ապրել է Աստրախանում մինչև 1736 թվականը, ապա եղել է Եվրոպյանում, 1740 թվականից նորից է հաստատվել Պարսկաստանում և ապա 1745-ից մինչև կյանքի վերջը (հավանաբար՝ 1750) ապրել է Կարինում: Ամփոփելով, կարող ենք ասել, որ Եղիան կյանքի շուրջ կեսն անց է կացրել արեգելահայոց մեջ:

Եղիայի նամակները գրված են 1715—1724 թթ., այսինքն՝ այն շրջանում, երբ նա արդեն բնակվում կամ շրջում էր գերազանցապես արևելահայ շրջաններում:

Արդյոք հաստատ կարո՞ղ ենք ասել, որ խոտորջրեցի այս գրագետ վաճառականն ու գործիչն արևելահայոց մեջ ապրելու (նաև Գանձակում սովորելու) հետեանքով է յուրացրել արևելահայ խոսքի բազմաթիվ բնորոշ տարրեր և գործածել իր գրություններում, իսկ վերջին նամակները գրել գրեթե արևելահայ գրական աշխարհաբարով⁹⁵:

Ինչ էլ եղած լինի, լիովին հաստատն այն է, որ 18-րդ դարի առաջին կեսի աշխարհաբարյան այս և ուրիշ բնագրերում արդեն չենք հանդիպում միասնական նոր գրական հայերենի այնպիսի բնորոշ նմուշների, որպիսիք ստեղծվել են 17-րդ դարում: 18-րդ դարի առաջին կեսից պահպանված աշխարհաբարյան բնագրերը հաճախ առնասարակ գրական լեզվի այնպիսի մակարդակ չունեն, ինչպիսին ունեին, օրինակ, «Ալբաստ»-ը կամ մանավանդ «Պարզաբանութիւն»-ը: Այդ բնագրերը երեքմն միշբարբառային խոսակցականից և բարբառներից նույնությամբ եկած, «անմշակ» շատ տարրեր են պարունակում և այնքան էլ ենթարկված չեն գրավոր խոսքի պահանջներին: Այսպիսի պարագայում առկա է լինում կամ արևմտահայ, կամ արևելահայ կենդանի խոսքի գերակշռու-

⁹⁵ Եղիայից պահպանված գրական բավական հարուստ ժառանգության լեզվական առանձնահատկություններն արժանի են մանրամասն ուսումնասիրման: Որը հետաքրքրական ոչ քիչ հարցեր կպարզի և, թվում է, մի շաբթ դեպքերում նոր լույս կփռի նոր գրական հայերենի պատմության, ինչպես և 18-րդ դարի Հայոց բարբառների մասին այժմ եղած պատկերացումների վրա: Մեր հանձնարարությամբ այդպիսի ոչ մեծ աշխատանք կատարել է մեր նախկին ուսանողուհի Լ. Գեորգյանը (Հրապարակված է, «Ասպիրանտական գիտ. աշխ. ժողովածու», № 8, պր. 2-ում, ե., Խ. Աբովյանի անվան մանկ. ին-տ, 1975):

թյուն, ընդ որում, արևմտյան թեքում ունեցող լեզվանմուշներում գերիշխողը դառնում է Կ. Պոլսի հայոց բարբառի հենքը, արևելյան թեքում ունեցողների մեջ՝ մերթ Ն. Զուղայի, մերթ արարատյան բարբառներինը:

Արևելյան բարբառների (գիշավորապես արարատյան) շափակոր գերակշռող ազգեցությունն ակնբախ է Յոհան Շրյուդերի կողմից 1711 թվականին «Արամեան լեզուին գանձ»⁹⁶ գրքի մեջ հրապարակած աշխարհաբար նմուշներում, թեև նրանցում դեռևս զգալի են նաև միջին հայերենի (արևմտահայ խոսքին համընկնող) լեզվամիջոցները: Հետաքրքրական է, որ գերմանացի⁹⁷ հայագետի կողմից նոր գրական հայերենի ներկայացված քերականությունը, հիմնականում արևելյան գրական հայերենի նկարագրությունը լինելով, դեռևս տեղ-տեղ միջին հայերեն-արևմտահայերեն քերականական տարրեր է պարունակում: Իբրև օրինակ վերցնենք անունների հոլովումը, ուր այդպիսի տարր կա բացառական հոլովում (Ե-ով բացառականը):

մին ձուկն

մին ձկնի

մին ձկանէ, ձկնէ, ձկնից

մին ձկնում

մին ձկնով

Շրյուդերի ներկայացրած աշխարհաբար բնագրերում արևմտահայ-միջին հայերեն ձևերից ունենք կու (կ)-ով ներկա, եզակի երրորդ գեմքի է զիմանիշ⁹⁸, ն հողով հատկացուցիչը ու կապի խնդիր և այլն: Օրինակ, «Ինչպես դուք երեխա-

⁹⁶ Յ. Շրյուդեր, Արամեան լեզուին գանձ, Ամսերգամ, 1731, էջ 490 (հիմնական լեզուն յատիներենն է, կան հայերեն շատ նմուշներ):

⁹⁷ Յոհան Շրյուդերը գերմանացի գիտնական է, որ բնակվել է Ամստերդամում, ուր և ծանոթացել է Վանանդեցի տապարիների հետ, նրանց օգնությամբ խորացել հայ հին և նոր լեզուների ուսումնասիրության մեջ: Հայքանասիրության մեջ Շրյուդերին սիսալմամբ հոլանդացի են համարում, նաև անվանում Ակրյոդեր ձեռվլ:

⁹⁸ Ազգուիսի մոտակայքից սերող Վանանդեցիների օգնությամբ՝ Շրյուդերի կազմած աշխարհաբար բնագրերի և քերականական նմուշների մեջ ևս թիզիսի բարբառի կու-ով ներկայի, Ե-ով բացառականի, էական բայի է ձեռի և եղակի երրորդ գեմքի է զիմանիշի ազդեցությունը պետք է բացառված

յին կու մկրտեմ» (328)⁹⁹, «Յառէջ երխայն կնքահօր գիրկն-կու տանք, որ երեխի թերանեկն հաւատոյ դաւանութիւն ասէ և հրաժարիմքն, յետոյ մեր կնքահօրէն երեխայն կառնունք ա-ազանին վերայ կու բոնենք, երեք անգամ գագաթին վերայ շուր կածենք, մկրտութեան խօսքերն ասելով, երեք անգամ-էլ ընկղմենք ի չուրն և բովանդակ մարմինն կու լուանանք, ապա դրոշմն կու տանք...» (328), ինչպես նաև՝ «արձակեալ ի բահանալէն» (228—229), «Եկեղեցականքն կնիկ կառնունք» (330), «շափէն դուրս կու բամահանեն» (335), «Հոռոմըն մեր ազգին վերայ կասէ» (335) և այլն:

«Արամեան լեզուին դանձ»-ի աշխարհաբար բնագրերում ևս նոր գրական հայերենի միասնության պահպանման մի-ցոց է գրաբարյան բառաձենքի ու քերականական տարրերի մեծաքանակ օգտագործումը (տե՛ս ստորև քերված նմուշնե-րում):

Մակայն այդ բնագրերում, այնուամենայնիվ, իշխողը արեելյան խոսքն է: Այսպես, գործածվում է էական բայի եղակի երրորդ դեմքի է-ն՝ «բասմայ է ելել» (325), «թէ հա-ձոյ է» (328), «ինչ պատճառ է» (337) և այլն, բայց մի բանի անգամ ավելի շատ է զուտ արեելահայ ա ձեի գործածությու-նը՝ «բարի այ» (325), «կամքդ այ» (325), «ինչ որ արժանն այ» (326), «երրորդ խնդրքի պատասխանին էս այ» (329), «թէ ձերն էլ նոցա նմա այ» (330), «երկու օր մեզ պահք այ» (335), «երեկոյան ժամի վախտ այ» (337), «էն ի՞նչ այ գրած» (367). Կամ՝ առկա են այս, այդ, այն-ը և նրանցով կազմված-ները, օրինակ՝ այսօր (326), «Չունին այնպիսի երթեեկութիւն» (331), «այդ սրբոց բարեխօսութիւն...» (336), «այնքան ապ-րանք» (343), բայց ավելի շատ են էս ու էն-ը և սրանցով բա-զադրվածները՝ «ինչ կարծիք ունիս էն գրքին վերայ» (325), «էն գրքումն շկայ» (326), «Էստուր համար» (326), «էս բո-լոր լիսիու երկրումս» (327), «Էղ Եկեղեցւոյ խորհրդոց անուն-քրն ասա» (327), «զրպարտանք են էղունք» (335), «Էստունց համարել, իսկ եթէ այն ինչ-ինչ ուղիներով թափանցել է այդ գրքի լեզվի մեջ, ապա, միննույն է, այս դեպքում նու աշխարհաբարը միասնականացնող տարը է»:

⁹⁹ Բեագրային օրինակների դիմաց տրվում են Երյողերի հիշյալ գրքի Համապատասխան էշերը:

մոտա (342), «Էսօր ինն օր այ, որ քաղաքս եմ մտել» (344), «Էստեղ ամէն բարաթ իէմիշի միջում ենք» (364) և այլն:

Քերականության մասում իբրև քաղաղրված կամ թերված ցուցականներ Երյողերը բերում է էսպիս, էղպիս, էնպիս, էսօր, էստեղ, էնտեղ (322), էստուր, էստում, էստով, էստունք (311) և այս կարգի ձեռք ու միայն մի բանի նմուշ կա այն քաղաղրիշով կազմված՝ այնքան, այնքանինք (322):

Նույնը կարելի է ասել վաղ շրջանի նոր գրական հայերենը միասնականացնող (արևելահայ ու արևմտահայ տարրերի հավասարակշռություն գոյացնող) մյուս լեզվամիջոցների մա-սին: Այսպես, ասացինք, որ շատ կա կու (կ)-ով համաղրա-կան ներկա, բայց արդեն զգալի տեղ ունի զուտ արևելահայ հարաղրական ներկան¹⁰⁰. օրինակ՝ «Էս զնում եմ Եկեղեցին» (337), «տղէրքն լաւ զոլլուզ են անում» (352), «զու ուզում են» (353), «Ինչ եմ խոսում» (354), «խմում եմ» (362), «ար-ծուի մօտ ծաղիկ են բաղում» (363), «վանքում կարդում են» (363), «Էս զնում եմ ձեր դաստուրով» (368), «Ճեր երկրէն եմ զալիս» (338), «ամենն քո ձեռն եմ տալիս» (348) և այլն: Կամ՝ թեև է-ով բացառականը պահպանվում է, բայց արդին շատ են ց-ով բացառականի ձեռքը՝ ազգիցն (337), զողերից (345), ֆրանցիզիցն (345), պահպիցն (360), մեզնից (362) և այլն:

Մի շարք դեպքերում միասնական դրական հայերենի մեր նշած ձեռքը կամ ձեռքի զուգահեռականությունը լիովին (կամ զրեթե լիովին) փոխարինված են արևելահայ բարբառախմբին բնորոշ ձեռքով: Օրինակ, շատ է զգալի էլ-ի գործածությունը. Միին խնդրանք էլ ունիմ» (336), «յետոյ մտօք էլ» (337), «Թիմ աշքն էլ լոյս» (338), «էլ ի՞նչ իէմիշ» (364) և այլն: Կամ՝ մին ձեր իշխում է բնագրերում, քերականական նկարագրու-թյունների մեջ էլ բերված է իբրև միակը (207, 309, 313):

Լիակատար մենաշնորհ ունեն արարատյան բարբառի կարեռը հատկանիշը կազմող վաղակատար ժամանակների նել-ով անշատ հիմքերը, ինչպես «բուրքն կարդացել եմ» (325), «առաւել մեզ», որ շենք տեսել» (343), «շատ անգամ էս քա-զաքըն ես եկել» (345), «անձրւն բոնել չէ» (346), «շատ մարդ

¹⁰⁰ Հասկանալի է՝ նաև անցյալ անկատարը (օրինակ, «Խօսում իմ ես իսկի Հասկացայ, թէ ինչ իմ խօսում» 355):

եմ կանչել» (348) և այլն։ Նշենք նաև, որ գոյականների ստացական հոլովը ներկայացված է միայն ի հոլովիլով, օրինակ՝ ձկների (308), այսինքն՝ գարձալ արենահայ ձեռվ, և սովորական է ներգոյական հոլովը, ինչպես՝ շաբարումն (335), զլխումն (335), երկրումն (341), դուժանումն (342), ամսումն (344), դահվախանումն (346), բաղչումն (348), միջումն (355), այգումն (361) և այլն։

Եթե այս լեզվամիջոցները գնահատենք ըստ նախորդ զլխում նկատի առնված 20 կետ-բաղադրիլների, կպարզենք, որ «Արամեան լեզուին գանձ»-ի աշխարհաբարը այլևս չունի արենելյան-արենմտյան խոսքի հավասարակշռություն, այլ ունի արենելյանի բացարձակ գերակշռություն՝ սուկ միջին հայերեն-արենմտահայ լեզվատարրերի որոշ պահպանմամբ։ Ի տարրերություն «Արհեստ համարողութեան»-ի և «Պարզաբանութեան» լեզուների ռերամեան լեզուին գանձ»-ի աշխարհաբարում կան շատ արտահայտություններ, ամբողջ հատվածներ, որոնք զուտ արենելյայ խոսքի նմուշներ են, գրաբարյան տարրերի ներմուծմամբ գրականացած։ Մի քանի օրինակ, «Էն ի՞նչ պահք այ, որ գրքերում կարդացել եմ, ևս առաւել Հոռմից շատ անգամ եմ լսել» (335), «Հենց այ, թէ մեր թագաւորն խաղաղասէր լինի, զարա շատ տարի այ կորիվ շունի, ինչպէս ձեր թագաւորքն, որ համիշա կովի միջում ին, և երկիրն անհանգիստ» (339), «Բարի իրիկուն աղային, թողութիւն անես, աղայ, շատ վաստակի էսօր, շուտ զնացի տեղս, Ղազարն եկաւ, ասաց աղէն կանչում այ» (347), «Գիտես ախպէր Սատուր, ինչու քեզ էսէնց բիվախտ կանչեցի» (347)։

«Պարզաբանութեան» և «Արհեստ»-ի համեմատ «Գանձ»-ի լեզուն ավելի հակված է դեպի ժողովրդախոսակցականը կամ դեպի քաղաքացիական (ցիվիլ) հայերենը, ինչպես այն անվանում է Շրյոդերը¹⁰¹։ Դա արենելյայ ժողովրդախոսակցականն է՝ հարազատ արենելյան բարբառախմբին, գլխավորապես հենված արարատյան բարբառի վրա։ Նոր գրական հա-

¹⁰¹ Թաղաքիական հայերեն ասելով Շրյոդերը նկատի ունի աշխարհաբարը այն ժամանակվա բմբունմամբ, որ նշանակում էր և՛ միջբարբառային ժողովրդախոսակցական (այս դեպքում արենելյան), և՛ նրա գրավոր, ապելի գրականացված տարբերակը։

լերենում (գրավոր խոսքի մեջ), ինչպես արդեն ասել ենք, արենելյան ժողովրդական խոսքի ավելի շատ գործածումը միջին հայերեն-արենմտահայ տարրերի փոխարեն՝ զոյացնում էր գրական լեզվի արենելյան ճյուղը, ինչպես և արենմտահայ ժողովրդական խոսքի ավելի շատ գործածումը և գուտ արենելյան ձեռքի դուրս մղումը ձեավորում էր գրական լեզվի արենմըտյան ճյուղը։

«Արամեան լեզուին գանձ»-ի աշխարհաբար բնագրերում եղած բարբառային լեզվամիջոցների մի մասը (օրինակ, էական բայի ա ձեր) գրական արենելյայի հերենում հետազյում գրական հնչողություն շտացավ, մյուսները (օրինակ, էս ու էն-ը) միաուժամանակ բնկալվեցին որպես գրական ձեեր, բայց, ի վերջո, գրական լեզվի լիարժեք բաղադրիլներ շդարձան; բարբառային լեզվամիջոցների մի զգալի մասն էլ (օրինակ, զ, ից-ով բացառականը, ել-ով վաղակատարը, ում-ով հարազրական ներկան, էլ-ը և այլն) դարձան գրական արենելյահայերենի զլխավոր բաղադրիլներից՝ լիարժեք գրական հնչողությամբ։ Նույն կերպ արենմտահայոց գործածած գրավոր խոսքում գրական հնչողություն ստացան արենմտյան բարբառների մի շարք ձեեր (օրինակ, աս, աղ, ան-ը, ալ-ը, բսիլ-ը, բլլալ-ը և այլն)։ Մրանով նոր գրական հայերենի երկիրեղկումը որակապես նոր մակարդակի հասավ և ավելի ամրապնդվեց։

Շրյոդերը (և նրա հայերենի ուսուցիչները) այն ժամանակ դիտակցել են նոր գրական լեզվի երկիրեղկուլու այդ հակումը. զա երեսում է, օրինակ, այն բանից, որ թեև «Գանձ»-ի աշխարհաբարյան բնագրերում բավական շատ է դործածվում կու (կ)-ով ներկան (երրեմն գերակշռում է), բայց բայի խոնարհման հարացույցում տրված են միայն արենելյայ ներկայի ձեերը (զովում եմ, զովում ես և այլն, 314), իսկ կ-ով ձեերը դրված են միայն ապառնու մեջ (315)։ Ճիշտ այնպես, ինչպես արենելյայ գրականի՝ ավելի ուշ հաստատված ու բազմիցս նկարագրված կանոնում է։

«Արամեան լեզուին գանձ»-ի աշխարհաբարի համար, ըստ երեսույթին, արդեն կարելի է ասել, որ այն իրրե հիմք ունի արարատյան բարբառը։ Շրյոդերն այդ աշխարհաբարը սովորել է (կամ «վերցրել է») ազուլիսցիներից (վանանդեցի-

ներից), որոնք, բացի գրաբարից ու Ագուլիսի մայրենի բարբառից, բաշտեղյակ են եղել նաև արևելահայ ժողովրդախոսականին ու նրա դրական տարրերակին:

* * *

Յ. Շրյոդերը նոր գրական հայերենի բերականական կառուցվածքի առաջին նկարագրողն է: Միսիթար Սեբաստացին էլ առաջին հայազգի հեղինակն է, որ կազմեց նոր լեզվի բերականություն և տպագրեց «Արամեան լեզուին գանձ»-ից 16 տարի անց՝ 1727-ին¹⁰²:

Առաջինը ներկայացնում էր նոր գրական լեզվի առավելապես արևելյան ճյուղը, երկրորդը՝ արևմտյան:

Սեբաստացու գրքում բերականական նկարագրության մեջ արդեն արևմտահայերենի շատ բնորոշ հատկանիշ է հոլովման հարացույցում ներգոյականի բացակայությունը (տըրված է վեց հոլով՝ ուղղ., սեռ., տր., հայց., բաց., գործ., — էջ 10—36):

Հոգնակի ստացականը միայն ու հոլովիշն ունի՝ նացերու (ն), ազարակներու(ն), բղբերու(ն), գետիներու(ն), հաւերու(ն), ցրտերու(ն), իրիցներու(ն), դոներու(ն), զառներու(ն) օրերու(ն) և այլն (էջ 10—22), որ նույնպես բնդգծված արևմտահայ հատկանիշ է:

Եզակի բացառականը է հոլովիշով է՝ հացէն, ազարակէն, բղբէն, զետնէն (10—19) և այլն կամ ստացականի ձեռվ՝ հաւուն, ցրտուն, իրիցուն (10—19) և այլն, ցով արևելահայ բացառական չկա (բացառություն են ից-ով ասկից, ատկից ձեռքը, 181):

Կան արևմտահայ գրականին բնորոշ դարձած ուրիշ հոլովաձեռը, ինչպես՝ ամենուն, մէկֆանիի, զիս և այլն:

Ցուցականների արևմտահայ աս ու աղ-ը (բնագրում ատ)՝ նրանցից կազմված ասոր, ասոնք, ասոնց, ատոր, ատոնք, ատոնց (34—35), ասօր (81) ձեռքով, այս գրքում արդեն լիովին իրենց դերի մեջ են. ընդ որում, այդ գերը երբեմն տար-

¹⁰² Միսիթար Սեբաստացի, Դուռն բերականութեան աշխարհաբառ լեզուին հայոց. Հարադրեցեալ տաճկականաւ լեզուաւ, առ ի յօդուտ այնց հայոց, որք զտաճկական լեզու միայն գիտեն. և փափաթին ուսանի գաշխարհաբառ հայերէն. Վենետիկ, 1727, 149 էշ.

Բերակված է բնագրում զուգահեռաբար գործածված (80—90) այս ու այդ-ի և նրանցով կազմվածների դերերից:

Էլ բառաձեռը բնավ չկա, փոխարենը արևմտահայ ալ-ն է («ալ էւել գինի կուզէի» 86, «թշնամիթդ ալ որ թէ կամենանգալ» 88 և այլն):

Մին բառաձեռի փոխարեն գործածվում է մէկ-ը, էական բայի եզակի երրորդ դեմքի ա ձեռ չկա (ամենուրեք է-ն է):

Թայի ներկա (դրական) միայն կու (կ) եղանակիշ ունեցող համադրական ձեռքով է ներկայացված՝ կու վառեմ, կու վառես, կու մոռնանք, կաշխատիմ և այլն (39—75), վաղակատար ժամանակների անջատ հիմքը միայն արևմտահայ երվերջույթով է կազմված (կոչվում է հարակատար)` եղեր եմ, վառեր եմ, լացեր եմ, լացուցեր եմ (38—75) և այլն, ժխտական ներկան և պայմանականը նույնպես արևմտահայ ձեռվ, այսինքն՝ բ-ով կազմված անջատ հիմքով են հարադրվում՝ շեմ վառեր, շեմ լուանար, շեմ բողուր (73—75), շէ կարգը-եր (87) և այլն:

Գրքի աշխարհաբարում կան նաև արևմտահայ խոսքին բնորոշ մի շարք այլ բառաձեռը ու սղումներ, օրինակ՝ հարեր (15), սորվիլ (89), սօրվինք (80), մտերենիդ (88), մեզի (89), ձեզի (89), նիւրնդցայ (82) և այլն:

Ահա մի բանի հատկանշական արևմտահայ ամբողջական խոսքեր, որոնք բերված են գրքի խոսակցությունների մասում. «Աս տեղս եկաւ», «Ան տեղը մտաւ» (81), «Ինչ ատեն կու գաս» (82), «ան ատենն խոսեցայ» (82), «Երր որ կուզէ կուտամ» (82), «Որշափ առիր» (83), «Մէկ հեղ զարկաւ» (83), «Շատ հեղ բարկացուց զիս» (83), «Քո բարեկամներուդ իմացարէ, որ գան» (88), «Ուրեմն հիմիկուց ետև պիտի շասէք, թէ սօրվեցնօղ շունինք» (88), «Բայց դուք ալ պիտի շանաք» (88), «Եթե կարողութիւն ունիր նէ, այս գրգովս կու սօրվիր» (89), «Չատոնց գրած էի զասոնք ձեզի» (89), «Քիշ զժուարութիւն կու բաշէք զասոնք սօրվելու, զի ձեր գիտցած լեզուովն գրեր եմ» (89) և այլն:

Վենետիկի Ս. Ղաղարն արդեն 18-րդ դարում դառնում էր նոր գրական հայերենի մշակման կենտրոն: Խսկ այդտեղ գերազանցապես արևմտահայ բարբառների ներկայացուցիչներ էին՝ ավելի շատ կապված կ. Պոլսի և Անատոլիայի բաղադ-

ների, ինչպես և Հայաստանի արևմտյան շրջանների հայության հետո։ Հասկանալի է, թե ինչու Վենետիկում դարրնվող նոր գրական լեզուն արևմտահայ երանգ պիտի ստանար։ Նպաստեց նաև այն, որ նոր գրական հայերենի մշակման մյուս կարևոր կենտրոնը դարձավ Կ. Պոլիսը։

Երյողերի գորից մինչև «Ալգդարար»-ի հրատարակումը (1794) գրական արևելահայերենը միայն մեկ հրատարակության մեջ է մեզ հայտնի։ Մինչդեռ Սեբաստացու գրից հետո արևմտահայ աշխարհաբարով կամ արևմտահայ երանգ ունեցող դրական լեզվով եղել են մի շարք հրատարակություններ։ Եվ ընդհանրապես ամբողջ 18-րդ դարում տպագրվել է երկու տասնյակից ավելի աշխարհաբար գիրք (մի քանիսը՝ սոսկ աշխարհաբար հատվածներ ունեցող), դրանցից միայն երեքը արևելյան գրական լեզուն են ներկայացնում, մյուսները կամ լիովին արևմտահայերեն են, կամ ունեն արևմտահայ խոսքի գերակշռություն։

Ավելացնենք նաև, որ արևելահայ տպագիր խոսքի հիշյալ երեք նմուշներն էլ հատվածային բնույթ ունեն. մի դեպքում գերմանացի բանասերն իր լատիներեն գրքում աշխարհաբարի մի քանի օրինակ է զրել, մյուս դեպքում Կղեռպատրա Սարաֆյանն է գրաբար-ռուսերեն ձևոնարկում նոր գրական լեզվից մի երկու կտոր բերել¹⁰³, երրորդ դեպքում գրաբար «Ալգդարար»-ի մեջ Հարություն Շմավոնյանը գետեղել է գրական արևելահայերենի առանձին հատվածներ։ Մինչդեռ 18-րդ դարից ունենք շուրջ 15 հրատարակություններ, որոնք պարզապես գրեթե են՝ ամբողջությամբ գրված նոր գրական լեզվի արևմտյան տարրերակով և հասցեագրված հայ ընթերցողին։ Այդպիսի գրքեր ամբողջ 18-րդ դարում արևելահայ գրական լեզվով շեն հրատարակվել։ Իսկ 1800 թվականին սկսեց լույս տեսնել (Վենետիկում) հայերեն երկրորդ պարբերականը (գրաբար «Ալգդարար»-ից հետո), դարձյալ գրական արևմտահայերենով։

Պետք է տարրերել գրական արևմտահայերեն և նրան մոտեցող (դեպի այն հակված) լեզվական որակները, քանի որ 17-րդ դարի մեջ հրատարակված գրքերի արևմտահայերենը միասնական գրական լեզվից շեղվելու տարրեր աստիճան-

¹⁰³ Խոսքը Կղեռպատրա Սարաֆյանի «Բանալի գիտութեան» գրքի մասին է (տե՛ս ստորև)։

ներ ունի։ Երրեմն պահպանվում են 17-րդ դարի ավանդները։ Հեղինակները, գրաբարյան տարրերի մեծ քանակ օգտագործելով, նվազեցնում են նոր լեզվի հակումը դեպի արևմտյան խոսքը։ Արդյունքը թեև չի լինում ընդհանուր նոր հայերեն գրական լեզուն, ինչպես ունենք «Պարզաբանութեան» դեպքում, և արևմտահայ տարրերը այնուամենայնիվ գերակշռում են արևելահայերենի նկատմամբ, բայց այդ գերակշռությունը համեմատաբար փոքր է լինում։ Այլ դեպքերում արևմտահայ լեզվատարրերի գերակշռությունն այնքան ուժեղ է, որ խոսքը բացարձակորեն վերաբերում է նոր գրական լեզվի արևմտյան ճյուղին։ Առաջին կարգի գրքերը սովորաբար հրատարակված են 18-րդ դարի առաջին կեսում, երկրորդները՝ դարի երկրորդ կեսում։

Հիշենք գրական արևմտահայերենով (կամ նրա որոշ գերակշռությամբ) գրված ու տպագրված գրքերից մի քանիսը (մոտավոր ժամանակագրական կարգով)։ Միսիթար Սեբաստացու «Գիրք բրիստոնէական վարդապետութեան»-ը (Վենետիկ, 1727, 1732, 1771 թթ.), Հ. Նալյանի «Գիրք կոչեցեալ բրիստոնէական»-ը (Կ. Պոլիս, 1737), Նույն հեղինակի «Գիրք կոչեցեալ զէն հոգեոր»-ը (Կ. Պոլիս, 1757), Տրիեստի Միսիթարյանների կաղմած գրքերից՝ «Քրիստոնէական վարդապետութիւն համառօտ»-ը (Տրիեստ, 1776) և «Կարճառօտ բրիստոնէական»-ը (Տրիեստ, 1788), մի քանի այրբենարաններ, այնուհետև դարձյալ Կ. Պոլսի հրատարակություններից՝ «Տեսրակ», որ կոչի ակնոց աշաց»-ը (1780), և դարձյալ վենետիկյաններից՝ Խ. Սյուրմելյանի «Համառօտ թուաբանութիւն»-ը (1788), Ղ. Ինճիճյանի «Տեսութիւն համառօտ հին և նոր աշխարհագրութեան»-ը (1791) և այլն։

18-րդ դարի գրական արևմտահայերենի պատկերն ավելի լրիվ դարձնելու համար ստորև հատվածներ ենք բերում վերոհիշյալ գրքերից շորսի լեզվից (ըստրել ենք տարրեր ժամանակ գրված և տարրեր նյութերի վերաբերող գրքեր)։

Նախ երկու հատված Միսիթար Սեբաստացու «Գիրք բրիստոնէական»-ից¹⁰⁴, Այս գիրքն առաջին անգամ լույս է տեսել

¹⁰⁴ Գիրք բրիստոնէականի վարդապետութեան։ Հարադրեցեալ աշխարհաբառ լեզուաւ, աշխատասիրութեամբ Տեսոն Միսիթարայ վարդապետի Սեբաստացու, Արբահայր կոչեցելոյ։ Վենետիկ, 1771, 120 էջ։

1727-ին, ուստի գրվել է 1720-ական թթ., բայց քաղվածքը բերում ենք նույնի 1771-ի հրատարակությունից, բանի որ նախորդ երկու հրատարակությունները երևանի դրադարաններում չկան. «Սուլութիւն այն է, որ մարդու բարի դործքերուն և հոգնոր բաներուն վերայ կու տրտմի. և իրեն դժուար կու գայ անանկ բաներն. և ասանկ տրտմելով և դժար գալով՝ կու հետեւի, որ յետ կենայ բարի գործքէն և հոգնոր բաներուն ինչպէս են այն մարդիքն, որ հինգ ժամ դամ դատարկաբանութիւն լսեն նէ, դժար շի գար իրենց և շեն նեղիր...» (89):

Մերաստացու այս գրքի արևմտահայերենը թեև ունի աս, աղ, ասանկ, անանկ, գործերուն, բաներուն, ինչպէս և ալ-ը («սրտին մէջն ալ սուտ վկայութիւն պիտի շտրւի» 62), բայց զեռս իշխում է ոչ թե ըլլալ-ը, այլ լինիլ-ը («Եւ ասկից կու ժնանին այս մեղքերս. մտօք կոյր լինիլ. միտք անելու բանն շմտածել. անհաստատ լինիլ...» 93), գործածվում է մի-ն և ոչ արևմտահայերենին բնորոշ մր-ն: Օրինակ, այստեղ էլ ունենք մէկ (կամ մին) և մի բառերով կազմված այն կաղապարը, որն, ինչպէս տեսանք, շատ բնորոշ էր 17-րդ դարի միասնական նոր գրական հայերենին. «Խոհեմութիւն մէկ առաքինութիւն մին է» (100), «Արդարութիւն մէկ առաքինութիւն մին է» (103), «Բարեխառնութիւնն մէկ առաքինութիւն մի է» (104) և այլն:

Դեպի արևմտահայ խոսքը թեքումը գուցե ավելի փոքր է շակոր նալլանի Քրիստոնեականի¹⁰⁵ լեզվում: Բերում ենք մի նմուշ այդ լեզվից. «... շատ անգամ սուտն ճշմարիտ կու ձեւանայ, և մարդ խաֆիլ կու գտնըվի և ճշմարիտ երդվիլն իթէն սուտ կերդվի. զէրէ թէհիրէլի է աշխարհիս ինամութիւն: Անոր համար ասաց. թէ ամենսկին մի՛ երդնուր. եթէ ոչ կատարեալ վերահասու և վուլսուֆ լինիս ճշմարտութեան: Ութերորդ խրատն է հեռացընելն ի պատճառէ մեղաց: Անոր համար կասէ քի, եթէ ակն քո գայթակղեցուցանէ զքեզ՝ հան զնա. այսինքն՝ թէ որ բարեկամ մի ունիս աշացդ պէս սիրելի և թէ սէնահէթ ունիս ձեռացդ պէս պիտանի և թէ ծառայ ունիս ոտիցդ ծառա-

¹⁰⁵ Գիրք կոչեցեալ քրիստոնէական ուսանելի և կամ քրիստոնէից վարժիւ... Եարադրեալ աշխարհարառ ոնիւ ի Յակոբ վացդապետէ զմիւնացուր. Պոլիս, 1737, 429 էլ.

յոդ, որ քեզ պլորման պատճառ կու լինին՝ կտրէ դայն բարեկամութիւն» (201—202):

Նալլանի լեզվում արևմտահայ մի շարք ձևերի փոխարեն ավելիի շատ են գործածվում գրաբարյան ձևեր. օրինակ՝ բացարձակորեն գերակշռում են այս, այդ, այն-ը և նրանցով կազմվածները՝ «այսպէս և մեք նորայ սուրբ արեամբն սըրբ-վեցաք» (11), «այսով իմանամբ» (19), «երրորդ աստիճան էր այս» (38), «Այս ևս գիտելի է» (39), «Չորրորդ աստիճան էր այս», «Լաքին այն մեղքն զԱստուծոյ բարութիւնն չի կարացին յաղթել» (43), «Այսպէս պէտք է մարդուն սէզմիշ անել» (81), «և այլ այսպիսիք շատ կան» (97), «նոյնպէս և այսօր» (463) և այլն: Աս, աղ, ան-ով բաղադրվածներից միայն անոր բառն է որ հաճախ է գործածվում, օրինակ՝ «անոր սըրբվելովն սըրբվեցան» (223, տե՛ս նաև վերը բերված բաղվածքում): Արևմտահայ ալ ձևը շատ քիլ է հանդիպում, նույն իմաստով գրաբարյան այլ-ն է գործածված՝ «այսպէս ինքն այլ շի պիտիր աշք զարնէ այլոց կանայս» (177), «և զայն այլ շեմ գիտեր» (405), «Այլ առաւել յիմար է, որ ի մէկ մարդոյ մի ամաշէ» (275) և այլն: Ամենուրեք իշխում է մի-ն (արևմտահայ մը-ի փոխարեն): Մին (մէկ)... մի վերոհիշյալ կաղապարն այս գրքի լեզվում ամենուրեք մէկ... մի ձեռվ է արտահայտված, ինչպէս՝ «մէկ մարդ մի ի հիւմմայէ պառկած լինի» (222), «մէկ սաղ մարդ մի ի տես զնալն բռնըվի» (222), «մէկ բահանայ մի որ զհացն և զինին ի ձեռն առնէ» (306) և այլն: Իշխում է լինել (լինիլ)-ը, և ոչ ըլլալ-ը. «Աէրին պիտիր լինի» (74), «զորս բան պիտի, որ կատարեալ լինի» (306, տե՛ս նաև վերը բերված բաղվածքներում):

Թեև հոգնակի ստացականի ու-ով զուտ արևմտահայ ձեւեր կան («ի հրեշտակներուն բարեխօսութիւն» 72), բայց ավելի հաճախ են գործածված գրաբարյան նույնարժեք ձևեր, ինչպէս՝ «կամեցողաց կուսուցանէ» (7), «զնոր հաւատացելոց անունն քրիստոնէայ կոչեցին» (8), «մէկ մարդ մի, որ ի մէջ մեղաց որ լինի» (73) և այլն:

Թեև գրաբարի օգնությամբ նալլանն աշխարհաբարը կարողացել է ավելի ընդհանուր հայկական մակարդակում պահպանել, բայց դա միաժամանակ պակասեցիլ է հասկանալիության աստիճանը: Մյուս կողմից, նոր փոխառությունների

(գլխավորապես թուրքերնից կատարված) առատությունը հաճախ ուժեղ է զգացնել տալիս Պոլսի բարբառը (օրինակ, «Զերէ պազի քէրէթ մարդ յիր խուվէթն ապաւինելով առանց միշավէրէի շատ պէրզաներու կու հանդիպի. լաքին զմարդու խուվէթն միշավէրէն կու կառավարէ»¹⁰⁶ և այլն):

Արևմտահայ խոսքի ակնառու գերակշռությունն առկա է դարի երկրորդ կեսում ստեղծված և տպագրված մի քանի երկերի լեզվի մեջ: Ահա Խաչատուր Սյուրմելյանի «Համառոտ թուարանութիւն»¹⁰⁶ գրքի սկզբունքը: «Թէպէտ մեր ազգին մէջ տպած գրաբառ թուարանութիւն մը ելաւ, որ երկար ու տեղն ի տեղը թուարանական արհեստին վրայ լաւապէս գրած է, բայց գրաբառ ըլլալով, բազումք շեն կրնար խօլայ ու շիտակ հասկընալ: Անորհամար շատ մարդիկ կը բազմային, որ աշխարհաբառ լեզուաւ մէկ համառոտ թուարանութիւն մը ըլլայ: Որպէս զի ասօր վրայ վարժելով, մէկ դուռ մը կը լայ աս նաև գրաբառ թուարանութեանը, որ խօլայ ու շիտակ հասկըցուի» (3):

Սա ժամանակի գրական արևմտահայերենն է. այս հատվածում միայն առկա են միասնական գրական լեզուն երկփեղկող մի շարք լեզվամիջոցներ, ինչպես անորհամար, աս, ասոր, ըլլայ, ըլլալով, չեն կրնար, հասկընալ, հասկըցուի, սորվըցնօղները, մը և այլն: Ուշադրություն է հրավիրում մին (մէկ)... մի կազապարի լիովին արևմտահայ բնույթ ստանալը՝ «մէկ համառոտ թուարանութիւն մը», «մէկ դուռ մը»: Այս գրքում հոգնակի ստացականն էլ արդեն հիմնականում ու հուվիշով է կազմվում՝ նիսապներուն (5), փարաներուն (14), համրանեներուն (53), կտորներուն (61) և այլն:

Արևմտահայ կենդանի խոսքի և միջին հայերենի քերականական ընդհանրությունները (ներկայի կազմություն, բացառական և այլն) պահպանված են, դուրս են ընկած միջին հայերենի ու գրաբարի այն լեզվատարբերը, որոնք տարբեր են արևմտյան բարբառներից ու ժողովրդախոսակցականից:

¹⁰⁶ Խ. Սյուրմելյան, Համառոտ թուարանութիւն աշխարհաբառ: Վենետիկ, 1788, 160 էջ:

(առկա էին «Պարղաբանութեան» լեզվում): Գրքի լեզվում կան նաև արևմտյան բարբառներից (գլխավորապես Կ. Պոլսի բարբառից) եկող ուրիշ լեզվատարբեր, ինչպես՝ ասանկ (14), անանկ (50), լըմբնեայ (21), քըէ (20), քրինէ (23), բսինէ (25), բածնեցինէ, զիտնալ (43), նոս (21), ատեն (44) և այլն: Այս լեզվատարբերը, ստանալով գրական հնչողություն, դարձան նոր գրական հայերենի արևմտյան ճյուղի հաստատուն բաղադրիչներ: Բայց այս գրքի լեզվում կան նաև բարբառներից եկող այնպիսի լեզվամիջոցներ, որոնք հետո պիտք է դուրս գային գրական լեզվից: Դրանցից են բավական հաճախ գործածվող բարբառային նոր փոխառությունները (հիմնականում թուրքերներ): Գրքի լեզվում բարբառային-խոսակցական մի շարք ձևեր էլ ընդհանուր նոր գրական են և նույնանում են արևելյան գրականում հետագայում հաստատված ձևերի հետ (մենք, վրա և այլն):

Խ. Սյուրմելյանի գրքի լեզվի այս հակիրճ պատկերի մեջ անդամ կարելի է նկատել նաև նոր գրական հայերենի արևմրտահայ ճյուղի կանոնավորման բնույթը:

Գրական արևմտահայերենի կանոնավորումն ավելի լավ դիտելու տիսակետից հետաքրքրական է հեղինակի մի բացատրությունը. «... մեր ազգին մէջ ալ շատ տարբեր ու զանազան աշխարհաբառ կերպ կայ խօսելոյ, և գրեթէ ամմէն քաղաք կամ ամմէն գաւառ մէկ զմէկէ տարբեր կը խօսին, բայց մենք միշակ կերպով ջանացինք դրել, որ բազումք խօրայ կարենան հասկընալ: Եւ տեղիս տեղիս նաև տաճկի բառեր բանեցուցինք, որ գրեթէ ամմէնուն հասկանալի է» (3):

Այսպես, շատերին հասկանալի լինելու գգոռումն ավելի ժողովրդային էր դարձնում խոսքը, բայց հայ ժողովրդի պայմաններում զա նպաստում էր ընդհանուր գրական լեզվի ավելի խոր երկփեղկմանը:

Գրեթե նույն բնույթի է Ղուկաս Ինճիճյանի՝ 1791-ին հրատարակված «Աշխարհագրութեան»¹⁰⁷ լեզուն: Ահա մի նմուշ. «Աշխարհիս կլոր ձեռվ ըլլալը կցըցնէ իրեն շուրջ, որ կլոր ձեռվ կղարնէ լուսնին վրայ խաւարման ատենը. կցըցնէ նաև ան երեկի նաւապետներուն ճամբորդութիւնը, որ բոլոր աշ-

¹⁰⁷ Ղ. Ինճիճյան, Տեսութիւն համառոտ հին և նոր աշխարհագրութեան: Վենետիկ, 1791, էջ 146:

խարք ծովով պարտեցան միշտ դէպ ի արևմուտք նաւելով. վասն զի ինչպէս որ դէպ ի արևմուտք նաւելնին պատճառ եղաւ, որ առաջի նաւահանգստէն ելան հեռացան, անանկ ալ նոյն դէպ ի արևմուտք նաւելնին պատճառ եղաւ, որ դարձեալ ան նաւահանգիստը հասան, որ չէին կըրնար անանկ միշտ մէկ զի նաւերով հասնիլ առջի ելած տեղերնին, թէ որ աշխարքս կըր ըլլար...» (q):

Խ. Սյուրմելլանի դրբի հետ միասին (1788 թ.) Պետերբուրգում լույս է տեսել Կղեռպատրա Սարաֆյանի «Բանալի շիտութեան»-ը¹⁰⁸, որը հիմնականում հայ-ոուսերին և ոուսչայերին բառարան է (գրադիցնում է դրբի 240 էջը), իսկ վերջում ունի իսուակցարաններ (հայ-ոուսերին), որոնցից մեկը (245—256) նոր գրական լեզվով է (հայկական մասը), բայց գրական արևելահայերին: Ահա մի քանի նմուշ այդ լեզվից. «Ի՞նչ են առնում նոցա որք իւրիանց դասն չեն սերաել: — Ռւսուցիչն նոցա սլատմում է րստ իւր կամացն: — Ինչ եք առնում դուք յետոյ: — Ռւսուցիչն ուղղում է այն, որ ինչ ինքն տալիս է մեզ շինել տանն: — Զէ՛ այդպէս լինելոց է շատ ժամանակ (246): — Նա տալիս է մեզ միշտ ինչ որ լինի ուսանիլ առունց զիր (247): — Վասն է՛ր այտապէս շուտ ճաշեն այսօր: — Վասն այն, որ հրամանոցդ մեծ եղրայրն պարտ է զնալ գիւղն: — Ապա ուստրաստէ կերակուրն: — Հրամել ես, տէր իմ, ահա նստեալ են ի սեղան (248): — Եռունիմ պատիւ բմպելոյ վասն հրամանացդ ողջութեանն (249): — Այս մեղրն շատ լաւ է: — Զէ, իմ պարոն, ես շունէի ժամանակ ուսանելոյ այն: — Վասն այն, որ ես բոլոր օրն ընդ մօրս հիր էի (250): — Երբեք ոչ է պիտոյ, որ ուրախութիւնն մեզ հարկադրէ թողուլ մեր պարտականութիւնն (253): — Զի լինիլ փոշիմանութիւն հրամանացդ, երբ հրամանքդ շես կարող երբեք նորա ոշինչ ծառայութիւն ցոյց տար: — Ես ինքս ինձ անտես կառնէի, եթէ գտանէի ինձ ի մէջ այտափիսի բանի: — Հրամանքդ յոյժ բարուր հս դատում՝ ապա այտ չէ բաւական. հետեիլ ընդ այն և ընթանալ հարկ է: — Այս է առաջին պարտականութիւն մարդոյ՝ որ ծառայէ իւր հայրենեացն» (255):

¹⁰⁸ Կղեռպատրա Սարաֆյան, Չիրք. որ կոչի բանալի գիտութեան. Պետերբուրգ, 1788, էջ 285:

Այս լեզուն 17-րդ դարի մեզ ծանոթ գրքերի նոր դրական հայերենից տարրերվում է նախ նրանով, որ այլնս շունի գուտ միջին հայերեն-արհեմտահայ լեզվամիջոցներ: Լեզվի դրական մակարդակը գլխավորապես պահպանվում է դրային-դրարյան լեզվատարրերի օգտագործմամբ: Օրինակ, այս աշխարհաբարում բոլորովին շկա բայի կու (կ)-ով համադրական ներկա (կամ անցյալ անկատար), բոլոր ներկաները արևելյան բարբառներին հատուկ վերլուծական ձևով են կազմված (անում են, ուղղում է, տալիս է և այլն), մինչդեռ գրաբառի հետ առնչվող գրային ձևերի առատություն կա՝ սկսած դերանվանական ձևերից՝ նոցա, իւր, իւրեանց, նորա, որք, այս, այդ, այն, այդպիսին և այլն, մինչև բայաձեւը ու հոլովաձեւը՝ լինելոց, բմպելոյ, ուսանելոյ, գտանեի, մարդոյ, հայրենեացն:

Գլխավորապես արաբատան բարբառի հիմքի վրա ձևավորված այս լեզուն, իհարկե, ժողովրդական կենդանի խոսքից շատ է հեռացած և նախատեսակն է այն գրական հայերենի, որը շուրջ յոթ տասնամյակ հետո պետք է իշխեր նուսասանի հայերեն հրատարակություններում (մասնավորապես՝ «Հյուսիսափայլ» և «Ճռաքաղ»): Սարաֆյանի պետերբուրգյան աշխարհաբարի որոշ գրաբարյան կամ գրաբարանման արտահայտություններ, բառաձեւը (բոլոր օրն, ոչ է պիտոյ, ոռշինչ ծառայութիւն ցոյց տալ): «Գտանեի ի մէջ այդպիսի բանի», «Ճռայէ իւր հայրենեացըն» և այլն) հնտագայում հատկանշական դարձան հյուսիսափայլյան անվտնվող լեզվի համար:

Կղեռպատրա Սարաֆյանի դրբի աշխարհաբարը վկայություն է այն բանի, որ նոր գրական հայերենի արևելյան ճյուղը թեև 18-րդ դարի տպագիր հրապարակումների մեջ արեմտյանի համեմատ շատ շնչին շափով է երեացել, բայց և այնպես զործածվել ու մշակվել է: Եթե Սարաֆյանի բերած նոր գրական լեզվի նմուշները գերազանցապես արարատյան բարբառի հիմքի վրա էին արևելյան բնույթ ստացել, ապա մի բանի տարի անց Մադրասում «Ալղջարար»-ի առանձին էջերում տեղ գտնող գրական հայերեն հատվածները գրական արևելյայերենի նորուղայական տարբերակն էին ներկայացնում: Վերջինս նույնպես, թեև 18-րդ դարի տպագիր խոս-

բում իրեն զգացնել շէր տալիս, բայց ամբողջ դարի ընթացքում գործածվում էր մե՛րթ ավելի շատ թերվելով դեպի բարբառ, մե՛րթ դեպի զրաբարբ:

Ստորև բերում ենք «Ազգարար»-ի մեջ գործածված այդ լեզվից մի օրինակ. «Մին առակ կասեն. պառաւն ժամ չգնաց, յերփ գնաց, շունն ոտն կծէց: Այժմ իմ բանն այ. բազում ժամանակ էր, որ յառաջ ասացէլ ամ ցանկաման ի Ազգարարումըն բան դուել, շէր յաջողման, յերփ գրեցի, մին տարարախտութեան հանդիպեցայ: Էսպէս որ ջրօրհնէք առաւտն գնացի բարեկամիս շնորհաւորել, տեսի նստած Ազգարար էր կարդան և ինձ տեսանելէն գլուխըն կոռ գծեց՝ աշկերն խառնած, և կարծեմ, թէ էնպէս հանդիսաւոր օր շինէր, կարելի էր յերկարից ինձ վերայ բարկանէր»¹⁰⁹:

* * *

Եվ այսպես. միասնական նոր գրական հայերենը փլուզվեց, գրաբարի ու միջին հայերենի օգնությամբ հնարավոր շեղավ պահպանել այդ միասնությունը. նոր գրական լեզուն բաժանվեց հիմնականում երկու ճյուղի՝ հայության երկու հատվածները, նրանց լեզվական գրավոր առանձնահատկությունները ներկայացնող կեզվական այդ բաժանումով հայոց կյանքում շատ երեսյթներ ու տեղաշարժեր պայմանավորվեցին, զրանով պայմանավորվեցին նաև հայոց նոր մշակույթի, գեղարվեստական զրականության զարգացման երկու ամենից ավելի գլխավոր ուղիները՝ արևմտահայ, արևելահայ:

Եղել են և կան տարբեր կարծիքներ այդ երկփեղկման վերաբերյալ, արվել են և արվում են բազմաթիվ գործնական առաջարկներ այն վերացնելու նպատակադրմամբ:

Երբ 19-րդ դարում հայոց գրական լեզվի երկճյուղությունն արդեն ավարտված իրողություն էր, հայ գրագետներից շատերը սկսեցին մտահոգվել և երկու ճյուղերի միացման դեղատոմսեր առաջարկել: Այդպիսի առաջարկներ հատկապես շատ էին արվում: 19-րդ դարի վերջերին և ներկա դարի սկզբներին ու մինչև օրս էլ այդպիսիք շարունակում են արվել: Երկու ճյուղերի միաձուլման զարգափարն առաջ է քաշվել ու պաշտպանվել, օրինակ, Մ. Զերազի, Ե. Տեմիրճիպաշ-

յանի, Մ. Արեգյանի¹¹⁰, Ա. Չոպանյանի, Լ. Շանթի և շատ ուրիշների կողմից: Հ. Աճառյանն ընդհանուր գծերով ներկայացրել է այդ հարցի պատմությունը (հատկապես խոսելով Մ. Արեգյանի, Գ. Արծրունու, Ս. Մանդինյանի, Գ. Վանցյանի, և. Վեմյանի կարծիքների մասին):¹¹¹ և այժմ հարկ չկա կանգ առնելու միաձուլման մասին հայտնված զանազան տեսակետների վրա: Ասենք միայն, որ այդ տեսակետների ելակետը մեկն է, այն, որ հայ ժողովրդի համար երկու գրական գլեզու ունենալով շարիք է կամ առնվազն մեծ անհարմարություն. եղբակացությունն էլ նույնն է՝ պետք է այդ երկու գրական գլեզուները միացնել կամ միաձուլել լեզվական (հնչյունաբանական, բառոգտագործման, քերականական) փոխզիջումների միջոցով: Միայն՝ սկզբմնապահությամբ ոմանք արևմտահայերնից են ավելի շատ զիջումներ պահանջել, ոմանք՝ արևելահայերնից, և միաձուլման առաջարկների տարրերություններն էլ, ըստ էության, այդ սկզբմնապահություններից բնույթով ու շամփով են պայմանավորված: Նույնպիսի տեսակետներ (դարձյալ սկզբմնապահություններով հանդերձ) այժմ էլ են հայտնում, մատնանշում են անգամ կեռն Շանթի կամ վահրամ Փափաղյանի երկերի լեզուները իբրև այդ միաձուլման գործնական իրականացման հաջող օրինակներ:

1906 թ. Հ. Աճառյանը որոշակիորեն գրեց, որ հայ դրական լեզվի երկու ճյուղերը միացնելու առաջարկներն ու շանքերը անիմաստ են, և նման միաձուլման որևէ հնարավորություն բացառված է:¹¹²

Սակայն այս տեսակետը քիչ պաշտպաններ ունեցավ: Նրանցից մեկն էր և. Աղայանը, որը նաև որոշ սրվածություն տվեց հարցին. «Կարծել, թե այդ երկու գրական լեզուների տարրեր քերականական երեսյթների խառնուրդով կարելի

¹¹⁰ Խորհրդածությունների տեղիք է տվել Մ. Արեգյանի Հոդվածը՝ «Մեր գրական լեզվի միության խնդիրը» («Արարատ», 1906, էջ 37—40): Արեմբառահայ մամուլում նույն և հարակից հարցերի մասին տպագրված հոդվածներից տե՛ս. օրինակ, «Բաղմավնպ», 1898, էջ 174—179, 373—376, 1899, էջ 133—196, 1901, № 4—5, «Անահիտ», 1902, № 6, 1903, № 1, 5, 1911, № 3—4 և այլն:

¹¹¹ Հ. Աճառյան, Հայոց լեզվի պատմություն, մաս 2, էջ 547—568:

¹¹² Հ. Աճառյան, Պատմություն հայոց նոր գրականության, Վաղարշապատ, 1906, էջ 37—40:

¹⁰⁹ «Ազգարար», 1795, էջ 23 (ուղղագրությունը պահպանված է):

կիմի ստեղծել մի ընդհանուր լեզու, առնվազն միամտություն է»¹¹³:

Նոր գրական հայերենի երկու ճյուղերի միաձուլումը մենք համարում ենք իրական հիմք շունեցող զաղափար, որն առաջ-ժըմ մարմնավորվել է սոսկ անպտուղ ծրագրերի ու վեճերի մեջ, երբեմն էլ հանգեցրել արևելահայ-արևմտահայ անմիտ և վնասակար հակադրումների կամ նրանց սրման¹¹⁴:

Երկու ճյուղերի միաձուլումը, ասացինք, հնարավոր ևն համարել նաև անվանի ոչ թիշ բանասերներ և արել ևն գործնական առաջարկներ. դա կատարվել է ազգային բարի գործ կատարելու մղումով և, հավանաբար, լեզուների, նրանց բարբառների ու տարբերակների պատմության ոչ բավարար հաշվառմամբ: Այդ պատմությունը ոչ մի այնպիսի դեպք չի նշում, երբ նախապես կազմված ծրագրով, փոխղիշումներ կատարելու միջոցով իրար միանան երկու կենդանի լեզուներ կամ մի լեզվի երկու գործող տարբերակներ:

Այս հարցը մասամբ առնչված է լեզուների ու բարբառների խաչավորման առեղծվածի հետ: Մենք դժվարանում ենք հավատալ երկու լեզուների այնպիսի խաչավորման հնարավորությանը, որը հանգեցնում է մի նոր լեզվի զոյացման: Դժվարանում ենք՝ ամենից առաջ նման փաստի ծանոթ չլինելու պատճառով: Եղած փաստերն ասում են, որ լեզուները միմյանցից կատարում են բառային փոխառություններ, երբեմն շատ մեծաքանակ, կատարում են նույնիսկ ածանցների, բառակերտման որոշ միջոցների ու ձեերի, քերականական իրողությունը: Երբ որևէ ժողովուրդ զաղարում է իր լեզվով խոսելուց մի այլ ժողովրդի լեզու որդեգրելով: Սրա օրինակներն էլ շատ են և հանրահայտ, և սա էլ կապ չունի լեզուների խաչավորման հետ: Հավանաբար նույնը պետք է ասել բարբառների մասին՝ ինչ-ինչ լրացումներով: Եթե լեզուների և

բարբառների տարբերային խաչավորումը հավանական չէ, ապա աներեակայելի է հայության բարբառային երկու գլխավոր խմբերը ներկայացնող, լեզվական տարբեր միջավայրերում սնված գրական երկու ճյուղերի նախապես ծրագրված խաչավորումը:

Լեզուների կամ մի լեզվի տարբերակների, բարբառների միջև կատարվող փոխադարձ ներթափանցումների, նաև խաչավորման հարցերը շատ կողմերով պարզված չեն: 17-րդ դարի միասնական նոր գրական հայերենի առիթով այս հարցերի վերաբերյալ որոշ նկատառումներ վերը շարադրեցինք: Այժմ պետք է ավելացնենք, որ 17-րդ դարում միասնական նոր գրական լեզվի գոյության փաստը հիմք չի տալիս մտածելու, որ այժմ կարելի է միասնական գրական հայերեն ստեղծել՝ երկու ճյուղերի միացմամբ: Նոր գրական լեզվի միասնական վիճակը 17-րդ դարում ուներ իր հիմքերը, որոնցից են՝ հին ու միջին գրական լեզուների ավանդույթի շատ ավելի մեծ ուժը (այժմյան համեմատ) հայության տարբեր հատվածների մեջ, լեզուն միասնականացնող տարբերի ավելի մեծ քանակը ժողովրդախոսականում, նոր գրական հայերենի գործածման շատ փոքր ուրոտը և այլն: Այժմ այս հիմքերը չկան: Բոլորովին չկա միջին գրական հայերենի ավանդույթի ուժը, շատ է թուլացել գրաբարյան տարբերի նոր գործածությամբ լեզվական միասնություն ստեղծելու գործոնը, լեզվական երկու՝ արևմտյան և արևելյան միջավայրերի գոյությունը: Գրական հայերենի երկու ճյուղերը սնող արմատներ ունեն՝ յուրաքանչյուրը այդ միջավայրերից մեկում: Անցած ավելի քան 250 տարվա ընթացքում պատմական զարգացումը նոր գրական հայերենի երկու ճյուղերը անընդհատ միմյանցից հեռացրել է, և այժմ նրանց ինչ-որ որոշումով կամ ծրագրով միացնելը անհնար է: Կարծում ենք, հնարավոր է մերձեցումը, և իրապաշտական են մերձեցման ուղղությամբ արված ջանքերը, ինչպես որ անիմաստ է խաչավորում ծրագրելը:

Հնարավոր է, որ նոր գրական հայերենի երկու ճյուղերը բառային փոխանակումներ անեն, ինչպես որ արել են, հնարավոր է, որ այդ փոխանակումների քանակը մեծանա, նույնիսկ կարող են փոխանակել առանձին արտահայտություններ,

¹¹³ Է. Աղայան, Հայոց լեզվի մշակման ու հարստացման և բարբառների մասին. «Սովոր», գրականութ., 1963, № 6, էջ 112: Այս հարցի մասին տե՛ս նույն հեղինակի հոդվածը «Երեան», 1962, ապրիլի 28:

¹¹⁴ Նոր գրական հայերենի երկու ճյուղերի միաձուլման անհնարինության մասին մեր նկատառումները տե՛ս «Սովորական Հայաստան» (Հանդես), 1969, № 4, «Հայրենիքի ձայն», 1969, № 3, 4:

գերականական ձևեր և այլն։ Բայց ամեն դեպքում դա խաշավորում չի լինի. երկճյուղությունն այդպիսի փոխանակումներով չի վերանա։

Երկճյուղությունը կարող է վերանալ լեզվական ուժացման միջոցով, եթե պատմական որոշ հանգամանքներում ճյուղերից մեկը գործածող հայությունը սկսի գործածել մյուս ճյուղը, որը և կդառնա միակը։ Այդպիսի ձուլման մասնակի օրինակներ կան. այսօր շատ հայեր, որոնք գործածել են արևմբույան գրականը, անցել են արևելյանի գործածմանը։ Ավելի շատ են բարբառային ուժացման դեպքերը, երբ բարբառային նոր միջավայր գաղթած շատ հայեր սեփական բարբառը մոռանալով սկսեցին խոսել նոր վայրերի բարբառներով։

Բայց մեզ անհրաժեշտ չափով հիմնավորված չի թվում այն տեսակները, ըստ որի անպայման, վաղ թե ուշ հայ նոր գրական լեզվի արևմտյան ճյուղը պետք է դառնա անգործածելի ու նրանով խոսողները պետք է որդեգրեն արևելահայերներ։ Պատմաբաղաբական իրավիճակից (Արևմտահայաստանի հայալորկում, արևմտահայության ցրվածությունը տարբեր երկներում, ներգաղթ գեպի և որհհրդային Հայաստան և այլն) բխեցվող այս կարծիքը, որքան էլ հավանական թվա, ըստ երևութիւն, գիտական կանխագուշակում դառնալու համար բավարար հիմք չունի։

Վերը մենք հիշեցինք Հ. Աճառյանի և է. Աղայանի կարծիքները երկու ճյուղերի միացման անհնարինության մասին, որոնք հիմնականում համոզիլ են։ Բայց բավարար չափով համոզիլ չի թվում այդ տեսակետի մյուս մասը, մանավանդ այն հայտնելու հաճախ շատ կտրական եղանակը, ըստ որի գրական լեզվի արևմտյան ճյուղը վաղ թե ուշ պիտի մահանա, և արևելյանը դառնա միակ համազայինը¹¹⁵, իսկ ըստ որոշ ձեռակերպումների՝ իրը վերջինս արդեն դարձել է հայության գրական լեզվի միակ տարբերակը¹¹⁶։ Այս կարգի մի շարք կանխագուշակություններ են արվել¹¹⁷։ Այդպիսի

¹¹⁵ Հ. Աճառյան, Հայոց լեզվի պատմություն, մաս 2, էջ 553, է. Աղայանի վերը նշված հոդվածները։

¹¹⁶ «Աշխատությունների ժողովածու», 2002 ԳԱ լեզվի ինստիտուտի, հ. 3, է., 1948, էջ 139։

¹¹⁷ Նույն տեղում, էջ 60։

կարծիք պաշտպանող լեզվաբանները, ըստ երեսոյթին, եկամ են միայն պատմաբաղաբական հանգամանքներից։ Ընդ ուրում, երբեմն նույնիսկ դրական երեսուց են համարում արեմբույացերներ անհետացումն ու արևելյան ճյուղի մենաշնորհի հաստատումը և կարծես խրախուսում են դեպի այդ կատարվող քայլերը։

Այս հարցին վերաբերող բոլոր կարծիքներն, ինչպես ասվեց, նույն ելակետն ունեն՝ որ գրական լեզվի երկու ճյուղերի առկայությունը հայության համար շարիք է։ Եվ ոչ ոք չի փորձել բուն այդ ելակետը քննելու՝ արդյոք իրո՞ք այդ երկճյուղությունը շարիք է կամ արդյոք այն միայն շարիք է։

Նոր գրական հայերների երկճյուղության մասին մեր նկատառումները հետեւյալն են։

1) Նոր գրական հայերների երկու ճյուղերը նիշտ չէ երկու լեզու համարել (կարելի է միայն պայմանականորեն գործածել արևելահայ լեզու, արևմտահայ լեզու անվանումները, զրանց տակ հասկանալով մի գրական լեզվի արևելահայ և արևմտահայ ճյուղեր)։ Ընդհանրապես տարբեր լեզուներ, առանձին լեզու, ինենուրույն լեզու բմբոնումները հաճախ ոչ թե լեզվաբանական, այլ հասարակական-բաղաբական կամ ազգային-բաղաբական հիմք ունեն։ Օրինակ, թե՛ համշենցիները, թե՛ դարբարադցիները իրենց հայ են համարում, և այդ պատճառով էլ նրանց մայրենի բարբառները համարվում են հայերներ, այսինքն՝ նույն լեզվի երկու բարբառներ, թե՛ այդ բարբառները լեզվականորեն իրարից շատ ավելի տարբեր են, քան, ասենք շեխերենն ու սլովակերենն։ Եթե դարբարադցին իր բարբառով խոսի, համշենցին՝ իր, նրանք միմյանց շեն հասկանա, մինչդեռ երբ մեկը շեխերեն է խոսում, մյուսը՝ սլովակերեն, միմյանց աղատ հասկանում են։ Բայց շեխերենն ու սլովակերենը տարբեր լեզուներ են համարվում։ Պատճառն այն է, որ շեխերն ու սլովակներն իրենց համարում են միմյանցից տարբեր ազգեր։

Հայ ժողովրդի պատմական-ազգային ավանդույթով մինույն հայերների տարբեր դրսեորումներ են բմբոնվում թե՛ գրաբարն ու միջին հայերներ՝ իրենց հիմք և ուղեկից բարբառներով և թե՛ արդի բարբառներն ու նրանց վրա խարըսիված նոր գրական լեզուն իր երկու ճյուղով։ Ուրեմն և էլ ա-

վելի անհամազիչ է այդ ճյուղերից ամեն մեկը մի առանձին չեղու համարող կարծիքը, որ մի ժամանակ հաճախ էր հայտրնվում:

2) Հիմք շունի նաև նոր գրական հայերենի արևմտյան ճյուղը Կ. Պոլսի բարբառ համարելը: Այդպիսի կարծիք մի ժամանակ պաշտպանվում էր (և մեծ կրթով) շատերի կողմից¹¹⁸, բայց այժմ արդեն Դուրյանի, Մեծարենցի, Վարուժանի, ամբողջ արևմտահայ մամուլի ու գրականության լեզուն ոչ ոք գավառաբարբառ չի հայտարարում (նախկին համարողները հավանաբար հրաժարվել են նման կարծիքից):

3) Անհիմն է հայ ժողովրդի երկու հատվածների՝ արևմտահայության և արևելահայության միջև ցեղային կամ ծագումնաբանական որևէ տարրերություն տեսնելը: Հայության միասնությունը փաստվում է ոչ միայն դարավոր պատմությամբ, այլ նաև այդ պատմության ամբողջ ընթացքում Հայաստանի արևելյան ու արևմտյան մասերի բնակչության բազմաթիվ փոխտեղաշարժերով: Այժմ մեր կարծիքով հայության երկու հատվածների գլխավոր տարրերի գործոնը լեզվականն է՝ գրական լեզվի երկու ճյուղերի միջև եղած տարրությունը:

4) Այդ տարրերությունը, ըստ երեսութին, շատ խոր չէ. ճյուղերից մեկը լավ իմացողը ազատ հասկանում է մյուսը: Ամենից զգալի տարրերությունը հնչյունաբանական է: Քերականական տարրերությունները ոչ մի դեպքում անհասկանի լին հասնում. օրինակ, արևմտահայ ճյուղի կով ներկան, եր-ով վաղակատարը, է-ով բացառականը, ու-ով հոգնակի ստացականը կամ նրա զինիի, զարիի, ոզիի ձեւերը և այլն միանգամայն ըմբռնելի են և հարազատ արևելահայ գրականը գործածողի համար, նույնը և արևելահայ ճյուղի ում-ով ներկան, ել-ով վաղակատարը, ից-ով բացառականը, ի-ով հոգնակի ստացականը, ինչպես և նրա զինու, զարու, ոզու, ձեւերը և այլն իրեն հայերեն ձեւեր ըմբռնելի են և հարազատ արևմտյան գրականը գործածողի համար: Անհասկանալի հայության աստիճանի լին հասնում նաև բառօգտագործման տարրերություն-

¹¹⁸ Տե՛ս, օրինակ, «Տեղեկագիր» ՀԱՆՀ ԳԱ, հաս. գիտ., 1951, № 7, «Գրական թերթ», 1951, № 22 և այլն:

ները. օրինակ, արևմտահայ գրականում ընդունված Էով-ը, ատեն-ը, աղեկ-ը, աղվոր-ը, պաղ-ը, դրացի-ն, կոնակ-ը, ակու-ն, խածնել-ը հայերեն սովորական բառեր են, հասկանալի՝ արևելահայերենը գործածողի համար, ինչպես այդ բառերի արևելյան գրականում ընդունված համանիշները՝ մոտ-ը, ժամանակ-ը, լավ-ը, վատ-ը, ցուրտ-ը, հարեվանը-ը, մեջք-ը, ատամ-ը, կծել-ը իրը հայերեն բառեր միանգամայն հասկանալի են և հարազատ արևմտյան գրականը գործածողի համար, նաև ընդունված այնտեղ:

5) Գրաբարի նկատմամբ երկու ճյուղերի դիրքերը հավասարակշիռ են: Ինչպես հայտնի է, հնչյունաբանությամբ գրաբարին ավելի մոտ է արևելյան ճյուղը, քերականությամբ՝ արևմտյանը, գրաբարի բառապաշարն օգտագործելու տեսակետից էլ դիրքերը հավասար են՝ արևելյան ճյուղն ավելի է ձգտում պահպանել բառերի գրաբարյան ձևերը, իսկ արևմտյան ճյուղը ավելի է հակված գրաբարյան հին բառերը կենդանացնելու և գործածության մեջ դնելու:

6) Ժողովրդական խոսքի նկատմամբ էլ երկու ճյուղերը գրեթե հավասարակշիռ դիրք ունեն, թեև արևմտյան ճյուղը, հավանաբար, ավելի ժողովրդային բնույթ ունի: Անհիմն է որոշ գրագետների այն կարծիքը, ըստ որի արևելյան ճյուղն ավելի ժողովրդային է, քան արևմտյանը: Իրողությունը հակառակն է: Ասում են, թե քերականությամբ ժողովրդական խոսքին ավելի մոտ է արևելահայերենը: Սա ճիշտ չէ: Արևմտյան ճյուղը քերականությամբ նույնքան մոտ է ժողովրդական խոսքին, միայն՝ արևմտյան բարբառներին, և արևմտյան դրական հայերենի քերականական մոտիկությունը գրաբարին ոչ թե ժողովրդական խոսքից նրա հեռու լինելու նշանն է, այլ այն բանի հետեանքը, որ արևմտահայ ժողովրդական խոսքն իր քերականությամբ (թեկուզ միայն հոլովումով ու խոնարհումով) գրաբարին ավելի հարազատ է մնացել:

Ինչ վերաբերում է բառաձևերին, ապա նոր գրական լեզվի արևելյան ճյուղը կրեց գրաբարի, եթե կարելի է ասել, բառաձևային ճնշումը, մինչդեռ արևմտյան ճյուղը գրեթե շկրեց նման ճնշում և շատ ավելի ազատ էր բարբառախոսակցական բառաձևեր գործածելու մեջ (հիշենք արևմտյան գրական

Հայերենի մեջ այնպիսի բառաձևերի հաստատումը, ինչպես՝ աս, ադ, ան, ասանկ, անանկ, ըլլալ և այլն, որոնց արևելահայ տարրերակները՝ էս, էդ, էն, էսպես, էնպես, ըլնել և այլն շհաստատվեցին գրական արևելահայերենում): Սրա հետեւանքով է, որ գրական հայերենի արևմտյան ճյուղն այսօր շատ ավելի մոտ է կենդանի արևմտահայ խոսքին, քան արևելյանը՝ կենդանի արևելահայ որևէ տեսակ խոսքի:

7) Հավանաբար, ճիշտ չէ այն արմատացած պատկերացումը, ըստ որի նոր գրական հայերենի երկփեղկումը միայն շարիք է: Փաստերը ցույց են տալիս, որ անհարմարությունների հետ՝ այդ իրողությունը հայության համար ունի նաև օգտակարություն: Մանրամասնելու միջոց չունենալու պատճառով՝ նշում ենք այդ օգուտներից միայն երկուսը: Նոր գրական հայերենի երկու ճյուղերը տարրեր բնույթի զարգացում ունեցան. արևմտյանը արևելյանից ավելի վաղ սկսեց լայն գործածության մեջ դրվել ու մշակվել, այն ունեցավ իր ծաղկման ու մշակման համար սուլթանական, ցարական որևէ տեսակ բռնադատումներից ու ներգործումներից ազատ կենտրոններ նվրոպայում: Այս ամենի հետեւանքով արևմտյան ճյուղով ոչ միայն ստեղծվեց հայագիտական և առհասարակ գիտական (այդ թվում բնագիտական) հարուստ գրականություն, մամուլ՝ արևելյանից շատ ավելի ծավալուն, այլ նաև՝ լիզվաշինական ավանդույթ (օրինակ՝ գիտական եզրաշինության, լեզվի մաքրության բնագավառներում): Զարգացմամբ ետ մնացած արևելյան ճյուղը 19-րդ դարում և մանավանդ 20-ում մեծապես օգտվեց ոչ միայն արևմտյան ճյուղի բառային ճոխությունից, այլ նաև բառաշինական-եզրաշինական ավանդներից (օրինակ, թեկուղ այն փաստը, որ 1920-ական թվականների սկզբներին Խորհրդային Հայաստանի լեզվաբանները, ինչպես իրենք են նշում, գիտական նոր եզրեր մշակելիս, ռառարաններ կազմելիս մեծապես օգտվել են արևմտահայերենի փորձից): Էլ ավելի է եղել հայերենը մաքուր պահելու ասպարեզում արևմտահայերենի զգաստացուցիչ դերը արևելյան ճյուղի համար:

Պատմական զարգացումը ցույց է տվել, որ տարրեր միշտայրերում զարգացած (և զարգացող) այդ երկու ճյուղե-

րը հաղորդակից անոթների են նման՝ մեկի հարստացումը նաև մյուսի ճոխացումն է:

Այնուհետև, գեղարվեստական գրականության մեջ գրական լեզվի երկճյուղությունն այն հետեւանքն ունեցավ, որ ստեղծվեցին միննույն հայ գրականության լեզվառնական երկու գիսավոր տարրերակներ, ուղիներ՝ արևմտյան և արևելյան: Այսինքն՝ երկճյուղությունը առիթ տվեց լիզվառնական, գեղագիտական բազմազանության, որը մի ազգի գեղարվեստական գրականության համար հարստություն է:

8) Ամեն դեպքում այս օգտակարությունը «շկա շարիք առանց բարիթի» արժեք ունի, և երկու ճյուղերի մերձեցման, ավելի հարազատացման խնդիրը մնում է. միայն, լավ կլինի, որ այն իրապաշտական հողի վրա դրվի:

Քանի որ երկու ճյուղերի միաձուլումն անհնար է, ուրեմն և, թվում է, պետք է համակերպվել նոր գրական հայերենի երկճյուղության փաստի հետ, նաև վնասակար համարել ամեն մի գործնական քայլ ճյուղերից մեկը վերացնելու, մյուսը միակ համազգայինը դարձնելու ուղղությամբ: Մասնավորապես արևմտահայերենը, որ Սփյուռքի հայության մեծագույն մասի գոյության միակ իրական գործոնն ու փաստն է, լավ կլինի, եթե ավելի ու ավելի լայն շրջանակում գործածվի, հայերենը մոռացած շատ-շատերի լեզուն դառնա նորից, շարունակի մշակվել, ճոխանալ գրականության ու մամուլի մեջ: Իսկ թե ինչպես կվարվի ապագայում պատմությունը, ինչպես նա կտնօրինի հայոց նոր գրական լեզվի ճյուղերից յուրաքանչյուրի բախտը, կարծում ենք, պետք է թողնել ժամանակին: Ի՞նչ հարկ կա մարգարեանալու և ճյուղերից մեկի գատապարտվածությունը նախապես որոշելու իսկ մտահոգությանն ու զանքերին, ըստ երեսույթին, այլ ուղղություն պետք է տալ՝ կարելին անել որպեսզի ճյուղերից թե՛ մյուսի գործածման ոլորտը չնեղանա և գործածողների քանակն էլ շպակասի, այլ՝ ավելանա: Ահա այս է, որ, հավանաբար, ճիշտ շի լինի թողնել ժամանակի տնօրինությանը:

Մյուս կողմից, կարծում ենք, խրախուսելի է ամեն քայլ, որը գրական հայերենի արևելյան ճյուղը ավելի հարազատ է գարձնում արևմտահայոց համար, իսկ արևմտյանը՝ արևելյահայոց: Դրան մեծապես կօգնի արևելահայ դպրոցներում

արևմտահայ խոսքին, գրողներին ավելի մեծ տեղ տալը, արևելահայ մամուլում դրական արևմտահայերենով Հոդվածներ ավելի շատ տպագրելը և այլն, ինչպես և արևմտահայ գպրոցներում, մամուլում արևելահայ խոսքին ավելի շատ տեղ տալը: Հետեւղականության դեպքում, թվում է, երկու ճյուղերի միջև լեզվատարրերի, հատկապես բառերի, եզրերի, նորակազմությունների ավելի մեծ փոխներթափանցումներ կատարվեն և, հավանաբար, կկանխվի երկու ճյուղերի միմյանցից ավելի հեռանալը, որ դիտվում է:

Այս տեսակետից օգտակար կլիներ նաև ուղղագրական բաժանումի վերացումը, անշուշտ, դասական ուղղագրության հիմքի վրա (որ նշանակում է դասական ուղղագրության գոնե հիմնական տարրերի վերականգնում):

Մ Ա Տ Ե Ն Ա Գ Ի Տ Ա Ւ Թ Յ Ո Ւ Խ

1. ԱՂՋԱՌՈՒՐՆԵՐ

- Մաշտոցի անվան Մատենադարանի ձեռագրեր, № № 108, 488, 1662-1749, 2950, 8443, 8716;
- «Աղջարար», 1794—1796;
- Արհեստ համարողութեան, Մարսել, 1675;
- Գիրք դպրութեան և տաղարան վայելուց, Կ. Պոլիս, 1738;
- Գիրք դպրութեան և տաղարան վայելուց և գեղեցիկ, Կ. Պոլիս, 1723; Եղիա Կարսեցու Դիվանը, Ե., 1968;
- Երեմյան Ա., Պարսկահայ աշուղներ, Թփղիս—Թեհրան, 1930;
- Զաքարիա Աղուլեցու օրագրությունը, Ե., 1938;
- Խճճինյան Ղուկաս, Տեսութիւն համառոտ հին և նոր աշխարհագրութեան, Վենետիկ, 1791;
- Կարճառոտ քրիստոնէական, Տրիեստ, 1788;
- Հայեակ և Նէմէցնեակ, Տրիեստ, 1788;
- Հովհաննան Խաղաշ, Բանաստեղծություններ, Ե., 1951;
- Հովհաննես Հոյով Կոստանդնուպոլսեցի, Պարզարանութիւն Հոգենուագողմուացն, Վենետիկ, 1687;
- Ղուկաս Վանանեցի, Գանձ շափոյ, Կշռոյ, Թւոյ և դրամից բոլոր աշխարհի, Ամստերդամ, 1699;
- Մխիթար Մերաստացի, Գիրք քրիստոնէական, Վենետիկ, 1771;
- Խոյնը, Գուռն քերականութեան..., Վենետիկ, 1727;
- Հակոբ Խալյան, Գիրք Կոշեցեալ զէն Հոգեոր, Կ. Պոլիս, 1757;
- Խոյնը, Գիրք Կոշեցեալ քրիստոնէական, Կ. Պոլիս, 1737;
- Երյողեր Յ., Արամեան լեզուին գանձը, Ամստերդամ, 1711;
- Պադտասար Դավիթ, Տաղարան փոքրիկ, Կ. Պոլիս, 1768;
- Խոյնը, Տաղարանիկ, Կ. Պոլիս, 1768;
- Սահակյան Հ., Հայ աշուղներ, XVII—XVIII դարեր, Ե., 1961;
- Սարաֆյան Կղենապատրա, Բանալի գիտութեան, Մոսկվա, 1788;
- Սյուրմելյան Խաշատուր, Համառոտ թուարանութիւն աշխարհարառ, Վենետիկ, 1788;
- Ստեփանոս Դաշտեցու բանաստեղծությունները: «Տեղեկագիր» ՀՍԽՀ ԳԱ, Հաս. պիտ., 1956, № 12, էջ 106—114;
- Տետրակ, որ կոչի ակնոց աշաց սրտի, Կ. Պոլիս, 1780.

2. ՕԺԱՆԴԱԿ ԳՐԱԿԱՆՈՒԹՅՈՒՆԻՆ

Արեդյան Մ., Գուսանական ժողովրդական տաղեր, Հայրեններ և անտունիններ, Ե., 1940:

Նույնը, ժողովրդական խաղիկներ, Ե., 1940:
 Նույնը, Մեր գրական լեզվի միության խնդիրը՝ «Արարատ», 1906, էջ
 37—40:
 Նույնը, Հայոց հին գրականության պատմություն, դիրք 2, Ե., 1946:
 Արքանամյան Ա., Հայերենի դերայները և նրանց ձևաբանական նշա-
 նակությունը, Ե., 1953:
 Ալպօյանյան Ա., Պատմություն Հայ գպրոցի, հ. 1, Կահիրե, 1945:
 Աղայան Է., Հայ լեզվարանության պատմություն, հ. 2, Ե., 1962:
 Նույնը, Հայոց լեզվի մշակման ու հարստացման և բարբառերի դերի
 մասին: «Առվետ. գրակ.», 1963, № 6:
 Նույնը, Մեղրու բարբառը, Ե., 1954:
 Նույնը, Սովետահայ լեզուն որպես Հայ ժողովրդի համազգային լեզու՝
 ՀՍՍՀ ԳԱ լեզվի ինստ.-ի «Աշխատութ. ժող.», հ. 3, 1948, էջ 125—159:
 Անայան Հ., Լիակատար քերականություն Հայոց լեզվի..., հ. 4, դիրք
 թ, Ե., 1961:
 Նույնը, Հայ բարբառագիտություն: «Էմինյան ազգագրական ժող.», հ.
 8, Մոսկվա—Ե. Խախիչնան, 1911:
 Նույնը, Հայոց լեզվի պատմություն, մաս 2, Ե., 1951:
 Նույնը, Պատմություն Հայոց նոր գրականության, Վաղպատ, 1906:
 Նույնը, Թնություն Ազուլիսի բարբառի, Ե., 1935:
 Նույնը, Թնություն Ղարաբաղի բարբառի, Վաղպատ, 1901:
 Նույնը, Թնություն նոր Զուղայի բարբառի, Ե., 1944:
 Նույնը, Թնություն պոլսահայ բարբառի, Ե., 1941:
 Անմեյան Վ., Գրական արևմտահայերենի ձևավորումը, Ե., 1971:
 Այտրենյան Ա., Թնական քերականություն աշխարհաբար կամ արդի
 հայերեն լեզվի՝ հանդերձ ներածությամբ և հավելվածով, Վենետիկ, 1866:
 Ասատրյան Մ., Արմենիայի (Խոյի) բարբառը, Ե., 1962:
 «Խորդին Վ.», Հեղեցրոպական լեզվարանությունն այսօր: «Վոպրոսի յա-
 զիկովնանիյա», 1975, № 5, էջ 3—5 (ռուսերեն):
 Գիրք վայելու և հարկաւոր հանուրց հայկագունեաց բարեսիրաց, Մար-
 տի, 1675:
 Գյուլբողաղյան Ս., Հայերենի ուղղագրության պատմություն, Ե., 1973:
 Դավթյան Հ., Աշխարհաբար զիրքը Հայ տպագրության սկզբից մինչև
 1850 թվականը, Ե., 1964:
 Զարբինալյան Գ., Հայկական մատենագիտություն, Վենետիկ, 1883:
 Նույնը, Պատմություն Հայկական տպագրության, Վենետիկ, 1895:
 Թորոսյան Հ., Արևմտահայ աշխարհաբարի ծագումը և զարգացումը,
 Բոստոն, 1961:
 Թումանյան Է., Ակնարկներ նոր Հայերենի հոլովական ձևերի պատմական
 զարգացման, Մոսկվա, 1962 (ռուսերեն):
 Ղազարյան Ս., Հայոց լեզվի պատմություն, Ե., 1954:
 Ղազիկյան Ա., Հայկական նոր մատենագիտություն, Վենետիկ, 1909—
 1913.

Մեացականյան Ա., Հայկական միջնադարյան ժողովրդական երգեր, Ե.,
 1956:
 Շահբաղյան, Տ., Արևմտահայ աշխարհաբարի առաջացումը, Ե., 1963:
 Չամշյան Մ., Պատմութիւն Հայոց, հ. 3, Վենետիկ, 1786:
 Պետրոսյան Գ., Մաթեմատիկան Հայաստանում հին և միջին դարերում,
 Ե., 1959:
 Գ. Սեակ, Ժամանակակից հայերենի համառոտ պատմություն, Ե.,
 1948:
 Վանցյան Գ., Պատմական քերականություն արևելահայ լեզվի, Թփղիս,
 1906:
 Խանուկյան Գ., Հայ բարբառագիտության ներածություն, Ե., 1972:
 Նույնը, Հայ լեզվարանական միտքը և նոր հայերենի հարցերը 18—19-րդ
 դարերում, Ե., 1955 (ռուսերեն):
 Նույնը, Հայոց լեզվի զարգացումը և կառուցվածքը, Ե., 1969:
 Տեր-Հովհաննյան Հ., Պատմութիւն նոր ջուղայու, որ յԱսպահան, Ե.
 Չուղա, 1880:
 Մամուլ, ժողովածուներ. «Աշխատությունների ժողովածու», ՀՍՍՀ ԳԱ
 լեզվի ինստ., հ. 3, «Ասպիրանտական գիտ. աշխ. ժող.» և. Արովյանի անվ.
 մանկ. ինստ., № 8, պ. 2, 1975, 1948: «Բանքեր Սրբանի համալսարանի»,
 1971, № 1, էջ 57—70: «Գիտ. աշխ. ժողովածու» Հայկ. հեռ. մանկ. ինստ.,
 1960, № 6, մաս. 2, էջ 26—35: «Գրական թերթ», 1951, № 22: «Էրարեր
 հասարակական գիտությունների», 1972, № 1, էջ 40—50: «Հանդես ամս-
 օրյա», 1927, սյունակներ 28—36, 126—138, 237—249, 367—375, 493—
 501: «Սովետական գրականություն», 1974, № 9, էջ 155—199, 1975, № 12,
 էջ 124—129: «Սովետական Հայաստան», 1969, № 170: «Տեղեկագիր»
 ՀՍՍՀ ԳԱ հաս. գիտ., 1951, № 7:

ԱՆՁՆԱՆՈՒՆՆԵՐԻ ՑԱՆԿ

Արեգյան Մանուկ—15, 136, 146
 Արիստոդ—81, 87
 Արովյան Խաչատրուր—14, 15, 35, 119
 Արքահամ (նահապետ Հրեից)—81
 Արքահամյան Աշոտ (լեզվաբան) — 60, 147
 Արքահամյան Աշոտ (պատմաբան) — 114, 116, 118
 Աղամ—81
 Ալպոյանյան Արշակ—67, 68, 147
 Աճառյան Հրաշյա—15, 16, 33, 66, 91, 100, 136, 147
 Աճեմյան Վանուհի—147
 Աղայան Էղուարդ—17, 136, 137, 139, 147
 Աժիրդովիթ Ամասիացի—14
 Այգագովսկի Գարրիել—15
 Այտրնյան Արսեն—15, 22, 147
 Անանիա Շիրակացի—38
 Ասատրյան Մանվել—60, 147
 Աստվածատուր Ագուեցի—101
 Ավետիք Դիմենց—46
 Արա Գեղեցիկ—111
 Արգունի Նորդուղայեցի—28
 Արծրունի Գրիգոր—136
 Գեղրդիկ Վ.—5, 147
 Գևորգյան Լարիսա—119
 Գյուլբուղաղյան Սիրաբ—40, 147
 Գրիգոր Նարեկացի—50
 Գավիթ Մարգարե—72, 74, 76, 81, 85, 87
 Գավթյան Հայկ—34, 147
 Գուրյան Գևորգու—141
 Կղանյան Ա.—43

Եղիա Խոտորչեցի (Կարնեցի)— 114, 115, 116, 117, 118, 119, 146
 Եղիազար Այնթափցի (Կաթողիկոս) — 72, 74
 Երեմյան Արամ—146
 Զարբհանալյան Գարեգին—33, 67, 68, 69, 70, 147
 Զարարիա Ագուեցի—33, 35, 36, 37, 146
 Զաքարիա Քանաքեռցի—38
 Էգագ Նորդուղայեցի—29
 Էլիզար (Վաճառական) — 114
 Թագեռու Համազասպյան Երկանեցի—99
 Թաշմագ Շահ—117
 Թոմա Ագուեցի—101
 Թոմա Կեմպացի—70
 Թորոսյան Հ.—147
 Թումանյան Էթերի—17, 147
 Ինձինյան Ղուկաս—128, 132, 146
 Լևոնյան Սողոմոն—46, 99
 Լուղովիկոս 14-րդ—46
 Խաչատրուր Զուղայեցի—105
 Սատուր—123
 Կաժյան Վալենտինա—35
 Կէափիուս Քր.—67
 Կիեռպատրա Մարաֆյան — տե՛ս Մարաֆյան Կիեռպատրա
 Կոստանդ Զուղայեցի—42, 43

Հակոբ Մեղապարտ—34
 Հակոբ Նայյան—128, 129, 130
 Համազասպյան Թագեռու — տե՛ս Թաղեռու Համազասպյան Երեմանցի
 Հարություն Շմավոնյան Եիրազ-ցի—127

Հերովդես—85
 Հիսուս Քրիստոս—73, 81, 87
 Հովհաննես Հովով Կոստանդուպոլսկի—15, 68, 69, 70, 71, 72, 73, 74, 75, 91, 93, 94, 96, 98, 99, 100, 101, 146
 Հովհաննես Նաղաշ—28, 111, 112, 146
 Հովհաննես (Խոկարիովացի) — 80, 81

Ղազար—123
 Ղազարյան Սեբոր—34, 147
 Ղաղիկյան Արսեն—33, 68, 69, 70, 147
 Ղուկաս Վանանդեցի—35, 105, 146

Մանդինյան Ստեփան—15, 136
 Մանսուր Խան—36
 Մատթեոս Հովհաննեսիսյան Վանանդեցի—46, 99
 Մելքոն Ճղոսի—36
 Մեծարենց Միսաք—141
 Մեսրոպ Մաշտոց (Մաշտոցի անվ.) — 40, 42, 46, 98
 Միխիթար Գոյ—40
 Միխիթար Սեբաստացի—15, 125, 126, 127, 128, 146
 Միխիթարյաններ (Վիեննա) — 116
 Միխիթարյաններ (Տրիեստ) — 128
 Մնացականյան Ասատրուր—148

Նաղարյան Ստեփանոս—14, 15
 Նալբանդյան Միքայել—14, 15
 Նալյան Հակոբ — տե՛ս Հակոբ Նալյան

Նահապետ Գունազար Ագուեցի— 72—75, 101
 Նաղաշ Հովհաննես — տե՛ս Հովհաննես
 Ներսես Համբըռնացի—50

Շահրազյան Տ.—148
 Շամիրամ—111
 Շանթ Լևոն—136
 Շերյաղանյան Գալուստ—28
 Շրյողեր Յոհան—98, 120, 121, 122, 123, 124, 125, 127, 146

Ռոկան Երևանցի—46, 69, 98, 99
 Ռոկյան Համազապ—116, 117, 118

Զամշյան Միքայել—148
 Զերազ Մինաս—15, 135
 Զոպանյան Արշակ—136
 Պաղտասար Դպիր—146
 Պատկանյան Գարրիել—15
 Պատկանյան Բաֆայել—14, 15
 Պատկանյան Քերովքը—22
 Պետրոս Զուղայեցի—105
 Պետրոս Վարդապետ—36
 Պետրոսյան Գարեգին—39, 40, 67, 68, 148
 Պիղատոս Պոնտացի—85

Զահուկյան Գևորգ—17, 22, 91, 148
 Զահակյան Հասմիկ—29, 146
 Զարաֆյան Կղեռպատրա—127, 133, 134, 146
 Սեակ Գուրգեն—17, 148
 Սեֆիդովի Խան—36
 Սկրյողեր — տե՛ս Շրյողեր Յոհան
 Մտեփանոս Դաշտեցի—28, 108, 109, 110, 111, 146

Այուրմելիյան հայատուր—128, 131,
132, 133, 146
Սուլեյյան շահ—36

Վանանդեցիներ—105, 120
Վանցյան Գրիգոր—33, 136, 148
Վարուժան Դանիել—141

Վեմյան Խ.—136

ՏԼԺիբիկաղյան Եղիա—135
Տեր-Հովհաննյան Հ.—148
Տերյան Վահան—99
Բաֆֆի—14

ՏԵՂԱՆՈՒՆՆԵՐԻ ՑԱՆԿ

Ազուլիս—18, 23, 32, 36, 60, 66,
125, 147

Ակն—23, 60

Ամիդ—118

Ամստերդամ—35, 105, 120, 146

Այնձար—6

Անառողիա—126

Անի—23

Առղեալ—23

Ասիա—32

Աստրախան—23, 60, 118, 119

Ասրաբադ—36

Արակիր—60

Արագածոտն—23

Արարատյան դաշտ—23, 24, 99

Արդվին—25, 60, 102

Արենելյան Հայաստան—տե՛ս Հայաստան Արենելյան

Արենելք—32

Արեմտյան Հայաստան—տե՛ս Հայաստան Արեմտյան

Արևմուտք—32

Արթիկ—103

Արցախ—23, 50, 60, 62, 66

Բաղդադ—118

Բարձր Հայք—117

Բեյլան—23

Բեյրութ—6

Բոստոն—147

Գալիցիա—23, 24

Գանձակ—114, 118, 119

Գողթան գավառ—46

Գաշտ—36, 37

Գավրիել—տե՛ս Թավրիզ

Եվդոկիա—60

Եվրոպա Արևմտյան—67

Եվրոպա—32, 119, 143

Երևան (Քնարքում նաև Ե.)—6,
36, 46, 62, 114, 115, 118, 129,
139, 146, 147, 148

Երգնկա—60

Զանգեզուր—60, 62

Զեյթուն—23

Զմյուռնիա—60, 100

Էջմիածին—31, 46, 47, 69

Էրզրում—տե՛ս Կարին

Թավրիզ—117, 118

Թիգրիս—18, 25, 30, 33, 56, 59,
60, 66, 102, 118

Լենինական—6

Լիբանան—6

Լիսն—106

Լոռի—7, 50

Խարբերդ—23, 60

Խոյ—23, 26, 60

Խոտորքուր—23, 24, 117, 118

Խորհրդային Հայաստան—143

Կահիրե—67, 147

Կարին—18, 23, 60, 91, 100,
114, 118, 120, 126, 128, 129,

130, 132, 141, 146

Կրման—118

Հալեպ—44

Համշեն—23

Հայաստան—23, 24, 143

Հայաստան Արենելյան—10, 23, 100,
141

Հայաստան Արևմտյան—23, 100,
127, 133, 139, 141

Հայք—23

Հնդկաստան—31, 107

Հռոմ—123

Ղարաբաղ—23

Ղրիմ—23

Մաղրաս—134

Մալաթիա—60

Մարագա—26

Մարսել—33, 46, 47, 48, 67, 69,
99, 146, 147

Մարտունի—6

Մեծ Հայք—23

Մեղրի—23, 60

Մոսկվա—107, 118, 146, 147

Մուշ—23, 60

Նիկոմեդիա—60

Նոր Նախիջեն—60, 147

Նոր Ջուղա—18, 23, 28, 29, 30,
31, 32, 36, 37, 42, 44, 45, 46,

50, 60, 62, 66, 117, 118, 120,

147, 148

Շամախի—23, 60, 118

Շապիկ Գարանիսար—60

Պարսկաստան—117, 118, 119

Պետերբուրգ—133

Պորտուգալիա—107

Ջուղա—23, 108

Ռաշտ—118

Ռոդոսի—60

Ռուսաստան—118, 134

Սասուն—23

Սեբաստիա—23, 60

Սյունիք—23, 60, 62

Սպահան—36, 148

Սվեդիա—7, 23

Սփյուռք—144

Սուլավա—60

Սուրաթ—107

Մ. Թոմայի վանք—36

Մ. Ղազար (Կղզի)—126

Մ. Մարգիս (Վանք)—46, 47, 69

Վաղարշապատ—136, 147

Վայոց Ճոր—23, 24

Վան—23

Վենետիկ—33, 34, 69, 72, 73,
126, 127, 128, 131, 146, 147,
148

Վիեննա—116

Տիգրանակերտ—23, 60

Տրանսիլվանիա—տե՛ս Առղեալ

Տրավիգոն—60

Տրիեստ—128, 146

Ուրմիա—23, 26, 60

Փարիզ—106

Ֆրանսիա—106

ԲՈՎԱՆԴԱԿՈՒԹՅՈՒՆ

Հայոց երեխ գրական լեզուները	3
«Աշխարհաբար» անվանումը	14
Նոր գրական հայերենի ասպարեղ դալը	15
Նոր շրջանի հայ բարբառները	21
17-րդ դար	
17-րդ դարի գուսանական աշխարհաբարը	28
17-րդ դարի նոր գրական հայերենը գրավոր ու տպագիր խոսքի մեջ	31
17-րդ դարի նոր գրական հայերենն իրոն գրավոր շափածոյի լեզու	108
18-րդ դար: Խայ գրական հայերենի երկիրեամբ	112
Մատենագիտաւորյան	145
Անձնանունների ցանկ	
Տեղանունների ցանկ	

Հրատ. խմբագիր՝ Հ. Ա. Հարուրյանյան
Նկարիչ՝ Կ. Կ. Ղաֆաղարյան
Գեղ. խմբագիր՝ Ն. Ա. Թովմանյան
Տեխն. խմբագիր՝ Ս. Ա. Ղալրախյան
Վերստ. սրբագրիչ՝ Ա. Վ. Ղազարյան

ՆԿԱՏՎՈՒՄ ՎՐԻՑԱԿԵՆԵՐ

Ըլ	Տար	Տողած է	Պատր. է լինի
5	4, 6	շուրջ ուժատութ	շուրջ ուժ
12	9-օպագատկեր	8—10 հոգար	6—7 հոգար

ԽԲ 325

ԽԲ 32

ՎՖ 03611. Գատվեր 1694 Տպագանակ 20
Հանձնված է արտադրություն 21/XI 1978 թ., Ստորագրված է տպագրության 31/I 1979 թ., Թուղթ՝ № 1, 84×108^{1/32}. Հրատ. 6,85 մամուլ, Տպագ 4,75 մամուլ = 7,98 պալմ. մամուլ, Գինը՝ 35 կոպ.

Երևանի համալսարանի հրատարակչություն, Երևան, Մուսյան փող. 2

ՎՖ 03611. Заказ 1694 Тираж 20
Сдано в производство 21/XI 1978 г. Подписано к печати 31/I 1979
Бумага № 1, 84×108^{1/32}. Изд. л. 6,85. Печ. л. 4,75=7,98 усл.
Цена 35 к.

Издательство Ереванского университета, Ереван, ул. Мраинян, 1
Երևանի համալսարանի տպարան, Երևան, Արտվյան փող. № 32.
Типография Ереванского университета, Ереван, ул. Абоянц. 52.

8/11/19
h-68

Ռ.Ա. ԻՇԽԱՆՅԱՆ

ՆՈՐ
ԳՐԱԿԱՆ
ՀԱՅԵՐԵԼ
XVII - XVIII դդ.

ԵՐԵՎԱՆ